

**ZOOPAIDEIA, SEU
MORUM A BRUTIS
PETITA
INSTITUTIO
ORDINE...**

Antoine : de Balinghem





Ex Bibliotheca
majori Coll. Rom.
Societ. Jesu


71
5


50
3

5 C 5
C C 5

19.

Ant. de Balinghem
monum à Bruti
petita in/hibito





ΖΩΟΠΑΙΔΕΙΑ,

SEV

MORVM ABRVTIS
PETITA INSTITVTIO

ordine alphabetico

TVM VIRTVTVM, TVM VITIORVM,

AVTHORE

R. P. ANTONIO DE BALINGHEM
Societatis IESV.

*Opus non iniucundum, ex Sacris &
Prophanis collectum.*



AVDOMARI.

Ex Typographia CAROLI BOSCARDI
sub Nomine I E S V.

ANNO M. DC. XXI. +

14-18-H-19





CANDIDO LECTORI

S. P.



*S S E mundum
istum magni in-
star libri, in quo
non modò rerum
omnium cōditoris
tum potentiam,
tum sapientiam,
tum bonitatē cui-
libet quantumvis
agresti homini,*

*atq; inerudito legere liceret, sed eius item
lectiōe in omni virtutū genere institui,
sapientes plerique existimarunt. Quod
quidem ita verum est, ut nulla ita despi-
cata, ita pusilla existat creatura, quæ si
penitus inspiciatur, non aliquam tradat
vitæ rectè gerenda instituendæque disci-
plinam. De Gregorio quidem cognomento*

Chrys.
Homilia
in Psal.
110. ad
vers. 2.

In eius
vita.

P R A E F A T I O

Theologo memoria proditum est, solitum illum ex re qualibet morata vita documenta elicere, atque singula quae tum audiret tum videret ipse, ad morum informandorum disciplinam conuertere. Quod emulati, sanè non pauci sunt, qui cum Christianam perfectionem professi, continenter in virtutum studium incumberent, nullum abire sibi tempus sinebant, quo non ex rerum creatarum consideratione fructum aliquem spiritua-lem colligerent.

Atque ea est longè utilissima, & multò facillima ratio eius exercitatio-nis (quae est de continua Dei memo-ria) obeunda, quam quidem tanto stu-dio tum sacra littera, tum sancti Patres enixèque commendant. Verè enim ille & fructuosè Dei meminit, qui ita eum in suis operibus praesentem cernit, ut ex eorum intuitu sibi virtutem inprimis colendam, vitium autem fugien-dum ediscat. Verum si res quaevis quam molitus est naturae author, quanquam vilis & exigua, vita est magistra, at-que morum institutrix; quantò id ube-rius

rius atque perfectius res illæ præstabunt, quæ cum perfectiorem sortita sint naturæ gradum, propius etiam à suo conditore absunt, cui & virtutum suarum in ijs nonnulla vestigia exstare placuit? Atque ut quo discrimine mortalium generi virtutem tradant, tum res sensus expertes, tum quæ eo instructæ sunt perfectius intelligatur, ita statuo. A rebus uniuersis atque adeò singulis, seu simplices eæ sint seu mixtæ, seu animatæ, seu inanimatæ, vitæ atque virtutum documenta per quandam moratam accommodationem, atque factam proportionem quadam applicationem duci possunt atque deriuari: verum ab ijs rebus quæ sensibus tum exterioribus, tum interioribus sunt præditæ, non ducitur ista morum doctrina per hanc solum accommodationem: sed ex eo item quod verè ab ipsis exercetur. Quod quidem sic explico.

Terræ intuitu docemur Domino Deo Optimo atque Maximo immobiliter adhaerescere, dum eam in centro suo immobilem perseuerare deprehendimus.

P R A E F A T I O

At id tantum accommodatione quadam docetur, & rei similitudine, non proprietate, neque enim terra Deo immobiliter adhaeret. Verum quam illud ipsum dispare modo, eoque nobiliore docemur à cane leporario, qui Domino suo quem peregrè abeuntem sequitur ita adhaeret, ut nulla neque vi, neque metu, neque blanditijs ab eius possit latere diuelli? Canis igitur domino suo, à quo educatur, verè & constanter adhaeret; terra autem non domino, at centro suo, neque illi ipsi vero amore cui praeit cognitio, sed natura pondere coniungitur. Quare longe alia ratione atque efficaciori, docet canis hominem, Deo à quo alitur adhaerere, cum ipse prior id vere obeat, quod homines docet. Quàmquam id fatendum est, ab animalibus peti doctrinam morum atque humanae vitae praecepta, non tantum ex ijs quae verè obeunt ipsa, sed etiam per accommodationem & applicationem. Exempli causa ex eo quod struthio camelus ferrum deuoret, eoque nutriatur, docemur dura atque aduersa quaeque perpeti, eaque in usus nostros alimentumque spiritus, atque meri-

torum

torum accessionem conuertere : at doctrina ista non sumitur ex eo quod Struthio-camelus id faciat ipse quod docet, (neque enim is aduersa æquopatitur animo) sed sumitur ex quadam similitudine atque applicatione eius quod facit, ad id ad quod docendum accommodatur : sicut enim se habet ferrum ad Struthio-camelum, sic se habet aduersitas ad hominem : quemadmodum igitur ille ferro pascitur, ita & hominem conuenit tanquam ferro, rebus aduersis pasci, nedum in ijs deficere.

Atque ex duabus istis quæ brutis insunt doctrina rationibus, priorem tanquam naturæ rerum magis consentaneam, neq; ab humana commentatione pendentem, tanquam voluptatis plenior, denique tanquam maioris efficacitatis toto isto opusculo sumus, pauculis exceptis, secuti: Quam etiam eo studio maiore sumus tradere aggressi, quod qui id ex professo & paullo fusius, ut argumenti ubertas iure suo postulabat præstiterit, hæcenus viderim neminem, cum posteriorem illam non pauci, atque in cæteris optimè atque copiosissimè Frater Ioānes à Geminiano sa-

PRAEFATIO

In sum-
ma de
exēplis
& simi-
litudini-
bus.

cri ordinis Prædicatorum profecuti sint. Scripsere quidē DD. Basilius atque Ambrosius multa, quæ huc pertinent, quæ nostra memoria mutuatus ab ijs est (quod & ingenue agnoscit) Frater Ludouicus Granatensis vir ex eadem sanctissima familia æterna dignus memoria : sed tam illi quam hic angustius quam rei dignitas utilitasque exigeret ; quamquam amplè satis pro eo quod sibi proposuerant. Id enim ab ijs agebatur , vt præcipuis in medium productis animantibus , Deum earum esse authorem , summaq; eas prouidentia administrare demonstrarent. Equidem tãti viri imitatione quæ in rem meam faciebant , ab ijsdem Basilio atque Ambrosio (qui quæ prius ille græcè , eadem neque penè aliud hic , latinè reddidit) deprompsit : cætera verò quæ quidem ad historiam faciunt , animaliumque continent mores , ab alijs omni fide longè dignissimis authoribus , quorum nomina plurimùm afferro , me mutuo sumere oportuit : ubi enim de historia agitur , eorum standum est auctoritati , qui eam conscribere , neque propriæ inuentioni locus est ullus : quæ autem

anno-

AD LECTOREM.

annotationibus continentur, ea ferè priuatum studium sacrarum litterarum, sanctorumque Patrum, assiduaque commentatio expressit.

In quibus quidem vereor ne id minus probeatur quod commemorato aliquo brutorum virtutis exemplo, sæpius ingeram pudendum esse homini se ab ea inopem, adcoque brutis deteriorem existere. Verum id feci imitatione sanctorum Patrum, quos supra attuli, Chrysostomi item atque Augustini, qui omnes identidem illud ipsum hominibus exprobrāt. Quin & in ista ipsa re authorem habeo Dei Spiritum, qui tum ad formicam, pigrum, tum incuriosos atque futurorum improuidos Iudeos ad miluum, ad turturem, ad ciconiam amandat. Cur id. quæso nisi ut eos sui ipsorum pudeat, dum sese aduertunt, animantibus istis, diligentia, labore, atque futurarum rerum præensione inferiores existere. Et sanè quod brutorum moribus recensendis spectatur maximè, id est, ut mortales pudore afficiantur, sibi eas abesse virtutes quibus instructa sunt bruta. Cum igitur iste
animi

P R A E F A T I O

animi motus , pudor scilicet , in primis concionatori sit commouendus , nemo iure mirabitur si ut id præstet , & quemadmodum præstet , ei crebrius inculcetur : præsertim cum omnis labor iste scribendi in eius ferè vnius gratiam sit à nobis susceptus , quò ipse maxima qua fieri possit energia , vi , atque efficacitate , coronam tum ad virtutes expetendas , tum ad vitia declinanda cohortetur.

Ad cohortandum autem , si Quintiliano credimus , præcipuè valent imparia. Quare si ad fortiter faciendum accendatur aliquis , non tantum asseret momenti Horatius & Torquatus , quantum illa mulier , cuius manu Pyrrhus est interfectus. Et ad moriendum non tam Cato & Scipio , quam Lucretia , ex qua argumentum conficitur ex minoribus ad maiora. Quæadmodum & ex exemplis , aut similibus , quæ à brutis ducuntur , si exempla ipsa ad hominem accommodentur . Quæ quidem argumentandi ratio ad permouendos animos , ruboreque eum qui audit perfundendum valet in primis : si enim ea , quibus est rationis usus à natura denegatus ,
iuste,

AD LECTOREM.

*iustè, fortiter, temperanter, providè aliquid agant, quam erit indignum eum qui rationis sit compos, iniustum, timidum, intemperantem improvidum existere? Hac habebam, Candide Lector, de quibus principio te monendum existima-
bam, quibus pauca subyciam, quæ te le-
gentem fortè remorari possent, atque ea
ad capita potissimum duo reducuntur.
Vnum est ut ostendatur nihil in brutis ra-
tionis inesse, alterum non esse incredibilia,
verum summa fide digna, quæ toto isto
opusculo afferuntur, quanquam negari
non possit pleraque de ijs permira
existere.*

Ego

Ego infraſcriptus Societatis I E S V in Gallo-belgica Prouincialis, iuxta priuilegium à Sereniffimis Principibus noſtris Alberto & Iſabella eidem Societati noſtræ conceſſum quo Bibliopolis omnibus prohibetur, ne libros ab eiufdem Societatis hominibus compoſitos abſque Superiorum permiſſione imprimant; Facultatem do Carolo Boſcardo Typographo vt librum cui titulus eſt Ζωωταξία, ſeu morum à brutis petita inſtitutio ordine alphabetico tum virtutum tum vitiorum, à R. P. Antonio de Balinghem eiufdē Societatis compoſitū, ad ſex annos proximos imprimere & liberè diſtrahere poſſit. Datum Inſulis 12. Martij 1621.

FLORENTIVS DE MONTMORENCY.

Ego infraſcriptus Societatis I E S V Sacerdos, pro facultate à Reuerendiſſ. D. Epifcopo Audomarenſi conceſſâ, teſtor me librum, cui titulus Ζωωταξία, ſeu Inſtitutio morum à brutis petita, à R. P. Antonio de Balinghem eiufdem Societatis compoſitum perlegiſſe; eundemque nihil bonis moribus, aut ſana doctrina contrarium; ſed plurimū vtilis & iucunda cognitionis in ſpiritualem animæ uſum continere. Datum Audomari 29. Iulij 1621.

IOANNES GOVBAVLT
Theologiæ moralis Profeſſor.

INDEX TITVLORVM.

B Ruta neque ratione neque virtute prædita esse, licet vtriusque vestigia in ijs insint. pagina 1.

Quamobrem sint brutis ab authore naturæ impressa rationis ac virtutum vestigia. p. 6.

De fide ijs quæ toto isto opusculo traduntur adhibenda. p. 13.

A

Acceptio personarum. pag. 27.

Aduersitas. p. 31.

Adulter. Adulterium. pag. 44.

Amicitia. pag. 58. *Vide* Charitas, Consortiū, Aduersitas.

Anima. p. 63. *vide* Peccatum.

Auaritia. p. 85.

C

Castitas. p. 98 *vide* Adulterium, Luxuria, Voluptas, Virginitas.

Charitas. p. 115. *vide*

Hospitalitas, Concordia, Amicitia, Gratia.

Clementia. p. 163. *vide* Vindicta.

Compassio. p. 168.

Concordia. p. 170. *vide* Charitas, potissimum §. 10. Societas.

Coniuges. p. 184. *vide* Adulterium.

Consortium. p. 188. *vide* Amicitia.

Constantia. p. 191.

Contéplatio. p. 194. *vide* Oratio, Vigilia.

Contumelia. p. 206. *vide* Patientia.

Crudelitas. p. 207.

Curiositas. p. 213.

D

Dæmon. p. 223.

Deliciæ. p. 230.

Deus. p. 231.

Dignitas. p. 236.

E

Ebrietas. p. 238. *vide* Gula, Sobrietas.

Educatio. p. 242. *vide* Nobis.

I N D E X.

Nobilitas, Obedien-
tia, Clementia, § 4.
Mansuetudo.

Eleemosyna. p. 257.

F

Fides seu Fidelitas, *vide*
verbo Amicitia &
Gratitudo.

Filij. p. 261.

Furtum. p. 272. *vide*
Auaritia.

G

Gemitus. p. 279.

Gratia seu Gratitudo,
p. 281.

De volucrum gratitu-
dine. p. 302.

De Aquatiliū gratitu-
dine. p. 307.

Annotatio generalis ad
vniuersa quæ haſte-
nus dicta ſunt de ani-
malium gratia. p. 310

Gula. p. 314. *vide* Ebrie-
tas, Sobrietas, & Pa-
tientia. § 2.

H

Homicidium. p. 322. *vide*
Crudelitas.

Homo. *vide* Animus,
Nobilitas.

Honor, Honorare. p. 325

Hospitalitas. p. 326.

Humilitas. p. 333.

Hypocrisis. p. 333.

I

Ieiuniū. p. 336. *vide* Ebrie-
tas, Gula, Sobrietas.

Inconstantia, *vide* Con-
stantia.

Iniuria. Iniuriū eſſe. p.
337. *vide* Magnanimi-
tas, Vindiſta, Patien-
tia, Auaritia, § 2. in
Annotatione.

Inuidia. p. 352.

Iracundia. p. 359. *vide*
Crudelitas, Mansue-
tudo, Vindiſta.

Iudex, *vide* Charitas, §
9. in Annotatione.

L

Labor. p. 360. *vide* Otiū,
Magnanimitas, § 2.
in Annotat.

Laus diuina. p. 378.
vide Muſica.

Liberalitas, *vide* Auari-
tia, Eleemosyna.

Libido. *vide* Voluptas,
Luxuria.

Luxu-

TITVLORVM.

Luxuria. p. 383.

M

Magnanimitas. p. 391.

vide Vindicta.

Manfuetudo. p. 407.

vide Clementia.

Mors. p. 409.

Mortificatio. p. 411. *vide*
verbo Castitas. § 2.

Mulier. p. 414.

Mundities. p. 415.

Mundus. p. 418.

Musica. p. 421. *vide*
Laus Dei.

N

Nobilitas. p. 428.

O

Obedientia. p. 432. *vide*
Mortificatio. Vbi agitur
primū de obedientia quæ ab ho-
mine Deo debetur,
tum de illa quæ ho-
minibus.

Oratio. p. 448. *vide* Cō-
templatio, Vigilia.

Ostentatio. p. 450.

Otium. p. 453.

P

Parêtes. p. 453. *vide* Filij.

Acceptio. § 2. Educatio.
Passiones seu perturba-
tiones animi. p. 485

vide verbo Manfue-
tudo, Mortificatio.

Passio & mors Christi.
p. 487.

Patientia. p. 489. *vide*
Aduersitas.

Pax. *vide* Concordia,
Charitas, Iniuria § 1.

Peccatum. Peccator. p.
497. *vide* Animus,
Nobilitas, Prouidē-
tia, Prudentia, Ratio,
Verecūdia, Voluptas

Peregrinus, *vide* Hospi-
talitas.

Perseuerantia, *vide* Cō-
stantia, Inconstantia.

Pietas, *vide* verbo Filij.

Pigritia p. 504. *vide* O-
tium, Labor.

Princeps. p. 505. *vide*
Rex.

Prouidentia. p. 506. *vide*
Prudentia, Animus.

Prudentia, p. 529. *vide*
Prouidentia, est enim
hæc potissima pars
Pru-

INDEX TITVLORVM.

Prudentiæ.
Pufillanimitas . *vide*
Magnanimitas.

R

Ratio.p.539. *vide* Intro-
ductionis §3.
Religio, feu Religioſus
ſtatus. p.542. *vide* So-
cietas.

Renouatio. p.543.

Reſpublica. p.549. *vide*
Rex, Princeps, So-
cietas, Labor.

Reſurrectio. p.550.

Rex. p. 551. *vide* Prin-
ceps.

S

Sapientia, *vide* Prudentia,

Senex, ſenectus. 559. .

Sepultura. p. 562.

Silentium. p.568.

Simplicitas. p.570. *vide*
Prudentia.

Sobrietas . p. 574. *vide*
Ebrietas, Gula, Pa-
tientia.

Societas, ſeu vita So-
cialis. p.577.

Sollicitudo. p. 583. *vide*
Spes.

Spes. p.854.

Superior. *vide* Obedien-
tia, Rex, Princeps,
Contemplatio.

T

Tentatio. p. 599.

Terra, Terreſtris. p.601.

Tribulatio . *vide* Pa-
tientia.

V

Verbum Dei. p.606.

Verecundia. p. 610. *vide*
Caſtitas.

Vigilia, Vigilare. p.611
vide Laus diuina in
fine.

Vindiſta. p. 621. *vide*
Magnanimitas, Iniur-
ria, Patientia .

Virginitas. p. 623. *vide*
Caſtitas.

Vita. p. 627.

Voluptas. p. 630. *vide*
Mortificatio, Gula,
Mundus, Muſica.

Z

Zelus. p. 635.

INTRO-

INTRODVCTIO AD

ZΩΟΠΑΙΔΕΙΑΝ.

§. I.

Bruta neque ratione neque virtute praedita esse, licet utriusque vestigia in ijs insint.



ISVM est doctrinâ istâ breuiter explicandâ, ad ea quæ consequuntur, animos preparare; tot enim hîc in brutis, tamque alte impressa occurrent prudentiæ, rationis virtutisque vestigia, vt credat quispiâ quæ hîc cômemorabuntur non potuisse ea sine ratione perfici. Quod quidem sensere Philosophi nonnulli apud Plutarchum, & Plutarchus ipse multis istud ipsum confirmat opusculo, cui titulum fecit: quod bruta animalia ratione vtantur.

l. 5. de
Philoso-
pho. pla-
citis ca.
20.

Verum à communi tum Theologorû, tum Philosophorû sensu nequaquâ recedendum est, qui brutis rationis vsum adimunt, ne sibi illum adimant; Eum namque sibi rationem adime-

l. 2. de
Anima
textu 32
Textu
157.

In l. de
memoria
cap. 4.

re qui illam ijs concederet , verè est à quodam scriptum . Atque Aristoteles quidem verissimè pronuntiauit , bestias omnes imaginatione sola , hominem vnicum inter mortalia intellectu viuere , quare neque illis fidem neque persuasionem inesse . Alibi memoriam quidem ijs concedit , non autem reminiscentiam , quam soli homini assignat , quoniam ea est veluti ratiocinatio quædam , cuius capax est solus homo , negatque bestias aut arte , aut inquirendo , aut deliberando operari , sed vult eas sua solo naturæ impulsu ac ductu non secus ac plâtas agere . Quod si ratione , igitur & virtute quoque destituta esse bruta fatendum est , quæ non nisi rationalis naturæ , atque liberæ suarumque actionum dominæ , decus est atque ornamentum .

l. 3. de
hisor.
animal.

Quamquam autem vi & ratione & virtute carerent bruta , naturæ authori visum sit ; ea tamen vtriusque ceu vestigijs quibusdam placuit exornare . In canibus , fimijs , ait Philosophus , & alijs quibusdam cernimus quædam , quæ

MORVM INSTITVTIONEM. 3

ratione & arte constare videantur. At non arte, sed experimento, imaginatione, & memoria constant, ceu rationis vestigio, & imagine; quippe hæc artis & scientiæ principia sunt.

Quod verò de ratione, idem quoque de virtutibus & vitijs asserit, quorum in brutis imaginem reperiri confirmat

his verbis: Sunt vel in plurimis cate-

rorum animalium, vestigia morum a-

nimi humani, quanquan hæc in ho-

mine apertius discernantur. Inest vr-

banitas, feritas, clementia, acerbitas,

fortitudo, ignauia, metus, fidentia, ira,

malitia, atque etiam prudentiæ imago

inest in multis. Hæc Aristoteles. Ex

quibus habetur, quæcumque admirā-

da in brutis prudentiæ, ingenij, docili-

litatis, astutiæ, sagacitatis, solertiæ,

mansuetudinis, castimoniæ, cætera-

rumque tum virtutum tum vitiorum

argumenta eminebunt, ea omnia non

à ratione, sed ab eius vestigio quodam,

id est à phantasia profecta, quæ in ijs

suprema est facultas: quare meritò di-

ctum suprà ab Aristotele est, sola ima-

„

„

„

„

„

„

„

Vide ad

idem

verbo a-

nima. §

penult-

mo in

annotio-

nibus

numero

7.

ginatione viuere bruta, non quod eā tantummodo fortiantur, cum sensu quoque ac vegetandi facultate prædita sint, sed quoniam quælibet res eo viuere dicitur, quod in eo est præstantissimum.

Neque verò vt brutis rationem concedamus, nos permouere debet, quod in ijs actiones quasdam cernamus, quæ non videantur nisi à ratione atque discursu emanare, potuisse, nam & in plantis item videre est quædam opera, quæ quandam illis inesse sentiendi, cognoscendique facultatem arguere videantur. Illæ namque distinguunt succos vtilēs ab inutilibus, illosque attrahunt, hos respuunt. Item salutaria prosequuntur, noxia declinant: Quis nescit cucumeres ad terræ viginem & humorem quo affluentibus irrigari optant, perreptare? contra verò eosdem oleum quod eo perfusi emoriatur omnino auersari? Vitis verò lauri viciniā refugit, quòd hæc sua caliditate illius incremento officiat. Brassicam denique odit vitis, quod illa terræ succum

MORVM INSTITVTIONEM. §

cuius hæc est egens exhauriat; Omit-
tor abores quæ maris, & feminæ no-
mine designantur, quæ vt sibi fæcun-
ditatem asciscant sese mutuo comple-
ctuntur. Quemadmodum igitur ne-
mo nisi rusticè impius (eam enim opi-
nionem quæ arboribus plantisque sen-
sum impertit, rusticanam impietatem
vocat Augustinus) plantas sentire di-
xit, sic nemo nisi mente captus, & bru-
tis accensendus, eis rationis vsum cō-
cesserit.

*l. 6. de
Quan-
tit. ani-
mæ. 33.*

Et quemadmodum quod plātæ inu-
tiles succos reiijciant, vtilis attrahant,
sanus quisque negabit provenire id ex
aliqua facultate sensitiva aut cognos-
cente, quæ in ijs insit; sed id docebit
ex virtute attrahente, & expelleute,
quæ citra sensum omnem & cognitio-
nem, altrici animæ famulantur, pro-
fectum. Quemadmodum etiam pro-
secutio illa aut fuga circa salutaria, aut
noxia ex natiuis plantarum viribus &
latenti antipathia, ac sympathia oritur
(nullo ad id præeunte sensu aut noti-
tia): Ita constanter tuendum est quæ-

cumque in brutis, prudenrer, iustè, fortiter, amicè, atque ex ratione, & virtute facta esse videantur, ea non rationis, sed phantasix, sed experientix, sed memoriæ (vt supra etiam Philosophus) fructus existere.

§ 2.

*Quamobrem sint brutis ab authore
natura impressa rationis ac vir-
tum vestigia.*

*Hom. xi.
ad popu.*

C Hrylostomus in ea est sententiâ vt existimet indidisse Deû naturales brutis mores, vt hos quidem imitemur, hos vero fugiamus. Exempli causa, vt formicæ diligentiam atque sedulitatem sequamur, asini vero pigritiam atque inertiam declinemus. Et quemadmodum laboriosa res est apis, ac proinde tibi imitanda, sic perniciofa aspis: malitiam igitur illius auerferis, ne audias illud: Venenum aspidum sub labijs eorum. Impudens quoque canis, odio rursum habeas hâc improbitatem. Dolosa & fraudulen-

ta vulpes, ne vitium imiteris.

Idem sapienter monet imitandam esse Christiano apē, quæ floribus insistentes, nō omnia quæ in ijs sūt legit, sed ea modò, quæ sibi, propositoque suo comoda existunt: ita & percurrendum animo brutorum genus, ab ijsque si quid vtile est sumendum; quos autem habent à natura excessus, eos cuique, Dei ope, proprioque liberi arbitrij conatu corrigendos. Omnia igitur optima, inquit, à brutis capiens ijs circumamiciaris; etenim es irrationabilium rex: reges autem, si quid est in subditis optimum, siue aurum, siue argentum, siue lapides pretiosi, siue sumptuosa vestimenta, hæc cum superabundantia ipsi possident. Chrysostomo assentitur Ambrosius, atque vtrique Cornelius Iansenius, qui agens de formicarū diligentia, atque prouidentia sic loquitur. Ab ipsis discendam vel tandem & diligentiam & prouidentiam, quibus ob id Deus naturæ author talem dedit naturam, sicut & alijs animalibus alias dedit quasdam agendi propri-

l. 5. He-
x. c. 23.
ad cap.
6. Prov.

*Hom. de
Iudicio
Dei.*

prietates, vt ex ijs homo doceretur & ad imitationē prouocaretur. Hac ille. Diuus denique Basilius postquam miram brutorum inter sese consensionem inde ortam quod illa regum suorū imperijs obtemperant, proposuisset, eam ipsam, inquit, isto tempore ab optimo Deo, docendi nos causa, corrigendique exhiberi, foreque vt eadē in magno illo ac formidabili nouissimi iudicii die ad ignominiam, & condemnationem nobis obijciatur si auersati fuerimus disciplinā. Ita Basilius Magnus. Neque enim ad vsum tantū corporis nostri, atque vt illi in exterioribus rebus famularētur, verū etiam ad animi vsū condita sunt bruta, vt eorū perspectis moribus, si boni quidē essent atque laudabiles, hominē eorum regē puderet ijs carere bonis quibus serui sui essent instructi; si verò mali essent atque vituperio digni, puderet item se eorum qui se tāto essent inferiores, esse similē.

Atque eò factum, vt tum Deus ipse, tum Christus, non semel brutorū exemplo, animis nostris ad virtutis studium, vitijque

MORVM INSTITVTIONEM. 9

vitijque fugā instituēdis vsi sint, Deus
quidē per Hieremiam Iudæorum im- c. 8.

prudētiā, oscitantiamque proposita
eis brutorum prudentia vehementer
arguit, vt & per Isaiam eorundem er-
ga se bonorum omnium largitorem,
immemorem animum, allata tum bo-
uis, tum asini stupidissimorum bruto-
rū gratitudine, multis castigat. Chri- cap. 1.

sti vero istud ipsum actitantis nota sunt
exempla. Quis enim ignorat ista de

euangelio: *Estote prudentes sicut serpen-* Mat. 10

*tes, & simplices sicut columba? Respicite
volatilia cali, quoniam non serunt, neque
metunt, neque congregant in horrea, &
tamē pater vester celestis pascit illa. Ecce
ego mitto vos sicut oves in medio luporū.*

Neque erubescit, inquit Chrysosto- Hom. 3.

mus, scriptura, animal rationis honore in Mat.

donatum brutorum discipulum facere;

cum enim ex scripturis virtutem disce-

re renuat, neque doctoribus aurem ac-

modet, eum ad bruta ablegat: quem- Hom. 12.
ad papul.

admodum & patri familias vsu venit,

qui filium aliquem suum natu gran-

diozem verbis castigaturus, ei filiorū

suo-

suorum, qui eo ætate minores sunt, exemplum proponit, vt eo perspecto, illum pudeat pigeatque se puerulis istis virtute atque morum honestate cedere.

Dei porro atque Christi Domini imitatione, idem esse à sanctis Patribus factitatum, huius libri lectione planū fiet. Atque idem ego pro modulo meo, quanquam non pro rei dignitate conatus sū præstare; feci tamen quod potui, plura vtinam communi bono potuissē.

Et quemadmodum cohortatur suos
 c. 12. 7. Christus, vt sint prudentes, sicut serpentes, ita & toto isto opere aliud nihil inculcatur, quam illud sanctissimi Iob: *Interroga iumenta & docebunt te, & volatilia celi indicabunt tibi: loquere terræ, & respondebit tibi, & narrabūt pisces maris: vt qui ista leget, varijs brutorum tū virtutibus, tū vitijs perspectis, illas quidem amet, æmuleturque, hæc vero oderit, atque diffugiat. Quod quidem eo consilio factum est, quoniā persuasum semper habui, planam admodum, atque facilem, tum etiam efficacem*

MORVM INSTITVTIONEM. II

ficacem esse rationem istam virtutes docendi, vitiaque dedocendi. Scripturam enim sanctorumque patrum auctoritatem fortè plus reueretur vulgus, quam intelligat. Rationes verò quæ virtutibus persuadendis afferuntur, vt est imperitum atque rude, nisi admodum sint faciles, atque è triuio petita minimè capit; sed tunc quia triuiales minoris fiunt, neque animos feriunt. Præcepta quoque simplicia, siue ab scriptura sacra, siue aliunde depròmp-ta: exempli causa: simplex ista præceptio (*estote prudentes*) minus afficit imperitam multitudinem (qua tota concio constat) neque vtpote aculeo destituta vehemētiore, animos peruadit. At si præceptioni isti: (*estote prudentes*) addatur istud: (*sicut serpentes*) tum denique permouentur qui audiūt; cōtinet enim tunc implicitam quamdā exprobrationem, quā vehementer afficitur, atque pudefit ingenuus auditoris animus: quasi ita dicatur: Pudeat à brutis ipsis ratione destitutis, quin & à serpentibus vili animantium genere,

atque

atque diuinæ maledictioni obnoxio,
prudencia superari. Et quanquam in-
ter cetera argumenta, quæ ad concitân-
dos animos adhiberi solent, ea quæ ab
exemplis ducuntur magnam habeant
vim, id tamen fatendum est ea quæ ab
animalibus petuntur, multo id effica-
cius præstare, mentesque cômouere ve-
hementius quàm ea quæ ab hominibus.
Hominem hominî confer, allataque
cuiuspiam heroïs fortitudine, aut tem-
perantia, aut castimonia, concionem
cohortare, eadem vt sequatur; parum
quidem te effecturum experientiam ip-
sam testem aduoco. Verum si expertes
rationis animantes in medium profe-
ras, quæ easdem virtutes coluere, quæ
prudenciæ, grati animi, liberalitatis,
iustitiæ laude florere, has certè ipsas
virtutes ei, qui te audit, nisi brutis sit
ipsis deterior, facile persuaseris. Quod
si de fugiendis vitijs sermonē institues
atque auditorem allato quopiam præ-
stantis viri facto ad certi vitij fugam
incitare conaberis, spondere nolim te
quidquam promoturum, At si bruta
ipsa

ipfa ab isto vitio abhorrere, atque intemperantiæ, iniustitiæ, libidinis, avaritiæ capitales esse hostes demonstrâris, rem confeceris: Quis enim se brutis ipsis peiorem esse velit? Quis se nō asinum, non vulpem, non leonem, non viperam, non vrsū, non pantheram modò, sed his ipsis omnibus inferiorem esse patiatur? Maneat itaque vehementissimum esse istud atque efficacissimum cohortandi, increpandique genus, quod à brutis ducitur, quod etiā supra est demonstratum.

§ 3.

De fide ijs quæ toto isto opusculo traduntur adhibenda.

CUm existant plerique tam ab omni humanitate alieni, tamque humanæ fidei aduersi, ut nisi oculis suis, non credant, quodque alij se vidisse sanctè affirment, fastidiosè reiiciant; ideo facturum me operæ pretiū existimaui, si tum ijs, tum eorū consimilibus incredulis ea proponerē, qui-

quibus quæ deinceps afferenda sunt, auctoritas aliqua conciliaretur. Ac principio quidem nihil toto isto libro proferetur quin id sit à grauissimis, fideque dignissimis authoribus profectum, Diuis scilicet Basilio, Ambrosio, Chrysostomo, Augustino potissimum: atque inter prophanos, Aristotele, A Eliano, Plinio (qui ex duum millium voluminum lectione sua collegit) Athenæo atque Oppiano, ceterisque antiquis scriptoribus. Præterea id tenendum est, ad diuinam prouidentiam (quæ nulli quantumuis minimæ reculæ, in necessarijs deest) spectasse, vt quando bruta ad sui conseruationem varijs egeant operationibus, quæ ad rationem proximè accedunt, cuius tamen ea esse expertia volebat, aliâ quapiam viâ inopiam istam expleret, atque in ijs eas imprimeret propensiones, motionesque naturales, talemque impertiret phantasiâ, tamque perfectam, vt istis adiuta præsidijs, eadem præstarent, ac si forent intellectu prædita.

Quæ causa fuit cur Diuo Thomæ

visum sit bruta esse Dei instrumenta,
 à quo tanquam à principe causa ad ea
 perficienda agantur medijs hisce in-
 clinationibus, quæ sui conseruationi
 sunt opportuna. Igitur in hisce, quæ ^{124.}
 occurrent, admiratione dignis, & quæ ^{4161.}
 fidem, vt videbitur, excedant, non tam
 in id animal quod agit proximè, quàm
 in Deum, à quo mouetur ipsum, intuē-
 dum erit, qui non tantum istorum o-
 perum author est atque effector, ve-
 rum etiam finis, cum ea omnia ab ijs
 effici voluerit, non modò quod ita na-
 turæ eorum congruat, sed etiam vt glo-
 riam, laudemque inde à mortalibus
 colligeret, vt potentiam suam, sapien-
 tiam, bonitatem, liberalitatem, cete-
 rasque suas perfectiones mundo notas
 faceret, quæ quidem eò consequitur
 amplius, quò sunt magis admiranda
 ea, quæ per bruta ista operatur. Qui-
 bus rebus duabus id efficitur, vt nihil
 eorum quæ hic cōmemorabuntur su-
 pra fidem videri debeat, quando tum
 efficiens causa, Deus scilicet, tum fi-
 nis, qui est diuinæ gloriæ manifesta-
 tio

tio, ista eò reddant fide digniora, quò plus in se admirationis continent, & quò mortalibus Conditoris gloriam, atque magnitudinem testatiorem faciunt.

Deinde author est Aristoteles brutorum operationes hominum operationibus quam simillimas, quòd ea quæ ab his ad sui conseruationem, eadem ab illis ob eundem finem perficiantur, idque confirmat exemplo industriæ atque artis, quæ in nidorum suorum exedificatione ab hirūdinibus adhibetur. Quemadmodum enim qui ex argilla murum attollunt, ei subactæ ad firmitatem paleas commiscent, ita & hirundines festucas luto, vnde sibi nidum construunt, ob eandem causam aptè coniungunt, cæteraque omnia ita moderantur; atque componunt; tamque appositè tum ad incubandum, tum ad oua ponenda, tum ad pullos excludendos educandosque, vt nihil aptius, nihil artificiosius quantumuis peritus artifex moliri possit. Atque idem in Elephante, atque Castore cernas licet, quod-

quorum ille dum se ab insequentibus premi videt arctius, neque effugij locum esse vllum dentibus sibi euulsis (quos probè nouit à venatoribus expecti) atque quà transituri sunt relictis, vitæ suæ consulit: ille verò sibi dentium ministerio resectis virilibus, quod ob ea teneat se peti, hostium insidias euadit. Quæ eadem ab hominibus fieri quotidie videre licet, qui partis alicuius iactura, membrisque abscissione corpus vniuersum, atque aded vitam suam tuentur.

Ex quibus efficitur brutorum actiones, cum hominum actionibus admodum conuenire, quod supra assertum ab Aristotele est: Quanto igitur cum ijs congruent magis, atque ad eas accedent propius eò erunt etiam ex mente quidem tanti Philosophi, fide digniores. Quod contra in multis accidit, qui eò minus assentiuntur ijs quæ de brutis commemorantur, quòd ea magis humanam rationem æmulari perspexerint. Verum ij sunt de vulgo, atque plurimum imperiti, quibus om-

nia admirationi sunt, quæ & incredulitatis mater esse solet. At quibus datum est supra vulgus caput efferre, ij cum Philosopho norunt maximam inter brutorum atque hominum operationes affinitatem intercedere. Tenent ij à phantasia, quæ supremum in brutis locum tenet, transitum proximè fieri ad intellectum nulla alia interposita facultate, esseque phantasiam rationis initium, vestigium, & quoddam quasi rudimentum. Tenent quemadmodum inter vicinos accidit, vt vix agros suos confines dignoscant, sic & inter vicinas facultates quales sunt imaginatio & intellectus, tantam esse operationum similitudinem vt vix internosci possit vtrius sint extremi, vt author est idem Aristoteles, & vtrum ad imaginationem an potius ad intellectū pertinent.

*l. 8. de
mēt.*

Quarto, quæro ex te, potuerit ne an non potuerit, ea quæ dubitas circa brutorum actiones efficere Deus sine intellectu? At cur ea non potuerit is qui est omnipotens, & cum possit hominem
sine

sine pane sustentare, supplereque panis inopiam; cur non possit item supplere inopiam rationis per phantasiam atque naturales propensiones? si concedas potuisse, cur inficiaris id ab eo re ipsa factum, quod factum, tot, tamque locupletes testes memoria prodiderunt, quibus si fidem denegas, fidem humanam omnem concidere necesse sit?

Quintò quàm sūt multa quibus hactenus fides abrogata, quæ eadem, iam fidem post tot sæcula inuenerunt: non quod veriores ad ea persuadenda, sed notiores, & recentiores testes adhibiti. Quis in hunc diem id credidit quod *l. 6. cap. 10.* narratum ab AEliano, Cynocephalos ab AEgyptijs doctos literas, præterea saltare & tibiam inflare; & citharam pulsare; tum verò vnum quempiam ex ijs mercedem Domini sui nomine scitè petere, instar vafri alicuius mendici, quodque daretur à circumstantibus, in marsupium quod ferebat congerere? Quis, inquam, his adhuc assensus est? At ijs fidem conciliabit quod certis

authoribus, oculatisque testibus com-
 pertum, certisque nuntijs & litteris
 perlatum, esse nimirum in Peruana
 ex litten-
 ris P. prouincia simias, quibus tanta cum
 Ioannis istis hominibus intercedit familiari-
 Arde-
 nois So-
 cietatis tas, vt cum ijs pro argento colludant,
 Ies. atque vbi eos vicerint, vna cum ijs ta-
 bernam petant potus causa, cuius pre-
 tium hospiti ex lucro lusione parto nu-
 merant. In Guinea verò quæ est Afri-
 P. Iar-
 ric Tom. cæ pars, existere item simias, quæ instar
 3. l. 1. famuli in pila tundant quæcūque in eā
 c. 44. imponuntur, quæ aquam à flumine in
 hydrijs domum capite deferant ita ta-
 men vt vbi primum domus fores attri-
 gerint, ilicò hydrijs exonerandæ sint,
 alioqui eas excidere: casuque isto fran-
 gi, atque tum clamoribus ac fletu cō-
 plere vniuersa. Neque ista modò sed
 plurima item alia obire de domesticis
 p. Iar-
 ric Tom. ministeria. Visuntur præterea in Mo-
 1. l. 2. lucis psittaci qui rostro dominus suis
 c. 28. blandiuntur, ijsque barbam tonsoris
 instar pectant.

In Italia autem centum circiter an-
 nis antequam illi visendi elephantem
 facultas data esset, habita sunt fabulo-

sa. quæcumque de istius belluæ tum ingenio, tum docilitate, tum memoria, tum prudentia tum cæteris virtutibus ferebantur, quæ eadem non tantum postquam elephantem vidit credita sunt, verum & à Pierio scriptum, quæcumque in illud tempus de elephantis virtutibus tradita essent, quamquã planè admiranda, ea ipsa multò esse inferiora ijs quæ à se essent in eo coram perspecta; Quam multa item hactenus eorum quæ narrat Plinius in animalibus fabulis sunt habita, quibus iam nouus orbis, quæque in eo sunt reperta, fidem conciliarunt.

Sextò, Augustinus vt fidem faciat narrationi quã affert de ceruis, qui agmine facto ita maria trãsniât, vt capitibus suis super præcedentis tergo depositis, se mutuò subleuent, ait à quibusdam eos id factitare visos, neque enim (subdit) de illis aliquid tale scriberetur nisi antea videretur: Quam Augustini sententiam ad ea quæ hic commemorabuntur astruenda valere quis non videt? Quæ vniuersa & visa esse ne-

*In Psal.
41. in-
tio.*

que aliàs fuisse futurum vt scriberentur, pari fide licebit asserere. Cui enim bono essent ista nisi vera à grauissimis viris, posteritati commendata? Quid inde præmij, quid laudis se consecuturos sperabant, si figmentorū suorum somniorumque narratione legentibus illuderent. Historicos quidem qui aliorum res gestas conscribere, aut odij aut amoris affectibus plus nonnunquam iusto indulgisse, communis est multorum querimonia. At quis hîc aut amoris aut odij affectus locum habeat, vbi non de hominum virtutibus aut vitijs, sed de brutorum moribus agatur.

Septimò, Vna ex potissimis rationibus ob quam minus tibi probabilia videbuntur quæ hîc afferentur hæc est, quod ea brutorum vires superare videantur, neque eorum intelligas rationem, neque quemadmodum ab irrationali'perficiantur ea opera, quæ tantam rationis facultatem arguant. At tibi fatendum est longè esse plurima in rerum natura, quæ neque tu neque

MORVM INSTITVTIONEM. 23

alius multo te sagacior, solertior atque c. 39. 1
 acutior, capere possit, hicque valet il-
 lud, quod Deus ad Iob: *Nunquid nosti*
tempus partus Ibicum in petris vel partu-
rientes ceruas obseruasti? Dinumerasti
mensēs conceptus earum & scisti tempus
partus earum? Cuius generis consimi- cap. 38.
 lia fuisse persequitur capitibus tribus, vt c. 39
 mortales, quam sint exiles humani in- c. 40.
 genij vires doceat, neque eum qui cor-
 poreā ista non assequuntur, oportere
 ad occulta Dei iudicia penetranda cō-
 tendere, quod quidem visus erat Iob
 facere voluisse.

Præterea si tu ijs omnibus fidem ab-
 rogas quorum non capias rationē quæ-
 admodum fiant, ea pariter quæ in cō-
 spectu tuo sunt, quæque inficiari ne-
 quis, inficianda erunt. Dic si nosti cur
 formicæ nouilunio non laborent, ple-
 nilunio verò noctem & diem laboran-
 do exigant? Dic cur gallus statim can-
 tet noctis temporibus? & qua rationē
 quantum sol cursu progressus sit, cog-
 noscat? Quis ei monitor horarum in-
 terstitia denuntiet, vt sciat & quando
 canen-

*Vide
verbo
Gratia.*

canendum, & quando silendum? Dic quando norunt pisces ij, qui ad mare Aquilonis sub æstatem transeunt, eò sibi demigrandum? Quis ijs ea annuntiat loca? Quis eos simul omnes ad dictam cogit diem, ita vt ne desit quidẽ vnus? Dic qua docilitate ingenij discant Elephanti, atque equi ea perficere quæ vix ab homine perfici possent, quæque ab ijs perfecta nemo nisi impudens diffiteri possit? Sed eiusmodi sciscitandi non sit finis, cum infinita sinu suo rerum natura foueat, quorum rationem ne summo quidem ingenio præditus quispiam excogitare valeat.

*In psal.
66. in
fine.*

Extremum hoc subiiciam responsum ex Augustino qui cum nonnulla de renouatione tum aquilæ tum serpentis attulisset, hæc subdit: siue illa
 „ vera sint fratres quæ dicuntur de serpē-
 „ te vel quæ dicuntur de aquila, siue sit
 „ fama potius hominum quam veritas,
 „ veritas est tamen in scripturis, & non
 „ sine causa hoc dixerunt scripturæ: nos
 „ quicquid illud significat faciamus, &
 „ quam sit illud verum non laboremus.]

MORVM INSTITVTIONEM 25

Ac paucis interiectis : vetustatem tuā
 in petra conteras, & si quæ tibi simili-
 tudines datæ fuerint, si inueneris in
 scripturis crede: si non inueneris dici
 nisi fama, nec valde credas. Res ista
 fortè ita est, fortè non est ita. Tu pro-
 fice, tibi valeat ad salutem ista simili-
 tudo. Non vis per istam similitudinem,
 per aliam fac, dum tamē facias.] Qui-
 bus omnibus docet Augustinus non
 anxie quærendum subsit necnè veritas
 aut similibus, aut exemplis, quæ ad
 mores rectè componendos afferuntur,
 sed id vnum spectandum esse, vt ea
 fiant, aut ab ijs abstinenceatur, quod aut
 faciendum aut fugiendum similibus
 istis atque exemplis docetur. Quæ Au-
 gustini verba non ed sunt à me allata;
 quo dicendorum fidem aut eleuem aut
 de eorum certitudine, dubitationem
 aliquam legentibus ingeram (stant e-
 nim stabuntque quæ paulo ante posui
 firmamenta veritatis) verum vt tanto
 Doctore discamus id nobis potissimū
 cordi esse debere vt quæ in brutis recta
 esse laudeque digna, certis authoribus
 cog-

cognouimus, ea ipsa moribus nostris, actionibusque exprimamus. Atque is sanè mihi tum finis tum fructus, hoc opusculum animo concipienti propositus fuit: primum quidem ut me ipse in brutorum exempla attentius intuem, quæ recta sunt ante omnes docerem, atque ad eadem præstanda commouerem, ne audirem illud Apostoli:

Rom. 2. Tu qui alios doces, te ipsū nō doces: & ne
21. postquam alijs prædicassē, ipse re-
1. cor. probus efficerer: tum ut alijs qui hæc
9. 27. lecturi sunt aut audituri, idem vñ face-
c. 27. 9. rent author essem, cum iste omnis fru-
 ctus Isaia teste ut auferatur peccatum,
 & quod inde consequitur, ut animis
 virtutes, morumque honestas altius
 imprimatur. Sed ad rem Deo duce
 pijque lectoris orationibus freti aggrediamur.

A G-

ACCEPTIO PERSONARVM

§ primus

EVIENDAM accep-
tionem personarum do-
cent bruta quæ sui ge-
neris animantes quas-
libet ⁱ pari prosequun-
tur benevolentia amorisque signis, ne-
que maiores inter & pusillas, pulchras
aut deformes, nobiles aut ignobiles
vllum faciunt discrimen.

ANNOTATIO.

i. *Pari &c.*] Istud perspicuum fiet
ex ijs quæ afferenda verbo Charitas.

§. 2.

Idem discant licet parêtes ⁱ à cor- *Ambros.*
l. 5. he-
xam. c.
18.
nicibus quæ aequali ⁱ in filios suos
feruntur amore, volantesque illos
sedulo insequuntur comitatu, atque ne
teneri fortè deficiant, sollicitè vniuer-
sis cibum suggerunt; neque hunc cu-
rant

28 ACCEPTIO PERSONARVM.
rant despecto altero.

ANNOTATIONES.

1. *A cornicibus.*] Quod ait Ambrosius de cornicibus, idem asserere licet de volucribus cæteris, atque aded animantibus vniuersis, quæ quoad parentum tum affectum tum officium tum studium, nihil inter filios discernunt, neque hunc fouent, istum deserunt, sed æqualiter omnibus parentum exhibent officia atque viscera. Et vt loquitur Ambrosius: nesciunt illæ odia
Hexam.
l. 6. c. 4. nouercalia, neque nouerūt præferre filios posterioris copulæ, superioris autē negligere, norunt pignora sua, nesciunt charitatis differentiam, odiorum incentiua, offensionum discrimina, sic enim omnia temperauit Deus, vt quibus minus rationis daret, plus indulgeret affectus.

2. *Æquali &c.*] Quod quidem à parentibus, filiis non præstari, neque sese illos erga hos æquabiliter habere grauissimis huiusce verbis queritur Ambrosius. Quis inter naturæ fraterna consortia
fra-

ACCEPTIO PERSONARVM. 29

fratres, impares fecit? vnus diuitis filij diuersa sorte cæduntur. Alius totius paternæ sortis adscriptionibus inundatur, alius opulentæ hæreditatis patriæ deplorat exhaustam atque inopem portionem. Nunquid natura diuisit merita filiorum? Ex pari omnibus tribuit quod ad nascendi atque viuendi possint habere substantiam: Ipsa vos doceat non discernere patrimonio quos titulo germanitatis æquastis. Etenim quibus dedistis communiter esse quod nati sunt, non debetis his vt id communiter habeant in quod à natura substituti sunt inuidere. Hæc Ambrosius. Quæ quidem à parentibus obseruanda videntur, vbi ijs aut lex, aut consuetudo de primogenitorum iure nihil officit: difficilè enim dictu est quot malorum dissidiorumque inter filios seminarium sit inæqualis illa bonorum partitio, quæ eadem Reipublicæ non parum officere videtur, priuatorumque paci, dum quibus filiis census relictus exiguus, hunc ipsi prauis artibus, rapto, præda, itinerum obsessione, viatorum

30 ACCEPTIO PERSONARVM.
torum cæde exaggerare nituntur.

Gen.
374.

l. de Io-
seph. c. 2

Quin & parentibus nè se hunc è filiis suis præ illo plus amare præ se ferât, adeòque nè peculiari benefacto aliquo id prodant cauendum vehementer; Neminem enim latere existimo quam esset fratribus suis inuisus Iosephus, de quo ista sacer textus; *Israel diligebat Ioseph super omnes filios eo quod in senectute genuisset eum, fecitque ei tunicam polymitam. Videntes autem fratres eius quod à patre plus cunctis filiis amaretur, oderant eum, nec poterant ei quidquam pacificè loqui.* En quemadmodum tum patris amor in Iosephum, tum peculiaris illa vestis, quæ illum à fratribus discriminabat, in ijs inuidiæ flammam excitavit. Quid igitur miraris (exclamat Ambros.) si propter fundum aut domum oriuntur inter fratres iurgia, quando propter tunicam inter Iacob sancti filios exarsit invidia? atque præclare monet idem Ambrosius non alio officio vilo consulturum magis parentes filijs, quos impense supraque ceteros diligunt, quam si illis fratrum suorum

ACCEPTIO PERSONARVM. 32

rum amorem beneuolentiamque concilient, nocereque illis admodum amorem patrum si prælatio vnus cæteros ab affectu germanitatis auertat: Sed præclaram eius orationem præstat audiamus: plus inquit acquiritur filio cui fratrum amor acquiritur. Hæc præclarior munificentia patrum, hæc ditior hæreditas filiorum. Iungat filios æqualis gratia, quos iunxit æqualis natura; lucrum pietas nescit pecuniæ, in quo pietatis dispendium est.

ADVERSITAS.

§ I.



VID sit eius tempore faciendum docet. Echinus marinus, quem cum fluctus vehementiores atque procellæ ad terram deuoluere, atque è mari funditus propellere violenterque allidere solitæ sint, ipse eius periculi metuens vitæ

tæ suæ vt prouideat, vbi primum tum mare concitari ventis, tum procellas imminere senserit, spinis quibus totus obuolutus est, minutiorem aliquem calculum colligit, vt eo se firmet, ac quodammodo 2 libret, 3 stabiliatque contra procellas ne earum vi in siccum propellatur.

ANNOTATIONES.

l. 5. Hex. 1. *Echinus.*] Echinus animal est exiguum, inquit Ambrosius, vile ac despicabile, quod plerumque index futuræ tempestatis, aut trāquillitatis nuncius solet esse nauigantibus; Spinis inquit *De hist. animæ l. 4. cap. 5.* Aristoteles vtitur perinde ac pedibus, ijs enim nitibundus mouetur, sedemque permutat. Idem ait Plinius, qui & addit: ingredi ijs esse in orbem volui, itaque detritis sæpè aculeis inueniri.

2. *Libret*] Quemadmodū saburrâ libramētum datur nauibus quò firmiores existant.

3. *Stabiliatque.*] Huius exemplo monemur aduersitatis quam venti procellæque significant, tempore, non nostris nos librare viribus, sed alieno

lieno niti nosque stabilire pondere
ac præsidio. Docemur inquam Chri-
stum veram petram, verumque lapi-
dem angularem tollere, eique firma spe
inhærere, qua nixi fultique ita firma-
bimur vt nos nulla aduersitatum aut
tentationum procella quamlibet sæua
deijciat. Quod quidem cum Sancti
omnes experti sunt, tum præsertim
diuus Paulus cuius quamquam in vitæ
discrimine constituti ista est oratio.

Scio quia hoc mihi proueniet ad salutem Philip.
1. 10.
20.
*per vestram orationem & subministratio-
nem spiritus Iesu Christi secundum ex-
pectationem & spem meam quia in nullo
confundar, sed in omni fiducia sicut sem-
per, ita & nunc magnificabitur Christus
in corpore meo, siue per vitā, siue per mor-
tem.* Hæc diuus Paulus quæ velim à
Concionatore, adhibito interprete si-
gillatim & per partes expendi, vt quā-
tæ is in Deum spei fuerit concio pla-
nius perfectiusque intelligat. Licet e-
tiam per calculum istū accipere Chri-
sti Domini vitæ præclarissima exem-
pla; atque maximè patientiæ eius sin-
gularis

Hebr.

12. 2.

gularis, mortis temporē exhibita, quā quidem nihil est quod magis aduerso tempore, flanteque Borea hominem confirmet : quis enim aspiciens in authorem fidei & consummatorem Iesum qui proposito sibi gaudio sustinuit crucem confusione contempta, se loco suo, leui aliquo aduersitatis flatu moueri patiatur ? quis recogitans eum qui talem sustinuit à peccatoribus aduersus semetipsum contradictionem doloribus fatigetur, animoque rebus in malis deficiat ? Quis denique audiens suos ipsummet Christum recensentem dolores, atque nos ad eorum recordationem lugubri ista oratione inuitantem :

Thren.

3. 19.

Recordare paupertatis & transgressionis meae, absynthy & fellis. Atque iterum : O vos qui transitis per viam attendite & videte si est dolor sicut dolor meus . Quis

Thren.

1. 12.

inquam dum hæc aliaque eius generis audit atque perpendit, non lubens cuncta quibus premitur aduersa tolerat, atque aduersus impatientiæ fluctus sese constans obfirmat ? sibi nimirum conscius nondum se ad sanguinem vsque

re-

restitisse, neque esse ea quæ tolerat ipse, multorum etiam reus peccatorum, simulachrum aut vanam umbram eorum quæ Christus Dei filius insons licet atque innocentissimus perpeffus est. Efficiet item consideratio ista ut cū Apostolo gloriari queat ac dicere: *2. cor.*

*In omnibus tribulationem patimur, sed 4. 8.
non angustiamur, aporiamur sed non destituimur, persecutionem patimur sed non derelinquimur, deijcitur sed nō perimus.*

Et quis id miretur quando is sese tamquam spiritualis Echinus, calculo, lapilloque illo qui est de monte sine manibus excisus, Christo scilicet medijs in fluctibus, aduersitatumque procellis constabiliat, cum se sciat sibi nixum minime sæuientis auræ flatu periturum, atque se non Echino modò, sed quauis etiam spuma gracili quæ à vento circumfertur, multo esse infirmiorē? *Daniel. 2. 34. Sap. 5. 13.*

§. 2.

I **A** B apibus idem discamus licet, quibus cum non raro sit necesse aduerso volare vëto,

calculum² pedibus gestant, quo se isto quasi fulcro & fundamine quodā, contra auræ flatus stabiliant.

ANNOTATIONES.

1. *Ab apibus*] Ita Aristoteles lib. 9. de historia animal. cap. 40. Aelianus lib. 1. de animal. cap. 11. Plinius hist. natur. lib. 11. cap. 10.

2. *Pedibus*.] Quidam (ait Plinius) in humeros eum imponi tradunt.

Cæterum tam ista apum, quam superiore Echini industria, docetur præterea infirmiores atque ij quibus sese contra potentiores quosque, eorumque vim, tuendi vires nō suppetunt, ad eos se adiungere, eorumq; sibi amicitia conciliare, quorum præsidio atque ope ab hostibus tuti sint: est enim (vt præclare Sapiens) *amicus fidelis protectio fortis, qui autem inuenit illum, inuenit thesaurū*. Quin & thesauro maius quid inuenisse se is credat: quod enim non valet efficere thesaurus, neque quantalibet auri argentique copia, efficit amicus: Quare merito ab eodem sapiente

Eccles.

6. 14.

te additum. *Amico fideli nulla est comparatio, & non est digna ponderatio auri & argenti contra bonitatem fidei illius.* versn.
15.

§ 3.

VT & ab ijs animalibus, quæ in igne lata degunt; cuius generis sunt 1. Pyrogoni, volucres in igne genitæ, quæ & in igne vivunt, alunturque, atque huc illucque volitant, 3 itaque igne gaudent, vt si inde exeant, extinguantur; 4 Salamandra verò licet ex igne non nascatur vt Pyrogoni, ignem tamen audet aggredi, eumque expugnat, cum tactum extinguat, non aliter quam glacies.

ANNOTATIONES.

1. *In igne.*] Esse ignem aduersitatis Hieroglyficum clarius est quàm vt pluribus explicetur, indicatq; illud de Psalmo: *Transiimus per ignem & aquam* Psa. 65.
12.
& eduxisti nos in refrigerium.

2. *Pyrogoni.*] De quibus Aelian. lib. 2. cap. 2. & Plinius lib. 11. cap. 36. quos ipse Pyrales seu Pyraustas vocat,

atque nasci illos quadrupedes ac pennatos ex medio igni, in Cypri ærarijs, fornacibus, vbi ignis est vehemētissimus, esseque maioris muscæ magnitudinis affirmat.

3. *Itaque igne gaudent &c.*] Huiusmodi etiam extitere non pauci, tum prisca Patrum, tum nostra memoria viri Sancti, quibus tam erat amicus aduersitatis ignis, atque tribulationum æstus vt nisi eo viuere non possent. Te-

Epist. ad Rom.

stis gloriosus Martyr Ignatius cuius ista est oratio. Vtinam fruar bestijs quæ mihi sunt paratæ: Ignis, crux, bestia, confractio ossium, membrorum diuisio & totius corporis contritio, & tota tormenta diaboli in me veniant, tantum Christo fruar. Nemo profecto inuentus est vnquam, qui cibum, aut potionem, aut victum, cultumque corporis; cæteraque quibus mortalis ista vita continetur, ardentioribus expetierit votis, quàm hic tribulationis variorumque dolorum ignem, cruciatumque expetat, quasi sine illo vita omnis illi esset acerba futura.

Testis item alter Ignatius Societatis Iesu secundum Deum auctor atque Pater, de quo memoriae proditum est à Ribadeneira, postulasse atque impetrasse illum à Deo gratiam istam, ut aduersa multa magnaue pro Christi amore pateretur: Nam cum reliqui socij separati ab eo essent, & quietissime sæpè viuerent, simul atque beatus Ignatius ijs se adiungebat tempestas aliqua contra omnes, & persecutionis procella excitabatur. Nempè Ignatio, viro ignito tribulationis ignis erant delitiæ, solatium, quies, vita ipsa, atque cum id nactus erat quod tum eius nomini (Ignatius enim ab igne) tum imprimis animo ignis sitientissimo congrueret, quiescebat tandem.

Testes innumeri Martyres quorum tam incensa fuere desideria, acerbæque pro Christo patiendi, ut nisi igne isto non satiarentur. Testes denique ij, quibus cum per Martyrij gloriam non concederet Deus in igne versari, alterius generis ignem, voluntarias scilicet corporis castigationes adhibere,

hibere, quo quidem facto satis testati sunt sibi sine igne viuere non licere.

4. *Salamandra.*] De ea AElia. l. 2. cap. 31. & Plinius lib. 10. cap. 67. qui ait eam esse animal lacerti figura, & stellatum, nunquamque nisi magnis imbris prouenire & serenitate deficere.

5. *Ignem aggredi.*] An non ignem aggressus S. Ignatius Martyr, qui dæmonem ipsum & quicquid ignis tormentorumque haberet ipse, in certamen vocauit, vt paulò antè vidimus.

§ 4.

Eiusdem rei nobis sint magistri pisces, ij potissimū qui in alto versantur continuò, cuiusmodi sunt ceti, quamquam ab eorum singulis idem discere liceat quâ falso vtuntur potu.

ANNOTATIONES.

Psa. 68.
Psal.
129.

1. *In alto.*] Esse altum, seu profundum aduersitatis symbolum docent multi loci è Psalmis.

2. *Salso.*

2. *Salso.*] Quamquam falsedo illa piscibus grata sit, est tamen homini ingrata, quod sitim excitet, quod linguam astringat, atque mordeat, quod interiora siccet, cum sit sal naturæ igneæ; quibus rebus efficitur, ut sal ad *adversitatē* significandam sit accommodus.

§ 5.

NEque verò huius magisterij est struthiocamelus expers quod 1 ferro vescatur, quod 2 lapides deuoret, quos in 3 omaso diu asseruatos concoquit postmodum.

ANNOTATIONES.

1. *Ferro.*] Id colligitur ex Plinio infra, & Cardan. 10. de subtilitate differtè asserit, quod ad animantis istius vehementem calorem atque ventriculi crassitudinem refert.

2. *Lapides.*] Ita Aelianus lib. 14. c. 7. Plinius autem libro 6. cap. 1. ait Struthionem sine delectu obuia quæque deuorata concoquere. Esse autem lapides ob duritiem & grauitatem aduersitatis

uersitatis symbolum, ex se patet, quos quidem deuorat is atque adeò concoquit qui ex aduersitate sibi spiritus cibum, meritorumque accessionem cōparare didicit.

3. *Omaso.*] Omasus tertius est venter eorum animalium, quæ cum minus ore cibum conficere possunt, ijs natura plures assignauit ventres, quibus sensim cibus cōficiatur, talia sunt cornigera, & feræ aues. vide Arist. libro 3. de partib. animalium cap. 14.

§ 6.

HIs adde quæcumque, ¹ veneno vescuntur animalia, in his sunt ² coturnices, quibus veneni semen gratissimus cibus, & ³ capræ quæ venenis pinguescunt, & ⁴ fues quæ ⁵ cicuta licet se ad saturitatem cōpleuerunt nihil læduntur.

ANNOTATIONES.

1. *Veneno*]. Esse venenum quod mortem adferat significadæ aduersitati aptum, perspicuum esse existimo.

2. *Coturn-*

2. *Coturnices*] Ita Plinius lib. 10. c.

23.

3. *Caprea.*] idem l. 10. cap. 72.

4. *Sues.*] Auctor AElia. l. 4. c. 23.

5. *Cicuta.*] Quæ tamen est homini efficacissimum venenum, adeò vt si de ea biberit, sanguis ei quasi congeliet ob veneni frigiditatem nimiam, & eatenus concretionem spissus fiat, vt ei sit moriendum, licet item ex isto discrimine, *sues* inter atque hominem, colligere quàm se aliter habeant in aduersitate constituti viri probi atque improbi, quod enim his venenum, illis cibus est, & quo nutriuntur illi atque pinguescunt, occidunt isti atque intereunt; nimirum vt plumbum fornace perit & consumitur, aurum verò purgatur nitescitque magis, sic & improbi aduersitatis igne ad nihilum rediguntur, cum eo probi splendeant magis, omni scilicet ab ijs peccatorum rubigine scoriaque deterfa.

ADVLTER. ADVLTERIVM.

§ I.



DVLTERIVM fugien-
dum docet : viperæ ma-
ris murenæque mutuus
complexus, qui adulte-
rium quoddam est na-
turæ, cum vipera serpentina sit generis
& terram incolat, murena verò mari-
timis bestijs accensenda sit, habeatque
vipera sui generis : femellam.

ANNOTATIONES.

I. *Viperæ complexus.*] Quemadmodū
vipera è mari ad eum perficiendum si-
bilo edito Murenam quasi sponsam ap-
pellet. vide AEliañ lib. 9. cap. vlt. &
l. 1. cap. 50. Docere autem illegitimū
istum thorum, adulteria fugienda tra-
dit Basiliius dum ita auditores suos cō-
pellat: Discant ij qui alienis insidian-
tur nuptijs cuinam reptili sint similes.
Id enim mihi vnum est cordi, id vnum
propositum vt incontinentium homi-
num

Hom. 7.
in Hexa.

num peturbationes tam à mari quàm
 à terra sumptis exemplis castigatæ se-
 dentur. Eadem ferè Ambros. nolite in-
 quit quærere viri alienum thorum, no-
 lite insidiari alienæ copulæ. Graue est
 adulterium & naturæ iniuria. Duos
 primum Deus fecit, Adam & Euam,
 hoc est virum & vxorem : & vxorem
 de viro, hoc est de costa Adam, & ius-
 sit ambos esse in vno corpore & in v-
 no spiritu : Quod vnum separas cor-
 pus, vnum diuidis spiritum, naturæ a-
 dultarium est, sed hoc docet Murenæ
 & Viperæ non iure generis sed ardore
 libidinis expetitus amplexus. Discite ô
 viri cuius serpentis sibi asciscere cupiat
 adulter contubernium, cui etiam cõ-
 parandus ipse serpenti sit. Hæc ferè
 Ambrosius.

2. *Femellam.*] De qua ista AElanus
 lib. 1. cap. 24. Viperæ fæmina post ma-
 ris complexum ei ad collum adhærens
 morsu abscindit caput, itaque ex vipe-
 rino complexu hic perit, illa verò præ-
 gnans efficitur: sed patris mortem vl-
 ciscuntur fætus, qui parentis matris al-
 uum

l. 5. in
 Hexam.
 cap. 7.

46 ADULTER. ADULTERIVM.
uum distrahunt atque lacerant . Ob-
servare hic licet in mare vipera libidi-
nis pœnam.

§. 2.

Q Vanto sit dignum odio adulte-
rium, quâtiſque ſupplicijs vin-
dicandum docent : Palumbes
à quibus adeò coniugalìs colitur caſti-
tas, vt nunquam alienum cubile attingant,
quod ſi id libidine capti attentèt
facere, eos reliqui circumſedentes, ma-
rem quidem mares , fœminas verò fœ-
minæ : diſcerpunt : Eadem caſtìmo-
niæ lege vtuntur & turtures , & albæ
columbæ, niſi quod hæ mare peremp-
to, fœminæ parcunt.

ANNOTATIONES.

1. *Palumbes.*] Ita AELIANUS lib. 3. c.
44.
2. *Diſcerpunt.*] Mirus fanè naturæ
ſenſus atque ab eadem inſitum hiſce a-
nimalibus iſtius vitij odium cum ab
ijs morte plectitur . Quod autem illud
idem

idem homines morte vindicent longè
est minus admirandum, cum ad id vi
legum teneantur. Sacrilegos (lex est *Cod. ad*
Constantini) nuptiarū gladio feriūto. *legem*

Verūm quis hisce animantibus id *Iul. de*
præscripsit legislator? Quis Constanti- *adul.*
nus decreuit? Id itaque ab ijs fit natu- *l. quam-*
ra duce, quod vix ab hominibus præ- *nīs 30.*
statur tot licet legum institutis sanctio-
nibusque admonitis.

§ 3.

NEque verò quæ inter ipsas cō-
tingunt adulteria oderunt so-
lum animantes, atque vlcif-
cuntur, sed etiam quæ ab hominum ge-
nere committuntur, cuius rei fides ex
ijs quæ mox afferētur constabit. Cū
audisset adultera mulier in Sicilia, con-
iugem suum peregrè reuerti, adulterum
secretò quodam domus loco abditum
occultat, neque quidquam sibi cauet
à canicula quam domi alebat, pati-
turque eam latebrarum locum videre,
atque interesse dum stupratorem suum
eo

eo concludit. Sed ecce dum omnia tu-
ta esse existimat, & canicula tum locū
illum allatrando frequenter, tum pe-
dibus fores pulsando, conuellendoque,
coniugi suspicionem iniicit probabi-
lem, mali quidpiam ibi latere; Quare
loci illius effractis foribus, adulterum
comprehendit.

ANNOTATIONES.

1. *Cum audisset.*] Huius historiæ vt &
sequentium author est Aelianus lib. 7.
cap. 25.

2. *Canicula.*] Obserua hîc quam mi-
ro atque inusitato modo detegit Deus
adulteria: quærit quidem adulter tene-
bras, quas cum nactus est: *Quis me*
Eccles. *videt* (inquit) *tenebra circumdant me*
23. 26. *& parietes cooperiunt me, & nemo circū-*
spicit me, quem vereor? delictorum meo-
rum non memorabitur altissimus: & vt
c. 24. 15. Sanctissimi Iob verba vsurpem: *oculus*
adulteri observat caliginem dicens, non
me videbit oculus, & operiet vultū suum:
verum frustra operit vultum, frustra
sectatur tenebras, non intelligit miser
quo-

ADULTER. ADULTERIVM. 49

quoniam oculi Domini multò plus lucidiores sunt super solem, circumspicientes omnes vias hominum & profundum abyssi, & hominum corda intuentes in absconditas partes. Domino enim Deo antequam crearentur omnia sunt agnita, sic & post perfectum, respicit omnia. Penetrat, atque pervadit omnia lynceus ille diuinitatis oculus, cui nihil est impenetrabile, nihil inscrutabile, à quo tenebræ non absconduntur, cui denique nox vt dies illuminatur, & sicut tenebræ eius, ita & lumen eius. Neque verò satis id Deo est vt adulteria ipse intueatur quantumvis abdita, ea ipsa etiam palam esse vult, ad idque brutis ipsis vtitur administris, quemadmodum hinc factum constat.

Eccles.

23. 18.

29.

Ps. 138.

§ 4.

CIconia in Cannothe Thessalia
cū heram suam à coniuge peregrè profecto domi relictā cū
famulo consuetudinem habere intellexisset,

50 ADULTER. ADULTERIVM.
lexisset, non tulit tantam in Dominū
suum perfidiam, sed mox facto in a-
dulteræ coniugis oculos impetu, eam
excæcavit, sicque iniuriam in Domi-
num ulta est.

ANNOTATIONES.

1. *Siconia.*] Author Aelianus lib. 8.
cap. 20.

2. *Oculos.*] Zaleucus prudentissimus
Locensium Legislator, adulteros ocu-
lorum sensu orbabat: & sapientissimè
quidem ut illos ea parte corporis ple-
cteret, quæ eis facinoris istius com-
mittendi occasio fuisset: nam ut præ-
clarè Iurisperiti: Inspicienda est origo
delicti, & causa faciendi quæri debet
non factum; ab incauto enim curioso-
que aspectu omnis sceleris istius origo
ducitur, quod quidem perspicere licet
in Dauide, in Holoferne, alijsque
quàm plurimis. Oculi sunt lenones, in-
quit Lucianus, & prima amoris via:
Amoris sunt principium, teste Plato-
ne: amoris sedes si Philostrato credi-
mus. Et præclarè Basilus: præuius

l. si quis
in serui-
tute, ff.
de fur-
tis.

ADULTER. ADULTERIVM. 51

ac pronubus oculorum iactus est eius, ^{l. de vir-}
 cuius manus ministræ sūt tactus. Quod ^{ginitate.}
 vt Christus facto ipso planum faceret,
 cum adducta ad eum muliere paulo an-
 te in adulterio deprehensa, ex eo qua-
 rerent Pharisei, quid de ea statuendū
 iudicaret: ipse (ait sacer textus) digito
 scribebat in terra, oculos nimirum ab ^{Ioan. 8.}
 ea auertens, eosque in terram defigens,
 quo tum circumstantes tum in primis
 adulteram doceret, ab oculorum liber-
 tate, vagoque intuitu, nec satis cauta
 eorum custodia, adulterium istud pro-
 fectum esse. Verè ab Ambrosio dictum. ^{lib. de}
 Ipsi nobis oculi nostri retia sunt, ipsi ^{penit.}
 nobis vincula neētimus: sicut legimus, ^{c. 13.}
 quia vinculis peccatorum suorum v-
 nusquisque constringitur. Verum ni-
 hil mirum esse, ista omnia à sapientis-
 simis viris tum sancita, tum animad-
 uersa. Ad stuporem autem vsque ad-
 miremur licet, ea ipsa videri animan-
 tem rationis expertem perspexisse, ocu-
 losque potissimum sibi quos impeteret,
 Zaleuci more atque instituto, ex vni-
 uerso corpore delegisse, quod ab ijs in-

52 ADULTER. ADULTERIVM.
temperantia omnis ista, veluti à fonte
primoque principio ortum duxisset.

§ 5.

Elephas quidam in India nutri-
cij sui vxorem cum adultero in-
uentam cornibus, transfigit at-
que interficit, quod idem cum adulte-
ro fecisset, ambos in lecto reliquit, vt
domum regresso nutricio suo, tum ne-
farium facinus istud detegeret, tum se
eius ipse vindicem indicaret. Penè idē
Romæ contigit Tito imperante, nisi
quod hīc non ambos modò ab elephā-
to occisos, sed & stragula veste ab eo
post cædem tectos, nutritioque adue-
nienti ab ijs reiecta stragula adulteros
lecto iacentes commonstratos memo-
riæ proditum est? Quo quidem facto,
tum etiam viso cornu quo illos confi-
xerat elephas, quod adhuc cruentum
seruabat, planè intellectum ab hero nō
ab alio quam ab elephanto iniuriam
istam vindicatam.

AN-

ANNOTATIONES.

1. *Transfigit.*] Occurrunt duo hic potissimum observatione dignissima: Vnum est quàm verè de adultero dictū à Spiritu Sancto: *Vbi non speravit, apprehendetur.* (*speravit*, positum pro *timuit*) Num sibi perditī isti adulteri ab elephanto timebant? Num sibi ab elephāto cauebāt? cauebant quidē sibi ab hominibus, atque à domesticis potissimū, quos nequitix suæ testes nullo pacto esse voluissent: at à bruto quis hominum vbi de re agitur quæ rationis postulat vsum, quale est peccatum, sibi vnquam cautum voluit, cauendumque duxit? Verū ab eo à quo nullus eis terror, mors terribiliū omnium terribilissima est illata, atque iuxta Sapientis oraculū: *Vbi non sperarūt, apprehensi sunt.*

Eccles.
23. 30.

Alterum est quàm vigilat Deus, quā is incumbit in huius flagitij vindictā, cum ad eam etiam brutis vtatur, idēdē fortē quod homines in ea exercenda, leniores mollioresque animaduertat, quam tanti tamque vfitati facinoris tū

indignitas, tum atrocitas commereantur. Quid enim adulterio magis obuiū? Quod autem isto scelus maiori impunitate cōmittitur? Quinam amabo in iudicibus illud morte mulctant, quod ijs tamen à lege præscriptum? Quinam potius illud non dissimulant? In illo non conuiuent? quasi non de eo scelere ageretur, quod Deo, hominibusque imprimis est exosum, quod Reipublicæ inimicissimum, quod priuatorum paci, atque domesticæ quieti contrariū, quod filiorum certitudini aduersum, quod variorum furtorum origo est, dū paternæ atque auitæ hæreditates ad spurios, illegitimosque transferuntur? quæ mala vniuersa aliaque plurima, quæ non est huius otij recensere, nisi auertat Iudex qui ad id ex officio suo tenetur, quis ea auertet? Pudor, Ethnicos Principes vehementius in facinus istud exarsisse quàm Christianos Iudices. Alexander quidem cognomento Magnus, cum accepisset Damonem, & Timotheum Macedones externorum quorundam militum vxoribus stuprū

*Plutar.
in eius
vita.*

intulisse, ad Parmenionem scripsit, sub quo illi merebant, vt de tota ea re cognosceret, & si ita sese rem habere certis argumentis deprehenderet, eorum morte tantum scelus expiaret, extremoque eos supplicio, tanquam feras hominum generi calamitosas afficeret.

Adulteros Alexander quamquam idololatra punit, quos eosdem Christi sacris initiati Iudices impunitos dimittunt. Verum maiori adhuc his pudori probroque est quod bruta ipsa de tam enormi scelere supplicium sumunt, vt proximè vidimus, & constat ex historia superioris sæculi, quàm hic subiicio.

Cum quidam coniugis suæ pertæsus prostibulum adiisset, atque in equum ad ædes suas reuersurus conscendisset tantis agi furijs, incitarique caput equus vt eum in terram abiecerit, ita tamen vt altero pede equi freno irretitus inplexusque adhæresceret. Quo ita irretito dum equus præcipiti cursu huc atque illuc per viam lapidibus stratam ferretur, tanto miserum impetu ad saxa allisit vt ei caput frangeret, cerebrū-

*In triū-
pho ca-
stis
die 4.
cap. 7.*

56 ADULTER. ADULTERIVM.

que ei è capite diffiliret, nec prius cōstitisse visus equus, donec effusis habenis attigisset rursus proſtituli locum, ante cuius fores impium adulterum vita priuatum reliquit, vt conſtaret omnibus tam insolentem tamque improuiſam mortem adulterij commiſſi eſſe mercedem. O quàm verè de adulterij pœna dictum à Sapiente eſt: *Hic in plateis ciuitatis vindicabitur*, publico nimirum de eo & in oculis ciuium omnium ſumpto ſupplicio, quod quidem dū homines facere negligunt, legesque ſuas impunè violari, & tanquam aranearum telas à validioribus muſcis, ſic iſti à potētioribus quibuſque perfringi patiuntur, non id ſanè negligit Deus, & quod hominum deeſt inertiae oſcitantiaque, in tanto vindicando crimine, facit vt à brutis iſtis expleatur.

Eccleſ.
23.

§ 6.

Sed omni admiratione ſuperius eſt quod de Porphyryone traditur, nihilque omninò exiſtit quod odium

ADULTER. ADULTERIVM. 57
dium in adulteros testatius faciat. Accuratè hic vxores quarum abest vir obseruat: quod si cum ijs stuprum fieri cognouerit : se ipse strangulat.

ANNOTATIONES.

1. *Porphyrione.*] Volucris est quæ tū formæ pulchritudine tum nominis excellentia animalibus excellit, inquit Aelianus l. 3. c. 42. De eo Arist. 4. l. 8. c. 6. qui ait eum vnicum inter aues bibere morsu. Quod idē traditur à Plinio l. 10. c. 46. qui eum addit cibum omnem aqua subinde tingere, deinde pede illum ad rostrum veluti manu afferre.

2. *Se ipse strangulat.*] Quod facere sanè videtur tum vt marito adulteram prodat, tum dolore & tristitia tam immanis criminis: Quam enim aliā causam fingas? Ita videmus quotidie bruta ob rem aliquam tristem, quæ ijs acciderit, vt quod sint libertate priuata, sese fame conficere: videturque huic volucris natura impressisse sensum aliquem ac dolorem (quoad in brutis facere

§8 ADVLTER. ADVLTERIVM.

cere licuit) turpidinis istius flagitij,
 quē cum ferre nō valeat sese enecat, &
 quod in scelestis istis ob imbecillitatem
 vlcisci nequit, in sese ipsa vlciscitur.
 Atque docet nos strangulatione ista
 sua, mortem; quin & suspendium, in-
 fame supplicij genus commereri adul-
 teros. Docet præterea quo par esset af-
 fici Christianos dolore in tanta adul-
 terorum turba, quando verendum ma-
 ximè ne quod olim de Iudæis quereba-
 tur Hieremias, modo item in Christia-
 nos valeat: *Equi amatores & emissarii
 facti sunt, unusquisque ad uxorem pro-
 ximi sui hinciebat.*

AMICITIA. Vide CHARITAS.
 CONSORTIVM. ADVERSITAS §2.

§ 1.



AM hominibus inter se
 colendam docent variæ
 animantes, non modò
 quod eius inter se ipsæ
 sint amantes, sed quod eā
 item

item cum hominibus ineant atque cō-
 feruent: 2 fertur enim 3 Draco quidā
 Thessalus Aleuam pastorem 4 eximia
 specie atque flaua coma adolescentem,
 magno complexus amore, eiusque co-
 mam deosculari solitus esse, ac lingua
 faciem lambendo detergere, eique va-
 ria de venatione sua munera adferre.
 Amicitiam item cōtraxit in Iſſo vrbe
 Delphinus cum puero, in AEgypto
 Aspis item cum puero, Aries cum Glā-
 ca citharistria: cuius generis licet plu-
 rima commemorare.

ANNOTATIONES.

1. *Inter se ipsa.*] De quo vide verbo
 Charitas.

2. *Fertur,*] Huius historiæ author est
 Hegemon in Dardanicis allatus ab
 AEliano l. 8. c. II.

3. *Draco.*] Permirum est tot tanta-
 que amicitia exhibuisse signa imbelli
 puero tam truculentam bestiam tam-
 que venenatam; tanta porrò magnitu-
 dine vt elephantes quibuscum perpe-
 tua dissidia circumflexu facile ambiat,

nexu-

nexuque nodi præstringat, inquit Plinius l. 8. c. 11.

4. *Eximia specie.*] Si Draco cum puero isto ob formæ venustatem amicitia se se iunxit fœdere, quanto id nobis faciendum magis cum proximo ob interiorem eius animi speciem, quam ei tum scientia, tum sapientia, tum virtutum ornamenta, tum diuinæ gratiæ decus conciliant? Quod si non vniuersæ hæc in omnibus, eorumque singulis existant, at existunt tamen ista, quod eiusdem consortes naturæ, quod eodem Parente geniti, quod eiusdem religionis, eorumdemque sacrorum mensæque cœlestis participes, quod eodem agni immaculati & incontaminati Christi sanguine redempti; denique quod eiusdem hæreditatis æternæ in cœlis possidendæ spes nobis affulgeat, cum ad eam nati simus omnes atque conditi.

§ 2.

Effe amicitia etiã à morte amico seruandam docet Leo, quem cum vnâ cum Vrfa atque cane ado-

adolescens quidam cicurasset, aluisset-
que, ita ut eos inter se viuere pacificè
amicitiæque iura colere docuisset, ac-
cidit dum canis & vrsa inter se collu-
derent & ludicris morsuunculis inter se
confligerent, ut vrsa repentè ad pristi-
nam feritatem reuersa, canem inuase-
rit & ventrem misero vnguibus indig-
nissimè distraxerit. Quod ubi animad-
uersum à leone est, atrocitatem facti
non ferens diutius, ab vrsa perfida,
quas de cane sumpserat ipsa pœnas, eas-
dem repetijt: eamque ob perfidiam in
socium, atque contubernalem suum,
cuius desiderium non ferebat, atque ob
amicitiæ inter eos institutæ violationē,
in partes discerptam, necauit.

ANNOTATIONES.

1. *Leo.*] Huius Historiæ Author est
Aelian. l. 4. c. 45. Alias consimiles vi-
de verbo Gratitude.

2. *Non ferens &c.*] Quo quidem fa-
cto se amici memoriam etiam post eius
interitum seruare prodidit, homines-
que docuit amicis suis idem ut faciant,

atque

Eccl. 37
24.

atque nunquam eorum memoriam ponant. Sed et heu plurimorum hodie amicitia ea est, quæ à Sapiente describitur his verbis: Est amicus solo nomine amicus. Sodalis amicus iucundabitur in oblectationibus & in tēpore tribulationis aduersarius erit. Est amicus secundum tempus suum, & non permanebit in die tribulationis. Est amicus socius mensæ, & non remanebit in die necessitatis. Et ut habet Italorum sermone tritum prouerbum, *A morti & a partiti non si trouano piu amici*. i. neque vita functis neque peregrè profectis supersunt amplius amici. Quam sese pauci Booz Christi Domini Progenitoris volunt similes: de quo ista sacræ literæ ex ore Noemi: Benedictus sit à Domino quoniam eandem gratiā, quam præbuerat uiuis, seruauit & mortuis. Quotus etiā quisque modo est qui Davidis aduersus Ionatham æmuletur amicitiam: cuius morte vehemētissimè doluit, ob eamque sese cibo abstinuit atque amarè fleuit; cuiusque hæredes filios, nec non nepotes in eius gra-

Ruth. 2.
20.

gratiam omni officiorum, atque humanitatis genere est prosecutus? Verum rara fuit omni tempore ista amicitia, meritòque prædicatur à sacris literis: *Eccel. 25*
 beatus qui inuenit amicum verum. Est *12,*
 enim ijsdem authoribus, amicus fide- *Eccel. 6.*
 lis medicamentum vitæ, & immortalitatis, & qui metuunt Dominum, inuenient illum. *16.*

ANIMA. *vide* PECCATVM.

S I.



VRANDAM animæ cuiusque suæ salutem docet bruta omnia quæ corporis sui incolumitatem vt conseruent nihil non attemptant, & nihil non patiuntur, nihil non moliuntur. Nam vt præclare Am- *l. 6. c. 4.*
 brosius: cuique animanti cognitum est, quemadmodum suam tueatur salutem, si virtus suppetat, resistendo, si velocitas fugiendo, si astutia præcauendo,
 de

de quibus ordine differendum. Ac primum quidem alia vitam suam viribus tuentur atque in eum finem natura ijs prouidit arma : his cornua, illis dentes: atque alijs alia. Quibus accenferi potest vis illa quam torpedini pisci tribuit, qua 2 torpore afficit procul licet, & è longinquo piscatoris brachium, quantumuis validos habeatis lacertos, ita vt piscatoriam lineam dimittere cogatur, atque ita euadit torpedo vitæ periculum. Norunt autem bruta ad pugnam arma sua præparare. Quod si his aliquo tempore careant atque ad resistendum se inepta sentiant, latebras quærunt, neque in publicum prodeunt.

ANNOTATIONES.

1. *Nihil non patiuntur.*] Nam & per gladios, per hastas, per tela, perque mille vulnera, & mortes cruenta transeunt vt mortem effugiant, quod in ceruis, apris, lupis quotidie neque raro damno etiam suo experiuntur venatores.

2. *Torpore afficit.*] Quo id modo fiat do-

docet Plinius, vi inquit aliqua occulta,
 quæ odore tantum & quadam aura sui
 corporis afficiat membra; quæ quidem
 aura & quasi odor aliud non est vt do-
 cent qui sanè philosophantur, quā qua-
 litas quædam ab isto emissæ pisce, me-
 diantibus tum filo, tum virga piscato-
 ria (neque enim datur actio in distans)
 in piscantis brachium. Quod autem
 non in filum aut rete torporem indu-
 cat, id fit propter variam subiecti dis-
 positionem, non enim res inanima tor-
 poris est capax, etsi rete quoque aliquid
 aliud recipiat ac patiatur. Neque verò, si
 Aristoteli, Plinio aut Alberto credimus,
 piscatori solum torporē immittit torpe-
 do, verum etiam cæteris piscibus; quos
 ubi sese in arena & limo absconderit,
 stupefactos prius deuorat.

3. *Preparare.*] Acuiunt enim (inquit
 Plinius l. 18. hist. natur. in proëmio)
 in arbores limantque cornua, .i. den-
 tes, quod ijs tãquam cornibus vtantur
 elephanti, & duro saxo Rhinocerotes,
 & utroque apri dentiũ ficas, sciuntque
 ad nocendum se comparare animalia.

4. *Latibras quærent.*] Quemadmodum cæruis usu venire tradit AElanus l. 6. c. 5. & quotidiana firmatur experientia, qui cornibus amissis in condensa fruticum se abdunt, quod probè sciant se ab armis nudos, hostium patere prædæ si prodeant. Idem vitæ suæ salutisque amor facit ut caueant diligentissimè ne in vulnera quæ cornibus destitutis oriri ijs solent, solis incūbens radius dum adhuc recentia sunt, carnem putrefaciat.

§ 2.

AD hæc vitam suam tuentur nō. nullæ animantes prudentia astutique quodā à natura ijs ad istū finem indito. Cuius generis paucula de multis exempla proferam, atque ab earum omnium principe leone exordiar. Is cum incedit nec recta progreditur nec simplex ponit vestigium sed variū terræ imprimit & multiplex, dum modò procedit modò recedit; tum rursus progreditur, idemque postea retro cōmeat

meat, ac iterum pergit; atque ita vestigia sua confundit, permiscetque ut ne venatores ea sequi & lustrum ubi cum catulis suis habitat facile reperiât.

ANNOTATIONES.

I. *Ut ne &c.*] Non quod illam perturbatam atque confusam progressionem eo referant leones, hoc enim esset rationis opus, sed naturali instinctu id agunt, ad quod sequitur ut à venatoribus eorum cubile non agnoscatur. Quod idē de ijs quæ mox subiicientur intelligendum est.

§ 3.

QUod autem de leone dictum à nimantium audacissimo, id ipsum de lepore timidissimo asserere licet, quem non prius tradunt esse solitum cubile suum subire, quàm modò ingrediens, modò regrediens sua conturbarit vestigia; ne ea sibi insidias struentibus atque ad mortem quærentibus appareant.

§ 4.

Ælia-
nus l. 6.
cap. 3.

HIs non abſimile eſt quod de
verſa traditur à probis authori-
bus, quæ in antrum ſuum non
recto ſui corporis motu, ſed ſupino in-
greditur & dorſi ſui tractu repit, venæ-
toribus vt veſtigia ſua obliteret.

§ 5.

Sepia piſcis tam mas quam fœmī-
na, ambo vbi ſenſere ſe apprehen-
di, effuſo atramento inſuſcata a-
qua abſconduntur, ſicque piſcantes
eludunt, vitæque ſuæ mira ſagacitate
conſulunt.

ANNOTATIONES.

I. *Atramento.*] Quod ijs pro ſanguī-
ne natura dedit, eorum incolumitati
(vt videtur)proſpiciens; atque ideò ni-
griores ſunt cæteris piſcibus.

§ 6.

Vlpes marina (terreſtris enim
aſtus atque ingenium ad mor-
tem

tem declinandam satis est notum) tam est solers tãque vitæ suæ cupida, vt vel ad hamum licet urgente fame : non accedat, aut mox vt eum deuorarit statim se tanquam vestem inuertens interiora sua euomat, atque ita ferro se liberat, quæ postea sensim atque ordine resumit, nec ad id ipsi medico quopiam aut Anatomix perito opus est, vt sciat quæ sint prius quæ posterius collocāda.

ANNOTATIONES.

1. *Vulpes.*] Vide AEliauum l. 9. c. 12.
2. *Non accedat.*] Quo quidem docemur ad peccatum (quod verè hamum refert quia vt hic vitam eripit) quam voluptatis esca tectum : quam etiam eius vehementi desiderio teneamur, non accedere : quod si ad id fortè tentatione deuicti accedamus, saltem erudimur per veram contritionem, & si se commoditas det, etiam per confessionem, hamum istū peccati mox atque nulla interposita in diē crastinū qui nimis incertus est dilatione, euomere, & statim ex intimis nunquā eò immittēdum amplius eijcere. Quod

autem de vulpe marina, idem de scolopendra pisce traditur à Plinio lib. 9. cap. 43.

§ 7.

C. 38.
Poly-
histor.

Scribit Solinus Elephantem ubi sese à venatoribus vrgeri sentit dentes sibi euulsos in humum deijcere, nouit enim id tantum ab ijs expeti, atque hac prudentia vitæ suæ consulit, redimitque vexationem, dū ¹ partis iactura, totius corporis incolumitati, consulit. Idem Solinus eâdem præditum prudentiâ ait Castorem (vnde fortè latinum castro seu castratus) cum enim probè intelligat genitalia sua sibi imprimis venatores deposcere, dum sese periculo proximum aduertit, eo se, dē-tium ministerio ² abscissa ea parte corporis atque inter fugiendum relicta liberat.

C. 23.

ANNOTATIONES.

1. *Partis iactura &c.*] Quid aliud nobis Christus præcipit cum iubet vt si oculus

culus aut manus aut pes aut aliud quid-
piam nos scandalizat, illud eruamus,
abscindamus, proijciamusque à nobis:
melius enim esse ut cæci, manci, muti-
lique ingrediamur in regnum, quam
ut mēbris saluis integrisque mittamar
in gehennam? At quotusquisque id præ-
stat, & quam rari sunt ij qui sibi oculo-
rum, manuum, pedumque illicitum
vsum interdican (quod quidem spiri-
tualiter est oculos eruere atque manus,
pedesque abscindere) ut animam sal-
uam præstent? Atque in eandem fere
sententiam à Christo Domino præci-
pitur animæ .i. vitæ cuiusque suæ atque
eorum quæ ad vitam istam corpusque
spectant odium, ne æternum pereat:
qui enim amat animam suam, perdet eā, Ioan. 12
& qui odit animam suam in hoc mundo, ^{25.}
in vitam æternam custodit eam: Quibus
sanè verbis quid aliud præcipitur quā
ut partis vnius .i. corporis detrimento,
animi salutem redimamus. Pudeat im-
probos sui amatores id non præstare
quod præstat Elephas, præsertim cum
hic nulla vitæ immortalis cognitio-

ne præditus, huiusque vitæ modò amore impulsus ea facit quæ diximus, cum illi immortalī vitæ quam se credere profitentur adipiscendæ, ne minima quidem corpus suum affici molestia velint.

2. *Abscissa &c.*] Præter id quo de agimus, castratione ista docemur etiam Christi consilio de castitate seruanda morem gerere, atque esse de illis Eunuchis qui se castrauerunt non vt modò in vita ista longè miserrima (quod quidem castori est propositum) sed vt æternum in vita immortalī beati, quin & reges bonis omnibus affluentes uiuerent. Audi quæ hisce Eunuchis polliceatur Deus præmia per Isaiam. Hæc dicit Dominus Eunuchis: *Dabo eis in domo mea, & in muris meis, locum & nomen melius à filiis & filiabus* (qui scilicet in spiritualibus Eunuchis non fuerint) *nomen sempiternum quod non peribit.* Nū bonis istis, num honoribus istis breuissimam carnis voluptatulam præferendam censes, quam & Castor tam parui æstimat vt eam vitæ isti mortali

tali postponendam putet? Tu eam immortali bonorumque omnium aggregatione perfectæ posthabendâ putabis?

§ 8.

DEinde fuga utuntur bruta nonnulla ad vitæ conseruationem, quibus non (ut ille ait) Mauors, ventosa in lingua, verum in pedibus est, atque idè multis de illis pernecitatem pedum, volatusque indulgit natura ut ceruis, leporibus volucrisque omnibus. Author est AElanus l. 7. c. 5. existere feram in Africa Catoblepōtem dictam tauri non absimilem sed crudeliorem: è cuius faucibus tam vehemens atque perniciosū emittitur virus, ut aërem quaquaversum ita inficiat, ut quæ animalia illum inspirando hauriant, grauitè affligantur, vocis vsum amittant, atque in lethales conuulsiones incidant. Verum ita benigna parens natura seu Deus potius, eorum incolumitati prospectum voluit, ut tum istius mali eis cognitionem, tum
ab

ab illa sibi fuga cauēdi sensum impref-
 ferit; quare ab ea quam longissimè re-
 fugiunt. Huc referre licet eorum ani-
 malium solertiam qua vt frigus sibi ini-
 micum euitent, solum mutant, instan-
 teque hyeme in calidiores regiones cō-
 migrant, de quibus infra verbo Proui-
 dentia § 2. quibus & adde Vultures. At-
 que huc etiā spectat quod ijdē pestilen-
 ti aëri cedūt, quod (idē in Miluis obser-
 uatum, qui naturali sagacitate, exactis-
 simoque sensu eius & salubrem & pra-
 uam constitutionem præsentiunt) cer-
 tumque sit indicium, quæ loca tenent
 vultures, ea infecto aëri subiecta non
 esse. Denique (licet id ad præcedentes
 spectet paragraphos) à cadaueribus quæ
 à venenoso serpente percussa sunt, sese
 abstinet vultur: quod faciunt etiam tū
 aquilæ, tum corui.

ANNOTATIONES.

1. *Fuga.*] Ultima est hæc ratio qua se
 vitamque suam tuentur bruta: sed quæ-
 ro ex te quam tandem de his omnibus
 vijs quæ commemoratæ sunt hætenus,
 tenes ad vitam non corporis quidem vt
 illa

illa, verum animi tuendam atque conseruandam? Illa quidem vt mortalis corporis incolumitati (quod in ijs sit pars ista præcipua) consultum sit, tot & tanta tum agunt tum perpetiuntur, tantamque adhibent, alia prudentiam, alia astutiam atque sagacitatem: alia sese fuga è manibus hostium proripiunt: tu vt animam immortalē mortisque legibus longè superiorē, nobilissimāque tui partem saluam tuearis, quid agis tandem? quid moliris? Quam ad id prudentiam adhibes qui in caducis rebus ordinandis disponendisque tã haberi vis prudens? quo pio atque laude digno astu, hosti tuo qui non opibus tuis aut corpori, verum animo insidiatur fallendo vteris? Mille tibi suppetunt technæ, mille doli quibus innocētes capias, simplicesque verborum tuorū fraudibus captos irretias: sicque opes tuas augeas, atque vitæ huic mortali prospicias: Sed cur tã es simplex & plumbeus vbi nō vita ista mortalis, sed immortalis in certum discrimen vocatur? Fuge saltem hostē eiusque te armis
sub-

subtrahe, si neque prudentia neque ver-
sands dolis valeas. Verum quomodo
id à te fit qui sponte tua, cogente nemi-
ne, in casses eius te induis, in tela eius

Eccles. incurris, in gladios eius irruis, eosque
21. 4. lethales cum sit rhomphæa bis acuta
omnis iniquitas, cuius plagæ non est
sanitas?

§ 9.

AD modos istos varios quibus
bruta vitam suam saluam præ-
stant, reuocare licet natura-
lem quandam solertiam atque saga-
citatem qua quodlibet eorum nouit si
morbo vexatur quid ei pellendo sit opor-
tunū: neque nouit modo, sed mox mag-
no quodam impetu ad id fertur, neque
desistit priusquam nanciscatur. Ca-
prea enim vulnerata dictamum petit
& de vulnere excludit sagittas. Leo
æger simiam quærit vt deuoret quo pos-
sit sanari. Leopardus capreæ siluestris
sanguinem bibit & vim languoris e-
uitat. Omnis fera ægra canis hausto

curatur sanguine. Versus nimio cibo
æger formicas exedit, quibus sumptis
facile exinanitur. Idem vulnere saucius,
ei adhuc calenti Verbascum sic-
cz naturæ herbam indit, obturatque
vulnus. Cervus oleæ ramusculos man-
dit. Cum ex oculis laborat accipiter,
circa sepes Hieracium seu syluaticam
2 lactucam euellit, eiusque acerrimo
succo expresso oculisque instillato sa-
nitati restituitur. Serpens oculorum
morbo visusque hebetudine, admoto ijs
atque affricato 3 fœniculo liberatur.
Vultures cum ex hepate 3 laborant, tū
magnarū anium quas in hūc vsum ve-
nati sunt iecinora vorant, quæ & medi-
camenti & alimenti loco esse possint.
Canibus herbā natura ostendit qua suis
vulneribus medeantur: quanquā & id
ea lingendo assequatur. Idem si lūbri-
cis vexetur segetē herbescentē depasti,
eos excernunt. Cum autē 4 alterutrum
ventrē exhaurire habēt necesse ē her-
bam quandā comedūt, cuius vi partim
euomēdo, partim deijciēda aluo, quid-
quid in ijs redūdat eiiciūt. Perdices, ci-
conia:

conix & palumbi. origanum herbam
mansam prius vulneribus imponunt &
curantur. Eodem origano vtitur testu-
do terrena si de vipera gustauit, eo e-
nim adeso, à periculo immunis fit, quo
omninò pereundum ei fuerat. Elephas
cum vel hasta vel sagitta ictus est, oleæ
flore ingesto vel oleo ipso, defixa tela
mox expellit. 7 Sed non est animus
persequi vniuersa quæ in hanc senten-
tiam afferri possint, sunt enim infinita.

ANNOTATIONES.

1. *Dictamnus.*] Non est alibi quam in
Creta, ramis prætenue, pulegio simile,
feruens & acre gustu, folijs tantum v-
tuntur capræ: quod ei flos nullus aut
semen aut caulis, radix tenuis & super-
uacua.

2. *Lactucam.*] Hoc vtuntur antidoto
ad oculorum dolores medici: vnde &
collyria hieracia .i. Accipitraria cog-
nominantur. En homines auium dis-
cipulos qui & hoc idem, nomine isto
indito profiteri non verentur, inquit
AElanus.

3. *Fœniculo.*] Quod calefacit, purgat, atque acres acutosque efficit eorū oculos ex hyberna in latibulis obscurismāfione hebetes & præstrictos frigoribus.

3. *Laborāt*] hic doloꝝ aut obſtructione viſceris, aut ab inflammatione ex nimia voracitate contracta oritur.

4. *Alterutrum ventrem.*] Stomachum ſcilicet aut eum qui communius vocatur venter, quique eſt inteſtinorum receptaculum.

5. *Herbā.*] Vnde AEgyptios *Syrmaiſmum* didiciſſe volunt. Eſt autē ſyrmaiſmus purgatio quædam ſeu moderata euacuatio per ſedem facta ſive per vomitum.

6. *Origanum.*] Herba eſt non diſſimilis hyſſopo, cuius variuſ uſuſ in medicina, eſtque braſſicæ origanum inimiciſſimum.

7. *Sed non eſt &c.*] Cuiuſ generis vide plura apud Pliniū l. 7. c. 27 & alibi.

Quod autem attinet ad variuſ iſtaſ brutoruſ ſolertiæ, aſtutiæ, atque prudentiæ actioneſ, atque motioneſ ſic ſtatuendum exiſtimo quemadmodum ſagitta

gitta directè fertur ad signum, non ex se, quasi intelligat quo tendat; sed ex directione eius, qui eam emisit: ita tamen recta fertur ac si ipsa sagitta ratione esset prædita. Quod idem apparet in motionibus horologiorum, quæ ordinatissima progressionē circumvolvuntur: sic etiam in animalibus est reperire actiones quasdam miras, & summo ordine, constantia, prudentiaque obitas, quasi, quid agant, intelligant; ut dum v. g. palumbes origanum non hyssopum, cuius tamen illud simile est, colligit. Sed omnium illarum causa est inclinatio naturalis ijs ad illas easdem actiones à Deo impressa: quod enim facit ars humana, atque ratio in artificialibus, idem facit Deus eiusque ars divina in naturalibus. Non ergo in brutis est vera prudentia, neque ratio, neque electio: quod vel ex eo liquet, quod in ijs quæcumque eiusdem sunt speciei, nullo discrimine idem semper operantur.

Porro quod ijs nota sint sua cuiusque aduersus morbos remedia, ea re docemur;

morborum spiritus, variarumque ani-
 mi perturbationum antidota summa
 diligentia conquirere. Quod autem
 bruta ea mox ut ægra sunt adhibeant,
 atque ad ea sine mora, naturæ quadam
 impulsione ferantur, id nos commone-
 facit, ut ubi peccati graui sanè morbo
 æger est animus, nequaquam eius in
 crastinum curationem differamus, sed
 mox ad salutaria à Christo instituta
 pharmaca sacræ homologesis accurra-
 mus, memores illius quod scitè dictum
 à Sapiente est. *Repromissio nequissima*
multos perdidit, quos nimirum dum in
 posterum tempus (improvidi sanè &
 malè se amantes) morbis suis reme-
 dium afferre differunt, mors repen-
 tina occupat, atque abripit, quorum
 nobis exemplum si sapimus vitæ do-
 cumentum esse debet: atque id efficere
 ut salutari isti Ecclesiastici consilio
 pareamus: *non demoreris in errore impio-
 rum, ante mortem confitere, à mortuo qua-
 si nihil perit confessio, confiteberis vi-
 uens, vivus & sanus confiteberis, & lau-
 dabis Deum, & gloriaberis in misera-*
c. 17. 26

*In Hex-
am.
hom. 9.*

tionibus illius. Sed vt ad bruta sese referat sermo, ex ista eorū quæ suæ incolumitati necessaria sunt, scientia & sine doctrina naturalis quædam vitæ suæ diligentia, atque cura quam persecuti sumus hætenus, id consequemur, ait Basiliius, vt aut ad nostri custodiam corporis animarumque prouidendam salutem impellamur, ac concitemur; aut magis magisque carpemur ac condēnabimur, si ita fuerimus affecti vt neque animalia imitari rationis expertia valeamus.

§ 10.

Non esse animi salutem exponendam temerè periculo doceat vulpes, cui si fluuius glacie cōcretus sit transmittendus, tētat primum sitne secura transmissio; ad glaciem enim admota aure vbi subterlabi fluctus sentit, hæret, nec porro pergit; sin omnia quieta percipit, nullumque intra fluuium edisonum, audenter sese glaciei tanquam solidæ credit, ac transmittit.

AN-

ANNOTATIONES.

1. *Vulpes.*] Ita Plutarchus libro de industria animalium; atque hoc vulpis iudicio dignoscunt Thraces sit nec ne securum congelatum annem pertransire.

2. *Tentat primum.*] At quam multa aggredieris tu incomperta, inexplorata, atque intentata, quibusque animum tuum in salutis non modò temporalis, sed & æternæ discrimen adducis? in quot, quantisque peccandi occasionibus versaris, tum prauorum consortio sectando, tum incauta mulierum familiaritate, tum locis periculi plenis, tum commensationibus, tum lusibus frequentandis, neque tamen cogitas vnquam sit nec ne tutum eo in statu diutius commorari? sed dic amabo quā multa conficis negotia, cum tua, tum aliena, quam sæpe contrahis cum proximo, variisque modis pro vi se res dat cum illo transligis, neque hætenus adhuc à quoquam sciscitatus es, num negotiationes illæ tuæ, contractus illi, pacta, conuenta illa, locationes, cambia

Nahum.

2. 16.

illa, cōtractus depositi, mutui, oppignerationis, sexcentæque aliæ contrahendi, negotiandique rationes tuæ (quas plures esse quàm sint stellæ cœli queritur quidam de Prophetis) sint legitimæ nec ne & num à diuina lege dissentiat? Vulpes quidem ad amnem aurem applicat, fluat nec ne solerter animum aduertit, cauetque ne se illi temerè credat, plura etiam factura si id esset ei à natura datum. Sed cur ei tandem tanta ista sollicitudo? vt vitam suam saluâ præstet atque incolumen: tu vt animo, quæ princeps tui pars, valeas, nihil horum præstas? dormitas? neque tibi ne is forte in vitæ incidat discrimen cauendum existimas? vide mihi, quæso, ne vulpe sis stolidior, atque minus esse animi tui æternum victuri, quàm illa corporis sui breui perituri amans, conuictus sis. Vide denique, ne qui amas periculum, pereas in illo.

Eccles.

3. 27.

A V A.

A V A R I T I A.

§ 1.



VARITIAM fugiendam doceant pisces quibus cū
 ut cuiusque natura fe-
 rebat, apta tribuerit Deus
 loca, ut in ijs commora-
 rentur vitamque degerent, nunquam
 2 alienos terminos 3 aggrediuntur, at
 intra suos læti versantur fines.

ANNOTATIONES.

1. *Ut cuiusque &c.*] Neque enim quo-
 libet loco pisces quilibet reperiuntur,
 sed aliud genus in illo sinu maris alitur,
 & gignitur, aliud in alio, & quod hic a-
 bundat, alibi deest.

2. *Alienos terminos &c.*] Quod qui-
 dem eo magis admirandum est, quod
 hi termini nullis sunt mœnibus circum-
 scripti, non portis, non ædificijs do-
 morum, non agrorum finibus limitati,
 non montibus, aut fluijs interlaben-
 tibus diuisi; liberum enim mare est sed
 vsus natura impressus liberam ijs, quo-
 cumque vagandi potestatem ademit,

lib. 5.
hexam.
6. 10.

atque certo quemque locum tanquam patriæ atque hæreditatis finibus continet. Aliam huic rei admirationis causam addit post Basilium Ambrosius: quis inquit geometra his diuisit habitacula nullis rumpenda temporibus? Sed geometram qui terram dimetiretur audiui-
mus, thalassometram (maris mensorem) nunquam audiuius, & tamen pisces mensuram suam norunt; mensuram inquam, eius quod oporteat, vt tantum satis sit vnicuique quantum ad vsum abundet, non quantum auaritas quædam immoderata sibi vindicet. Hæc Ambrosius. Seruatur scilicet à piscibus naturæ lex: est autem quædam naturæ lex, inquit idem, tantum querere quantum sufficiat ad victum, & alimentorum modò sortem censere patrimonij.

Deut.
27. 17.

3. *Nunquam aggrediuntur.*] At quam piscium dissimiles sunt homines, quæris cur? quia transferunt agrorum prædiorumque terminos quos posuerunt patres eorum. Cur? quia agrum vicini per fas, nefasque suo copulant, atque domum domui coniungunt: Cur? quia

no.

noctes diesque varios excogitant dolos
vt suas dilatent possessiones, atque vt
quoquomodo aliquid à proximo aufe-
rant. Audiant hi quid ad eos propheta. *Isayæ*

Vae qui coniungitis domum ad domum, & *Is. 5. 8.*

*agrum agro copulatis usque ad terminum
loci: nunquid habitabitis vos soli in medio
terræ? atque tantum abest vt habitatu-
ri sint soli in medio terræ rapaces isti,
quique nullis satiantur opibus, vt etiam
eijciendi sint è terra, futuriq; iusto Dei
iudicio aliorum præda, contingetque il-
lis illud Habacuc: quia tu spoliasti gen-
tes multas, spoliabunt te omnes qui reli-
qui fuerint de populis.*

*Haba-
cuc. 2.
8.*

§ 2.

Idem alia quapiam ratione, si Basi-
lio quidem atque Ambrosio credi-
mus, & discere licet à piscibus in
quibus id accidit vt à maioribus mino-
res deuorentur, sed in auaritiæ atque
rapacitatis suæ pœnam, rursus maior à
se validiore inuaditur, & fit, inquit Am-
brosius esca alterius, prædator alieni.
Itaque id usu venit vt cum ipse alium
deuorarit, ab alio deuoretur, & in vnū

ventrem vterque veniat cum voratore proprio, deuoratus, sitque simul in vno viscere prædæ vindictæque consortium; 2 quod idem hominibus contingere docebit annotatio.

ANNOTATIONES.

1. *Discere.*] Quia, inquit Ambrosius ad vsum hominum dati sunt pisces, in signum quoque facti sunt, vt in his nostrorum morum vitia videremus, & carueremus ne quis potior inferiorem inuaderet: daturus in se potentiori exemplum iniuriæ.

c. 1. 13. 2. *Idem.*] Queritur vehementer Habacuc propheta esse homines sicut pisces maris, in quibus quemadmodum id usu venit vt maior minorem deglutiat, sic & in hominibus validior infirmiore deorat. Quod quia quotidiana experientia plus satis constat, longiore oratione non indiget. Quot enim videre est potentes qui in imbecilliorum bona, atque prædia irruunt, eaque deprædantur? qui tanquam grandiores pisces viscera inuadunt aliena, infirmioresque demergunt, & persequuntur

in profundum, donec prædam consequantur? quot litibus iniquitatis plenissimis fatigant diuites isti auari tenuiores quosque: ut cum tandem inopia oppressi, & quoddam sumptibus, atque donis in patronos, in causæ suæ procuratores, in iudices suggerendis non sufficiant, litem deferere cogentur, in eorum bona inuolent? verum quot de potentioribus istis nullo iustitiæ quæsito colore (quo quidem se, hominum quidem oculis tegunt ij quos proximè diximus) verum plura vi, violentiaque nixi pauperiores vexant, opprimuntque, & quæ ad cultum ijs victumque necessaria sunt summa crudelitate sublatis eos ipsos summa egestate pressos tantum non fame conficiunt?

Taceo eos principes si qui existant (quod de Christianis quidem non possum adduci ut credam) qui exactionibus iniquis, tributis iniustis quæque non reipublicæ salutis sed priuatis libidinibus seruire faciunt, subditos grauant, premunt, enecant. Taceo & de nobilitate eos qui per colonos suos, aliosque
ru-

rusticos multa sibi curant aliâs indebita fieri gratis obsequia, seruitiaque præstari; quo quidem tempore tum sibi laborare possent illi, tum eo labore sibi quæ ad suam suorumque vitam fouendam faciunt comparare: quod quidem nobilium factum quo nomine alio, quàm insignis auaritiæ patentisque furti indigitem non video; neque aliam mereri appellationem tam perspicuam eorum iniustitiam prudens quisque, ni fallor, existimabit.

Sed vorent quantum volent isti omnes, æmulentur piscium voracitatem, piraticam exerceant, prædentur, non id tamen facient impunè. Quid mirum cum ne id quidem piscibus contingat: in quibus qui infirmiores vorat, voratur & ipse à potentiore; sic tu quoque qui infirmum istum persequeris vt deglutias, incides ne dubita in validiorem, qui te quoque deglutiet. Absorbes imbecilliorum patrimonium, erit & aliquando, & ocyus quam prævidere possis qui absorbebit tuum. Hic autem idem etiam à potentiore aliquo patietur:

Et

Et aliquando qui potentior istius ab-
sorpsit opes, idem ipsum expectet ne-
cesse est: qui enim alterum lædit, sibi
laqueum parat, in quem ipse incidat.

Vide mihi de piscibus maioribus v-
num aliquem reti conclusum, de cuius
relerata alio varij prodeunt pisces, alij
alijs maiores & minores, ita tamen vt
ferè minores maiorum esca fuerint, &
multi in eo reperiantur qui alios deu-
rauerint. Tu verò diues & prædo quot
habes in sinu tuo aliorum prædatores?
Ille habebat facultates pauperis quas
inuaserat, tu eum opprimens duorum
opes tuis facultatibus addidisti, nec ad-
huc tanta accessione fatiaris? sed vide
ne idem te qui & piscem illum finis cō-
sequatur: hamum caue potentiorum, re-
tia caue diligenter, sed caueas quantū
voles incidēs in ea: non potest irrita es-
se aut solui ista scriptura. *Va qui præda-* ^{Isaie}
ris, nonne ipse prædaberis, & qui spernis, ^{33. 1.}
nonne & ipse sperneris? cum consumma-
ueris depredationem, depredaberis; cum ^{Haba-}
fatigatus desieris contemnere, cōtemneris. ^{cuc 2.}
neque ista alterius prophetæ: Va ei qui ^{6. 7.}
mul-

Ecclef.
10. 8.

multiplicat non sua, usquequo & aggrauat contra se densum lutum? nunquid non repente consurgent qui mordeant te, & suscitabuntur lacerantes te, & eris in rapinam eis? Nempè transferuntur & regna, & priuatorum facultates de gente in gentem, de familia in familiam propter iniustitias & varios dolos, quibus rebus conficiendis præparat Deus maiores pisces qui minores deglutiant.

Cuius quidem rei infinitæ testes sunt historiæ tum in rebus publicis tum priuatis. Assyriorum enim regnum atque opes exhauferunt Babylonij, horum Medi atque Persæ, quos Græci confecerunt, qui & à Romanis imperio vniuerso, facultatibusque exuti sunt: Romanos verò quanquam validos pisces, Barbari, Gothi, Wandalî, Alani, Longobardi, innumeræque aliæ nationes deuorarunt. De rebus verò priuatis licet sileam; loquuntur tamen plurima etiam quæ in oculis tuis, ne dum memoria patrum contigerunt, quando splendidæ familiæ, quarum magnifica

vise-

visebantur palatia, latissima prædia,
amplissimi census, pene ad nihilum re-
ductæ sunt! cur id quæso? dicam: cum
essent ista omnia prædando coacervata,
ea ipsa aliorum item prædam esse oport-
uit; atque idem tibi olim euenturum,
tibi certò persuadeas velim. Quod qui-
dem cum erit, tunc iuxta illud sanctis-
simi Iob: diuitias quas deuoraueris, e- *Iob. 20:*
uomes, & de ventre tuo extrahet illas ^{15.}

Deus (nempè vt è visceribus exentera-
ti piscis prædatoris, minutiores extra-
huntur pisces) extrahet autem eas
Deus vt alijs tradat possidendas. At *Iob 5. 5.*
quibus inquit tunc messem tuam fa-
melicus commedet & te rapiet arma-
tus, & bibent sitientes diuitias tuas. Sed *ibidem*
quid filijs meis fiet & nepotibus? lon- ^{v. 9.}
gè autem fient filij tui (quibus modò
opes congregare te putas) à salute, &
conterentur in porta, & non erit
qui eruat. Si multiplicati fuerint fi- *Iob 27.*
lij tui, in gladio erunt, & nepotes tui ^{5.}
non saturabuntur pane; qui reliqui
fuerint ex te sepelientur in interi-
tu. Quæris iterum quibus? pauperi-
bus

Prov.
28. 8.

Eccles.
2. 26.

Eccl.
27.

16. 17.

Eccl.
13. 12.

Psal.
74.

46. 12.

Eccles.
5. 13.

bus, inquam; nec te fallam sacris literis nixus: *qui coaceruat diuitias usuris & fœnore liberali, in pauperes congregat eas. neque pauperibus modò, sed iusto cui-libet, erisque & tu de numero eorum quibus Deus dedit afflictionem, & curam superfluam, vt addant, & congregent, & tradant ei, qui placuit Deo. Iterum dico ne queraris tibi non inculcatum: in id inculcet Iob sanctissimus: auditur: si comportaueris quasi terram argentum, & sicut lutum præparaueris vestimenta; præparabis quidem, sed iustus vestietur illis, & argentum innocens diuidet. Si quæris denique quibus? respondebit David vir secundum cor Dei: & relinquet alienis diuitias suas qui quidem tuis fruëtur laboribus, pascëturque diurnis atque nocturnis sudoribus tuis, dum interim filius tuus fortè (vt loquitur Salomon) in summa egestate erit. Hæc est pars atque sors eorū qui aliorū inhiantes opibus tenuiores quosque quasi pisciculos quosdam deuorant, eorumque facultates per summam impietatem in suos vsus conuertunt. Neque verò id tantū do-*

docetur ab ijs animatibus quæ in aquis, sed etiã ab ijs quæ in terra degunt, idque ne ijs deteriores simus. Vbi primum lupo exsaturatus est, nouæ prædæ nequaquam inhiat, neque tum homini ulli, neque bestiis, licet per medium agmen transeat, nocet, estque mansuetissimus: leones quoque satiati, innoxij sunt.

ANNOTATIONES.

1. *Ijs deteriores.*] Auaris enim id solemne est nunquam vt satientur, iuxta illud: *auarus nō implebitur pecunia: & quæ admodum infernus & perditio nunquam implentur: similiter & oculi hominum insatiabiles: quamobrem cum nunquam sit auarus satur opum id consequitur vt nunquam nocere, aliorumque bona prædari desinat.* Vide Charitas § 6. in fine.

Eccles.

s. 9.

Prou.

17. 20.

§ 4.

AVaritiam eandem, atque rapacitatem fugiendam doceat Aquila sequenti narratione. Cum in saxum non admodum è mari eminens, Polypus aliquando correpens ascendisset, ibique explicatis brachijs summa

Ælian.

l. 7. c.

11.

cum

cum voluptate, quod frigida tempestas
esset à tepore solis calesceret, neque in
saxi colorem se vertisset (quod quidem
cum ad declinandas, tum ad moliendas
magis piscibus insidias factitare solet.)
Aquila acuti visus prædam istam cer-
nens, maximo alarum impetu in eam
profilit. Sed piscis hic circumplici-
antibus Aquilam & pertinaciter adhæres-
centibus ¹ cirris suis ² in profundum
detraxit, & hostem capitalissimum si-
mul interfecit.

A N N O T A T I O N E S.

1. *Cirris.*] Quibus quasi loris quibus-
dam ita Aquilæ vincit alas, ut eas ex-
plicare nequeat, atque ita superatur.

3. *In profundum detraxit.*] Miser hic
Aquilæ prædantis exitus eos spectat qui
prædam sibi damnosam captant, quales
ferè sunt qui malis artibus aliorum
bonis aut inhiant, aut ea occupant.
Quàm malè Achamo cessit sua habendi
cupiditas & furtū; vide Iosue 5. Sup-
plicium Iezabelis contra ius fasque Na-
both vineam sibi vendicantis, vide 3.

Prou. 1.

13. Ec.

Reg. 21. Verè à Sapiente pronuntiatum
est

est eos qui alieno insidiantur sanguini, ut aliena substantia, spoliisque domos suas impleant, ipsos contra sanguinem suum insidiari, & moliri fraudes contra animas suas, semitasque omnis auari, animas possidentium rapere: quicquid enim mali contra proximos moliantur, in caput eorum recidit, in- *Psal. 7.*
ciduntque in foveam quam alijs fecerunt: iustissimoque diuini numinis iudicio conuertitur dolor eorum in caput illorum, & in verticem ipsorum iniquitas eorum descendit, dum quod malum alijs parauerunt, externam ijs perniciem affert. Quod autem ait de semitis auari eodem spectat: nam prauæ rationes & modi agendi omnis auari qui multorum damno diuitias sibi coaceruat, rapiunt animas possidentium, ipsorummet scilicet auarorum qui eas possident: etenim semitæ illæ auari impietatisque plenæ rationes agendi, auarorum demergunt animas in interitum & perditionem tum temporalem quod *1 ad Tim. 6.*
quidem non infrequenter euenit, tum semper æternam. Obseruandum hîc etiã

obiter, ab imbelli, timidoque pisce, bellicosissimam, generosissimâque perire Aquilam, volucrum reginam: quod quidem docentur vindictæ cupidi, quibusque benè non est, nisi alieno cruore gladium suum tinctum videant; licet ij cum inferiore manus conserant, non esse tamen de victoria securos, nihil enim tam imbecille natum est, cui non ad sese tuendum arma prouiderit naturæ benignitas, imbecillosque valentissimis multa sunt quæ exæquant, atque adeò superiores efficiunt: sed de hoc ex professo verbo Iniuria.

CASTITAS. *vide* ADVLTERIVM.
LUXVRIA. VOLVPTAS. VIRGINITAS.



PRINCIPIO agendum de Castitate vniuersè accepta, tum de coniugali, denique de viduarum: de virginum enim dicendum verbo Virginitas.

§ 1.

COlendam autem castitatem, fugiendamque libidinem docent Apes quæ naturæ quadam propensione recentem à complexu venereo cognoscunt, atque illum sicut hostem insequuntur.

ANNOTATIONES.

1. *Apes.*] Quemadmodum eæ sint virgines, atque sine vlllo coitu integra pariant examina dicendum verbo Virginitas.

§ 2.

DOcet item taurus qui cum ab altero superatus est, non modo se in secretum locum abdit, ibique ad futuram cum hoste pugnam se exercet, contentione omni cornibus, calcibus, vnguibusque certando, verū etiam se à venere abstinet, & libidinique moderatur, vt inde fortior euadat.

ANNOTATIONES.

1. *Venere abstinet.*] Ea enim negata fortiora fieri animalia, tum ratio, tum experientia confirmat, soluit enim ve-

nus & corporis & animi vires ob mirā resolutionem spirituum, consumptionemque quæ tunc contingit.

2. *Libidini moderatur.*] Refert Plato palæstritam quendam Tarentinum toto olympicorum certaminum tempore sibi veneris vsum interdixisse, quod quidem solenne fuit pugilibus omnibus, ut ea continentia vires suas & conseruarent & augerent. Sed quis id miretur ab hominibus præstitum, quibus magna erant si vincerent proposita præmia tum viuus tum vita functis? at tauro hostem suum superanti quæ vnquam delata præconia, quæue decreta victoriæ præmia?

2. *Inde fortior.*] Tu ratione præditus, tu Christianus, ut hoste tuo dæmone qui extremā tibi molitur perniciem superior euadas, eaque victoria regnum æternum consequaris, negas te continere posse? vide numquid indignius aut maiore dignum probro quicquam excogitari possit.

§ 3.

Libidinosa animalia ¹ idem quodāmodo, quanquam dissimiliā castis ratione prædicant, quod in annotatione explicabitur. Ex felibus mas est libidinosisissimus qui vt cum fœmina sua consuetudinem habeat, communes catulos interimit, quibus ipsa eorum amantissima alendis occupatur. Ex piscibus ² libidini apprimè deditus Polypus quem & nimio eius vsu omnibus corporis partibus ³ viribus suis exhaustis ita debilitari ferunt vt & ad natandum ac cibaria sibi conquirenda factus infirmus alijs ⁴ præda efficiatur, libidinosi etiam ⁵ hirci, canes, ⁶ equi, atque ⁷ equæ.

ANNOTATIONES.

I. Idem prædicant.] Docent enim colendam castitatem, ni nos similes eorū esse velimus (vt superius dictum tū ex Basilio tum ex Ambrosio) quo quidem nihil hominum generi turpius aut probrosum magis, quam humanæ naturæ abdicata præstantia in brutorum mores degenerasse.

verbo
Adulter
§. 1.

2. *Libidini deditus.*] Atque ea re brevissimum est ei vitæ spatium vnius scilicet anni, quæ eadem pœna, vitæ nimirum periodus breuior, iustum est scortatori supplicium, putredo enim
 ej. 19. 3. (inquit Ecclesiasticus) & vermes hæreditabunt illum, & extolletur in exemplum maius, & tolletur de numero anima eius. Quam enim accidit frequenter, ut scortationibus dediti, omni vitæ succo exhausto, corruptoque corpore adhuc viui putrescant, atque fœteant, eorumque non modò viscera, sed & exteriores corporis partes velut à vermibus arrodi videantur, fiantque intuentibus triste spectaculum, & miserandū pœnæ scortatorum monumentū. Quod autem addit eos extollendos in exemplum maius, eam id habet sententiam, ut significet eos præmatura morte ex hac vita auferendos, idque in magnum & nobile aliorum exemplum, atque ut quam sit acerbus, quamque amarus libidinum fructus, cæteri perspiciant.

3. *Viribus &c.*] Quod idem homini
 illi

illi accidere qui se huic vitio dediderit confirmat Salomon, dum filium suum, atque in eo homines vniuersos à meretrice auocat: ne, inquit, appropinques foribus domus eius: ne des alienis honorem tuum, & annos tuos crudeli, ne fortè impleantur extranei viribus tuis, & labores tui sint in domo aliena, & gemas in nouissimis, quando consuperis carnes tuas, & corpus tuum, & dicas: cur detestatus sum disciplinam, & increpationibus non acquieuit cor meum, nec audiui vocem docentium me, & magistris non inclinaui aurem meam? penè fui in omni malo in medio Ecclesiæ & Synagogæ. Dat autem scortator alienis honorem suum, cum adhærendo meretrici eum fœdè commaculat, eiusque facit iacturam, atque ei cui turpi amore deuinctus est tradit; cum eum in eius gratiam amittit: atque eodem ferè sensu dat annos suos crudeli, id est meretrici (qua nihil crudelius excogitari posse etiam prophani sensere) cum vitam suam immodica libidine efficit breuiorem. Eadem me-

*Prov. 5.
8. 9. 10.
11. 12.
13.*

Plautus.

retrix vocatur in consequentibus *extranea*, vetaturque vires nostras ei ne impartiamur, quod quidem fit immoderato Veneris usu, quo viribus planè absumptis, admodum imbecillus fit scortator. Quartum tandem bonum addit *labores*, hoc est quæ ab homine suis parta laboribus, quales sūt opes atque facultates. En quot & quāta bona misero eripit scortatori brevis atque inanis voluptatula.

4. *Præda*.] A parvis enim pisciculis & cancris exeditur.

5. *Hirci*.] Tum hirci tum canes vt & Cynocephali tam impotentis esse dicuntur libidinis vt etiam cum mulieribus consuetudinem habere ferantur, AELIANUS l. 7. c. 19.

6. *Equi*.] Nota est equorum in libidinem pronitas, quam & sacræ litteræ sugillant dum insanientes quosdā in fœminas, emissarijs equis cōparant, nosque vetāt fieri sicut equus & mulus quibus nō est intellectus: aiuntq; hominē cū esset in honore, id ipsū non intellexisse, at cōparatum cū iuvenibus insipientibus

cibus illorumque similem factum esse.

7. *Eq. 2.*] Vide de immoderata earum lascivia verbo *Luxuria* § 2.

§ 4.

IN coniugali ¹ seruanda castimonia, hominibus exemplo præeunt columbæ, quæ in auibus, maximè sunt pudicæ atque ab omni adulterio alienæ : nunquam enim ex societate inter se instituta, nisi vel casu aliquo vel alter alterius morte distrahuntur. Eandem virtute præditi sunt palumbes, ubi mas & fœmina sunt veluti nuptiarum fœdere astricti; adeoque mutua consensione ad certum & stabile connubium incredibili fide atque castimonia adhærescunt ut neuter alienum thorū attingat; quod si id aliquando libidinis æstu perciti moliantur, eos reliqui miserè dilaniant, ut dictum verbo *Adulterium*: sunt autem palumbes ² vitæ longioris quam sint columbæ. Eandem inter se quam palumbes seruant fidem ³ cornices cum semel inter se societatis vinculo deuinctæ sunt. Corui ad trigessimū, quin & ad quadragessimū

ætatis annum vnà viuentes, iura coniugij inuiolata vtrunque constantissimè seruant. Quam fidem non solum ad mortem vsque durare Athenæus scribit, verum etiam defuncto altero, coniugem alterum per omnē vitæ tempus viduum permanere; neque alteri vnquā copulari.

ANNOTATIONES.

1. *Maxime puāica.*] Atque ea re factum vt cœlestis sponsus non semel sponsam suam nempe Ecclesiam colūbæ nomine compellet, non modò quod plurimos ei secundum spiritum pariat filios (est enim fœcundissima volucris columba) sed quod ita ei amoris vinculo est deuincta vt nulli alteri sese associet, neque alterius admittat amplexus.

2. *Vitæ longioris.*] Viuere enim palūbes ad trigessimum quin & quadragessimum annum, tradit Plinius l. 10. cap. 35. Vno tantum incommodo vnguium qui citra perniciem reciduntur, cum columbæ octo tantum annis viuant. Eius autem vitæ diuturnitatis causa est

castitas; cum sint columbæ ijs salaciores vocenturque palumbes quod parcant lumbis.

3. *Cornices &c.*] Hinc veteres in nuptijs post Hymenæum cornicem inuocare soliti erant, hoc mutux fidei coniugalis, concordixque exemplum ijs repræsentantes qui liberorum quærendorum gratia conuenissent.

§ 5.

A Tq; hæc de volucris, piscibus item sua inest coniugalis castitas. A Etnæus enim piscis postquã cum femella sua sociatus est, ad aliam non accedit.

ANNOTATIONES.

1. *Ad aliam &c.*] Quod ab eo fit licet nullis ad id fugiendum scelus legum supplicijs cohibeatur, quemadmodum olim Iudæi, quibus in adulterio deprehensis mors infligebatur: licet item non insonuerit illius auribus illud Iob de adulteri pœnis: ad nimium calorem transeat ab aquis niuium, & vsque ad inferos peccatum illius: neque illud Apostoli, neque fornicarij, neque adul-
teri

Leuit. 20. 10.

Job c. 24. 19.

1. ad Cor. cap. 6. 9.

Prou. 6. teri regnum Dei possidebunt; sed ne-
32. 33. que doctus à Salomone est adulterum
 propter cordis inopiam perdere animam
 suam; turpitudinemque & ignominiam
 congregare sibi, opprobriumque illius
 non delendum. Tu verò qui hisce om-
 nibus probè intellectis neque pœnam
 mortis, neque ignis æterni supplicium,
 neque æternum à regno Dei exilium a-
 dulis decretum, neque (si te exte-
 riora, hominumque oculi mouent ma-
 gis) quàm sit turpis adulterij nota igno-
 ras, adhuc tamen quasi lege omni ti-
 moreque solutus in alienæ coniugis
 ruis amplexus, nonne longè brutis ip-
 sis deteriores, ideoque non ab hominū
 modò, verum à brutorum etiam con-
 suetudine arcēdus, qui castimonia mo-
 rumque honestate es ijs multò inferior?
 quod si te brutis comparari pudeat, re-
Hom 7. gredere (vt Chrysostomi monitū vsur-
in Matt. pem) ad propriæ nobilitatis insigne, &
 immensum illud gehennæ pelagus, flu-
 menque igneum memoria repetens, fu-
 ge pestiferam illam adulterij piscinam.

AD cōiugalem castimoniam reuoco rarū matrimonij vsū, quo in genere insignis est elephātis cōtinentia qui ne sua stirps deficiat, semel tantum toto vitæ tēpore, quæ tamē diutissimè producitur, fæminā attingit, idq; 2^a quā secretissimo loco potest, quare se aut in arbores dēsas aut in cōcauum aliquē locū profundūq; abdit.

ANNOTATIONES.

1. *Diutissimè.*] Ducētis plurimū annis, quidā etiā trecentis, iuuentaq; eorū sexagesimo anno incipit. Plinius l. 8. c. 10.

2. *Quā secretissimo.*] Pudore id faciunt atq; honestate qua antecedūt viros nōnullos qui palā, maximè à mēsa vbi vino incaluerunt non quidē matrimonio vtūtur, sed quæ illius vsū antecedere solent, amatorios intuitus osculaque non verentur adhibere, cū honesti mariti sit sese in aliorū oculis ita se cum coniuge sua gerere quasi coniux non esset, atque coniugalis beneuolentiæ signa secreto reseruare. Memini me legere de Ludouico nono Gallix rege sanctissimo

atissimo, quemadmodum cum is quædam vice à matre Domina Blancha improuiso pro materna authoritate regium ingressa thalamum, esset deprehensus familiariter & licenter vt sit inter coniuges agens cum regina coniuge, magno sit pudore suffusus, cum tamen nihil pudendum admitteret, tanta erat morum tum honestate tum castimonia, vt nihil eorum quæ ad coniugum inter seipsoſ familiaritatem spectarent, palâ exhibendum existimaret.

§ 7.

A Nimalibus penâ omnibus id solemne est vt, obseruent tempus statum generationis, verum scilicet, quo elapso desinunt generationi vacare, cum non tam voluptatem quam prolem quærere videantur.

ANNOTATIONES:

1. *Obseruent &c.*] Quod hisce verbis explicat, eaque occasione hominum libidinem carpit acriter S. Ambrosius. Omnes, inquit, animantes præscripta habent pariendi tempora, solus homo

lib. 4.
Hexam.
cap. 10.

indiscreta, atque confusa. Reliqua genera clementiam temporis quærunt (verni scilicet plurimum) mulieres solæ partus suos inclementer effundunt: nam apud eas nullum est partui assignatum tempus, cum & summa hyeme, incommodo infantibus tempore, fœtus suos enitantur: sed vaga vt idem ait, & intemperans libido generandi, vagam pariendi ætatem exhibet. Ex hac item animalium continentia, discant licet coniuges habere statuta tempora operis matrimonij, illudque ommittere subinde vel orationis, vt monet Apostolus, vel sumendæ Eucharistiae causa, vel quadragesimæ, atque ieiunij tempore, meminerintque tempus esse amplexandi & tempus longè fieri ab amplexibus. 1. cor. 7.

2. *Non tam voluptatem &c.* Quod Ambrosius sic præclarè exprimit, pecudes muto quodam opere loquuntur, l. i. in
generandi sibi studium non desiderium Luc. ad
esse coeundi, quod quidem studium finem.
non dubito (vt equidem saluo meliore iudicio existimo) ab eo studio profectum

Gen. 1. Etum quo tenentur bruta omnia, Dei
12. voci obsequi à qua ijs præceptum constat ut crescerent & multiplicarentur, & replerent alia terram, aquas alia, æris regionem cætera. Sed pergit Ambrosius propositioni suæ fidem dare, si quidem ubi semel gravem alium sibi senserint, & genitali aluo semen receptum, iam nec concubitus indulgent, nec lasciviam amantis sed curam parētis assumunt. Et quoniam cum disertè, tum efficaciter coniugium in ista re intemperantiam atque libidinem castigat, gratum erit spero Cōcionatoribus quibus potissimum iste scribendi assumptus est labor, si eius afferam verba, ut ipsis tanto duce atque authore idem aliquando ut sese res dabit, sine rubore præstare liceat, sic itaq; hominū incontinentiam deplorat. At verò homines nec cōceptis, nec Deo parcunt; illos contaminant, hunc exasperant.

Jerem. 1. priusquam te, inquit, formare in utero novi te, & in vulva matris sanctificaui te: ad cohibendam petulantiam tuam, manus quasdam tui authoris in

vtero hominem formantis aduertis: ille operatur, & tu sacri vteri secretum incestas libidine? vel pecudes imitare vel Deum verere: hæc ille.

§ 8.

Vidualis castimonix seruanda
magistra est turtur, quæ compare suo amisso cælebs manet
atque iterare coniunctionem recusat:
idem fit à Ciconia atque Cornice.
Vide superius § 4.

ANNOTATIONES.

i. *Magistra est turtur.*] Discite itaque mulieres (ita eas cōpellat Ambrosius) quanta sit viduitatis gratia quæ etiam in auib¹ prædicatur, quis igitur has leges turturi dedit? si hominem quæro non inuenio: homo enim nullus est ausus, quando nec Paulus ausus est leges tenendæ viduitatis præscribere, denique ipse ait. Volo ergo iuniores nubere, filios procreare, matres familiæ esse, nullam occasionem dare aduersario. Et alibi: bonum est si sic permaneāt, quod si se non continent, nubant, melius est enim nubere quam yri optat Paulus in

l. 5. Hebr.
xam. c.

19.

1. Thim.
5.

1. Cor. 7.

mulieribus, quod in turturibus, perseverat. Aliàs iuniores hortatur ut nubant, quia mulieres nostræ turturum pudicitiam implere vix possunt: turtur non vitur flore iuventutis, non tentatur occasionis illecebra, turtur nescit primam fidem irritam facere, quia novit castimoniam servare, prima concubij sorte prætermissa (id est non se iterum matrimonij vinculis illigans) sed pertæsa thalamos & nomen habere coniugis, eo quod primus amor fefellerit eam dilecti morte deceptam: quoniam & infidelis ad perpetuitatem fuit, & amarus ad gratiam qui plus doloris ex morte quam suavitatis ex charitate generavit. Hæc Ambrosius. Quæ quidem observari à viduis, neque temerè præteriri velim quas affert rationes duas cur coniugium non repetat turtur, quæ eadem in morte viri valent, qui quidem nec perpetuus fuit, sed parvo stetit tempore, multoque fuit acerbius eo morte privari quam dulce eo ipso dum viueret frui; quare iterare conjunctionem recusent (penè verba sunt

Am-

Ambrosij) nec pudoris iura, aut complaciti quondam viri resoluant fœdera, illi soli suam charitatem reseruent, illi custodiant nomen vxoris.

2. *Acronia &c.*] Quamquam nullis ad id legibus aut metu terreantur; mulieribus quidem sæpe à maritis testamento frangum iniicitur, timor scilicet iacturæ dotis si fortassis sui oblita alteri nubant, neque tamen in plerisque quicquam valet metus iste, tam est impotens earum libido, cum bruta ista omni timore soluta virtutem colant continentia, atque ad secundos amplexus nullum admittunt.

CHARITAS. *vide* HOSPITALITAS. CONCORDIA. AMICITIA.
Gratia.



GENDVM primò de animalium aduersus hominem, tum de animalium mutua inter se ipsa Charitate, idque eo ordine vt primùm de eorum quæ eiusdem,

deinde quæ alterius sint speciei bene-
uolentia mutua tractetur.

§ 1.

Delphini in homines mirum a-
morem docebunt quæ sequun-
tur. Cum Iasi puer quidem for-
ma præstans natationi indulgeret fre-
quentius, Delphinus quidam cum im-
pense cœpit amare, ita ut inter se lusi-
tarent, & natando certarent, que pue-
rum veheret dorso suo Delphis, &
eiusque in mare progrediretur, quo-
usque luberet puero, quæ & postea lit-
tori reddebat. Cumque his amoris ar-
gumentis aliquo tempore inter se cer-
tassent, accidit ut puer admodum fes-
sus, toto se ventre, eoque nudo in re-
ctorem suum Delphinum temerè inji-
ceret neque aduerteret aculeatam illius
spinam dorsi erectam esse atque horrē-
tem, cuius acuminibus exulcerato ven-
tre, venæ etiam quædam ruptæ permul-
tum sanguinem & cum sanguine vitæ
effuderunt; quod quidem percipiens
Delphinus tum ex pondere quod gra-
uius eum premebat, tum ex sanguine
tin-

tincto mari 2 puero superstes esse noluit, sed cursu concitato, simul cum eo vita fūcto se in littus eiecit, amboque, hic iam mortuus, ille animi defectione expirans humi strati iacuerunt. Alexandria regnante Ptolomeo secundo, & 3 Puteolis in Italia idem penè accidit ut minus mirum sit quod de 4 Arione Methymnæo Delphini dorso ad littus vecto tot veterum narrationibus confirmatur. Præter ista eandem in homines beneuolentiam testantur Delphini quod obuiam nauigijs veniant, alludant exultantes, certent cum ijs celeritate, & quamuis plena prætereant vela; denique quod cum hominibus tanquam socii, 5 piscantur. Raia piscem ferunt homini sub aquis periclitanti auxiliari ne vel submergatur, vel à belluis maris discerpatur.

ANNOTATIONES.

1. *Ex pondere.*] Leuior est enim atque ad portandum minus grauis homo viuus quam mortuus, ratione spirituum vitalium, qui hominem, ut aues pennæ suæ subleuant.

2. *Puero superstes.*] Non potuit sanè
 illustrioribus argumentis suam in eum
 beneuolentiam testari, quam dum vi-
 uo quidem dorsi sui vehiculum præbuit
 quod vnicum potuit; de eius morte ve-
 rò ita doluit vt eo mortuo vitam sibi a-
 cerbam duceret, atque ideo ea se pri-
 uaret: quod quidem summum esse amo-
 ris argumentum etiamnum Indis (im-
 piè licet) est persuasum, apud quos vbi
 vir (si quidem is in aliquo numero est)
 vita excessit, eius vxor aut vxores si plu-
 res habuerit mortem sibi conciscunt,
 atque in eundem rogam quo mariti ar-
 det cadaver spontè lubentique animo
 sese iniiciunt: atque ita nonnunquam
 euenit, vt in regis aut principis ali-
 cuius obitu, quibus non rarò trecentæ
 vxores, eæ omnes vt se defunctum a-
 maste testentur isto spontaneo mortis
 genere intereant. Atque vt antiquio-
 ra non negligamus P. Cætenus Philo-
 timus patronum adeò dilexit, vt hæres
 licet bonis omnibus institutus in rogū
 eius se proiecerit. Apud Aegyptios
 sodalitium fuit qui nomen, *συνασσο-
 υνισκόντων*

P. Iar-
 vic. t. 1.
 Hist. o-
 rientali
 l. 2. c. 6.
 § 14.

Plin. l. 7
 c. 36.

θυηδ'κόντων quasi commorientium, qui
 hac lege copulati ut si quid aduersi *Pluth.*
 contigisset alteri, eundem fortunæ ex- *in Ante-*
 itum esset alter tanquam poenæ socius, *nio.*
 laturus: quo genere Antonius & Cleo-
 patra, cui plus ille nimio se addixit,
 mutuo affectu deuincti fuere: neque
 post Actiacam pugnam abstinere con-
 iuiuiorum lautitia regalis impediij quæ
 συναποθανέντων nūcupabāt .i. cōmori-
 turorū; quin & cōiuiæ συναποθανέντες
 seipso vocabant. Hunc eundem com- *Cesar. l.*
 moriendi morem seruatum ab Hiberis, *3. belli*
 Cantabris, Socianis (Gallorum ea *gallici.*
 gens est) atque Aethiopibus tradunt *Strabo*
 graues authores. Quod si sacra requi- *l. 3.*
 ris, habes Saulis regis armigerum qui *Diodor.*
 cum animaduertisset extinctum domi- *Siculus*
 num suum, insigni ut putabat in eum *l. 4. c. 1.*
 amoris argumento, irruit & ipse super *1. reg.*
 gladium suum & mortuus est. Sed ut *31. & 5.*
 ad Delphini amorē ab istorum impie-
 tate atque insania redeamus, quā ab
 eo damnantur vehementer qui proxi-
 mos neque uiuos diligunt neque mor-
 tuos: uiuis quidem nihil opis impertiū-

tur, quin & eos vexant atque opprimunt: in mortuorum autem bona irruunt, eorum hæredes spoliant, filios vitam mendicatio sustinere cogunt, obli-
 7. 7. 36. tati nimirum illius Ecclesiastici: mortuo non prohibeas gratiam.

l. 9. c. 8. 3. *Putcolis.*] Refert Plinius affertque alia in eandem sententiam exempla quæ non erit inutile videre.

4. *Arione*] Hic cum ex Italia magno ex citharæ pulsatione facto quæstu, domum rediret, videretque pecuniæ gratia conturare in suâ perniciem nautas, rogavit ut cæteris quæ haberet captis, vitam solam sibi relinquerent, cumque id non impetrasset, blanditijs exoravit ut fidibus paulisper liceret canere, quo mortem suam cantu illo consolaretur. Ad suauitatem autem citharæ cōgregatos ferunt Delphinos aliquot, ipsumque Ariona non ignarum naturæ illius animalis antequam inde dilaberetur, cum cithara & toto cultu desilisse in dorsum vnius ex illis, qui eum placide ad Tænarum deuexit, ubi & in eius rei monumentum visitur simulachrum

chrum Delphini vehentis & hominis insidentis.

5. *Piscantur.*] supple Mugiles, quod quemadmodum perficiant fuscè narrat Plinius l. 9. c. 8.

§ 2.

Thoa ferunt hominem ita diligere vt si fortè in eum incidere reuereatur, ac veluti obseruatia eum prosequatur, præterea vbi illum à feris circumfessum aduertit, mox accurrere, & opitularique pro viribus.

ANNOTATIONES.

1. *Thoa.* Ita AElanus l. 1. c. 7. Thoes inquit Plinius l. 8. c. 34. Luporum genus est velox saltu, venatu viuens, innocuum homini; quod eò maiore habet admiratione, quod sit è luporū genere, cum quo nulla homini necessitudo.

2. *Opitularique.*] Cum homines non tantum afflictis, atque ab inimicis obsessis non ferant opem, quin etiam sese ijs adiungant ad nocendum grauius: ea est enim hominum pueritas vt cum quis in calamitatem aliquam inciderit grauiorem, omnes experiatur sibi

sibi in festos, & veluti inclinatum iam parietem propèque ruentem, omnes ad ruinam propellant, ab ijsque deferatur qui in bonis rebus dumque faueret fortuna ei indiuiduè adhærescebant. Quod quidem sibi euenisse sæpe queritur Dauid, maximè autem psalmo 54. vbi vehementer exaggerat cum ciuium Hierosolymitanorum tum maximè Achitophelis perfidiam, qui cum vbi prosperè secum ageretur ab eo stetissent: mox vt eum viderunt in angustiis ob filij Absalonis rebellionem, ab eo turpiter defecerunt. Idem etiam queritur Iob sibi in graui illa sua calamitate vsu venisse, dereliquerunt me (inquit) propinqui mei & qui me nouerant obliti sunt mei. Seruum meum vocaui, & nō respondit, ore proprio deprecabar illum, halitum meum exhorruit vxor mea, & orabam filios vteri mei.

Iob 19.

24. 16.

17.

Confer mihi tum querimoniam istā Iob, tum alterā Davidis cum eo quod à brutis homini exhibetur obsequio, atque perspicies quam sit homini amicior brutorum natura, quam hominum.

Elephantis in Porum Indiæ regē
 charitas satis ¹ vulgata est, qui
 cum in eo prælio quod cum A-
 lexandro commisit, multis esset telis
 confixus, elephas quo vchebatur : quā-
 quam ipse item plurimis sagittis vulne-
 ratus, defixa tamen in regio corpore
 tela leuiter admodum & cautē extra-
 hebat, neque prius ab eo charitatis ob-
 sequio destitit quam perspexisset regem
 ex nimia sanguinis effusione debilitari
 atque euanelcere, quare paulatim le-
 uiterque se demisit, atque ita humi mā-
 sit, vt ne ex alto decidens regis corpus,
 grauiore casu allideretur.

Elephas homini obuio fortē in soli-
 tudine & simpliciter oberranti, clemens
 placidusque etiam demonstrare viam
 traditur. Accipiter hominis societate
 mirē capitur non tantum arte cieur fa-
 ctus, sed dum etiam liber est, sui que
 iuris. Scribit Aristoteles eum se sponte
 sua in Thracia, hominibus venationis ^{l. o. bist.}
 socium, imo & prædæ præbere solitum. ^{c. 36.}
 Quare Aelianus eum ex auibus longe ^{l. 2. c.}
 ho-

hominum studiosissimum haberi tradit. Vide verbo Sepultura.

Amant Psittaci pueros, gaudentque eorum consuetudine, & sermonem humanum coram eis exprimere. Scribit Aboali sibi à fide digno assertum nouisse se hominem adeò à psittaco dilectum, ut eius discessum semper lugeret auis. Gaudet psittacus hominum consortio, non tantum cicur factus, at etiam ferus in syluis degens, quibus relictis assidue in nouo orbe circa Americanorum domicilia versatur.

ANNOTATIONES.

1. *Vulgata.*] Eius enim meminere plurimi post Plutarchum l. de industria animalium, & Aelianum l. 7. c. 37.

2. *Quamquã & ipse.*] En quemadmodum quod vix homo homini præstat (cui malè interdum persuasum est charitatem incipere à se ipso) ut alteri, se neglecto, opem ferat; id præstat homini brutum quod sanè permirum videbitur: curenim non sui potius rationem habuit elephas quam regis, præsertim cum ad id etiam naturæ propensio potius.

tissimum feratur? verum longè alio sanioreque consilio, omni sua abiecta cura, tanquam præstantiorem iudicaret, atque multò Reipublicæ vtiliorem vitam esse regis quam suam, se deserto regiam valetudinem quantum in se fuit curauit: pulcherrimo sanè mortalibus tradito exemplo seruandi ordinis in dilectione, vt si contingat fortè nos & alium quempiam cuius sit vita bono publico, Deique gloriæ propagandæ magis necessaria quam sit nostra, de ista ipsa vita periclitari, multò esse illius vitâ saluam quam nostram malimus: quæ quidem re non plus alios quam nos ipsi diligimus (quod quidem à ratione alienum videatur) cum alteri bono aliquo mométaneo, reque caduca concessa, nobis ipsi virtutis bonum honestatemque quæ infinitè alteri præstat assumamus. Atque hoc ipsum à paganis præstitum (quod fuscè traditur à Valerio Maximo) nedum à Christi sacris initiatis, mirabitur nemo, cum & id à brutis exhibitum viderit.

S Ed canum in hominum genus dilectionis argumenta sunt quotidie in oculis, quare eius rariora ac planè stupenda subiiciam: cum Polus professione tragædus vita esset functus, eiusque cadauer pro more cremaretur, canis eius alumnus in medios exsiliens ignes, & viuis vnà cū hero suo exustus est. Mentoris item cuiusdam canes, cū is rogo esset impositus, voluntariam sibi eodem igne mortem consciuere. Denique (quoniam eius generis exemplorum non esset modus) cum Theodorū psaltem propinqui sui in sepulchrum imposuissent, eius catellus ultro seipsū in cadaueris thecam iniiciens pariter cum domino suo humatione & sepultura affici voluit.

Equi verò amissos lugent dominos, lachrymasque interdum desiderio fundunt; interfecto Nicomede rege equus eius inedia vitam finiuit, occiso Antiocho, eius interfector cum equo positus esset, in eum conscendit: sed ille indignatione accensus, herique sui in-

fortunio

Plin. l.

8. c. 42.

fortunio præcepſ in abrupta fertur, v-
nâque cum nouo ſeſſore exanimatur.
Occiſo Sybaritarum regulo hoſtem cū
victor ſpoliaturus veniſſet, ab equo e-
ius ictibus morſuque conficitur.

ANNOTATIONES.

1. *Cum Polus.*] Vt his antiquioribus
maior fides concilietur, vide quæ ſupe-
riore ſæculo miranda contigſſe in iſto
genere narrat Antonius Torqueniada
Hiſpanus in ſuo libello Hexameron
nuncupato.

2. *Vinnus exuſtus.*] Huc faciunt quæ
habes annotata ſupra § 1. numero 2.
Vide de eadem brutorum in homines
charitate verbo Gratia ſeu Gratitude
cap. 2. § 1.

§ 5.

HVc etiam referas licet eas ani-
mantes quarum benignitate e-
ducati ſunt infantes. Ptol-
omæum ſoterem Ariſinoæ filium ferunt
Macedones expoſitum & ab Aquila
nutritum. Hæc ſublimis ſuper infantē
extenſis alis, & æſtum ſolis & pluuiam
auertebat, Aues gregales arcebat, &

coturnicum sanguine tanquam lacte
eum alebat, testis Suidas in Iago.

*Plutar.
in Romu-
lo.*

*Aug. de
civit.*

Dei l. 18

cap. 21.

Iustin. l.

23. in fi-

ne.

Pausa-

nias in.

Corinth.

Pausa-

san. in

Achai-

eis.

Diodo-

rus l. 2.

c. 2.

Romulum & Remum fratres expo-
sitos : lupa nutriuit. Hieronem qui post
Pyrrhi è Sicilia profectiōe creatus est
dux in Carthaginēses & tandē Syracu-
siorum rex, cum infans esset à patre
expositus, apes congesto circa iacen-
tem melle multis diebus aluere. Idem
de Meliteo qui vir factus præclarè se
gessit, plurimisque vicinorum præfuit,
traditum est. Aesculapio summo postea
medico lac præbuit capra. Telæphus
rex infas ceruæ suxit vbera: Paris Pria-
mi filius vrsæ. Semiramidem Assyrio-
rum reginam, infantem à matre in loca
saxosa abiectam, aues coagulato lacte
è proximis pastorum mapalibus raptò
nutriuerunt: Anno exacto cum firmio-
ri cibo indigeret, aues caseum ex eo-
dem loco raptum ori infantis admo-
uerunt.

ANNOTATIONES.

*Decinit.
Dei l. 18
c. 21.*

1. *Lupa nutriuit.*] Agnoscit hîc in hu-
ius feræ benignitate singularem Dei
prouidentiam Diuus Augustinus, qui
in-

infantibus istis per quos tanta ciuitas condenda fuerat, de aqua diuinitus liberatis per lactantem feram voluit subuenire. Quod idem de ijs qui subiiciuntur asserere quid vetat? maximè cū ab eorum singulis iam ætate prouectis singularia quædam facinora prodierint.

§ 6.

VErum si tam sunt hominum amantes bestię mirum non erit si se inter se ipsę ament, ac potissimum vbi eadem specie natureque participant. Atque vt à Delphinis quod supra item factum ordiamur: cum Delphinus quidā in vrbe Thraciæ A Enos, vulnere accepto licet non mortifero, vnde ramen multus flueret sanguis, captus esset, vbi id senserunt cæteri, maximis saltibus ad portum gregatim vnà cum catulis suis sūt profecti, itaque probe studium suum captiuo nauarunt, vt eum piscatores à tot Delphinis sibi pertimescentes solutum dimiserint: illum autem saluum receptum Delphini natu grandiores, quasi tristes de infortunio, regredien-

tem comitati sunt; & magno studio tota via subleuare conati.

ANNOTATIONES.

1. *Cum Delphinus.*] Author AElia-
nus l. 5. c. 6. quod confirmatur alio
non absimili istius, ex Plinio l. 9. c. 8.
Capto, inquit, à rege Cariæ Delphino,
alligatoque in portu, ingens reliquo-
rum cōuenit multitudo, mœstitia qua-
dam quæ posset intelligi miserationem
petens, donec dimitti rex eum iussit.
Sed & his fidem astruit Aristoteles v-
troque prior, l. 9. animalium c. 48. al-
lata istorum penè simili historia.

2. *Probè studium nauarunt.*] Quo qui-
dem facto mortales docent Delphini,
quando potissimum sint proximo veræ
dilectionis atque amicitiae exhibenda
signa, tempore scilicet aduerso: in tri-
stitia enim ait Sapiens & in malitia vi-
ri (id est malo & contrario tempore)
amicus agnitus est. Et vt scitè Ennius:
Amicus certus in re incerta cernitur.
Arguunt præterea exemplo suo, illos
qui proximos amant, atque dum aura
fauet sequuntur quidem, at minimo

re-

reflante vento deferunt suntque de illis
 de quibus sacræ litteræ : Vna hora (id *Ecccl. 12.*
 est, breui tempore, prosperitatis nimi- ^{14.}
 rum) permanebit tecum : si autem de-
 clinaueris (id est, si te à pristina tua
 eaque bona fortuna excidere contige-
 rit) non supportabit te, id est non am-
 plius te tolerabit; mutataque fortuna
 tua etiam ipse mutabitur. Vt enim
 præclare Seneca: falsus amicus cum
 fortuna venit, & cum fortuna recedit.
 Quam sit autem indignum, à brutis, ve-
 ræ charitatis exhibendis signis homi-
 nes superari, ex se patet satis.

§ 7.

Tanta in se mutuo ardent cha-
 ritate elephanti vt nunquam
¹ ex senectute infirmum, neque
 eum qui ² morbo teneatur, sui grega-
 les deferant, sed summa fide ei adhx-
 rent, eiusque cum cæteris in rebus stu-
 dent incolumitati, tum verò cum à ve-
 natoribus vrgentur, ³ pro eo propug-
 nant. Et licet eis fugere sit integrum,
 vulnerari se patiuntur potius, quam vt
 eo deserto fugiant, suæque saluti prof-
 piciant.

piciant . Eandem testantur inter se
charitatem factio isto : cum enim à ve-
natoribus tanquam milites in bello fu-
gantur, non alij ab alijs separatim, sed
omnes simul, & communiter in fugam
se dant, ac simul inter sese alter alte-
rum prementes ad socios suos adhæres-
cunt ; Atque vt illustrior fiat illorum
inter se beneuolentia, istum inter se ip-
si ordinem seruant ; vt qui de ijs con-
firmata iam atque integra sunt ætate,
reliquos (tanquam validi pugnatores
totum agmen) claudant atque intra se
contineant, ijsque medium tanquam
tutiores locum + concedant. Amnem
porro transitori minimos præmittunt,
ne maiorum ingressu atterente alueum,
crescat gurgitis altitudo, quod quidem
tum dilectionis inter se est signum, tum
prudentiæ singularis : quemadmodum
item quod sequitur . Elephantum vesti-
gio hominis animaduerso priusquam
homine, intremiscunt insidiarum me-
tu, nec illud calcant sed erutum proxi-
mo tradunt, ille sequenti, nuncio simi-
li vsque ad extremum, denuntiantes vt
si-

sibi quisque caueat. Quod ad eorum attinet cibum id non videtur omittendum, quod cum eos cætera pabula defecerint, radices alij effodiunt quibus pascantur, alij gramina, herbas aut frondes quærunt, atque ex his qui primus aliquid natus sit, regreditur ut tñ suos gregales aduocet; tum ut eos in prædæ communionem deducat.

ANNOTATIONES.

1. *Ex senectute infirmum deserant.*]
 Quod quidem hominum plerique quamquam id diuina etiam lege caueatur faciunt tamen. Lex est in-Leuitico: corā ^{c. 19. 32}cano capite consurge, & honora personam senis, ego sum Dominus: quod autem de honorando seneprecipitur, eam habet vim ut non exteriori modo honorem sed multo magis sustentationem, opem, præsidium complectatur. Atque in eum sensum accipiunt interpretes illud Pauli: viduas honora quæ <sup>1. ad Ti-
mo. 5. 3.</sup>verè viduæ sunt: neque non illud eiusdem: qui bene præsunt presbyteri, duplici honore digni sunt maximè qui laborant in verbo & doctrina: consen- <sup>1. ad Ti-
mo. 5. 17.</sup>

titque cum hac interpretatione prisca
 auorum atque primorum Christiano-
 rum pietas qui recipiendis alendisque
 senibus *γερωντοτροφεία* exædificarūt, am-
 plisque prouentibus ditarunt quorum
 etiamnum exstant plæraque: atque v-
 tinam hæc ætas qua tot opes, tantaque
 pecuniæ vis apud quosdam, patrum suo-
 rum in senes amorem æmulata, noua
 ijs erigeret. Verè loquar nihil equidem
 existimo maiore dignum commiserati-
 one, nihilque ad commouendam mi-
 sericordiam aptius quam senem paupe-
 rem, infirmum viribusque destitutum,
 vt necesse sit nulla eum charitatis vis-
 cera habere quem talis non misereat.

[2. *Morbo teneatur &c.*] Quam Ele-
 phantorum se esse volunt dissimiles ho-
 mines ij, quibus id solemne est vt si quæ
 habeant famulum ægrum, eum domo
 tanquam sibi inutilem eijciant; qui qui-
 dem cum homine eiusdem naturæ con-
 sorte perinde agunt ac cum veste aut
 calceo, quarum rerum vbi ob vetusta-
 tem nullus est vsus, eas abijciunt. Cu-
 ius rei testis famulus ille in sacris litte-
 ris

ris ex quo cum quæsiſſet David Rex ^{1. Reg.}
 cuiusnam iſe eſſet, vel vnde, quoue per- ^{30. 13.}
 geret, de heri ſui inhumanitate con-
 queſtus: puer, inquit, Aegyptius ego
 ſum, ſeruus viri Amalecitæ, dereliquit
 autem me Dominus meus quia ægro-
 tare capi nudiuſtertius. O quam iſto
 hero clementior fera quæ ſui generis
 ægros omni humanitatis officio proſe-
 quitur! Verum ſi te pudet, pigetque fe-
 ras imitari, imiteris licet laudatum il-
 lum Euangelicum centurionem, cuius ^{Matt.}
 cum malè haberet famulus tantum ab- ^{85.}
 eſt vt eum domo exegerit, quin & de
 ſalute eius ſollicitus, adierit ipſe Chri-
 ſtum, eā ipſam ab eo exoraturus: puer,
 inquit, meus iacet in domo paralyticus
 & malè torquetur. Verum ſi neque iſtū
 imitari vales, imitare vtique barbaros
 illos regni Cambayæ in ditione mag-
 ni Regis Mogor, & quod ab ijs, aui-
 bus impenditur pietatis officium, im-
 pende tu hominibus. Tam enim ſunt
 in aues dum ægræ ſunt, aut ad volan-
 dum ineptæ, piſi atque benefici, vt iſſæ
 magnifica extruxerint xenodochia,
 am-

amplissimisque redivitibus tum ijs curā-
dis tum earum curatoribus alendis do-
tarint: & vt omittam esse ædificia ista
admodum superba, sumptuosa, vasta,
longisque excurrentia peristylis quæ
hinc atque inde cubiculis quibus aues
istæ excipiantur exædificata sunt, mag-
na præterea inibi visitur ministrorum
vis quæ eorūdem xenodochiorum pro-
uentibus sustentata in id incumbit, vt
quotidie cum fora ciuitatum obeat, tū
per campos excurrat, vt si quas malè
affectas aues nanciscatur, eas ad xeno-
dochium curandi causa deferat, quas
& valetudini redditas pristinae libertati
restituunt, volatumque ijs indulgent,
multa alia in istam sententiam adfert
T. I. his. P. du Iaric, quæ cuilibet videre licebit,
orient. l.
2. c. 6. quibus certè magnus incutitur pudor
(utinam non & terribile immineat iu-
diciū) Christianis, qui homines mi-
ferantur minus quam barbari isti a-
ues: quibusque minor eorum malo-
rum quæ homines, quam istis eorum
quæ perpetiuntur aues sensus inesse cō-
probatu r.

3. *Pro eo propugnant.*] Alias nunquã se (vt obseruatum ab AEliano est l. 7. c. 36) elephas insequentibus opponit; nisi aut fœtus sui aut infirmorum sociorum causa, pro his nimirum nihil non moliens inexpugnabilis manet.

4. *Concedant.*] Mori scilicet prompti ipsi pro cæterorum salute, & quod vix in hominibus, in elephantis omnibus reperias licet: in hominibus inquam qui ad præclarum istud generosi animi facinus tot Sanctorum exemplis, tot sacrarum litterarum cohortationibus, tot denique propositis præmijs inuitantur, cum elephantis omnia ista desint.

5. *In præde &c.*] Heu quam dissimiles hominum mores, quibus,

Viuitur ex rapto, non hospes ab hospite tutus:,,

Nō socer à genero, fratrum quoq; gratia rara est.,,

Omnes quærunt quæ sua sunt idque tanta auiditate atque siti vt neminem in quærendo socium admittant, nedum aduocent, excludant etiam: quippe qui sibi solis velint omnia & quod quidem lōgè est deterrimū, postquã multa sibi vnde quaque, qua fraude, qua arte, qua

im-

improbo labore collecta coaceruarunt,
Eccles. 5. satiantur nunquam. Avarus enim non
 9. implebitur pecunia. Insatiabilis oculus
Eccles. 14. cupidi in parte iniquitatis, non satia-
 9. bitur donec consumat arefaciens ani-
Prov. mam suam. Infernus & perditio nun-
 17. 30 quam implentur, similiter & oculi ho-
Prov. minum insatiabiles. Et quemadmodū
 30. 16. ignis nunquam dicit sufficit, sic qui isto
 cupiditatis quasi igne deflagrat fatiatur
 nunquam, ad novas atque novas con-
 tinēter opes anhelat planē similis eius,
 qui aqua intercute laborat, de quo qui-
 dam.

*Hera-
clitus.*

*Crescit indulgens sibi dirus hydrops,
 Nec sat impellit, nisi causa morbi
 Fugerit venis, & aquosus albo
 Corpore languor.*

Cum itaque nullæ facultates ei sint
 satis, mirum non est, si sibi sumat om-
 nia, neque alios in partem prædæ ad-
 mittat.

§ 8.

I **M**irus est etiam apum inter
 se amor maximè² In agro-
 tas quas quidem ad solis
 ex-

exportunt radios, atque in aluearis ostio collocant, ad eatque cibum deferunt, ijsque comiter assistunt tanquam ægris homines, ac modo suo solantur: nocte verò appetēte eas in ædiculas suas referunt, ne aëris vitio lædantur. Eas autem operari nullatenus patiuntur, quoad confirmentur prius, pristinasque recipiant vires, quod si de vita exeunt, eas exportant ad sepulturam, atque funus comitantur.

ANNOTATIONES.

1. *Mirus amor.* Ista si expendat æquali lance prudens lector, inueniet sanè nihil amplius dilecto filio ab amantissima matre præstari posse ijs, quæ apis api præstat, deprehendet. Item eximio isto charitatis exemplo, damnare vehementer Deum Optimum Maximum insignem hominem aduersus homines animi duritiem, qui non solum ijs materna viscera non exhibent, sed neque villo alienorum malorum afficiuntur sensu, cum ipsi interim nihil ferre possint, dolorisque omnis impatientissimi existant, contra verò ea omnia accersant,

Amos

6. v. 4.

5. 6 7. 8.

9.

fant, quæ carni, quæ sensui bládiuntur: dormiunt namque in lectis eburneis, & lasciuunt in stratis suis, comedunt agnum de grege, & vitulum de armento, canunt ad vocem psalterij; bibunt vinum in phialis, & optimo vnguento delibuti, & nihil patiuntur super contritione (id est extrema afflictione) Ioseph. Sed quemadmodum peruersè istos æmulantur, ita & supplicij eorum participes existant necesse est. Quapropter nunc migrabunt in capite transmigrantium, & auferetur factiolasciuientium. Iurauit Dominus Deus in animam suam dicit Dominus Deus exercituum: detestor ego superbiã Iacob, & domos eius odi, & tradam ciuitatem cū habitatoribus suis: quod si fuerint reliqui decem viri in domo vna & ipsi moriētur. Hæc adeoque tristiora expectēt duri isti atque immisericordes, cum sibi sint tam blandi atque indulgentes.

2. *In egrotas*] Vehementer confundit Christi cultores istud in apibus miserationis exemplum. Verū non paruo eos item pudore afficit, quod de Turcis

bar-

barbaro hominū genere memoriæ proditum est, apud eos frequentissima esse xenodochia, eaque ditissima, solitosque esse qui inter eos opibus valēt, Sultanos maximè & Baschas, quin & ipsum eorum imperatorem ubi se longius ætate progressos vident, facultates suas locis istis pijs exadificandis, dotandisque assignare. Mahometh quidē eius nominis secundus, postquam Cōstantinopolitanam ciuitatē armis suis occupasset, amplissimum ibidem erexit xenodochiū millium ducatorū sexaginta, in annos singulos prouētū ei assignato. Quot mihi tu in Europa atq; inter Christianos numerabis eiusmodi Christianorū pietatis monumēta? Neq; verò principes viri modò, sed & vulgus idē facit ut cui persuasum est non posse meliores vsus facultatibus suis dare, quam si ista in ægros atque pauperes beneficentia Deum sibi propitium reddat.

*Thene-
m l. 7.
cap. ult.*

§ 2.

NEquè verò elephantorum amore inferior est ceruorum inter seip-
sos amor, quibus cum fretum aliquod
cibi

cibi conquirendi gratia transeundum est, cum seruant ordinem vt capitum suorum propter cornua graua ¹ onera, super se inuicem portent, posteriore super antecessoris tergum cervicem atque caput collocante. Et quoniam necesse est vnum de ijs esse, qui cum cæteris præeat, neminem habeat cui capite inuitatur, ² per vices id agere dicuntur, vt qui dux gregis, capitis sui onere ferendo est defessus, post omnes recedat, eique succedat ille cuius ferebat caput cum ipse præiret. Ita inuicem onera sua portantes fretum transeunt, donec ad terræ stabilitatem pertingant.

A N N O T A T I O N E S.

- I. *Onera portent.*] Planè alloquitur
In psal. Paulus (inquit Augustinus postquam
 41. huius ceruorum historiæ meminisset)
Galat. 6 spirituales ceruos cum ijs mandat vt
 alter alterius onera portent, & sic ad-
 impleât legem Christi. Sunt autem o-
 nera quæ ferre oporteat, imperfectio-
 nes variæ proximi, mores ipsius, hu-
 moresque à nobis alieni, rationes agen-
 di

di nobiscum parum congruentes, & cætera eiusdem rationis. Quin & ipsius peccata, iracundia, detractio, calumnia, quæ quidem portantur cum vicissim ei non irascimur, neque malum pro malo & maledictum pro maledicto respondimus: sed Christum potius æmulamur, qui cum malediceretur non maledicebat, cum pateretur non comminabatur, tradebat autem iudicanti se iniuste.

Neque verò timeat qui ita onera atque peccata portat proximi, ne talibus prematur oneribus, aut in profundum demergatur; peccatis enim suis unusquisque premitur, neque tua sunt cum ea portas (eo quo iam explicatum est modo) tua sunt quidem si consentias, sed iam tua te premunt non alterius, cum consensione, quæ erant alterius tua fiât. Hæc Augustinus, cur autem inuicem onera nostra portare oporteat eius ratione attexit Paulus, quoniã sic Christi lex adimpletur. Quæ lex inquit Augustinus nisi lex charitatis, qua præcepit ut nos inuicem diligamus, tantum in ea sen-

Ioan. 13.

34. &

16. 12

sententia præcepti pondus constituens
 vt diceret: in hoc cognoscent omnes
 quia discipuli mei estis si dilectionem
 habueritis ad inuicem. Huius autem
 dilectionis officium est inuicem onera
 nostra portare: nihil enim sic probat
 amicum quemadmodum oneris amici
 portatio. Sed hoc officium quod sempi-
 ternum non est perducet sane ad bea-
 titudinem æternam, in qua nulla erunt
 onera nostra quæ inuicem portare iu-
 beamur. Nunc verò cum in hac vita
 id est in hac via sumus, onera nostra
 inuicem portemus, vt ad eam vitam
 quæ caret omni onere peruenire possi-
 mus. In eandem ferè sententiam Gre-
 gorius 30. Mora: cap. 16. ad illud Iob:
 nunquid parturiētes ceruos obseruasti.

2. *Per vices.*] Quod diuus Augusti-
 nus accommodat ad diuersa tempora,
 quibus alter alterius onera atque infir-
 mitates portamus, v.g. iram fratris por-
 to modò cum iræ meæ moderor, nec
 irascenti mihi irascor, vt rursus eo tem-
 pore cum iræ meæ non imperabo ille
 me lenitate sua supportet. Idem accō-
 modat

modat præterea ad diuersa onerum atque infirmitatum genera: veluti si quis loquacitatem in se vicerit, & pertinaciam nondum vicerit; Alius contra loquax quidem sit, non sit autem pertinax, debet ille huius loquacitatem, & iste illius pertinaciam donec illud in illo & hoc in isto sanetur, charitate portare.

3. *Donec ad terræ &c.*] Quod quidē ab ijs fit mediante ista mutua inter se charitate, cuius vi portum tenent, neque naufragium timent: quia quasi nauis, inquit Augustinus, est illis charitas, *In psal.* 129. ō bonam, ō tutam nauim charitatis, quæ neque maris fluctus, neque ventorum procellas, neque vada, syrtesue aut scopulos neque Piratarum aut prædonum excursions extimescat. Verum si brutis est nauis charitas, quantus nauis istius tam securæ tamque tutæ sit usus oportet ijs, quibus hic tot tamque crebrò iteratis charitatis præceptis tum à Christo Domino, tum ab Apostolis, tum ab apostolicis viris est inculcatus?

NEque verò prætereundus Anthiarum & Scarorum mutuus erga sui generis pisces amor; qui socios suos ¹ captos, è piscatorum manibus vindicatos in libertatem afferunt: ac Scarij quidem id ita perficiunt, ² si fune sit eorū quispiam comprehensus, funem dentibus conficere conantur, vt ex hostium manibus prædam eripiant: si autem is in nassam incidit solet captiuus posteriorem corporis partem de nassa eijcere, cæteri verò qui non sunt capti circumnatantes, eū morſu corripunt & foras socium proferunt; si caput foras extulerit captiuus, vnus quispiam eorum qui foris sunt caudam ei porrigit, qua apprehensa trahentem sequitur.

ANNOTATIONES.

I. *Captos liberant.*] Ecce quemadmodum non legibus modò; verum etiam brutorum moribus atque humanitate mouemur, ijs opem ferre, qui in vitæ versantur periculo maximè per iniuriam auferendæ. Ac legem quidem
id

id præcipientem si requiris, eam habes prouerb. 24. 11. & 12. in hæc verba: *Erue eos qui ducuntur ad mortem, & qui trahuntur ad interitum liberare non cesses. Si dixeris: vires non suppetunt, qui inspector est cordis ipse intelligit, & seruatorem animæ tuæ nihil fallit, reddetque homini iuxta opera sua. Cui concinit illud de psalmo 81. Eripite pauperem & egenum de manu peccatoris libera te. Quæ quidem quamquam potissimū ad iudices dicta sint, quibus id facere ex officio incumbit; nihilominus tamē eos etiam spectant quorum tum auctoritas, tum opes valent ad liberandum innocenter oppressos. Aduertant hic velim, Iudices, Præsides, Magistratus, ceterique omnes quibus iudicandi munus demandatum est quàm malè hisce obsequantur præceptionibus cum eos (quod quidem plerique eorum faciunt, bonos semper excipio) quos insontes norunt ipsi, tantum vt potentiorum à quibus etiam largitionibus excæcantur libidini atque improbitati morem gerant, captiuos atque situ squalloque*

Hebræ.

10.34.

confectos diutius, quàm par est detinent, quos etiam non rarò decem, & eò amplius dies iam carcere conclusos, neque adeunt, neque examinant, ut persæpe nesciant miseri quam ob suam culpam, aut meritum eas in angustias sint coniecti. Vestrum est ô Iudices quod etiam monet Apostolus vinctis compati: vestrum de eorum causis ante cæteras omnes quoad eius fieri potest cognoscere atque statuere: vestrum denique potentiorum in tenuiores iniurijs vos pro virili opponere, atque in eos (magnates licet) legibus agere, qui potentia sua freti atque authoritate infirmiores quosque vexant, atterunt, opprimunt, & tantum non occidunt. Verùm tu qui ob leue verbulum quod honori tuo, ut malè existimas, labem aliquam asferre possit proximum in carcerem trudis, ab eoque quasi læsi honoris reparationem exigis, cum is retam leuicula lædi non potuerit. Tu qui debitorem tuum ob summam exiguam, aut si ea maior sit, cum qui soluendo neque est modò, neque vlla spes est fore

re

re aliquando, maximo eius totiusque familiae incommodo eadem afficis poenâ, atque vitam acerbam ducere compellis: tu, inquam, qui tam es inhumanus, tam ferus, tam agrestis, quid tibi animi est quando te vides à Scaro humanitate, beneficentia, clementiaque superari? Hic captiuos liberat, tu liberos capis; Tu captos mille modis crucias; ille mille modis eorum saluti, libertatique consulit. Ille brutum est; tu homo es. Ille nulla ad id lege, si proprie præciseque loquimur, tenetur, Tu tot constringeris legibus, quot habes qui tibi imperare possunt; Deum, naturam, communem gentium consensionem, Ecclesiam, principes, consuetudinem.

2. *Si fune.*] Vide hic duplicem eorū industriam captiuorum libertati accommodatam: quod si tu per impotentiam captiuos liberare non possis, eos tamē visitare possis atque solari; Atque iuuare fortè consilio, quin & re, ijs quæ ad cultum victūque sunt necessaria suggerendo: Quod si captiuos tantum inui-

senti merces æterna datur, quid eos dabitur etiam solanti? quid consilio, quid facultatibus opem ferenti?

§ II.

1 **O**ves vehementi inter se amore deuinciuntur, atque 2 ideo minus ab luporum insidijs periclitantur, 3 neque enim quæuis earum seorsim oberrat, neque gregem temerè vlla 4 deseruerit.

ANNOTATIONES.

1. *Oues.*] Istas imitandi maior quædam nobis videtur iniecta obligatio, si nos eos esse velimus, quos esse multum proderit, oues scilicet Christi: ita enim ipse suos nominat, discernitque ab hædis quos statuet quidem à sinistris, illas verò à dextris : quare nobis cum in omnibus tum in ista maximè inmutua beneuolentia ouium natura imitatione exprimenda.

2. *Ideo.*] Ex amore enim sequitur cōcordia, quæ nulli, quamuis luporum id est demonum agminibus cedit, est enim insuperabilis concordia.

3. *Neque enim oberrat.*] Quod quidem

dem ex mutuo nascitur amore, qui enim se amant inuicem, mutua gaudent consuetudine atque conuictu; solitudo plerumque parui in alios est amoris argumentum.

4. *Deseruerit.*] Quod capris est familiare quæ sicut temerè per auia vagantur atque inuia, ita facilè gregem suum deserunt.

§ 12.

Infignis est equarum in sui generis pullos quamlibet alienos benignitas, quos enim nondum plenè nutritos matres reliquere, alienæ equæ eos miseratæ, cum sobole propria alunt atque educant.

ANNOTATIONES.

1. *Insignis &c.*] Quid hinc discere liceat vide infra §. 14. in annotatione.

§ 13.

Extrēmum addam de Graculorū in suos gregales amore, qui tam est vehemens ut solam eorum vanam licet speciem amore completantur, quæ quidem res non rarò eis perniciem affert: nam solet venator eo

loco quo congregantur, pelues olei pel-
lucidi plenas collocare, quò curiosa a-
uicula profecta, in vasis labro confidet,
& simul se inclinans suam ipsius um-
bram despicit, & quoniam existimat se
ibi alium Graculum intueri, ad ipsum
eius desiderio capta festinat descende-
re, ibique olei tenacitate circumfusa,
sine laqueis, retibusue ullis constricta
tenetur. Alij ad decipiendos Graculos
alio vtuntur astu: quendam enim de ijs
pelle spoliant, pellemque implent stram-
ine, itaque adaptant vt is viuus vi-
deatur, atque sic alios alliciunt, nam
cum sui generis bruta ardentissimè di-
ligant ad mortuum illum studiose con-
uolantes, in manus aucupum incidunt.
Ex hoc porrò Gracculorum inter se a-
more id nascitur, vt mutua gaudeant
consuetudine & societate, vnde & or-
tum prouerbiū: semper Gracculus affi-
det Graculo.

ANNOTATIONES.

I. *Vanam speciem.*] Author Aelianus
lib. 4. c. 30. quam hic verum conspici-
tur quod ait Salomon: *Omne animal di-*
ligit

ligit simile sibi, cum non vera tantum
 auis à monedula diligatur, verum & il-
 lius etiam vanum simulachrum. Quod
 quidem hominibus vehementem pu-
 dorem commouere oporteret, quod cū
 bruta suæ speciei ament etiam umbras
 atque imagines omni veritate vacuas,
 non ament tamen ipsi veros homines,
 id est vera atque viuientia diuinitatis
 exemplaria, est enim homo factus in a. *Gen. 1.*
 animam viuentem, idque ad imaginem *26.*
 & similitudinem Dei,

§ 14.

AD hunc brutorum inter se a-
 morem referri potest sepultu-
 ra, extremum officium quod
 mortuis suis impendunt, de quo aptius
 dicetur verbo Sepultura. Ea deniq; est
 brutorum ferè omnium inter se dilectio
 vt si quod sui generis aut clamore aut
 alia ratione opprimi, subsidioque egere
 sentiant statim ei præsto sint: sic vide-
 mus porcos porcis adesse, atque circū
 eos qui iugulantur eorum miseratione
 permotos opemque eis suam conferre
 conantes, grunuire. Quin & suo peri-
 culo,

culo, certèque mortis dispendio plura-
que bruta id præstant. Lanius (avis est
venatica, picam clamorosa Galli vo-
cant) cantillando, variasque avium vo-
ces æmulando quibus eas ad se alliciat,
victum sibi comparat, ac data opera
altum exclamat aliarum sonos imita-
tus, ut illas generis sui avem aliquam
in angustiis esse, suoque indigas subsi-
dio existimantes ideoque propius ad-
volantes arripiat lanietque. Atque si-
milis est ista lanij venatio, ei qua nos
Noctuarum opera, aut earum voces ar-
te quadam æmulando, cæteras aves al-
lectas visco irretimus & capimus.

§ 15.

SVperest pars extrema de ijs quæ
supra proposita erant, quæ est de
brutorum in alia non suæ sortis
& speciei bruta dilectione, in quibus
principio occurrit¹ Fulica avis quæ ab
Aquila pullum abdicatum tanquam
non suum, quod solis radios inoffensus
ferre non valuerit² suscipit ipsa, sus-
ceptumque eodem quo proprios fœtus
maternæ sedulitatis officio prosequitur
atque

atque eodem cibo pascit.

ANNOTATIONES.

1. *Fulica.*] Nonnulli (& fortè melius) istud non fulicæ at ossifragæ tribuunt: est autem ossifraga Aquila adulterina, quæ animalia etiam grandiuscula venatur, à quibus trucidatis & ossibus eorum contractis nomen inuenit. Plinius l. 10. c. 3.

2. *Suscipit &c.*] Ergo (exclamat Ambrosius) fulica alienos nutrit, nos verò ^{lib. 5.} ^{Hexam.} ^{c. 18.} nostros immitti crudelitate proijcimus. Atque valet id tum in eas matres, quæ omni fera crudeliores, fœtus suos publicè exponunt, alieno tum sinu fouēdos, tum lacte nutriendos: tum in eas quæ vteri sui fructum nutricibus alendum tradunt, non aliam ob causam quam vt se molestia ista liberent, licētiusque atque crebrius libidini suæ indulgeant. Non ita sanè factum à Beata Virgine quæ filium suum vbere de cœlo pleno lactauit ipsamet: atque priores illa, sanctissimæ mulieres Sara, Rebecca, Rachel, Anna Samuelis mater, tum altera illa Machabæorum parens, alix-

aliæque innumeræ filijs suis vbera sua præbuerunt, vt ab ijsdem vitæ nutrimentum haurirent à quibus vitam ipsam haussissent.

§ 16.

P Orphyrio eorum animalium quibuscum viuit atque cōsuecit amantissimus esse dicitur: cum is enim simul esset cum gallo galinaceo in eodem domicilio versatus atque educatus, ijsdem exercitationibus, cum eo vsus, ex his mirum cum eo contraxit amorem. Accidit autem vt vtriusque Dominus ob festiuæ diei cōuiuium gallum occideret, quo cum se carere deprehendisset Porphyrio, tanquam socio atque conuictore priuatus, tantum doloris accepit, sibi vt inedia
2 mortem conscisceret.

ANNOTATIONES.

1. *Porphyrio.*] De eo vide supra, verbo Adulter, & AElia num l. 5. c. 28.

2. *Mortem conscisceret*] De spontaneo isto genere mortis quantumque sit amoris in alterum testimonium vide verbo Charitas §. 1. in annot.

§ 17.

HUc facit quod de ¹ Pardali fertur quam cum venator cicurrasset atque cum hominibus versari didicisset, ei quadam die hædum quo cum familiariter educata erat ad pastum obiecit: at primo die, ab eo laniando abstinuit, secundo item quod nondum fame premeretur, tertio verò, cum esuriret, solitaque voce cibum requireret, atque ei idem obiectus esset Hædus, ² noluit quia contubernalis eius fuerat atque amicus, attingere, sed illi vitâ condonatâ in alium irruit vt famem expleret suam. AElia. l. 6. c. 2.

ANNOTATIONES.

1. *Perdali.*] Panthera, alio nomine Perdalis.

2. *Noluit attingere.*] Quid hic faciat, quid respondeat Alexander falso ista saltem re magnus, qui in Aristotelis sinu nutritus, Clytum charissimum sibi atque vna educatum, inter epulas. & manu quidem sua, quod ei parum adularetur, & quod pigrè (vt loquitur l. 3. de Seneca) ex Macedone ac libero in Per-
ira c. 36
 ficam

ficam seruitutem transiret, transfodit?

*l. 1. de
clemen-
tia c. 15.*

Qui Lyfimachum æquè sibi familiare leoni obiecit, qui lanceam sæpe in conuiuas suos torfit, qui tot denique è domesticis suis confecit, vt eius manum idem Seneca familiarium fuisse exitiũ, scriptum reliquerit. Mitto eos qui neque à consanguineis quidem atque affinitate iunctis manus abstinent, de quibus fortè cõmodius verbo Homicidiũ.

§ 18.

C Vm capris oues amicitiaẽ vinculo sunt coniunctaẽ, vt & cum turture columba, & cũ eadem pauones, consentiunt palumbes & perdices, alcedo & carulus mutuo inter se flagrant amore, vt & cornix & ardeola, gauia item & monedula, harpa & miluus: Turtures autem & psittaci, merulae & turdi, cum contrà vulpium genus communibus inimicijs teneantur, inter sese optime conueniũt.

ANNOTATIONES.

1. *Cum Capris.*] Meritò damnatur ab AEliano ista recensente exempla l. 5. c. 48. hominum feritas atque barbaries, sum-

summamque sibi ait videri turpitudinem, quod in hominibus alter alterum non amet, cum bruta rationis expertia amicitiam inter se tum ineant, tum conseruent, neque modò ea quæ sunt eiusdem speciei, verum etiam ea quæ diuersam sunt sortita naturam.

§ 19.

N Octuæ à cæteris auibus infestatæ auxiliatur eaque è præ-senti periculo liberat accipiter, ¹ collegio inquit Plinius quodam ^{l. 10. c.} naturæ, ³ bellumque partitur. Erga ^{17.} turturem quoque caritatem suam prò-dit, eo quod hanc deprehensam dimittere soleat.

ANNOTATIONES.

1. *Noctuæ.*] Mirandum sanè istud in Accipiter, ipsum omnibus ferè alitibus inuisum quia prædator est ani item cæteris omnibus exosæ solum ferè amicū & patronum existere. Mirandum inquam auem regiam, generosissimam, & plus animo quam vngulis armatam vt inquit Isidorus, cuique multum in- ^{l. 12. c.} est iræ, tam vilis despectæque volucris, ^{rig. c. 7.} qua-

qualis est noctua patrocinium fuscipere: Nempè generosæ mentis est humilibus opitulari; neminem quamlibet contemptum aspernar, nemini operã suam quamquam cæteris omnibus inuiso denegare, quin & his maximè adesse qui reliquorum destituti præsidio vitam acerbam, morteque ipsa amariorem ducunt.

psal. 9. Quod si hanc volucrem imitari piget, Deum ipsum imitare de quo ita regalis vates, tibi derelictus est pauper, orphano tu eris adiutor. Desiderium pauperum exaudiuit Dominus, præparationem cordis eorum audiuit auris tua: Iudicare (ad iudicandum) pupillo & humili (contra ipsorum oppressores). Quod si tam sublime volare nequis vt Deum imiteris, at Christum imitare, eiusque generositatem. Iudicabit (ita de eo Davidis oraculum) pauperes populi & saluos faciet filios pauperum, & humiliabit calumniatorem, parcet pauperi & inopi, & animas pauperum saluas faciet. Ex vsuris & iniquitate redimet animas eorum, & honorabile

norabile nomē eorum corā illo: neque enim licet à se tot liberatos ærumnis & malis habebit veluti vilia mancipia, at magno apud ipsum in pretio & honore futuri sunt. Spiritus Domini (Verba sūt euangelici prophetæ de eodē) super me *Isa. 61.* propter quod vnxit me, euangelizare *1. Lucæ* pauperibus misit me, sanare contritos *4. 18.* corde, & cætera quæ eodē pertinet, quibus liquet Christo Domino miseros, pauperes, viles mūdoq; despectos ac calamitosos in primis cordi curæq; fuisse.

At neque te huc aspirare posse causaberis, quid enim magis arduum quā Christum Dominum imitatione consequi? Dabo igitur Iobum purum hominem, eumque naturali tantum lege eruditum, qui non minus verè quam generosè ista de se prædicat. Auris audiens beatificabat me. *Iob. 29.* Edò quod liberasset pauperem vociferantem, & pupillum cui non esset adiutor. Oculus fui cæco, & pes claudò: pater erā pauperum, conterebam molas iniqui, & de dentibus illius auferebam prædam: & cætera quæ breuitatis causa omitto

vt & c. 30. v. 25. & 31. v. 16. 19.

Huc etiam spectat Milui in cuculū, auium omnium ignauissimum, ijsque omnibus inuisum, amor, qui cum æstate aduentante vt nimium Ponti æstum effugiat ad frigidiores Galliæ, Germaniæque regiones redeat, ne solus aut vacuus remigret, bellum sanè nobis, si Isidoro credimus, hospitem adducit cuculum, insigni profecto in eum beneficio. Scapulis enim susceptum (inquit Isidorus) propter breues eius & paruos volatus, ne per longa aëris spatia fatigatus deficiat transuehit, vt qui secum in hybernis egerat, secum vna quoque æstatem transacturus verni temporis nobis esset nuncius.

2. *Collegio nature.*] .i. occulto quodam ac naturali consensu.

3. *Bellum partitur.*] Neque id solum, at nocturæ item hostes, partim vel solo visu præsertim timidiores in fugā vertit; partim verò eos reluctari ausos punit, atque de vi amico illata, vindictam sumit.

CLE-

CLEMENTIA. *Vide* VINDICTA.

§ 1.

E Elephante qui homini ob-
uio fortè in solitudine atque
simpliciter oberranti, ¹ viam
commonstrat, dictum verbo

Charitas §. 3.

Tanta autem est is clementia erga
minus valida animalia, vt in grege pe-
tendum, occurrentia ² manu dimoueat,
ne quid obterat imprudens, nec ³ nisi
laceffitus noceat ideoque gregatim se-
per ambulat.

ANNOTATIONES.

1. *Viam cōmonstrat.*] Quasi præsential
illius afflictionem, intelligatque non
illum vt sibi noceat, sed alterius cuius-
piam rei causa iter illud instituisse. por-
rò quod viam erranti demonstrent in-
iussi faciunt, quod iussi homines Dei
præcepto facere tenentur.

2. *Manu.*] Promuscide qua tanquam
manu vtitur.

3. *Nisi laceffitus.*] Homines autem tū
facto, verbisque laceffunt primi, tum

ijs à quibus non sunt laceffiti nocent,
 dum pacis amantes turbant, affligunt,
 bonis spoliant, omnemque captant eos
 perdendi occasionem, & vt loquitur
Prov. Sapiens, infidiantur & quarunt im-
 41. 15. pietatem in domo iusti, vastantque re-
 quiem illius.

§ 2.

E Tiam Leoni clementia, qua
 quidem vtitur in supplices, pro-
 stratis enim parcit, & vbi scuit,
 in viros priusquam in feminas fremit,
 in infantes non nisi magna fame. Au-
lib. 8. c. thor est Plinius Métoni Syracusano in
 15. Syria obuium factum leonem supplici-
 ter se volutantem, qui cum pauore at-
 tonitus, fugam capefferet, fugienti vn-
 diq; sese ferā opposuisse, eiusq; vestigia
 labere cœpisse adulanti similem: quod
 cum fieret, animaduertisse in pede eius
 tumorem, vulnusque, & extracto sur-
 culo liberaffe cruciatu. idem aliud pla-
 nè huius simile subijcit.

ANNOTATIONES.

1. *Prostratis parcit.*] Confer hanc
 leonis truculentissimæ bestiæ clemen-
 tiam,

tiam cum feritate serui illius qui pro-
cidentem ad pedes conseruum suum,
rogantemque moram aliquam soluendi
debiti vt sibi daret, nihilominus tenēs *Matt.*
suffocauit, misitque in carcerem donec *18. 23.*
redderet debitum: comperiesque nihil
esse homine crudelius: vbi namque se-
mel suæ oblitus dignitatis, rationis lu-
men deseruit, fera omni fit immanior.

§ 3.

Clementiam ¹ docet apum rex qui
² solus in illis sine aculeo est.

ANNOTATIONES.

1. *Docet,*] Omnes quidem docet, sed
reges maximè eosque omnes qui alijs
imperant, aliosque pœnis cogendi ha-
bent potestatem: pudeat ab exiguis a-
nimalibus non trahere mores, cum tan-
tò hominum moderatior esse animus
debeat, quantò vehementius nocet.

2. *Solus in illis &c.*] Noluit nempe il-
lum natura nec sœuum, nec vltionem
magno constaturam, animâ scilicet ip-
sa petere, *animas* enim inquit poëta *in*
vulnere ponunt: telum itaque detraxit
& iram eius (sunt enim apes iracundis-
Seneca
l. 1. de
clemen-
tia c. 19.
4. Georg

simæ) inermem reliquit. Exemplar hoc magnis regibus ingens est, est enim illi (naturæ) mos exercere se in parvis, & ingentium rerum documenta, minimâ agere.

§ 4.

E Andem docent animalia fera, in quibus . nullum est quod non hominum industria atque consuetudine cicuretur atque mansuêscat, ita vt serpentes ipsi, quin & . aspides quarum perniciosissimum venenum, ad placidos mores traducantur, & sine noxa cum hominibus conuiuant.

ANNOTATIONES.

I. *Nullum est &c]* Ne dicas igitur tibi aded. annatam insitamque, & longo vsu confirmatam iracundiam, vt eam regere nequeas, aut cohibere aut te brutis minus docilem, minusque hominû, tu homo cum sis ductum sequentem confitere. Sed persuadeas tibi velim, consuetudine exercitationeque molliri omnia, nullumque esse vitium tam visceribus altè inditum, quod non sensim sine sensu, studio atque labore euellatur

latur tandem. Nonne lapides excavant
 aquæ? nonne alluione paulatim terra ^{Iob 14.}
 consumitur? quid autem lapidibus du- ^{19.}
 rius, quodque minimè omnium cedat?
 quid autem aquis mollius? quid ijs re-
 sistendi vi minus præditum. Excavant
 tamen atque peruadunt, hæ illos, dum
 virium suarum imbecillitatem, cadendi
 leuiterque quasi tundendi crebritate
 compensant. Nihil est tam confirma-
 tum quod non perseverantia vincat,
 atque è sede sua propellat: accedente
 Dei potissimum ope, qua ex lupo in
 agnum, ex accipitre in columbam, ex
 Saulo in Paulum transibis.

2. *Aspides.*] Eius rei exemplum asse-
 rendum dante Deo, verbo Gratitude.

§ 5.

E Andem discere licet à canibus,
 quibus inter se hic mos est, vt
 quando in aliquem latrando ir-
 ruperint, is verò seipsum supinum in
 terram proiecerit, neque resisterit, mox
 omnem iram statim extinguant.

ANNOTATIONES.

I. *Supinum &c.*] Quasi inquit Chryso-
 stomus

*Hom. 16
in c. 5. ad
Ephes.*

stomus se offerat paratum quiduis ab eo pati; Itaque (conceptus est eiusdem) si placantur canes, & quasi pudore suffunduntur coram eo qui quodlibet ab eo perpeti paratus est, multò magis id decet ab homine fieri qui maiore ratione præditus est. Parcet itaque atque clemens erit aduersus supplicem, & qui se humiliat, ni se cane deteriorem atque sauiorem esse velit.

COMPASSIO.

§ 1.

*Constā-
tinus
Manas-
ses in
Anna-
lib.*



PROXIMI miseris, compati, atque erga eum calamitosum miseratione affici, doceat pietas longè pulcherrima & relatu dignissima historia, Basilius orientis imperator Leonem filium quasi qui patris mortem moliretur in carcerem misit cum esset innocens. Hinc orti matris gemitus & fletus, filij casum lamentantis & apud patrem pro eo deprecantis. At ipse durus erat, neque pre-

precibus vllis flectebatur. Adhibitæ emolliendo parenti mulierculæ lamentatrices, quæ nānias quasdam lugubriter occinerent, & calamitatem Leonis acerbè deplorarent. Denique domus vniuersa planctu, gemitu, luctuque perstrepebat. Aderat interim avis canora (psittacus intelligit) quæ cum frequentissimè lamentabiles illas voces audisset eas edocta, cum mulierculis adolescentem expresso Leonis nomine deflebat. Quam cum Basilus parens aliquādo loquentē audiret, atque Leonis nomen exprimentem, simulque videret adstantes acerbis fundere lachrymas, statim de ira nonnihil remisit, & durum animum flecti passus est, veritus fortè, ne magis expers commiserationis quam avis ista videretur. Itaque filium è carcere eduxit, mitius habuit, & moriturus eundem hunc ipsum imperio præfecit.

ANNOTATIONES.

1. *Compati doceat.*] Non quod verè sit psittacus misero isti compassus, neque enim miseriam eius cognorat, sed quia signa

Rom. 13
15.

signa edidit exteriora compassionis fle-
biles scilicet voces tristitiæque plenas,
& quantum in illo fuit Apostolico ob-
secutus est præcepto, quo iubemur fle-
re cum flentibus.

CONCORDIA. *Vide* CHARITAS,
POTISSIMUM §. 10. SOCIETAS.

§ 1.



IRA est ¹ luporum concordia
quando ijs flumen transeun-
dum, nam vt aquarum vi ne
evertantur stabilitatem ac fir-
mitatem sibi hac ratione procurant:
caudas inter se inuicem mordicus te-
nent, vnde longum atque forte agmē
constituunt, quod perrumpere cum nō
valeant fluctus, nullo negotio tutissi-
mē transnant. AELIANUS l. 3. c. 6.

ANNOTATIONES.

1. *Luporum concordia.*] At tantum
abest vt hominibus inter se conueniat,
vt perpetua penē sint inter eos diffidia,
animorumque secessionēs, dum quod
hic

hic album alius nigrum iudicat, quod isti probatur improbatur alteri, quod iste eligit hic abiicit atque repudiat: vixque duos reperiās quorum in omnibus idem sit sensus & voluntas. Atque hinc factum ut nos toties Apostoli ad mutuam concordiam cohortati sint. si quæ consolatio in Christo (inquit Paulus) si quod solatium charitatis, si quæ societas spiritus, si quæ viscera miserationis, implete gaudium meum, ut idem sapiatis, eandem charitatem habentes, vnanimes idipsum sentientes, nihil per contentionem, neque per inanem gloriam, sed in humilitate superiores sibi inuicem arbitantes: Atque alibi frequentissimè. Et mirum sanè tot cohortationibus tam parum adhuc promouisse Apostolos, vigereque adhuc tot in orbe Christiano dissentiones, ab alienationes animorū, suspiciones, odia, iurgia, rixas, contentiones, quæ quidem omnia à superbia oriri tum colligitur satis ex istis Apostoli verbis, tum idipsū luculenter testatur Sapiens, dum inter superbos semper vigere, ui-

*Ad Phil.
lip 2. 1.
2.*

uere-

uereque iurgia pronuntiat. Quare non est vlla tot tantisque malis expectanda medicina, nisi quisque de iure suo remittat quidpiam, nisi ex animo modestiam, atque Christi humilitatem amplectatur, qui enim humilis est, idem & mitis, & ei facile cum omnibus cōuenit, cum se cæteros superiores atque priores arbitretur.

§ 2.

Ælian.

L. 2. c. 18

Pisciculi Engrauli dicti, quod ab alijs pisciū gregibus exedi, metuant, ideò¹ confectis tūrmis densi natant, vt eorum quisque ad proximum ita adhærescat, vt ne scaphæ quidem incurrentes eos dissociant, nec possit quis eorum dirimere societatem, licet id remo aut conto efficere conetur. Et quod est mirabile, tanto sunt inter se concordia vinculo cōnexi, itaque strictè & pertinaciter tanquam cōtexti, vt veluti ex aceruo frumenti, si quis in eos manum immiserit accipere queat: non id tamen fiet sine vi, qua & persæpe ita distrahuntur, vt & eorum alteram partem capias à reliquo corpo-

re auulsam, altera in mari relictā. Atque huc reuocare licet, locustarū inter se concordiam, quæ cum sint exigua animalia, gregatim de agro in agrum summa consensione egrediuntur. Quod si animalculum istud seorsim volaret, sine negotio interficeretur, cum verò gregatim fertur, 3 nullis viribus, 4 nullo ingenio aut arte superari potest, latissimosque agros 5 tegit, 6 tanta prodit multitudine, vt 7 nemo conetur à segetibus expellere aut aggredi.

ANNOTATIONES.

1. *Confectis turmis natant.*] Docent hi pisciculi factō isto suo, & ijs quæ sequuntur, quam sit bonum (id est vtile) & iucundum habitare fratres in vnum, ^{Psa. 133} vbi primum enim ab alijs sunt diuulsi, patent piscatorum prædæ, & is qui ab alijs diffidet, nec charitatis vinculo cū proximo est colligatus, vix effugere potest ^{1. Cor.} quin fiat dæmonis præda, Deum- ^{14. 33.} que à se abigat, cum non sit Deus noster, dissensionis Deus, sed pacis.

2. *Locustarum.*] De quibus hæc ha- ^{Prova.} bet Sapiens, *Regem locusta non habet,* ^{30. 17.}

& egreditur vniuersa per turmas suas; quasi dicat non ita mirum est si apes quæ regem sortitæ sunt ordinem seruent egrediendi ad opus, atque regrediendi ad aluearia, sed longè est admiratione dignissimum, quod hoc animalculum cum duce careat quem sequatur, proficiscendi tamen tempus, quiescendi stationes, & castra mouendi opportunitatem, nihilo seruat minus, quam si ducem signo dato sequeretur. Eaque re, vt & mira eius in volando concordia dicit Sapiens esse ipsum sapientius sapientibus, id est exercere ex naturæ instinctu opera quædam sapientiæ, magis quam hi qui nomen profitentur sapientis, aut quam homines qui veræ sapientiæ sunt capaces.

3. *Nullis viribus.*] Quo nos exemplo docet natura, concordia cum primis amantes esse, cum ab ea ita robaremur vt neque hominum, neque verò dæmonum aut vires aut doli, aut industria quicquam in nos valere possint. Exemplo sit prisca Ecclesia quæ quamdiu concors fuit, omniumque credentium

cor vñum & anima vna, inuincibilis
 extitit, at vbi primum dissentionibus
 datus est aditus, & auditæ sunt voces
 illæ: Ego quidem sum Pauli, ego au-
 tem Apollo, ego verò Cephæ, ego au-
 tem Christi, atque vbi cæptus est di-
 uidi Christus, omnia sensim in peius
 ruere ceperunt.

1. ad Cor.
 3. 4.

4. *Nullo ingenio.*] Author est Plinius
 l. 8. c. 29. locustarum infestatione ciui-
 tatem ab incolis in Africa derelictam.

5. *Tegit.*] Neque verò tegit modò,
 verum multa etiam contactu adurit,
 omnia verò morfu erodit, etiam fores
 tectorum inquit Plinius l. 11. c. 29.

6. *Tanta multitudine.*] Vt aliquando
 solem obumbrent inquit idem: Tran-
 seunt autem maria, atque Italiam ex
 Africa maximè coortæ infestant, &
 tanquam id parum sit, immensos per-
 meant tractus, diraque messibus con-
 tegunt nube.

7. *Nemo conetur &c.*] Scribit Plinius
 Italos inopiæ metu sæpe ad sybillina
 remedia seu Sybillarum libros consulē-
 dos coactos confugere: nos, Christia-
 ni

ni locustis fugandis sacra adhibemus, orationem, aquam piacularem, Agni effigiem ex cera benedictam, & similia, optimo sæpe euentu vt testatur Ecclesiastici Annales. Quinam autem populi, lege lata sint eas debellare conati, ita vt singulis certa mensura præfinita esset, quam enecatarum plenam ad magistratus referant, vide Plinium. Hæc eo consilio fusius attuli vt pateat quanta sit vis concordia.

§ 3.

DRacones qui in Aethiopia apud Asachæos visuntur quaterni quinque inter se cratiū more sese implicant, atque sic erectis capitibus velificantes, ad meliora Arabiæ pabula concordī animo vehuntur fluctibus.

Grues (vt & 1, cæteræ ferè aues) simul volant trianguli, 2, oxygoni formæ: cum autem se ab aquila impeti sentiunt, 3 in orbem consistunt omnes, & contractæ in sinum falcataeque existunt, atque ordine tãquam in aciem structæ, speciem pugnae efficiunt, qua territa aquila

quila regreditur. His non absimile est
quod ab Ambrosio Nolano memoriæ *lib præ-*
proditum est, sturnorum quamquam *blcm.*
imbellium turmam, etiam ipsi Aquilæ ^{314.}
eorum reginæ, ijsque longè potentiori
timorem incussisse. Spectante (inquit)
Ferdinando rege Alphonsi primi filio
forte supra molem stationemque Nea-
polititanam, ad turmam sturnorum in-
gentem aduolauit Aquila, cuius præ-
sentia perterriti sturni, velut signo da-
to omnes quoad fieri potuit sibi hæse-
runt volando, grexque omnis adedò cō-
pactuserat, ut Aquila nullo pacto au-
deret quemquā eorum inuadere. Quin
etiam illi vnà atque arctim volantes, se-
mel atque iterum circumire sub Aquila
insidiante, ac deinde recto volatu fa-
cto subfugere nemine eorum offenso,
neque illos etiam Aquila insecuta est.
Et quia Aquilarum meminimus dabo
aliud in eandem sententiam. Aues a-
quaticæ, ac anates in primis visa Aquila
simul omnes congregantur in aqua,
& in Aquilam demerso capite aquam
spargunt, itaque accessum prohibent.

do-ijsest pugnandum, tum inter volandum, quanti sit ad omnia perficienda momenti concordia, mutuaque plurimorum inter se in bonum cōsenso, & quam verè sit à sapiente dictum, frater qui adiuuatur à fratre quasi ciuitas firma, & iudicia quasi vèctes vrbium, id est fratrum inter se concordia valida est & inexpugnabilis, atque instar benè munitæ ciuitatis quæ hostium ridet arma & incursus: Eorum autem fratrum iudicia atque decreta quæ concordibus tuentur animis non facilè superari possunt, vt neque vèctes vrbium perfringi. Quod quidem comprobatur etiam factò cuiusdam Scythæ cui nomé Scilurus; huic cum quinquaginta essent liberi mares omnes, morti proximus singulis ad se conuocatis fascem iaculorum porrexìt, iussitque vt rumperent. Quod cum singuli facere detrectassent, quod tantæ moli perfringendæ maior quæpiâ vis adhibenda esset, ipse singula iacula ex fasciculo exèpta in eorum oculis nullo negotio confregit, monitosque vt si inuictos se esse

Prou.

18. 10.

*Plutarc.
de loqua
citate.*

vellent, concordēs manerent, sin autem imbelles esse atque omnium patere iniuriæ vt dissidijs & seditionibus distraherentur, à se dimisit. Quod autē in prophanis rebus valet atque familijs, maximè valet in Ecclesia Christi, in qua Christianorum concordia qui inter se fratres sunt, tum eos inexpugnabiles, tum inuictam Ecclesiæ ciuitatem efficit.

4. *Ex inter volandum.*] Obserua hic mutuam inter se charitatem, de qua plura verbo Charitas.

§ 4.

Vespertilioes sibi inuicem adhærent, & quasi in speciem botri ex aliquo loco pendent, ac si qui in ijs extremum obtinet locum laxauerit, resoluuntur omnes.

ANNOTATIONES.

1. *Vespertilioes.*] Quam sint ista animalcula vilia atque ignobilia cuique patet, quam autem concordie amantia patet ex isto ipsorum facto, quod fit inquit Ambrosius munere quodā charitatis,

ritatis, quæ difficilè in hominibus tanta reperitur.

§ 5.

B Oues ubi in vitæ discrimen eos lupina feritas vocat, ipsi in agmen rotundum coeunt, iunctisque simul omnes viribus, ac cornibus hostem expectant.

Equi in circulum coguntur cum hostem timent, istiusque circuli centrum capitibus quisque suis efficit, atque sic singuli calces & soleas ferreas, arma scilicet sua aduenienti hosti obijciunt, atque ostentant.

Ne porcis quidem quorum insignis hebetudo atque inscitia, concordiae bonum atque vis ignorata, qui licet inter se moribus certent frequenter de pastu glandibusque, ubi tamen periculum imminere animaduertunt, confusi illic se in triangulum conformant, ac fortioribus in prima acie positis exercitum validissimum constituunt.

Canibus quibus pro cibo & osse, miræ contentiones, ubi tamen communi periculo cauendum est, omni ab-

dicata contentione, communi hosti se opponunt, lupum persequuntur, exterum appellentem allatrant, atque cætera coniunctis præstant viribus, quæ ad sui conseruationem facere videntur.

ANNOTATIONES.

1. *Boues.*] Tum boues, tum cætera bruta (quæ quamquam inter se ipsa dissentiant nonnunquam, iunctis tamen viribus communem omnium impetunt hostem) planè si aures quidem atque animum attendere velint homines, eos docent, vt licet priuatas ob res alieniore fortasse sint inter se animo, vbi tamen publica res agitur, atque Reipublicæ Christianæ salus in discrimen vocatur, simul animis viribusque iunctis conspirent, neque patiantur principes ob priuata sua inter se dissidia, tum Turcam, tum Sæctarios, ambos Christiani nominis hostes longè infestissimos, rem suam facere, imperijque fines proferre. Intelligant Christiani principes esse Dei Ecclesiam (cuius se in nobilissimis esse volunt ipsi membris) castrorum aciem ordinatam, in
qua

qua principem tenere locum oportet concordiam, qua desiderata numerosissimi etiam exercitus à paucis funduntur fuganturque: quemadmodum etiam ea existente pauci admodum numerosissimos quosque exercitus fundunt, fugantque, atque ad internecionem delent, quod vtrumque etiam patrum memoria (vt non sit necesse antiquitatis monumenta aduocare) perspectum est satis.

Anno
1571. in
bello
Turcico.

Quod si brutorum imitatione minus capiantur mortales, in promptu sunt quos æmulétur homines, ijque Ethnici, quibus cum grauibus inter se inimicitijs diffidētibus publica magistratus munia demandata essent, atque vna commune cōtra Reipublicæ hostes ipsis bellum administrandum foret, omni mox posita inimicitia, summaque inter se ipsi conciliata beneuolentia, publicam rem fœliciter gessere, indignissimum rati si tanto Reipublicæ damno, ipsi animo suo atque iracundia indulgerent, simulque persuasi, nō posse se fœliciter abalienatis à se inuicē

Plurarchus in
politicis
de Aristide &
Themistocle.

animis Rempublicam administrare.

§ 6.

Quemadmodum mulctandi publicæ concordiaæ pacisque perturbatores docebunt apes verbo Furum. De eadem Concordia vide § 2. Introductionis ex Basilio.

CONIVGES. *Vide* ADVLTERIVM.

§ 1.

PORTE T coniuges mutuos ferre mores licet difficiles, atque inuicem diligere, neque mutuam consuetudinem fugere quanquam alter alteri minus sit acceptus, idque exemplo viperæ & murenæ. Est vipera genus serpentum omnium exitiosissimum, quod cum murenæ marinæ nuptias expetit, sibilo adesse se significat; quo è gurgite vasto eam ad nuptiales complexus inuitat. Adest illa, paret & cum venenato coniungitur, licet virus ipsa euomuerit prius.

AN-

ANNOTATIONES.

1. *Cum venenato.*] Postquam Basilii hæc commemorasset, quid hæc inquit mea ratio vult, quid portédit? 3 siue asper est cuiuspiam coniux, siue ferus moribus, perferat illum vxor necesse est, nec vllam prorsus ob causam societatem vinculumque dissolvere patiatur: feritnè, verberat, estnè percussor? At vir tamen est tuus. Temulentusne est? At tibi est natura coniunctus. Durusne, morosus & implacidus? At membrum iam tuum est, & membrorum præstantissimum.

Ho. 7. in
Hexam.

2. *Euomerit.*] Audiat & ipse vir, (ita Basilii) accommodatâ seque decentem admonitionem. Vipera virus ob nuptiarum venerationem euomit: Tu duritiam animi, tu feritatē, tu crudelitatem ob vnionis reuerentiam non deponis? Quæ eadem fusiùs ex Basilio, grandi vt solet sermone, Romanaque eloquentia prosequitur Ambrosius.

l. 5 Hex-
am. c. 7

§ 2.

VXor virum infirmum^r adiuuet
Alcedinum imitatione quæ carulos

rulos² maritos iam senes medio dorso gestantes circumferunt: Item & vir vxorem, imitatione sepiarum, in quibus mas, percussæ tridente fœminæ³ auxiliatur. Præterea vir vxorem nullo discrimine deserat, cum mares Graculi (authore Athenæo) mortis potius subeant pericula quam vt coniuges suas derelinquant: quinimo coniugum altero mortuo, alter dolorem mortis, perpetua viduitate testatur.

ANNOTATIONES.

1. *Adiuuet.*] Et merito cum sit viro data vt ei opem ferat, non est bonum (inquit Deus) hominem esse solum, faciamus ei adiutorium simile sibi, neque verò data est tantum in adiutoriū corpori, verū multò magis animo, vt vxoris etiā ope salutē consequatur, cōtra quàm faciunt vxores illæ quæ viris suis scandalo sunt & ruinæ, qualis fuit Eua Adamo, Iezabel Achabo regi, Salomoni tot coniuges suæ aliæque innumeræ, de quibus Sapiēs: Vinū & mulieres apostatare faciūt sapiētes, & arguēt sensatos: Apostatare inquam quod per eas

Gen. 19.

2.

Eccel. 2.

19.

eas nō ab officio modò, atque à virtute, etiā & à Dei cultu rectaq; fide turpiter abducuntur: vnde euenit vt etiam ij qui prudentiæ laudē florebant, redarguantur, & reprehensibiles fiant.

2. *Maritos iam senes &c.*] Mulieres verò contrà (verba sunt A Eliani l. 7. c. 17.) maritos ætate prouectos & præclare contemnunt, & adolescentibus adijciunt oculos, tum etiam mariti in fœminas adolescentes, Veneris insania feruntur, & vetulas aspernantur, à ratione remotius bestiis ipsis viuentes.

3. *Auxiliatur.*] Cum fœmina icto mare fugiat, maior enim mares decet constantia & virtus: multò autem teneri magis auxiliari fœminæ virum quàm contra, patet quod vir sit caput mulieris, rector atque Dominus. Sub viri potestate eris (inquebat Deus ad mulierem) & ipse dominabitur tui.

1. Cor.

11. 3.

Gen. 3.

17.

Ephes. 5.

23.

§ 3.

V Ir vxori victum, cæteraque necessaria prouideat, imitatione galli gallinacei, qui vbi granum aliquod, aut aliud quid cibi

na-

nactus est, certo quodam vocis sono gallinis aduocatis¹ sibi subtrahit ipse, quod cum ijs communicet.

ANNOTATIONES.

1. *Sibi subtrahit.*] Quid hic agant mariti illi qui etiam quæ vxorum sunt subtrahunt, vendunt, eorum pretio in libidines, comestationesque consumpto? Quid illi qui hebdomadariū laborem suum, quo quidem eos familiam alere oportuissēt, popinis dant atque computationibus, vxore interim totaque familia in summa egestate relictis? Quid illi demum qui cum benè saturi vinoque madidi, intempesta nocte domum redeunt, vxorem cædunt, domesticam pacem turbant, & quod grauissimis verbis vetat Sapiens, sunt sicut leo in domo sua dum domesticos evertunt, sibi que subiectos opprimunt?

Eccles. 4
35.

CONSORTIVM. *Vide* AMICITIA.

§ 1.



TVPIDIORIBVS atque ad ea quæ officij sui sunt minus prōptis, prudentiorum atque eorum qui

qui eos ad ea ipsa stimulent quærendū
 consortium; * exemplo spongiæ quam
 dirigit pusilla bestia ⁊ araneo similis:
 cum enim spōgia sensu sit quidem præ-
 dita sed eo valde ⁊ hebetè, indiget ali-
 quo qui eam excitet, stimuletque ad
 sensus vitæque opus exercendum, quod
 facit animalculum istud: cum enim
 quippiam in spongiæ foramina incide-
 rit, ab eo admonetur atque excitatur
 ut se contrahat: sese autem contrahen-
 do ⁊ prædam comprehendit atque exe-
 dit. Cum autem ad euellendam eam
 à saxo piscator accedit, ipsa ab eodem
 animali directore, atque conuictore
 suo stimulata inhorrescit, & sese con-
 torquens ⁊ arctissimè contrahit, unde
 piscatori plurimum laborandum ut eā
 à saxo euellat.

ANNOTATIONES.

I. *Exemplo spongiæ.*] Quod fit à spō-
 gia naturæ propensione, id nos facere
 oportet voluntate atque electione, ma-
 ximè cum de ea ipsa re à sapiente moni-
 ti simus non semel. In multitudine in- *Ecclesiæ. 6.*
 quit ipse presbyterorum prudentium *35. 36.*
 sta

ista & sapientiæ illorum ex corde coniungere vt omnem narrationem Dei possis audire, & prouerbia laudis non effugiant à te. Et si videris sensatum euigila ad eum, & gradus ostiorum illius exerat pes tuus. Atque iterum: In medio cogitantium, (id est prudētum, & qui nihil faciunt temerè, sed de eo quod facturi sunt diu ante multumque cogitant) assiduus esto.

Eccl. 27
13.

2. *Aranco.*] Alij dicunt cancro.

3. *Hebete.*] Cuius hebetudinis causa est organum sensus, raritas scilicet illa corporis, & mollitudo pertusa: esse autem spongiam animal & sensu præditum, patet tum ex ijs quæ hic dicuntur, tum quod sanguinis non sit expers: in saxis enim, eius quoque inhærere color conspicitur.

4. *Pyadam.*] Conchas, pisciculos, limum, quibus vescuntur omnibus, suntque ista in ijs reperta frequentissimè.

5. *Arctissimè contrahit.*] Quod idem facit saxa fluctu pulsante, cum enim saxis innascatur, sibi tū vehemēter timer.

Improborum vitanda consortia docent leones, vrsi, lepores qui ne inueniri à venatoribus possint sua circum cubilia, vestigia confundunt.

ANNOTATIONES.

1. *Inueniri &c.*] Idem inquit Seneca tibi faciendum est, alioqui non deerunt qui persequantur: latere igitur præstat quam in improborum familiaritatem se dare: & quod faciunt ære alieno grauari, qui cum creditorem prævident ad se debiti repetendi causa venturum, ianitorem iubent negare se domi esse, idem ipsum faciendum est, cum sese improbos ad nostram consuetudinem adiuncturos formidamus.

CONSTANTIA.

§ I.



CONSTANTIAM in Dei obsequio exhibendam, neque esse vnquã ab eo recedendum ob aduersa quæ-

quælibet, ¹ docent canes qui licet flagellentur à dominis, ab ijs non recedunt tamen: si verò ² alienus eos pascat, non ideo tamen eos allatrare atque sœuire desinunt.

ANNOTATIONES.

Tomo 5. 1. *Docent canes.*] Conceptus iste est Chrysostomi hom. 30. ad populum.

2. *Alienus.*] Iste alienus est dæmon, qui licet te aut pascat aut pascere promittat, multaue daturum se polliceatur, non ideo audiendus, sed fortiter repellendus est, nullaue cum eo societas ineunda.

§ 2.
Licet esuriat canis, ex ouibus tamen non gustat, & licet in saturitate sit, lupis nō parcit.

ANNOTATIONES.

1. *Licet.*] Est etiam iste conceptus Chrysostomi, quamquàm aliò quam nos applicet. Instar igitur probati canis cauebit sibi Christianus de ouibus gustare licet esuriat, quando à voluptatibus sibi vetitis, etsi magno earum tenebitur desiderio, Dei amore abstinabit,

nebit, & quamquam rerum omnium sit satur, diuinisq; solatijs abundet, atque in profunda pace, & à tétationibus liberam vitam ducat, sēper meminerit tamē lupis non parcere, id est cum dæmonibus bellū gerere continenter, eosque pietatis virtutumque exercitatione laceffere, neque vnquam ab isto bello feriari, perniciosoque sese otio dare.

§ 3.

Eiusdem constantiæ magistri sūt serpentes, quorum ea est constantia atque prudentia, vt cum eorum appetitur caput, totum exponāt verberibus corpus, vt caput innoxium conseruent, quia licet percutiatur corpus, saluo capite atque integro vitam sibi quoque saluam fore intelligant.

ANNOTATIONES.

1. *Serpentes.*] Exemplum istud est Augustini ad fratres in Eremito sermone 4. Est autem caput tuum mysticum Christus, cuius conseruationi ita te oportet inuigilare vt potius corpus tuum in mille partes distrahi discerpique patiaris, quam vt ab eo separeris in quo

N

vno

vno vita tua, requies tua, beatitas tua.
Ita Petrus, Paulus, Bartholomæus, Lau-
rentius & cæteri quos ibi affert.

CONTEMPLATIO. *Vide* ORA-
TIO. VIGILIA.

COELESTIA contemplari, a-
moreq; prosequi, docent nos
terræ animantes cōtrario quo-
dam sensu, ne earum similes
simus, quarum oculi in terram abiecti
nihil præterea norunt, Deus autem
2 *Os homini sublime dedit, cælūque tueri
Iussit, & innocuos ad sydera tollere vultus.*

ANNOTATIONES.

*Hom. 9.
in Hexā.
l. 6. in
Hexam
cap. 3.*

1. *Docent.*] Conceptus iste est San-
ctorum Basilij atque Ambrosij. Atque
ille quidem sic ratiocinatur: planta cœ-
lestis homo, quantum figura formaque
corporis cæteris animantibus antecel-
lit, tantum & dignitate animæ præstat.
Qualisnam est animantium quadru-
pedum forma? caput illis ad humum
est pronum, ad ventrem spectat, vo-
luptatem

luptatem ventris omnibus modis persequitur. Caput tuum ad ipsum cœlū exurgit, oculi tui res supernas conspiciunt. Quod si vnquam tu carnis affectionibus succumbens teipsum dehonestaris, ventrique & ijs quæ sunt sub ventre seruiaris, comparatus es iumentis insipientibus, & illis persimilis es effectus. Alia te cura decet, supernas res inquam explorare ac quærere vbi Christus est, terrenis contemptim trāsmiſſis cœlestia transcendere, vti forma te natura insigniuit, sic & teipsum & tuam vitam disponere velis. In Republica cœlesti versare, vera illa tibi patria est superna Hierusalem, conciuēs atque contribules ipsi primogeniti qui sunt conscripti in cœlis. Hæc Basilii, quæ eadem neque minus disertè latinis literis Ambrosius, quam Basilii græcis producit, quibus postquam instar Basilij attulisset locum illum de psalmo 48. Homo cum in honore esset non intellexit &c. & istum de psalmo 31. Nolite fieri sicut equus & mulus, addit vehemētē istam probrique plenissimam

nissimam increpationem.

Aut si te inquit edacitas equi, intemperantiaque delectat, & adhinnire ad fœminas voluptati est, delectet in fræno maxillas tuas chamoque constringi. Si crudelitate pascaris, ferarum hæc rabies est, quæ propter sæuitiam trucidantur. Vide ne in te quoque crudelitatis tuæ vertatur immanitas.

2. Os.] Id est faciem. Dedisse autem Deum homini vultum cœlum versus, ut illud liberè intueri posset, atque ut animaduerso mirabili illius ordine, constantiaque in conuersationibus motibusque suis, eundem in omni vita sua ordinem seruare doceretur, & nihil temerè agere, docet præclarè Plutarchus ex Platone opusculo cur improbos vl-
cisci differat Deus. Causa porrò efficiens huiusce staturæ rectæ in homine est calor cordis, qui in homine est vehementissimus, atque à cerebro perfrigido refrigerescit, ne noceat, caloris autem est semper ad superiora mouere. Causa verò instrumentalis est rectitudo spinæ dorsi.

*Vide itē
Ambr.
lib. 6.
Hexæc.
9.*

Diuus

Diuus Thomas docet conuenientē homini staturam rectam fuisse propter quatuor. Primo quidem quia dati sunt homini sensus, non modò ad ea quæ vitæ sunt necessaria procuranda, quemadmodum cæteris animantibus, sed etiam ad cognoscendum cuius signum est, quod cum cæteræ animantes non delectentur rebus quas percipiunt, nisi referantur eæ ad pastum & venerea, vnus homo capitur rerum quas intuetur pulchritudine per se sumpta, non referendo eam ad quidquam aliud: Ideòque homini sensus præcipui in facie vigent, cum animantibus cæteris versa sit facies deorsum, terram versus, tanquam ad cibum sibi aliaque vitæ accommodata conquirenda: Homo autem faciem sursum erigit, vt per sensus, atque per oculos maximè quorum est visum acrior, tum maioris perspicacitatis, ad plura cognoscenda in omnia libero ferretur intuitu, tum cœlestia tū terrestria: atque ita ex omnibus ea colligeret quæ ad veritatis cui percipiendæ factus est, intelligentiam valerent.

Atque his congruit quod scribit Aristoteles, ideò conuenire homini figuram rectam, quod hominis natura diuina prorsus sit, intelligens & sapiens, nec intelligere & contemplari facile posset, si vasta corporis mole opprimeretur, atque terram versus deiceretur, grauitate enim molis illius atque ponderis, tardior euaderet mens, & sensus eius communis: Hinc videmus pumilioes minus cæteris ad intelligendum aptos, quod superiorem corporis partem habent nimis corpulentam nimioque pondere prægrauatam.

Altera huius rectitudinis causa est, ut interiorum animi facultatum liberioribus sint exercitationes, atque operationes, quando cerebrum in quo quodammodo perficiuntur, non est depressum, verum supra omnes corporis partes tanquam pars princeps elatum.

1. pars. Causas reliquas duas videat apud D.
9. 2. Thomam qui volet.

art. 3.

ad 3.

§ 2.

Idem docent aues, quæ sursum feruntur: cœlestiaque spectant, atque

que in ijs ² Aquila maximè, quæ supra cæteras terram despiciens sublimè fertur, atque ³ in excelsissimis rupibus nidum ædificat, denique ⁴ solem ipsum nullo suo damno fixè intuetur, nullaque oculos eius in eum fixos luminis quamvis splendidissimi coruscatio reuerberat, aut niçtare facit.

ANNOTATIONES.

1. *Cælestia spectant.*] Aliter tamen nobis atque auibus spectanda cælestia: E-rigunt (inquit Ambrosius supra) aues ad cælum oculos, sed quid spectent ignorant, omnibus est liber aspectus, sed soli inest homini eorum quæ aspicit affectus interpret. Spectat oculis ortus obitusque signorum, videt ornamentum cœli, miratur stellarum orbes, fulgores quoque diuersos intelligit singulorum &c. quæ fusius prosequitur, quæque non tantum homini spectanda vt auibus proponuntur, sed vt ijs spectatis mens eius in eorum omnium cõditoris tum cognitionem, tum amorè assurgat.

2. *Aquila sublimè fertur.*] Hanc item volucris facultatem agnoscunt sacrae li-

Iob 39. 30. 31. 32. teræ. Atque Iob quidem: Nunquid ad præceptum tuum eleuabitur Aquila, & in arduis ponet nidum suum. In petris manet, & in præruptis filicibus cōmōratur, atque inaccessis rupibus. Inde contemplatur escam & de longè oculi eius prospiciunt.

Versu. 4 Abdias verò ad Edom: si exaltatus fueris vt Aquila, & si inter sydera posueris nidum tuum, inde detraham te, dicit Dominus. Incolebant nimirum Idumæi montuosa loca, quibus fidebant quasi ijs essent insuperabiles, præ-

Versu. 3 cessit enim: superbia extulit te habitātem in scissuris petrarum. Vide etiam *l.* 19. c. Hierem. 49. 16. Ita autem sublimè volat Aquila inquit Isidorus, vt humanis se subtrahat obtutibus, atque inde de tanta sublimitate pisciculos natare videat, quod paulò ante dictum ferè idem

l. 14. c. à Iobo. Quibus addit A Elianus aues cæteras in volando diuerticulis ac flexionibus in cælum ferri, quod rectà nō possint, solæ Aquilæ directo volatu in sublime ferri. Cæteræ item rectam viā flectunt cum ad terram delabuntur, Aquila

quila verò deorsū versus rectà defertur.

3. *In excelsissimis.*] Cuius causam Aristoteles affert duplicem, tum vt tutiores ab insidijs sint, tum quod difficulter à terra tollantur. Quæ omnia facile est ad contemplationem amoremque cœlestium accommodare: qui ea desiderat, consulat Gregor. in supra allatum locum Iob, quæ quia longiora sūt quamquam longè pulcherrima prætermitto.

4. *Solem.*] Quo monemur in iustitiæ solem Deum ipsum frequenter oculos defigere, oculos inquam fidei, varias eius actiones circa varias eius perfectiones inter contemplandum exercendo, donec fidei lumen in claram transeat visionem, & quem videmus modò in ænigmate, tunc coram, & facie ad faciem contemplemur.

§ 3.

A Cœlestium cōtemplatione ad inferiora, atque ad actuosæ vitæ officia nos referre doceat Aquila, quæ nō continēter sole intuēdo occupatur, at eādē oculorū aciem
quam

quam radijs solis infixit, ¹ ad cibum inclinat : & quamvis sublimior super aërem feratur, sumendis tamen tum sibi ² tum pullis suis, carnibus terram petit.

ANNOTATIONES.

1. *Ad cibum inclinat.*] Ita & sancti viri postquam mentem cœlestibus delitijs quæ ex contemplatione hauriuntur refecerunt, cum se probè sciant duabus constare partibus, animo & corpore, atque vtriusque habendam rationem; quæ corporis sunt, quamquam ægrè, (pudet scilicet animum diuinæ confortem naturæ ad tam vilia demittere) procurant, neque eius omnem abijciunt cogitationem, quod quidem à nonnullis minus discretè factum damnat illud Apostolicum. Rationabile obsequium vestrum : Illud certè fatendum est nihil magis arduum quam in ista corporis cura modum tenere, cum enim corpus nostrum nobis & hostis sit, & ciuis, parsque nostri altera, permulti quidem dum in illo hostem insequuntur, ciuē trucidant. Alij verò dū quasi ciui par-

cunt

cunt, ad prælium hostem nutriunt.

2. *Tum pullis suis &c.*] Quo docentur quibus aliorum commissa est salus, à contemplationis quiete atque à veri solis intuitu, ad ea quæ proximi bonum spectant animum, curamque conuvertere, tum verbi Dei prædicatione, tum priuata colloctione, tum alijs modis quibus animorum zelus exercetur, & quibus pulli, atque secundum spiritum filij, vitæ cibo pascuntur. Atque ad hæc ipsa authore Gregorio inuitatur à cœlesti sponso, sponsa carissima hisce cā-
 ticorum verbis longè suauissimis. cap. 5.
 Aperi mihi soror mea. Dum enim sponsa dormit, dilectus vt aperiatur ei, pulsatur: quia dum sancta mens sibi ipsi per otium intendit, Christus multa peccatorum opera, in hoc mundo tolerat, quæ nisi spirituales viri ad doctrinam se accingant, nunquam per seipsos, carnales vel agnoscunt, vel corrigere curant? Vult ergo sponsus vt aliquando otium dimittatur, & ad ædificationem proximorū, spirituales quique sollicitentur.

Vtrumque igitur ei necessarium
 cui

2. parte
pastora-
lis, c. 5.

cui aliorum cura demandata est, & otium cœlestis contemplationis, & negotium sanctæ actionis, vt illius operis intuitu gaudeat, huius autem ministerio sibi creditorum pullorum necessitatibus prospiciat. Sit rector (monitū est Gregorij singulis compassione proximus, præ cunctis contemplatione suspensus, vt & per pietatis viscera in se infirmitatem cæterorum transferat, & per speculationis altitudinem, semetipsū quoque inuisibilia appetendo transcendat, ne aut alta petens, proximorum infirma despiciat, aut infirmis proximorum congruens, appetere alta derelinquat.] Quæ quidē quàm bellè, re ipsa atque actione expressa sint tum à Christo Domino tum à beato Paulo, tū à Moyse, fusè deinceps prosequitur. Additque tantum abesse vt vitæ actuosæ exercitia sicut oportet obita, contemplationi officiant, vt etiam nō modicè eam promoueant. Quia tunc (inquit) ad alta charitas mirabiliter surgit cum ad ima proximorum se misericorditer attrahit, & cum benignè descendit

dit ad infima, valenter recurrit ad summa.]

Sed quoniam ea est modo ratio temporum, vt, in ijs quibus cæterorum incumbit salus, pauci existant qui Aquilam sole intuendo, Deoque contemplando æmulentur, eorumque multò maxima pars curas suas omnes cogitationesque ad pullorum commoda, atque ad ea quæ exteriora sunt præposterò nimis conuertat: audiant illi quantum sibi damni accersant qui contemplationis, orationisque posthabito studio, sese totos in exteriores curas occupationesque effundunt. Quod quia nemo omnium Gregorio exprimit aut verius, aut efficacius, pauca de multis in eam sententiã ab eo mutua, subiiciã. Quodam enim loco ait eas impedimento esse quo minus diuina vox percipiat. Aurem quippe cordis terrenarum ^{23. mo-} cogitationum turba dum perstrepat ^{val. c. 20} claudit, atque in secretario mentis, quãtò minùs curarum tumultuantium sonus compescitur, tantò ampliùs vox præfidentis iudicis non auditur. Quid quod

206 CONTEMPLATIO.

quod magna sit exteriorum negotiorū
seruitus, quibus mens vehementer at-
teritur, quamuis in eis sponte defudet?

30. *mo-* Denique cum foras mens per insolentem
30. *ral. c.* curam trahitur, à timoris intimi
23. soliditate vacuatur, fitque in exteriorum
1. *parce* dispositione sollicita, & sui solummodo
pastoralis, c. 4. ignara scit cogitare multa, se
nesciens. Nam cum plusquam necesse
est se exterioribus implicat, quasi occupa-
ta in itinere, obliuiscitur quò tende-
bat, ita vt à studio suæ inquisitionis a-
lienata, ne ipsa quidem quæ patitur dā-
na consideret, & per quanta delinquat,
ignoret: sed nihil frequentius occurrit
in Gregorio quam nimia ista eorum
quibus animorum credita est salus, ad
res exteriores effusio.

CONTVMELIA. V. PATIENTIA.

§ 1.

EAm contemnendam docēt leones:
vide Magnanimitas, § 3.

CRV-

CRVDELITAS.

§ 1.

QVAM ea homines dedeceat docent bruta vniuersa quæ in suo genere probè degunt, congregari videmus & stare contra dissimilia: 1 leonum feritas inter se non dimicat, 2 serpentum morsus non petit serpentes, ne maris quidem beluæ ac pisces nisi in diuersa genera 3 sæuiunt: lupi naturâ immanes 4 nisi extrema cogente fame sibi inuicem parcunt, canes suorum etiam 5 cadaueribus abstinent, neque vlla urgente fame vt 6 caninam carnem comedant, nedum etiam fallacissima condimentorum varietate temperatam adduci possunt. Vultures licet alioqui genus omne cadauerum liguriant, sui tamen generis cadaueribus parcunt.

ANNOTATIONES.

1. *Leonum feritas &c.*] Hæc eadem exempla proferuntur ab Horatio vt homines à crudelitate auocet.

In lib.
Epod. 0-
de 7.

*Quo quo, inquit, scelesti ruitis, aut cur
dexteris*

Aptantur enses conditi?

*Parumne campis, atque Neptuno super
Fusum est latini sanguinis?*

*Neque hic lupis mos, nec fuit leonibus
Unquam nisi in dispar feris.*

2. *Serpentum &c.*] Quare Chryso-
stomus nō dubitat hominē peiorem es-
se serpente asserere, non ex hoc solum
capite, sed etiam aliunde, nam si qui-
dem, inquit, irritata fuerit anguis, sæ-
uit, si autem irritata non fuerit, in si-
lentio transit: Homo autem, & nō irri-
tatus sæuit, & magis super illos insanit,
à quibus fuerit irritatus: Neque verò
hominem improbum serpente modò,
sed & dæmone ipso deteriorem esse exi-
stimat, quod apud eum videre licebit
pluribus confirmatum.

Hom. 24
in Mat.
In proë.
lib. 7.
ad finem.

3. *Sæuiunt.*] At Hercule (subdit Pli-
nius) homini plurima ex homine sunt
mala, que longè enarrare facilius fue-
rit quam ea corrigere, ijsque medici-
nam facere. Quod enim bonorum ge-
nus est quod homo homini summa im-
probitate

probitate iuxta ac sæuitia non eripiat?
 Neque enim famæ eius, aut honori par-
 cit, dum varijs eum criminationibus,
 delationibus, calumnijsque impetit.
 Quid de bonis dicam fortunæ? in quæ
 sanè valet illud sapientis: Venatio leo- *Eccl.*
 nis onager in eremo, sic & pascua di- *13. 23.*
 uitum sunt pauperes: Quid de vita cor-
 poris, quam modò à plurimis, alteri
 eripere pro nihilo ducitur, de quibus
 verè Ecclesiasticus: Quasi nihil est *c. 8. 19.*
 ante illos sanguis, dum pro re nihili,
 pro cane, pro lepore, pro meretrice,
 pro verbulo vno humanum sanguinè
 effundere non reformidant. Quæ cau-
 sa est quamobrem de hisce temporibus
 vsurpare etiam liceat illud Prophetæ. *Osee 4.*
 Maledictum, & homicidium inunda- *2.*
 uerunt, cuius quidem verbi notione
 ingēs quædam copia significatur à ma-
 ri, aut à fluminibus ducta similitudine,
 quando à solitis egressa terminis, aquis
 longè latèque complent vniuersa. Ad-
 uertant quibus incumbit tanto isti ma-
 lo occurrere, ne eius crebra heu nimis
 impunitate illud foueant, audaciam-

O

que

que humani sanguinis effundendi ijs, concilient quos legum, iudiciorumque feueritas, à tanta impietate reuocaret. Sed videant in primis ne quia dimiserunt virum (vtinam ne & viros plurimos) dignum morte, sit anima eorum pro anima illius, & luant ipsi eas pœnas, quas eos tanquam iustitiæ vindictes de alijs sumere oportuisset.

3. Reg.
20. 42.

4. *Nisi extrema &c.*] Tunc enim solent congregari atque primum in orbē circumagi, deinde excurrere, & cum ex vertigine currendi & caligine de ijs quispiam lapsus fuerit, in eum humi stratum, cæteri omnes facto impetu ipsum laniant: At hoc non fit ab ijs nisi cum venationis facultate deficiuntur: præ fame enim omnia parua æstimant. Sed homo homini lupus: dicam, & verè dicam, lupo peior cum non inopiæ tantum tempore, sed & abundantiae alter alterum deuoret. Quid enim auaro bonis omnibus affluenti, cui & prædia, & villæ, & nemora, & agri, & horti, & piscinæ, & prata, & pecunia multa, & supellex ampla, & domus magnifica,

ca, quid inquam isti deesse possit, quāobrem tenuiorum bonis inhiet? neque inhiet modò, sed in ea inuolet etiam atque irruat, eaque ipsa, ingluuie summa deuoret? Numquid eorum quæ regiam decent, aut commoditatem, aut opulentiam, aut magnificentiam Achabo regi, Iezabelique reginæ deerat, quando in vineam Naboth Iesrahelitæ oculos coniecerūt, eamque ipsam eo prius per calumniam indigna morte affecto, summa rapacitate occuparunt? Nihil planè, sed homo (auarus maximè) homini lupus, quin & longè lupo deterior, quod pluribus probare non est necesse.

5. *Cadaueribus abstinent.*] Cum homo etiam hominis viui carnes depascatur. Quare persequimini me sicut *Iob. 19.* Deus, inquit Iob, & carnibus meis *22.* saturamini? Quorum mens (verba sunt Gregorij) proximorum pœnas esurit, *lib. 13. Moral.* saturari proculdubio alienis carnibus *c. 25.* quærit. At quanti existunt quibus præ inuidia, aliorum pœnæ cibi sunt & deliciæ, quibusque cæterorum afflictiones summæ sunt voluptati? Sed pergit

Gregorius alium indicare modum quo homo hominis carnibus pascitur. Sciendum etiam quoque est, quia hi etiam qui alienæ vitæ detractiōe pascuntur, alienis proculdubio carnibus saturan-

Prou. 25 tur. Vnde per Salomonem dicitur: Noli esse in conuiujs potatorum, neque comedas cum eis, qui carnes ad vescendum conferunt: carnes quippe ad vescendum conferre, est, in colloctione derogationis vicissim proximorum vitia dicere: pergit idem eorum supplicia recensere, quæ apud ipsum videre licet. Atque hanc Gregorij interpretationem confirmat locus Apostoli qui *Galatas* suos ita castigat: Quod si inuicem mordetis & comeditis, videte ne ab inuicem consumamini, si mordetis, inquam, detractiōibus, & apertis inuidiæ rixis velut inuicem comeditis, periculum est ne mutuis hisce odijs cōsumpti etiam pereatis.

6. *Caninam carnem.*] Contra porcus alterius porci cadauere pascitur, vnde *1. 7. 19.* iniustum, inquit AElanus, improbumque habetur animal, cuius se similes

les esse volunt qui vita functorum nomen denigrant, qui eos criminantur, qui bona occupant, qui eorum hæredes, vxorem, liberos, consanguineos, amicos iniuste vexant, iniquisque litibus eorum facultates exhauriunt.

CVRIOSITAS.

§ 1.

EAM fugiendam docent pisces damno suo, quod quidem ista historia comprobatur. Solent Euboici piscatores de prora piscibus fallendis laternas quasdam suspendere, quæ etsi intra se ignem habeant, sic tamen lucem transmittunt, ut ignis quidem obtegatur, lumen verò transluceat. Cum pisces vehementer splendorem timeant atque admirentur, propius accedunt cognituri quid sit id quod vident, quo animaduerso adhuc magis timent, quare simul conglobantur frequentes ad saxum aliquod ibique manent timore stupefacti, aut

ad littus impulsi exiliunt, atque sic facile est eos tridente percutere. Idem docent etiam culices suo item malo, quod enim luce capiantur, ad lumen candelæ aut lucernæ propius aduolant, & dum curiosius volunt explorare quid sit id, incautè in illud irruunt atque ita comburuntur.

ANNOTATIONES.

1. *Piscibus fallendis.*] Decipi etiam homines à sua curiositate, atque perire eos, æquè, & miserius multò quàm pisces docet Ecclesiasticus, dum mortalibus ista pœna proposita edicit à curiositate ut caueant. Altiora te (inquit) ne quaeris, & fortiora te ne scrutatus fueris, sed quæ præcepit tibi Deus illa cogita semper, & in pluribus operibus eius ne fueris curiosus, non est enim tibi necessarium ea quæ abscondita sūt videre oculis tuis. In superuacuis rebus noli scrutari multipliciter, & in pluribus operibus eius nō eris curiosus: plurima enim super sensum hominis ostēsa sunt tibi: Multos enim supplantauit suspicio illorum, & in vanitate detinuit

nuit sensus illorum : Hæc ille. Supplantavit autem illos seu decepit suspicio illorum, dum nimia ducti curiositate, suoque præfidentes ingenio existimarunt ei nihil esse nimis arduum, posseque sese eius viribus, vniuersa, etiam quæ supra naturæ captum, & vires essent penetrare : sed quid est stultam istam tum curiositatem, tum persuasionem consecutum? In vanitate detinuit sensus illorum, quando fide Catholica valere iussa sese varijs errorum, atque hæresum laqueis insertos, dæmonum prædam esse voluerunt. Videtur item Salomon curiositati isti tribuere, cur non perstiterit homo rectus, atque Deo coniunctus: Solummodo, inquit, hoc inueni quod fecerit Deus hominē rectum, & ipse se infinitis miscuerit quæstionibus : quasi dicere videatur: cur in rectitudine non steterit homo, verum ad vitia flexerit, id causæ fuit quia nimia ductus curiositate infinitis se miscuit quæstionibus : atque praua dæmonis imitatione statim sciscitatus est, cur hoc, cur istud? Quomodo

Eccel. 7.
30.

hoc , quomodo istud ? quod quidem hæreticis nostris est perfamiliale , & maximè in inenarrabili illo augustissimæ Eucharistiæ mysterio, quibus illud semper Capharnaitarum in ore: Quomodo potest hic nobis carnem suam dare ad manducandum? Quomodo tā exigua hostia potest totus Christus, quantus in cælo est contineri? Quomodo potest esse vnus , & idem non à se distinctus in varijs locis atque hostijs? Quomodo possūt subsistere per se accidētia sine subiecto? A quibus quæro vicissim: In qua via lux habitet, & tenebrarum quis locus sit? vt ducant vnumquemque ad terminos suos, & intelligant semitas domus eius. Quæro item ab ijs quæcumque à Iob percunctatus est Deus, quæ quidem naturæ fines non excedunt; num ea norunt omnia? num eorum omnium reddere possunt rationem? Num norunt partus Ibicum in petris , vel parturientes ceruas obseruarunt? Nunquid dinumerarunt menses conceptus earum, & sciunt tempus partus earum? Verum vt ea quæ sunt extra

Iob 38.

19. 20.

Iob. 39.

1. 2.

extra

extra ipsos missa faciam, quærere libet; sciantne quemadmodum in hunc mūdum venerint, quemadmodum concepti, quemadmodū in materno utero formati sint. Certè (alloquar eos Gregorij verbis) tu homo qui loqueris aliquando in matris utero spuma sanguinis fuisti: ibi quippe ex patris semine & matris sanguine parvus ac liquidus globus eras. Dic rogo si nosti qualiter ille humor seminis in ossibus duruit, qualiter in medullis liquidus remansit, qualiter in nervis solidatus est, qualiter in carne creuit, qualiter in cute extensus est, qualiter in capillis atque unguibz distinctus, ita ut capilli molliores carnibus, & ungues essent teneiores ossibus, carnibus duriores. Hæc Gregorius. Quæro rursus ut ad ea quæ animum spectant transeat sermo: quomodo visio, auditio, cæteræque sensuū functiones perficiantur? Num id capiunt perfectè, ita ut conquiescat mens eorum? Quomodo tum phantasia, tum intelligentia, tum memoriæ vis, suas obeant actiones? Quemadmodum memoria

Hom. 10
in Ezech

moria pene infinitarum rerum, atque
vorum imagines ac formas quibusque
cellulis complectatur? Quemadmodum
leui subinde morbo atque pauxilli hu-
moris in nervos deflexu formæ illæ ita
obliterentur vniuersæ, vt homo ne no-
men quidem suum meminerit amplius?
Sed num ijs perspecta tot rerum inter se
admirabilis sympathiæ causa, atque
antipathiæ? Dicant cur inter se con-
ueniant vlmus & vitis, ruta & ficus,
magnes & polus? quomodo heliotro-
pion cum sole se circumagit, etiam nu-
bilo die? cur noctu velut sideris deside-
rio florem suum contrahit? Dicant cur
capitalibus inter se odijs diffideant gal-
lus & leo, pardalis & hyena, accipi-
ter & coruus, ciconia & vespertilio,
pelecanus & coturnix. Dicant cur è
magnetibus hic ferro amicus, iste ho-
stiliter ab eo diffidet? Sed quis edicat
hominum, quemadmodum à brutis ea
perficiantur quæ ab ijs quotidie perfici
videre licet? quomodo mellificent a-
pes, quomodo annonam tanta dili-
gentia,

gentia, prouidentia, solertia sibi prouideant formicæ: quomodo norit gallus quantum sit in cursu suo progressus sol, ut post noctis medium tertia quaque hora canat. Explicent item quomodo ab vno grano seminis immensa surgat arbor: atque in tanta vnus grani paruitate & nulla sui dissimilitudine vbi lateat ligni duritia, vbi ligno tenerior medulla, vbi asperitas corticis, vbi viriditas radicis, sapor fructuum, suauitas odorum, diuersitas colorum, molities foliorum. Contrectatum namque seminis granum non est validum, vnde ergo processit ligni duritia? Non est asperum, vnde asperitas corticis erupit. Non est sapidum, vnde sapor in fructibus? Olfactum nihil redolet, vnde odor in fructibus fragrat? Nihil in se viride ostendit, vnde foliorum viriditas exiuit? Exponent denique (quod quidem sibi ab Eunomio hæretico exponi postulat Basilii) quæ sit formicæ natura: an spiritu vel anhelitu vita ipsius contineatur, an corpus habeat ossium destructione concinnatum ac discretum.

*Greg. l.
6. Mar-
tal. c. 6.
& hom.
16. in E-
uangelia
in fine.*

*Epist.
168.*

Neruisne ac nodulis coniuncturarū roborata sit. An musculorum & glandularum complexu neruorum natura undequaue cōseruetur. An è sincipite per dorsuales nodos ad caudā vsque medulla prorogetur. Vtrum ex neruosa pelliculæ complexione motis membris sit progrediendi facultas. Habeatne hep̄ar, an sub hepate sit flauæ bilis folliculus. Vtrum renes habeat & cor & arterias & venas & membranas & diaphragmata. Nudane sit vel crinita. An vnus, tantum generis aut multifarijs vtatur pedibus. Quamdiu viuat, & quæ sit illis propagandæ posteritatis ratio. Quotuplo fœtu dum generat fœcundetur. Et quomodo nec pedestres omnes sint formicæ, nec alatæ omnes, sed aliæ humi repant, aliæ verò per aëra volitent. Quod si horum eiusque generis similium, se esse dicant rationem intelligentia consecutos, eos quidem mendacij conuincet Salomon, cuius de hominum cognitione quam ea claudicet, sitque imperfecta, ista est sententia.

Eccle. 3. Cuncta fecit Deus bona in tempore suo

suo, & mundum tradidit disputationi eorum, vt non inueniat homo opus quod operatus est Deus ab initio vsque ad finem.

Et quanquam in id noctes diesque incumbat, nihil promouet eodem teste: Et intellexi, inquit, quod omnium *Eccle. 3* operum Dei nullam possit homo inue-^{17.}nire rationem eorum quæ fiunt sub sole, & quantò plus laborauerit ad quærendum, tantò minus inueniat, etiamsi dixerit sapiens se nosse, non poterit reperire. Quod si ista naturæ fines non egressa, nemo adhuc est perfectè assecutus, quomodo quæso ea consequatur quæ cum supra naturam omnem creatam existant, longè creaturarum omnium cognitionem fugiunt. Si difficile æstimamus (argumentū est Salomo-*Sap. 9.* nis) quæ in terra sunt, & quæ in pro-^{16.}spectu sunt inuenimus cū labore, quæ autem in cælis sunt quis inuestigabit? Sed quis ea tandē quæ supra cœlos ipsos sunt, qualia sunt Dei potētia, sapiētia, bonitas quæ in isto Sacramento eminent maximè, inuestigabit? Si igitur

tur sapias, ijs simpliciter credes quæ intelligentia assequi non possis, neque te ad eam amentiam fines, atque curiositatis excessum abduci, vt ea scire velis quæ sui præstantia atque dignitate, humanam intelligentiam omnem antecellunt.

Prou.

25. 27.

2. *Ita comburuntur.*] Idem planè vsu venire curiosis in rebus fidei docet scriptura. Qui scrutator est (inquit) maiestatis (cuius tanquam luminis cuiusdam intuitus valdè hominem afficit) opprimetur à gloria. Etenim tantus est diuinæ maiestatis fulgor, vt qui propius accedit, atque supra modum, naturæ aut humano ingenio congruentem, in eum oculos ausit defigere, eum splendore suo opprimat, vnde postmodum in amentiam grauissimosque errores feratur præceps, non secus ac qui solis lumen aduersum intuetur, eo excæcatur, quod aliàs tamen oculis solet prodesse.

D A E M O N.

§ 1.

BELLVM cum dæmone gerendum, & quemadmodum docet mustela ¹ serpenti inimica, quæ quando eum aggredi parat, ² rutæ esu ad id se comparat, tū deinde fidenti animo ad pugnam tanquam ³ validis armis tecta prodit.

ANNOTATIONES.

1. *Serpenti.*] Esse serpentem in sacris literis hiroglyphicum dæmonis, neminem latere existimo.

2. *Rutæ.*] Ruta nostra erit fides, quæ admodum enim illa visum acuit si cruda sumatur: sic & fides mentis oculos illuminat, qui absque ea planè cæci sūt & tenebris obsiti. Esse autem fidem arma in dæmonem longè validissima, docet scriptura his verbis : Aduersarius ^{1. Petri} vester diabolus tanquā leo rugiens circum ^{1. 9.} cui quærens quem deuoret, cui resistite fortes in fide. Atque alibi. In omnibus ^{Ephes. 6} sumentes scutum fidei, in quo possitis ^{10.} omnia tela nequissimi ignea exstinguere.

3. *Validis armis.*] Est enim solus rutæ odor, serpentibus infestus, vnde hortulani solent ad oras areolarum rutam conferere], vt eius odore in auras afflato serpentes arceantur . Quod & fidei tanquam spirituali rutæ congruit etiam, cuius solo odore fugatur dæmon, maximam enim habet in eum vim viua feruida que in Deum fides.

§ 2.

T Errena testudo serpenti viperæ infesta, antequam cum eo congregiatur i origanum comedit. Quod si eius facultatem non assequatur, comesa ruta contra hostem armatur . Iam verò si vtriusque facultate caruerit à serpente exeditur, planè que conficitur.

ANNOTATIONES.

1. *Origanum.*] De quo dictum supra, neque verò testudini tantum valet origani vsus contra venena, verum etiā homini, nam in vino albo, vt ait Plinius, valet etiam contra araneos, scorpionesque & serpentum morsus.

l. 20. c.
16 & 17

Mirum est cerni in serpentem odium, quamque ille huic aduersetur, neque verò minori digna admiratione qua pollet in eo extinguendo, vis; quippe quam licet in latibulum se abdat serpens effugere non possit. Etenim ille naribus suis in serpentis cauernam incumbens vehementissimè² inspirat, &³ spiritu suo inuitum extrahit, forasque productum deuorat.

ANNOTATIONES.

1. *Aduersetur.*] Non spirans tantum, verum etiam mortuus, nam fugiunt serpentes eum qui aliquid cerui habet, aut eius medulla, aut sæuo perunctos. Præterea si quis cerui cornua in scobem atterat, atque in ignem conijciat, fumus inde nascens vndique serpentes ne illius quidem nidorem sustinentes, fugat. Sanguine quoque ceruino certis *Plin. l. 28. c. 9.* quibusdam additis herbis, contrahi serpentes dicuntur.

2. *Inspirat.*] Inspiratio nostra, sit oratio, de qua psalmographus. Os meum *Psal. 118.*
P aperui

aperui, & attraxi spiritum, qua quidem oratione eductum sæpenumero ex mortalium tum animis tum corporibus colubrum tortuosum, testantur sacri Annales . Testantur item diuinæ litteræ.

Marc. 9
28. Hoc genus inquit dæmoniorum in nullo potest exire nisi in oratione & ieiunio . Atque ea re Paulus, dum Christianum militem spirituali isti bello aduersus dæmonem communit, armisque instruit, per omnem inquit orationem & obseruationem orantes omni tempore in spiritu.

Ephes. 6
18.

3. *Spiritu suo.*] Spiritus noster sit
Thren. 4
20. Christus, de quo Hieremias : Spiritus oris nostri Christus Dominus, qui nobis æquè quin & magis est necessarius, quam spiritus quem ducimus atque attrahimus . Et quemadmodum sine continente eius attractione non constat vita, sic quæ vita esse potest sine Christo? in quo viuimus, mouemur & sumus tanquam spiritualis vitæ nostræ, motionisque omnis principe, authore, atque conseruatore. Plinius ait anima seu spiritu ceruorū vri serpentes : at Christi

L. 11, c.
53.

ſti ſpiritu qui noſter eſt dum in nobis
per gratiam ſuam ſedem figit, vehe-
mentius multo vri dæmones nemo iure
diffiteri poteſt. Quod ſi id dubitat quiſ-
piam, meminerit illud dæmonum ad
Chriſtum. Quid nobis & tibi Ieſu fili *Mat. 2.*
Dei? veniſti huc ante tempus torque- *29.*
re nos.

§ 4.

CUm eodem dæmone, cæteriſ-
que animi noſtri hoſtibus acriter
confligendum docent Apes,
quibus cū ¹ plures ſint beſtiolæ quæ eas
hoſtili more infeſtentur, non ſe de-
dunt tamen, neque cum illis inducias
vllas paciſcuntur, ſed continenter bel-
lum gerunt, neque ideo quod ſui offici-
eſt, nimirum mella, ceraſque fingere,
aut omittunt omnino, aut id ſegnius
obeunt, quin & ubi inſtat atque immi-
net hoſtis, ² ab eo diligentiores, & ſo-
licitiores redduntur, pluſque tunc &
mellis & ceræ conficiunt.

ANNOTATIONES.

1. *Plures beſtiola.*] Poëta de ijs ſex *lib. 4.*
numerat, ſtellionem qui fauos exedit, *Georg.*

blattas quæ cubilia congregant in al-
uëis : fucos qui otiosi alienos labores
populantur, vt & tineæ : crabrones qui
apes pungunt: araneas quæ aluearij fo-
ribus casses tendunt vt apiculas captēt.

lib. 8. Hisce sex addit Aristoteles vermiculū
cap. 27. quem alij clerum, alij pyraustam vo-
cant, deinde bestiolam aliam similem

lib. 9. c. hepiolo seu papilioni; tertio erucam

6. & 4. quam vocant teredinem. Atque alibi
hisce annumerat vespas, paros, hiru-
dines, meropes, ranas lutarias, viuer-

cap. 7. ram seu ictidem: Columella addit sca-

lib. 9. rabæos, vt & Plinius muliones (sunt hi
l. c. 18. culices qui mulis solēt esse infesti.) Vi-

de mihi quot se hostibus generosa api-
cula opponat, vnico armata aculeo, &
pudeat te cui tot tamque varij generis
præstantia arma, quæ quidem tibi sug-
gerit Apostolus in promptu sunt, tur-
piter hosti tamen manus toties dedisse,
atque etiamnum dare.

Ephes. 6

2. *Ab eo.*] Non me teneo quin præ-
stantissimos poëtæ versus quibus id ex-
primit hic subiiciam. Ita igitur canit.

*Quo magis exhaustæ fuerint, hec a-
crius*

crius omnes

*Incumbent generis lapsi sarcire ruinas,
Complebuntque foros & floribus hor-
rea texent.*

Atque huc spectat quod scribit Co-
lumella non interimendos fucos à cu-
ratoribus apum, ne hæ inertia se dedât,
cum enim fuci aliquam partem ciba-
riorum absument, sarciendo damna,
fiunt agiliores, iuuant igitur (vt ante
erat ab Aristotele monitū) fuci si pau-
ci sunt, cum apes inde fiant magis stre-
nuæ. Docemur vtilis esse tentationes
atque hostes ne otio diffuamus, quod
& olim fortè ab apiculis istis persuasū
Romanis, qui non euertendam cense-
bant Carthaginem, Romani licet im-
perij æmulam, ne sui ciues otio, hoste
interempto torpescerēt. Docemur præ-
terea vt quò plures patimur dæmonum
vexationes, eò nos etiam fortius ha-
beamus, & vt si quid ipsi quasi mellis
nostri, meritorum scilicet atque virtu-
tum depopulantur, sedulitate omni no-
uoque virtutū studio, ruinas illas mox
sarcire atque reparare contendamus.

DELICIAE.

§ 1.

E A R V M fugam docent apes,
 quod vnguentis odoribusque
 delibutos ¹ insectantur, præ-
 terea quod ² oleum non ferât,
 eoque si quis eas superfundat, properè
³ necantur, continuoque si quis ace-
 tum his superfundat, illicò ⁴ reuiuif-
 cunt.

ANNOTATIONES.

cap. 31.
22.
 1. *Insectantur.*] Insectatur item eos
 scriptura sacra: Usquequo (verba sunt
 Hieremiæ) delicijs dissoluêris filia va-
 ga? miro enim modo soluunt deliciæ
 siue victus siue cultus, vniuersam tum
 corporis tum mentis harmoniam, quod
 & paganis ipsis cognitum fuit. Et A-
 postolus eam viduam (quod de quo-
 cumque alio accipe) quæ in delicijs est,
 viuentem licet, mortuam esse affirmat.

1. ad.
Timo.
§. 6.

2. *Oleum.*] Est oleum ob sui nitorem,
 mollitiem, & quod tactui gratum sit,
 symbolum deliciarum, neque symbo-
 bolum tantum, sed etiam earum in-
 stru-

strumentum :^s adhibetur enim oleum,
& quæ ex eo conflantur vnguenta ad
delicias: quod tum Ethnicis, tum no-
stris solemne fuit.

3. *Necantur.*] Quod ut ait Ambro-
sius obstructis oleo poris, aëreum spi- lib. 5.
Hexam.
cap. 12.
ramen quo vescuntur, illis haurire non
possint, neque enim pulmonem aut res-
pirandi vsum habere produntur.

4. *Reniuiscunt.*] Eò quod acetum, vi
qua pollet penetrandi citò poros illos,
qui concretionem olei obstruuntur, fe-
ratur aperire.

D E V S.

§ I.

EI continenter meminisse,
neque ab eo separari vnquam
doceat nos canis leporarius
benè institutus, qui tanto he-
rum suum prosequitur affectu, ut¹ ab
eo diuelli ne momento quidem possit,
² quod si heri iussu famulus eum aliò
transferre conetur, tum vehementer

eum allatrat, tum se aduersus eum quātum potest tuetur. Atque obseruatū est, cum vnus de istis canibus Augusto mense summo æstu, iam tria millia passuum ieiunus cum hero item ieiuno confecisset, atque is aduertisset exertā lingua canem vehementer sitire, iussisse vi abreptum transferri ad proximum fontem, quo bibit ille quidem, sed ita vt ad haustus singulos caput atque oculos attolleret, osque ad viam conuerteret heri videndi causa, neque etiam inter bibendum esset totus vbi corpore erat, cum animo oculis atque affectu hero suo præsens adesset: Qui vbi tandē non adesse herum suū deprehendit, quanquam sitiens adhuc neque potionis satur, nulla vi neque conatu prohiberi potuit, quin quā citissimè inde se proriperet, conquiritoque hero sese itineris illi sociū vt prius adiungeret.

ANNOTATIONES.

I. *Ab eo diuelli &c.*] Docemur isto facto canis, obsequi præcepto illi quod non Abrahamum modò, at omnes itē perfectioris vitæ cultores spectat: Ambula

bula coram me, & esto perfectus. Quasi *Gen. 17. 1.*
 si dicat me semper præsentem cogita,
 me reuerere, & quasi coram præsentem,
 tua omnia operare. Cui præcepto sine *Gen. 5. 22.*
 præcepto tamen obsecuti antè erant
 sanctissimi Henoch atque Noë, & post *Gen. 6. 9.*
 latum præceptum David, cuius ista est
 oratio, Prouidebam Dominum in con-
 spectu meo semper, quoniam à dextris
 est mihi ne commouear. Quasi dicat: *Psal. 15. 8.*
 In omnibus quæ facerem, dicerem aut
 cogitarem, existimabam me Deo esse
 præsentem, neque ea in re fallebar,
 quoniam verè adest mihi opem ferens
 ne concidam. Obsecutus item Elias: *1. Reg. 17. 1.*
 Viuit (inquit ipse) Dominus Deus Is-
 rael in cuius conspectu sto; quia scili-
 cet nunquam eius memoriam pono: ob-
 secuti demum Sanctissimi quique qui
 ista loquendi formula se indiuulsi Deo
 cogitatione adhærescere significabant.
 Atque hoc idem vt fiat (quod sanè mi- *Epist. 10*
 rum videbitur) monet etiam Seneca,
 sic viue inquit cum hominibus tanquã
 Deus videat Quicumque igitur se per-
 fectum esse volet, is coram Deo sem-
 per

per ambulet, ita vt nunquam mentis oculi aberrant aliò, neque vnquam (quoad eius in hoc exilij loco fieri possit) actu & re ipsa ipsum cogitare, ipsum suspirare desinat.

2. *Quod si &c.*] Habent quod hic imitentur tum Christiani omnes, tum ij maximè qui perfectioris vitæ cultum profitentur: Illi quidem vt nunquam læthali culpa à Dei sui latere amicitiaque diuellantur; hi verò vt ea omnia oderint atque abijciant quæ ijs actua-lem cum Deo suo coniunctionem suffurari valeant: qualia sunt, occupationes nimix, non necessaria colloquia, confabulationes ad humana solatiola captanda institutæ, rerum curiosarum narratio atque auditio, atque cætera huiusmodi quæ quantum Dei coniunctioni officiant nemo non videt.

3. *Atque obseruatũ &c.*] Vehemens sanè est animo pio stimulus, canis istius amor in herum, vt quemadmodum canis, voluptate omni quam bibendo percipiebat, abdicata mox ad herum confugit, cuius desiderium amplius for-

ferre non poterat, sic & ipse solitudines omnes, voluptates omnes, negotia omnia, affectiones omnes, desideria omnia, necessarios atque amicos omnes, res denique omnes atque homines valere iubeat quæ se vel minimum à continente Dei præsentia assidueque eius memoria ob oculos habenda impendant: quæ tamen salua semper maiorum suorum si quos habeat obedientia atque in proximum charitate sunt intelligenda. Quod si vel obedientia vel charitate authore aliquod aut suscipiendum est aut perficiendum opus, id quidem ita perficere conabitur, ut oculi eius cum psalmographo sint semper ad Dominum, neque vel momento ab eo cogitatione absit, per quæ vivimus omnes, mouemur & sumus.

Atque ut ad ista perficienda tum peccator qui licèter & liberè vivit, tum is qui Dei gratia à gravius peccando se continet, impellantur facilius, etiam atque etiam perpendat rogo, quemadmodum ista omnia quæ suprà cōmemorata sunt paucula esca allectus canis præstiterit.

Quid

Quid igitur eos facere par sit quos sui imagine insignuit Deus? Quos eisdē admirabili sua providentia conseruat atque regit? Quos infinito sanguinis sui pretio abs tetra dæmonis seruitute æternisque inferorum supplicijs liberauit? Quibus denique in cœlestibus, ob
 2. Cor. 4. 17. momētaneum & leue tribulationis eorum, supra modum in sublimitate iam inde à constitutione mundi æternum gloriæ pondus præparauit?

DIGNITAS.

§ I.

DIGNITATVM atque honorum quos quis in Republica adeptus est non oportere esse retinentiorem, sed contentum esse vicissim subesse, doceant nos Grues, quæ dum volandum est vnā sibi præstituunt itinēris ducem quæ præcurrit cæteris certo tempore, quo expleto ad agmen redit, extremumque sortitur locum, atque ei quæ se sequebatur, ducendi agminis

minis honorem cedit, ita earum singulis id obuenit vt vicissim & primæ sint & nouissimæ.

ANNOTATIONES.

I. *Primæ &c.*] Quid hoc pulchrius (neque enim ausim mea dare cum eloquentissimi Ambrosij in promptu sunt ^{lib. 5.} verba) & laborē omnibus & honorem ^{Hexam. cap. 15.} esse communem, nec paucis arrogari potentiam, sed quadam in omnes voluntaria sorte præscribi? Antiquæ hoc Reipublicæ munus & instar liberæ ciuitatis est, sic ab initio acceptam à natura, exemplo auium politiam homines exercere cœperunt, vt communis esset labor, communis dignitas, per vices singuli partiri curas discerent, obsequia imperiaque diuidere, nemo esset honoris exors, nullus immunis laboris. Hic erat pulcherrimus rerum status, nec insolescebat quisquam perpetua potestate, nec diuturno seruitio fungebatur, quia & sine inuidia erat ordine muneris, & temporis moderatione delata promotio, & tolerabilior videbatur quæ communi cadebat sorte custodia.

stodia . Nemo audebat alium seruitio premere, cuius sibi successuri in honorem mutua forent subeunda fastidia: nemini labor grauis quem dignitas secutura releuaret . Hæc præclarè atque disertè Ambrosius, qui eadem eloquentia pergit inuehere in eos qui dominandi libidine susceptas nolunt deponere potestates: Quem si adeat lector, facti sui spondeo non pigebit, neque enim ne longior sim ea ausim hîc afferre, cum & ea ipsa quæ dedi non nemini fortasse longiora videbuntur.

EBRIETAS. *Vide* GVLA, SOBRIETAS.

§ I.

IVS fugiendæ magistri sunt Simius & Elephas qui si vinû biberint, hic sui roboris obliuiscitur, ille versutia, & omnino fiunt imbecilli & captu faciles. A Elianus variarum historiarum libro secundo capite 40.

ANNOTATIONES.

1. *Roboris &c.*] Idem hominibus v- *Eccles.*
 fu venire tum docet experientia tum ^{31. 40.}
 Salomon : Ebrietatis animositas (in-
 quit hic) imprudentis offensio, mino-
 rans virtutem & faciēs vulnera, id est,
 Animositas atque audacia quam affert
 ebrietas, causa est cur sæpe quis impru-
 dens offendat, impingat, & in malum
 aliquod corruat: & quamquam videat-
 ur ipsa vires homini addere, reuera ta-
 men ei plurimum detrahit virium, cæ-
 terorumque exponit iniurijs, à quibus
 facilè læditur & vulneratur, & quidem
 de vulneribus tritum est illud de pro- *Prou.*
 uerbijs: cui vix? cuius patri vix? cui fo- ^{23. 29.}
 ueæ? cui sine causa vulnera? Nonne ^{30.}
 his qui commorantur in vino, & stu-
 dent calicibus epotandis?

2. *Versutia.*] Quod item ebrio acci-
 dit cum mentis sit impos, à qua omnis
 versutia & prudentia, quare is sibi non
 cauet, neque imminetia pericula præ-
 uidet: estque sicut dormiens in medio
 mari, & quasi sopitus gubernator a- *Prou.*
 misso clauo. Sicut enim qui in alto ma- ^{13. 34.}

ri somno indulget, varijs susque deque agitur fluctibus licet id ignoret, quare vitæ periculo in quo versatur prospicere nequit: Sic ebrius huc illucque instar fluctuum vacillans fertur, & inconstans lubricoque gressu, neque, quo sit in discrimine ne fortè subita humorum vi atque concursatione ad aliquem cerebri ventriculum aut ad cor, aut principem aliquam corporis partem, sensu omni motuque priuetur aduertit satis. Neque verò hîc se continet ebrietatis noxa, est etiam ebrius quasi sopitus gubernator amisso clauo. Quid periculosius tum nauarcho, tum nautis cum ijs qui vehuntur, quam cum ille sopore pressus, clauoque de manibus dilapso non potest nauim dirigere, sed eam vagam atque liberam, vndis ventorumque procellis regendam committitur? Num minus imminet ebrio periculum qui clauo iam, id est, rationis usu sibi nimio potu erepto, nauem suâ, id est, corpus suum ac mentem non potest rectè in istius vitæ cursu gubernare, atque vt portum teneat efficere?

Quam

Quamobrem in summo eum vitæ tum corporis tum animi versari discrimine necesse sit.

3. *Imbecilli & capti faciles.*] Quam imbelles & capti faciles ab ebrietate fuerint tum viri priuati, tum acies integræ. Vide Congressus nostros Pomeridianos aduersus intemperantiam.

cap. 5.
ubi pro-
loquitur
politicus

§ 2.

Brutis vniuersis id commune est, vt non plus bibant quam naturæ congruat, neque vllis aut minis aut verberibus adigi possint vt eam mensuram excedant.

ANNOTATIONES.

I. *Brutis &c.*] Cum homines longè brutis deteriores non quid naturæ, vitæque sustentandæ, sed quid libidini voluptatique satis sit attendant, quæ cum nulla potionis mensura saturari possit, eò fit vt nullus ijs bibendi sit terminus. Vide de tota ista re, & quam sit indignum bruta hominibus sobrietate anteire, eisdem Congressus Pomeridianos, vbi in istam sententiam varia

Cap. 3.
& 4. v-
bi prolo-
quitur
Theophr-
astus.

Q

Lati. gns.

EDVCATIO. *Vide* NOBILITAS.
OBEDIENTIA, CLEMENTIA
§ 4. Mansuetudo.

§ 1.

HONESTIS atque Christiano nomine dignis moribus, educandos informandosque parentibus filios, docent animantes multæ, ac in ijs volucres potissimum. Feruntur enim accipitres, vbi primum aduertunt fœtus suos tentare volatum, eos è nidis eiicere, ac si morentur egredi, eos ¹ pennis propulsare atque precipitare, aliisque verberare, cogereque audere quod facere trepidant, neque ad eos vllam amplius deferre escam, quod ² ideo faciunt vt à teneris annis pullos suos ³ instituunt ad prædam, cum eos natura prædando victum conquirere iusserit.

ANNOTATIONES.

1. *Pennis propulsare.*] Neque enim satis

est filios suos docere quæ recta sunt,
 si ea non præstent, castigandi sunt
 & corripiendi, iuxta illud: Stulti- Prou.
 colligata est in corde pueri, & vir- 21. 6.
 disciplinæ fugabit eam. Noli sub- Prou.
 here à puero disciplinam: si enim 23. 13.
 percusseris eum virga non morietur, tu
 virga percuties eum, & animam eius de
 inferno liberabis.

2. *Ideò faciunt ut &c.*] Quibus addit
 Ambrosius, cauere accipitres isto facto lib. 5.
 ne pulli in tenera ætate pigrescant, ne Hexam.
 soluantur delicijs, ne marcescant otio, cap. 17.
 ne discant cibum magis expectare quàm
 quærere, ne naturæ suæ deponant vigo-
 rem. Intermittuntque studia nutriendi
 ut in usus rapiendi audere compellant.
 Quæ omnia valent etiam in filiorum
 educatione, debentque parentes ex se
 natos laboribus exercere, cauereque ne
 otio quod omnium est malorum fons
 & origo diffluant.

3. *Instituant ad prædam.*] Quia præ-
 da naturæ eorum congruit, cum eis ex
 rapto sit viuendum. Sic decet paren-
 tes filios ijs instituere disciplinis quas

Ephes.
6. 4.

recta ratio, quas Christi religio, cui
sunt filij initiati, postulant, audireq; illud
Apostoli: Patres nolite ad iracundiam
prouocare filios vestros, sed educate illos
in disciplina & correptione Domini.

§ 2.

CErux editos partus exercet cur-
su, & 1 fugam meditari docet, ad
prærupta ducunt; iisque saltum
demonstrant.

2. Luscinia pullos 3 docet modulos
suos, versusque quos imitetur ijs tradit.
Audiunt pulli intentione magna &
reddunt. In docente apparet quædam
reprehensio, & in discipula emendata
correctio. Docere autem id argumen-
to est quod quicumque matris educa-
tione è nido præproperè sublati caruere,
inconcinnius canunt. Præterea ne quis
dubitet arte constare eorum cantum,
plures singulis sunt cantus, & non ijdē
omnibus, sed cuique sui.

Perdices paruulos suos quantisper
fugitare per artem non licet, assuefa-
ciunt vt quoties venator instet, supini
sternant sese 4 gleba faceue, corpori
velu-

veluti integumento superingestis.

Aquila pullos suos plumefcentes alis verberat, & exemploque suo eos ad volandum prouocat.

ANNOTATIONES.

1. *Fugam.*] Doceant parentes filios suos vitiorum fugam, ijsque inculcent identidem illud è sacris litteris. Quasi à facie colubri fuge peccatum, atque illud quod toties ingestum à Regina Blanca sancto Ludouico Gallix Regi adhuc puerulo memoria proditum est. Mori te iuuat potius fili mi quam peccare. Aliàs: Quam malim te fili mi mortuum quam peccantem. Dici vix potest quam altè subeant quæ teneræ isti ætati ingeruntur, & quanto fructu bonam sementem iaciant parentes in terram istam nouellam, quantique interfit, quos nati quotidie sermones audiant domi, quibuscum agant, denique quemadmodū & quænam tum patres, tum pedagogi, tū matres, tū nutrices, tum famuli coram ijs proloquantur.

2. *Luscinia &c.*] Id obseruatum dicit Aristoteles lib. 4. de hist. animal. c. 9.

3. *Docet modulos suos.*] Ita matres suos doceant natos formare signum crucis, eoque (vt cum Tertulliano loquar) idētidem frontem terere, aut armare, doceant item orationem Dominicam, salutationem Angelicam, symbolum Apostolorum, atque alia è Catechismo Catholicorum: difficiliora verò prout sensim ætate procedunt, atque in dies singulos fiunt ad discendum aptiores tradant. Atque ista quidem cura maximè matres tangit (quemadmodum & in auibus mares non docent pullos) viris nimirum in alia intentis. Neque verò excusationis loco afferant, esse filios suos minus dociles. Num ij minus sunt quàm bruta ipsa disciplinæ capaces? At discunt lusciniarum pulli matrum suarum cantilenas, easque non simplices, at varias & bene longas. At orationem quantumuis longam, non interrupta serie pronuntiat psittacus. Author est Rhodiginus extitisse Romæ in ædibus Ascanij Cardinalis psittacū, qui articulatissimè continuatis perpetuò verbis, Christianæ veritatis symbolum

lum pronuntiabat instar viri periti. Vnde id quæso, nisi præter alia à docentium cura, assiduitate, atque iterata, frequentique rei eiusdem repetitione, neque enim naturalis est aut luscinia tã disertus argutusque cantus, aut psittaco tã longi sermonis expressio, qui naturæ magisterio nihil sibi *perrochet* enuntiare nouit, quæ vox iam tanquam ipsis peculiaris in nomen eorum abiit. Imitentur igitur matres eorum qui bruta ista erudiunt diligentiam ac sedulitatem, neque eas eadem pigeat identidem inculcare atque ingerere: castiget etiam in filiis discendi tarditatem, idque eorū imitatione qui psittacos humanas formare voces edocent, dū enim inquit Plinius loqui discūt, ferreo verberantur radio (seu ferrea clauicula vt placet Solino) aliter ictus non sentiunt, nam capiti eadem durities quæ rostro.

4. *Gleba.*] Qua tecto pulli ventre, auceps fallitur putans esse terræ frustum, non aduertens interim latentem sub eo pullum.

5. *Exemploque prouocat.*] Quod &
tra-

Leuit.

32.

traditum à Sanctis literis: sicut Aquila (inquit de Deo Moyſes) prouocans ad volandum pullos ſuos & ſuper eos volitans. Falluntur parentes qui ſuo ſe munere eſſe præclarè functos arbitrantur, ſi verbo natos ad virtutis cultum morumque honeſtatem prouocent, ipſi interim virtutis oſores, moribusque inquinatiſſimis. In quos valet illud Apoſtoli: Tu qui alios doces teipſum non doces? Qui prædicas non furandum, furaris! qui dicis non mæchandum, mæcharis? Et illud tritum communi ſermone prouerbiū: Medice cura teipſum. Intelligant iſti maiorem longè vim ineſſe docendi in exemplis quam in verbis, quare tales ſeipſi exhibeant quales volunt eſſe filios ſuos, quibus aures non ad parentum verba, ſed oculi ad facta patere ſolent, fruſtraque ijs à parente caſtimonia, ſobrietas, moeſtia, cæteraque digna Chriſtiano virtutum ornamenta inculcantur, ſi ab ijs ipſe prior ſit deſertus. Cæterum ex iſtis omnibus brutorum magiſterijs,

D. Tho.

1. par. c.

colligit diuus Thomas, bruta non habere

bere in omnibus statim à principio, q. 101.
 perfectum vsu naturalis suæ industriæ, art. 2.
 cum doctre egeant, licet in aliquibus ad 2.
 eum habeant: Agnus enim statim ag-
 noscit matrem, & fugit lupum.

§ 3.

Vrsa licet plena fraudis fera,
 fertur tamen cum informes
 partus edat, eos lingua fin-
 gere, atque in speciem sui similitudi-
 nemque formare.

ANNOTATIONES.

1. *Lingua fingere &c.*] Non miraris
 (interrogatio est ista Ambrosij) in fe- lib. 6.
 ra tam pij oris officia, cuius naturam Hexam.
 pietas exprimit? Vrsa igitur partus suos ca. 4.
 ad sui effingit similitudinem, tu filios
 tuos instituere similes tui non potes?
 Lingux igitur officium quod exhibet
 vrsa foetui suo, æmulabitur parens ex
 mente Ambrosij, si filium suum insti-
 tuat, pareatque isti sapientis præcep-
 tionibus: Filij tibi sunt? erudi illos, & cur-
 ua illos à pueritia illorum. Cur statim
 à pueritia? Quia quemadmodum vrsa
 foetus suos cum primum ex utero pro-
 gressi

gressi sunt lingua lambit, effingitque eorum membra, cum enim tempore obduruerunt, alienam formam non admittunt; sic & natos nisi mox ubi primum vel tenuis rationis affulserit radius erudiat parens, at sinat eos suis legibus appetitionibusque vivere, nihil promouebit, assuefacta enim certis moribus pueritia, eos aut nunquam aut serò, ægrèque admodum deponit.

Sed velim hic progenitores occasione sumpta eorum quæ allata sunt habere, ita secum ratiocinari: Erudit foetus suos accipiter, atque ad prædam exercet, cerua item suos fugam, Aquilarum genus volatum, Luscinia musicum concentum, perdix dolos in hostem edocet: ego ex me genitos ab omni institutione desertos negligam? Meque hominem rationis compotem, brutis eius expertibus inferiorem esse patiar? Quid hoc indignius? Si bruta sola naturæ quasi manu ductione parvulos suos instituunt, ut cuiusque eorum natura postulat: cur in me non valeat tum illius ipsius naturæ ius, quæ nõ seg-

niter

niter me ad id vrget, tum diuinæ tot præceptiones quibus si minus pareo, naturæque educationem negligo, multa me manent tum in ista tum in futura vita supplicia? Et sanè nihil infœlicius eo parente qui filios suæ ineruditos atque incultos dimittit libidini. Hic enim pro animabus filiorum colligabit vulnera sua, & super omnem vocem turbabuntur viscera eius: nempe in summa sollicitudine, atque animi perturbatione versabitur, ita vt ad omnem clamorem tumultumque qui in ciuitate excitabitur, timeat vehementer ne clamor ille ad filium suum pertineat, & sit contra eum excitatus.

Ecclef.
30. 7.

Præterea quem à pueritia recta educatio deficit, is mirabili impetu fertur ad omnia vitia, quemadmodum enim equus indomitus euadit durus, sic & filius remissus euadit præceps. Equum quidem nisi à primis annis frænis & calcaribus domare instituas, naturalē ferociam suam atque petulantiam retinebit semper. Nihilò minus qui puer prima ætate sua, disciplina omni & castiga-

Ecclef.
30. 8.

stigatione solutus, naturali suæ petulantia dimittitur, euadit præceps, temerarius atque in omnia vitia incredibili fertur audacia, ita vt ab ijs postea vix ac ne vix quidem reuocari possit.

Eccles.
30. 9.

Ad hæc, qui lactat filium, blandèque illum tractat, & quæcumque ei grata sunt & iucunda indulget, is pauentem eum faciet, tantumque abest vt eum timeat (quod filij probi est officium) vt etiam parenti timorem incutiat, dū moribus suis improbis vitaq; profligata id efficiet, vt & illi & sibi malè me-

Eccles.
30. 10.

tuat. Denique si disciplina omni valere iussa ludas cum illo, indulgenterque habeas filium contristabit te: si corrides illi cum seridè esset agendum, risusque eius comprimendus, dolebis, verteturque in fletum risus tuus, atque in nouissimo obstupescunt dentes tui: quo quidem significatur doloris acerbitas qua id fiet vt tibi nihil sit gratum in ista vita futurum, nihilque sapidum, quemadmodum ijs quibus dentes obstupescunt molestum est edere. Quod quidem accidet quando indulgētia tua
vide-

videbis auctam filij petulantiam, præ-
uidebisque malorum iliadem in quæ o-
lim vitio suo incidet, quin & te etiã vi-
uo, vidente, inque oculis tuis experiri
cogetur.

Omitto prudens quæ te post istam
vitam expectant supplicia, vt tibi sa-
pientis verbis iterum rectam filij edu-
cationem inculcem: Curua itaque cer-
uicem eius in iuuentute, & tunde la-
tera eius dum infans est, ne forte indu-
ret, & non credat tibi, & erit tibi do-
lor animæ. Doce filium tuum, & ope-
rare in illo, ne in turpitudinem illius
offendas.

Ecclef.
30. 12.
15.

§ 4.

Quantum proſit, viriumque ha-
beat recta à teneris educatio,
docet animalium quãquam ma-
ximè agrestium & ferorum vt leonum,
pardorum, tigridum, elephantorum,
& cæterorum ¹ cicuratio tam vſitata
² priſcis temporibus.

ANNOTATIONES.

1. *Cicuratio.*] De ea cicuratiſque ani-
malibus, habes exempla, totius iſtius
opus-

opusculi inspersa corpori, & maximè verbo Obedientia: vnde constabit què admodum ea sensim à teneris vnguiculis didicerint homini parere. Quanta autem sit educationis vis inequis atque

De Cain & Abel. l. 2. cap. 1. leonibus sic explicat Ambrosius. Equos videmus popularibus incitari studiis, gaudere plausibus, blandimentis delectari magistri. Toruos leones cernimus naturalem feritatem imperata mutare mansuetudine, suam rabiem deponere, nostros mores sumere, & cum sint ipsi terribiles, discere timere atque obedire, iuxta illud,

Longa dies homini docuit parere leones.

2. *Priscis.*] Neque priscis modò, at de superiore item seculo memoria proditur magnum Regem Mogor nomine Echebar anno post Christum natum quingentesimo octuagesimo secundo supra millesimum aluisse Elephantes qui egregiè ad numerum saltarèt. Quod si de minus feris & agrestibus sermo sit, deque ijs quæ nostræ consuetudinis amantiores sunt, visuntur in insulis Molucis psittaci, quorum pennæ multo

*P. du
Iarrie
T. 2.
hist. o-
rient.*

*Idem T.
1. lib. 2.
cap. 27.*

triuialibus istis, qui ad nos perferuntur speciosiores existunt, qui ed exercitatione atque usu adducuntur, vt summa cum gratia atque dexteritate extricent, atque intricatam euoluant rostrorum suorum barbam, suauiterque peccant, cui beneuolentiæ officio, alios item mille varij generis lepores addāt. Et ne longinqua tantum consecretur, visi sunt anno 1615. sub dies hilariorū Florentiæ certi equi docti ita concinnè ad numerum saltare atque si ratione præditi essent, cuius rei tot sunt testes quot pene alicuius nominis ciues alit Florētia, qui se omnes aurei prius persoluto pretio ad tantæ rei tamque inusitatæ spectaculum effundebant. Vtinam tam essent mortales auidi ea adire loca, quibus ea audirent atque spectarent gratis, quæ non animo otiosam, inanem, momentaneamque, verum vtilem, solidam, æternumque duraturam parerent oblectationem. Vtinam & (optet aliquis) tam essent homines in pauperes benefici, ac liberales, quā sunt in suis consecretandis voluptatibus pro-

prodigi atque profusi.

Cæterum inueniet modò spero apud incredulos (qui nisi oculis suis credunt *Plin. l. 8* nemini) fidem, quod de Sybaritis tra-
cap. 43. dit antiquitas, eos scilicet in tantum deliciarum studium deuenisse vt equos etiam ad tibiam in symposijs tripudiare assuefecerint. Quod cum Crotoniatæ cognouissent, vbi cum his pugnarunt, saltandi concinnitatem illis pararunt, vt asserit Aristoteles in eorum Republica. Aderant enim ijs tibicines in acie militari, quorum cum tibiæ sonum equi audiuiſſent, non exilierunt solum verum etiam sessores habentes ad Crotoniatas trāsſugerunt. Idem Bisaltas contra Cardianos designasse fertur, Onaris enim Bisaltarum dux tibicinā Cardianam Bisaltas suos ea arte erudire fecit. Vbi igitur pugna fuit cœpta, tibiæ inflare, modulorūque emittere iussit solitos. Eos vbi equi audiuerunt super postremis pedibus se firmarunt, atque in tripudium sunt conuersi. Cardianorum vis omnis in equitatu posita erat, atque idcirco victi superatique fuerunt. Athenæus l. 12. cap. 6.

E L E E M O S Y N A .

§ 1.

PEDVNCVLVS piscis sequi so-
let delphinum qui eo tantope-
re delectatur vt cum ipso libe-
ter prædam suam communici-
cet, victitat itaque ipse ex ijs quæ del-
phino & superfluunt, atque interci-
dunt, quibus tanquam locupleti men-
sa exceptus, pinguescit. AElanus l.
9. cap. 7.

ANNOTATIONES.

1. *Communicet.*] Qua re docet homi-
nes, sua vt cum egenis communicent,
atque digni sint qui dicant cum Iob. *cap. 35.*
Si comedi buccellam meam solus, &
non comedit pupillus ex ea, seram &
alius comedat &c.

2. *Superfluunt.*] Utinam superflua sal-
tem largirentur pauperibus diuites, ob-
sequerenturque isti Christi præcepto.
Quod superest date eleemosynam, id *Lucæ*
est, de ijs quæ adsunt seu supersunt. V- *1. 41.*
tinam saltem Basiliscum imitentur, de *lib. 2.*
quo *cap. 7.*

quo ista AElanus: cum in Africa mul-
li permulti vel cæsi, vel siti confecti ia-
ceant, magna serpentum vis eò con-
fluit ad eorum cadauera depascenda: at
vbi Basilisci tanquam eorum regis sibi-
lum inaudiere, diffugiunt omnes, ille
verò tranquillè neque ab vlllo interpel-
latus prandet: A suo prandio, repetito
rursus sibilo latitantibus serpētibus sig-
nificat se iam pransum esse, & quod su-
perest cibi ipsis relinquere. At plerique
avarorum, similes sunt illius bestiaæ a-
pud Danielelem valde cæterarum dissi-
milis, cuius dētes & vngues ferrei, quæ
quidem comedebat & comminuebat,
at reliqua ne quos haberet prādij sui so-
cios pedibus suis conculcabat. Quot e-
nim malint de istis avaris opes suas pe-
rire, frumētumque putrescere, quā vt eo
vitam pauperis sustentent. Quod vti-
nam ne hisce nostris temporibus acci-
disset, quando magna tritici vis sum-
ma improbitate atque crudelitate pau-
peribus subtracta, atque in horreum
condita, ob corruptionem fuit aquis,
tam atrocis facinoris impietati occulē-
dæ

dæ, noctu immergenda. Itanè miseri
 Dei optimi maximi atque in vos mu-
 nificentissimi dona pessumdatis? Num
 vobis Deum frumentum suum alendis
 piscibus, & non hominibus potius, quos
 fame necatis, largitum esse existimatis.
 Si maledictus qui frumenta abscondit
 in populis, cui erit tandem maledicto
 obnoxius qui ea absconsa miserè perire
 finit? Mittat Dominus (neque enim *Deuter.*
 minori digna est fera hæc supplicio) 28. 20.
 super eam famem & esuriem donec cō. 12. 13.
 terat & perdat velociter. Adiungat pe- 24.
 stilentiam donec consumat eam de ter-
 ra, percutiat eam Dominus ægestate,
 febri & frigore, ardore & æstu, & aëre
 corrupto ac rubigine, & persequatur
 donec pereat, sit cælum quod supra il-
 lam est æneum, & terra quam calcit
 ferrea. Det Dominus imbrem terræ e-
 ius pulverem, & de cælo descendat su-
 per eam cinis donec conteratur. Hæc
 sit pars hominis impij à Deo atque e-
 ius qui sibi malit superflua male perire,
 quam ijs Christi pauperes, germanos-
 que suos educatos in vita conseruare.

§ 2.

Aquila nunquam prædā suā
(nisi admodum famelica sit)
totam sola deuorat, sed cæ-
teris volucribus se vt eius participes
fiant conſectantibus, eam communi-
ter, tanquam menſæ ſocijs exponit, ſua
tamen prius recepta portione.

*Traſſ. 2.
lib. 8. de
animal.
cap. 6.* Narrat Albertus magnus aucupes
quosdam in ſuperiori Germania caſu
in canum cœcumque arbori inſiden-
tem falconem incidiffe, cumque admi-
rarentur quī ſibi victum pararet, ſeſe in
ſylua abdidiſſe, atque ex lateribus con-
ſpexiſſe duos falcones alios, qui cum
eo prædæ prandijque ſui partem com-
municabant.

ANNOTATIO.

*Tobie
c. 1. 3.
19.* 1. *Aquila &c.*] De Tobia prædicant
ſacræ litteræ eum omnia quæcumque
habere poterat, quotidie concaptiuis
fratribus qui erant ex ſuo genere im-
pertiiſſe, quotidieq; perrexiſſe per om-
nem cognationem ſuam, diuiſiſſeque
vnicuique prout poterat de facultati-
bus ſuis, eſuriētesque aluiſſe &c. Quod
fi

si tantum virum imitari non vales, ne te saltem brutis istis inferiorem esse velis, annonamque tuam, ceterasque opes tuas inter egenos diuidas.

FIDES SEV FIDELITAS. *Vide*
verbo Amicitia & Gratitude.

FILII.

§ I.

QVANTA debeant filij pietate parentes colere, docent ciconiæ, quæ genitores suos per senium defluxu pennarum laborantes, suis met plumis circumdatos fouent, ijs abundè lautèque, & victum subministrant, subsidium eis quoad eius fieri potest in volatu ipso præstant, & eos sensim suis vtrunque subleuant alis: 4 Eadem ferè exhiberi ab Vpupis, parentibus suis tradunt authores fide digni, vt & ab Aquilis.

ANNOTATIONES.

1. *Quanta &c.*] Nemo enim est inquit Basilius qui naturæ sensu pruden-

Hom. 8.
in Hex-
am.

tiae sic destituatur, ut non mediocri pudore eum existimet dignum, quisquis quod ad virtutem attinet, finit se alitibus istis, nulla rectæ rationis vi præditis deprehendi inferiorem.

lib. 5.

Hexam.

cap. 16.

2. *Victum subministrant.*] In quod intuens Ambrosius, non recusant inquit aues pascere patrem, quod etiam præscripta necessitate sub terrore pœnarum plerique hominum recusarunt. (Alludit Ambrosius ad ea præcepta quibus parentum amor, atque subuentio pœnis sancita est in sacris literis.) Aues non scripta, sed nata lex stringit: Aues ad hoc munus nullo præcepto conueniunt, sed gratiæ naturalis officio.

3. *Eos alis subleuant.*] Quod accommodans Ambrosius ad ingratos filios sic eorum ingratitudinē castigat: Quis nostrum leuare ægrum non fastidiat patrem? Quis fessum senem suis humeris imponat, quod in ipsa historia vix credibile habetur. Alludit Ambrosius ad id quod de AEnear in patrem Anchisen pietate fertur, quem ex Troiano incendio humeris suis impositum eripuisse,

puisse, memoriae proditum est. Sed pergit idem. Quis ut pius sit non hoc servulis mandat obsequium? At verò aui-
bus non est graue quod pietatis est plenum, non est onerosum quod soluitur naturæ debito. Aues non erubescunt reuerendi senis membra portare, est enim vectura pietatis, vectura autem ista volucris isti pietatis nomen atque famam confecit, vocatur enim pia avis, & quod vix vni Imperatori (Antonino qui ob insignem pietatem cognominatus est pius) consulto senatus delatum dicitur, hoc istæ aues in commune meruerunt. Hac itaque ciconiarum pietate docentur filij eandem salutem quam ipsæ exhibere parentibus pietatem, dictoque audientes esse tot scripturarum præceptionibus, quæ hanc illis pietatem inculcant, quam quidem ipsæ sola duce natura exhibent. Quod si alis subleuat ciconia parentes senes, eosque nutrit, ad idem te cohortatur Dei spiritus: fili suscipe (inquit) senectam patris tui, & non contristes eum in vita illius. Et si defecerit sensu ve-

*Eccles. 3**14. 15.*

niam da, & ne spernas eum in virtute tua. Quid sibi vult illud suscipe ἀντι-
 λαβὲς nili subleua (quod & faciunt ci-
 conia) ne concidat pater tuus præ se-
 nio, subleua inquam succurrendo ino-
 pia eius, subleua item & suscipe con-
 solatione eum erigendo, cum sibi ferè
 senes sufficere non valeant. Et quoniā
 non solum senio, bonorum victusque,
 verum etiam sapientiæ atque prudentiæ
 (quod quidem in volucris locum nō
 habet) inopia solet obtingere, ideo mo-
 net vt si parentem vetulum sensus at-
 que prudentia defecerit, ipsi des veniā,
 neque illum præ te contemnas, quod
 tum corporis tū animi viribus ei præ-
 stes. Præterea si parentibus suis imbe-
 cillibus seruit ciconia, ad ipsum te in-
 telligas velim diuinis legibus teneri.
 Qui enim timet Dominū honorat pa-
 rentes, & quasi Domini seruiet his qui
 se genuerunt. In opere & sermone &
 omni patientia honora patrem tuum,
 vt superueniat tibi benedictio à Deo, &
 benedictio illius in nouissimo maneat.
 Quoniam enim est plurimis persua-
 sum

Eccles.
 3. 8.

sum satis esse si exteriorem honorem parentibus deferant, docet scriptura non id quidem sufficere, nisi & pro beneficio generationis (quod nisi per eos nati non essent) ijs etiam seruiant & famulentur quasi dominis suis, neque se erga eos tanquam pares, sed tanquã sibi superiores quorum iussis sit parendum, quorum commodis sit studendũ, gerant. Atque istud demum est quod postea præcipit. In opere & sermone honorare patrem, promptè videlicet obtemperando, seruiendo, subueniendo, ac benignè modestèque cum eo loquendo. Quod autem subiicit de patientia, eam habet sententiam, vt præcipiat filiis toleranda si quæ sint parentum vitia, senilesque mores minus fortè adolescentiæ congruentes, atque vt eadem patientia præcepta parentum difficiliora ne detrectent.

Atque hæc omnia suo quodam, sed efficaci modo præstare ciconiam demonstratum est paulò ante, quanquam nullis ad id nec præceptionibus neque promissis, neque minis adducta : non vere-

Eccles.
3. 18.

veretur ipsa maledictionem genitoris, neque eius benedictionis spe, si se verum exhibuerit filium, tenetur. Non reformidat si patrem deserat suum, ne in illud Sapientis incurrat. Quam malæ famæ est, qui derelinquit patrem, & est maledictus à Deo qui exasperat matrem. Quam igitur bruto isto deterior homo, quem neque summi Dei præcepta, neque eius promissa, neque minæ, ad ea quæ genitoribus suis debet exhibenda, possunt permouere?

4. *Eadem &c.*] Atque isto nomine, tum ciconiæ, tum vpupæ apud Aegyptios magno sunt in honore. Vide AEliaum l. 10. c. 16.

§ 2.

MErops pietate in parentes etiã ciconijs antecellit, quod non eos demum i senectute affectos alat vt ciconia, sed vbi primum ei maiores alarum pennæ natæ fuerint, eo pietatis officio fungitur. Quare inter aues, iustissima omnium habetur & pijsima.

AN-

ANNOTATIONES.

x. *Senectute affectos.*] Quare instituuntur filij omni tempore licet nondum effecta affectaque ætate sint parentes, omnibus eos pietatis, humanitatis atque benevolentix signis prosequi, memores quoniam nisi per illos nati non fuissent, quamobrem retribuunt illis sicut & illi sibi. Maximè autem meminisse eos oportet matris, quemadmodum eos mensibus novem in vtero gestarit, lac dederit & aluerit, atque in istam ætatem perduxerit. Meminisse item gemituum eius & laborum quos & antepartum in vteri gestatione, & in partu, & reliquo tempore in educatione sustinuit. Quorum recordatione eam tum honorent, tum ei opitulentur, tum caueant in primis ne qua re eam offendant, atque ita eius gemitus augeantur, novique prioribus addantur: Honorem habebis (monitum erat Tobix parentis ad filium, quod ad se spectare existiment omnes) matri tuæ omnibus diebus vitæ tuæ: Memor enim esse debes, quæ & quanta pericula passa sit propter te in vtero suo. §. 3.

Eccles.

7. 30.

2. *Mach.*

7. 27.

Eccles.

7. 29.

Tobia 4.

CUm iam leo ætate processit, quia ad venandum infirmus, in specubus aut nemorosis locis solitus est quiescere, neque tum audet vel cum infirmis animalibus, ætatis suæ imbecillitati diffusus consuetudinē habere. Verūm ex illo geniti leones, huic parentis necessitati ne fame intereat, ita soliti sunt occurrere. Longè procedunt ad venandum, ac patrem iam senem secum adducunt, deinde in media via quam ingressi fuerint illum relinquētes, gnauiter ipsi in prædæ curam incūbunt, ac tantūdem prædæ cōsecuti quantū & sibi & parenti ad prædium satis sit, generoso quodam & contentissimo rugitu edito eum ad secum conuiuādum inuitant. Senex tū sensim & pedetentim velut reptās eò accedēs, primū filios veluti amplexatur, deinde lingua eis suauiter tanquam fœlicem laudans eorū venationem adblāditur, postea cum ijs prandet & epulatur.

ANNOTATIO I.

1. *Eum inuitant.*] Quamquam inquit
Aelia

AELIANUS; Solon qui lege sancivit filijs ^{l. 9. c. 1.}
 parentes alendos esse, ista eos facere
 non iusserit, sed natura, humanæ legis
 nihil egens, ipsa immobilis atque æter-
 na lex, hoc eos officij munus docuit.

ANNO TATIO 2.

Atque hac insolenti leonis in paren-
 tem senem pietate, videtur item sol-
 ui posse Samsonis problema, ab eo 30.
 sodalibus suis propositum: de comedē- ^{Iudic.}
 te exiuit cibus, & de forti egressa est, ^{14. 14.}
 dulcedo: atque eodem quo illi modo
 responderi: Quid dulcius melle, &
 quid fortius leone? mel autem de leo-
 ne egredi cum patrem pascit suum, isto
 sensu dici potest, quo dicitur à Dauide
 Deum de petra populum suum melle
 saturasse, quod nimirum illi siti enecto,
 aqua illa quam fundebat petra tam erat
 dulcis quam mel ipsum: ita cibus qui à
 filijs leoni parenti fame confecto sug-
 geritur, ei melle ipso sapit dulcius. Ita-
 que de comedente, id est, de leone cu-
 ius proprium est alias animantes co-
 medere, eaque præda vitare, exiuit ci-
 bus quo patrem senem aluit. Et de for-
 ti

ti (omnibus enim fortitudine leo præstat) egressa est dulcedo, id est, cibus omnidulcedine dulcior, atque acceptior.

ANNOTATIO 3.

Verum quoniam non omnibus natis (quod sine pudore ne cogitari quidem potest) ea est in parentes pietas, quæ leonibus, si senectuti suæ canisque cōsultum velint ipsi, cauebunt diligenter ne filiorum amore, aut vt filias collocent, aut occasione opimi matrimonij tam his quam illis procurandi, aut quacumque alia ratione humana, se bonis suis spolient: Neque verò meum est consilium istud, sed Spiritus Sancti, quod tot inculcatum voluit tum verborum tum sententiarum pondere, attentione prius conciliata atque ad audiendum vocatis etiam magnatibus atque Ecclesiæ rectoribus, vt mirum sit Deum, re ista quæ in speciem parua est commendanda, tantum momenti posuisse. Audite me, inquit, magnates & omnes populi & rectores Ecclesiæ auribus percipite: Filio & mulieri, fratri, &

Eccles.
33. 19.
20. 21.
22.

& amico non des potestatem super te in vita tua, & non dederis alij possessionem tuam, ne fortè pœniteat te, & depreceris pro illis, dum adhuc superes & aspiras, non immutabit te omnis caro; Melius est enim vt filij tui te rogent, quam te respicere in manus filiorum tuorum.

ANNO TATIO 4.

Cum tam sit illastris leonum quibus nihil efferatius in genitores suos amor, nemo mirabitur (quanquam & admirationem mereatur si res per se, & sine *Plinius lib. 7. cap. 36.* comparatione expendetur) quod ab authoribus fide dignis commemoratur, puerperam quandam de plebe, cuius mater supplicij causa, atque vt fame occideret, carcere erat inclusa, cum impetrasset aditum, à ianitore semper excussam ne quid inferret cibi, tandem admirantibus cunctis tamdiu sine cibo, vt putabatur superesse matrem, deprehensam vberibus suis eam alere, ei-que lac quod ab illa infans suxerat, sūma grati animi significatione reddere. Quo miraculo matri salus donata, filiz

liæ pietate est, ambæque perpetuis alimentis. Si istud est miraculum, eo sanè maius meo quidem sensu, erit leonis in parentes beneficentia, quo maius est feram eamque longè sauiissimam, pietatis in parentes sensu, quam fœminam cui naturalis pietas ac miserorum commiseratio, commoueri.

F V R T V M. *Vide* A V A R I T I A.

§ I.

F V R T I odium, esseque fures ad iustitiæ administros ut plectantur deferendos docuit quondam Elephas in Syria, quem ferunt cum in ædibus cuiusdam aleretur, ac seruus qui additus curator esset, dimidia hordei mensura quæ ei ab hero assignata erat, eum fraudaret, quâ tamen aliquando eo præsentem totam exhibuisset, in eum toruè intuitum, ac promuscida contrahentem hordei partem additam fastidiosum repulisse, ac quam exactissimè separauisse atque ser-

ui iniuriam isto quo valuit modò ad
herum detulisse. Plutarchus de indu-
stria animalium. Aelianus l. 6. de ani-
malibus cap. 52. Canum fides in seruân-
dis rebus dominorum suorum, in cu-
stodia domus, & quemadmodum fu-
res prodant eos allatrando, quantoque
in eos odio ferantur id notius est, quàm
vt pluribus comprobetur. Sacrarum
rerum furem olim Delphis, cum in eū
incurrisset Accipiter, eius caput con-
uellens indicauit.

ANNOTATIONES.

I. *Fures deferendos.*] Neque eos mo-
dò, qui furantur res nostras, quod hîc
factum ab Elephanto, sed etiam qui a-
lienas, quod quotidie fieri videmus à
canibus, cum homines alieni raptores
non modo non accusent, verum etiam
in ædes suas receptos occultent, foueāt,
atque supplicio ijs digno ad quod sæpe
conquiruntur subtrahant: quibus qui-
dem malis officijs, se furti reos esse vo-
lunt, cum non sit minus fur dicendus,
is qui furem iuuat, eumque occulit, quàm
qui manu sua furatur: Et qui cum fu-

re participat (quoquo modo eius furto
cooperando) is odit animam suam, vel
pro. 19. 24. ipsa teste sacra scriptura: adiurantem e-
 nim audit & non indicat, quorum ver-
 borum iste est sensus. Qui est alieni
 furti particeps, quamquam audiat eum
 qui adiurat, & qui pro officio exigir,
 iureiurando vt furtum prodatur, non
 tamen indicat ne cogatur restituere.
 Quibus significatur istum, silentio isto
 suo non peccare modò in proximum,
 cuius ré detinet, verum etiam in Deñ,
 cui adiuratus ab eo, qui ex officio ad-
 iurare potest, non dat gloriam: tene-
 tur enim qui adiuratus est, id est, me-
 tu religionis & pietatis violandæ, aut
 ultionis & maledictionis diuinæ incur-
 rendæ adactus ad aliquid faciendum
 aut indicandum, id ipsum facere vel in-
 dicare: Quod si sic adiuratus ab eo qui
 id legitimè præstare potest, non faciat
 quod iubetur, grauissimo se taciturni-
 tate sua scelere obstringit, peccatque
 tum in Deum, tum in proximum, tum
 in animam suam.

§ 2.

Effe fures puniendos etiam morte docent quæ sequuntur brutorum actiones. Elephantem memoriz proditum est, cum eius curator lapides & terram ad explendam mensuram pabulo miscuisset, ipsum ex foco correptum cinerem in ollam magistri elixis iam carnibus iniecisse. Neque absurdè faciam si elephantis, apes subiungam, quo vitij istius sensum, odiû, illudque vindicandi zelum, minimis æquè ac maximis animantibus inesse intelligatur. ¹ Qui fures inter eas vocantur, suos inuicem fauos offendunt, & alienos si latuerint subeunt, sed si capiuntur, ² capite puniuntur, nec facile aut latere aut aufugere possunt, sunt enim in quoque aditu custodes, & fur ipse si quando surripere ingressum potuerit, aded in satietatem repletur ut nequeat euolare, sed ante alueum volutetur, itaque fuga ijs perquam difficilis est.

Eupolidi comico canis erat qui impensè herum amabat suum, cuius cum

seruus Ephialtes nomine quædam furripuisset, non latuit canem furax seruus, in quem & ipse deprehensum acerrimo impetu crudelique irruit, mordicusque comprehensum interfecit.

ANNOTATIONES.

1. *Qui fures.*] Id narrat Arist. de histor. animal. l. 9. c. 4. quos autem fures hic vocat, AElanus l. 1. c. 9. fucos appellat: sunt autem fuci inquit Plinius l. 11. c. 11. sine aculeo velut imperfectæ apes, nouissimæque, à fessis & iam emeritis inchoatæ, serotinus fœtus, & quasi seruitia verarum apum.

2. *Capite puniuntur*] .i. trucidantur ab apibus, quæ fures asperè aculeis inuadunt. Quibus addit AElanus, primo furto non statim ab ijs occidi, sed modicè verberari, expellique alis, ac tanquam in exilium eijci. Quod si iterum deprehendantur, extremo tandem affici supplicio.

Porro tum apes istæ, tum qui sequitur canis Eupolidis, id explent quod hominibus, quod plerisque iudicibus deesse lugent boni omnes: Fures ple-
cunt

Et sunt animantes istæ quibus iudices ipsi parcunt; Quanta enim hodie furandi licentia, quanta libertas! sed quanta furum impunitas, non de minoribus illis loquor, quos cum vidisset Socrates duci ad supplicium effusè dicitur risisse, quod ij tanquam minores muscæ araneorum cassibus irretiti pœnas darent, sed de maioribus sermo est (qui veluti vespæ atque crabrones araneorum telas impunè lacerant, sic isti leges violant) quos & vestium splendor & magnifica palatia, & munera, prædia atque possessiones & vulgi plausus, & multorum assentationes: adde & furandi artem atque solertiam, ab infami ista furis nota, nomine, atque pœna vindicant; quibus tamen eò sunt quam minores illi digniores, quò plura sunt ea quæ per summam iniustitiam ab alijs direpta in usus suos eosque superfluos conuertunt: Isti sunt qui Principum bona, qui vectigalia, quæ à populo ad communis boni procurationē colliguntur non tam administrant quàm fraudant, & deprædantur. Isti qui ijs-

dem Principibus ad necessarios belli
 vsus pecuniam dant fœnori, tam iniu-
 sto, tam impio, vteosdem Principes
 cogant postea, vt sint ijs soluendo, no-
 ua ab afflicto populo subsidia exigere,
 suumque patrimonium aut diuendere
 aut oppignerare. Isti inquam sunt qui
 si minimum aut Principum aut Reipu-
 blicæ bono laborent, seque vel loco so-
 lum moueant, quatuorq; passus faciât,
 maiora sibi multò assignant stipendia
 quam meruerint. Isti sunt, qui cum
 sint iudices ad cuique quod suum est
 reddendum constituti, illi qui dat am-
 plius, causam per summam iniquita-
 tem adiudicant. Verbo dicam cum I-
 saia: Sunt infideles (Principi scilicet &
 Reipublicæ quam expilant) socij fu-
 rum, omnes diligunt munera, sequun-
 tur retributiones, pupillo non iudicant,
 & causa viduæ non ingreditur ad illos:
 quod si ea ingreditur eamque suscipiūt,
 nihil nisi largitionibus ab ijs impetra-
 tur, in tantum vt plus apud eos valeat,
 qui plus largiatur. In istos vero atque
 eius generis publicos fures quis ani-
 maduer-

Cap. I.

mauertit? sed maiore quapiam dicē-
di vi atque facultate opus habet malū
istud, quam sit ista mea, & quam lo-
cus iste patiatur.

G E M I T V S.

§ I.

GEMERE nos doceant : colum-
bæ & turtures quibus gemitus
est pro cantu ; ideoque ijs ge-
mitus familiaris est, imo perpetuus.

ANNOTATIONES.

I. Columba.] Etiam sacris literis no-
tus atque vsurpatus est hic columbæ ge-
mitus : dum enim explicat Ezechias
Rex quem conceperat dolorem ex in-
firmitate, eum columbæ gemitui com-
parat : Meditabor inquit vt columba.
Et Iudæi vniuersi quem animo concep-
turi erant mærorem dum exprimunt: *Isa. 38.*
Rugiemus inquit quasi vrsi omnes, *14.*
& quasi columbæ meditâtes gememus.
Dicitur autem gemitus columbæ, me- *Isa. 59.*
ditatio, quia quemadmodum ea, non *11.*

ore summisque labris at imo corde visceribusque perficitur, sic etiam columbæ gemitus non à gutture, sed ab imo pectore fundi videtur.

2. *Turtures*] Hanc item turturum gemebundam vocem agnoscit Salomon, dum ait, vocem turturis auditam
- Cant. 2.* in terra sponsi, qua quidem significari
11. vocem pœnitentium, atque tum ob sua peccata tum ob huius vitæ exilium gementium traditur ab interpretibus. Huius generis seu columbas seu turtures si requires, multas suppeditabit scriptura. David quidem laborabat in gemitu suo, lauabat per singulas noctes lectum suum, lachrymis suis stratum suum
- Psal. 6.*
7. rigabat, tamque erant eius gemitus vehementes ut deficeret in dolore vita eius & anni eius in gemitibus, afflictusque esset & humiliatus nimis, rugiretque à gemitu cordis sui, vocemque præ dolore non humanam; sed rugitum potius leoninum ederet. Occurrent item passim alij eis qui vel minimum sacras literas delibauerunt, qui Davidis imitatione vel suas vel aliorum noxas, vel vitæ

GRATIA seu GRATITVDO. 281
vitæ istius molestias, tristeque exilium
sunt gemitu, lachrymisque prosecuti.

GRATIA SEV GRATITVDO.

GRATITVDINE nihil occurrit
frequentius in animantium a-
ctionibus, feligam quæ illustri-
ora in isto genere ediderunt exempla,
quæ quidem homines nisi depuduerint
omnino, pudore suffundant, ac de ter-
restribus primum, tum de volatilibus,
denique de ijs quæ in aquis degunt, or-
dine differendum.

CAPVT I. § 1.

CVm Elephanti Indus quidam
offendisset pullum, atque aluif-
set, & paulatim mansuefecisset
eoque deinde veheretur & vehementer
belluam amaret, cumque ab ea vicif-
sim redamaretur ipse, ac maxima pro
educatione, amicitia, gratique animi
signa reciperet, Indorum Rex id intel-
ligens, muneri sibi poposcit Elephan-
tum

tum mitti. Indus vt impensè Elephantū diligebat, negauit se daturum, atque vnâ cum eo in solitudinem perfugit, quò cum Rex certos homines misisset qui tum belluam tum hominem plectendum reducerent, ambo sese gnauiter tutati sunt, nam ex superiori loco eos Indus lapidibus pariterque elephas appetebat. Vbi autem Indus ab hostibus præceps deiectus fuisset, non ideo animum despondit bellua, sed ⁊ pro suo nutricao (quem & corporis mole tegebat) ita acriter pugnavit, vt ex inuadētibus nonnullos partim occideret partim in fugam verteret: tum altorem suum promuscide complexus ⁊ ad stabula inuexit, ac tanquam amicus permansit fidelis amico, in omnibus ostēdens quanta eum qui se educarat beneuolentia prosequeretur.

ANNOTATIONES.

1. *Pro nutricao pugnavit.*] Cum multi iā eos qui sibi benefecerunt calamitate aliqua pressos turpiter deserant, sintque vt loquitur ille, socij mensæ non abstinentiæ, addo ego consortes cōmodorum

Thomas
à Campis

GRATIA seu GRATITVDO. 283
 exortes periculorū. Ac talis quidem ex-
 titit Pincerna Pharaonis, cui cū multa *Gen. 40.*
 præstitisset Ioseph, atque illi diuino af- *23.*
 flatus spiritu libertatem è vinculis præ-
 sagisset, inde eductus oblitus est inter-
 pretis sui. Atque istius similitum plenus
 est mundus, qui vt loquitur A. Elianus, *lib. 3.*
 mensas, culinas, & sartaginum stri- *cap. 46.*
 dores sequuntur, & prandia quærunt,
 ijsque adhærent à quibus sperare quid-
 piam licet: in periculis autem omni a-
 micitiæ gratitudinisque iure violato, a-
 micos atque erga se beneficos fœdè de-
 ferunt. Atque vtinam desererent tantū,
 & non eosdem à se desertos, summo
 perfidiæ exemplo opprimerent, atque
 vexarent. Quam enim perfidus atque
 ingratus fuit in Dauidem Parentem *2. Reg.*
 Absalon, à quo cū homicidij quo Am- *12. 20.*
 monem fratrem suum impiè trucidarat *15. 1.*
 veniam impetrasset, nihilominus ta-
 men flagitiose in illum arma mouit, at-
 que è regia ciuitate, pedibus confugere
 compulit. Eandem item perfidiæ at-
 que ingrati animi notam inurunt De- *1. Mac.*
 metrio Regi sacrae literæ, qui cum ope *11.*
 Io-

284. GRATIA seu GRATITVDO.

Ionathæ Hebræorum ducis esset, de Antiochenorum potestate liberatus, ta-
1. Mac. men vt loquitur sacer textus : Menti-
31. 53. tus est omnia quæcumque dixit, & a-
 balienauit se à Ionatha & non retribuit
 ei secundum beneficia quæ sibi tribue-
 rat, & vexabat eum valde.

Sed huiusmodi exemplorum plena
 sunt omnia; tam sunt mortales in ag-
 noscendis beneficijs, ijsque grati ani-
 mi significatione prosequendis, multis
 partibus, brutis ipsis inferiores.

2. *Ad stabula.*] Non minus itaque præ-
 stitum homini ab Elephanto, quam ab
 homine homini alteri; à Samaritano
 inquam illo Euangelico, qui quemdā
Lucæ 10 abs Hierusalem in Hiericho descendē-
38. tem, à latronibus plagis impositis se-
 miuiuum relictum, imposuit in iumen-
 tum suum, duxitque in stabulum, cum
 eundem & Sacerdos & Levita, qui il-
 la eadem via transierant, neglectum
 præterijssent. Sed & plus etiam ab Ele-
 phanto præstitum, quam ab isto quam-
 quam pio Samaritano dicat quispiam,
 cum hic alienis humeris crediderit mi-
 serum

GRATIA seu GRATITVDO. 285
serum illum viatorem, tergoque iu-
menti imposuerit, ille autem nutriciū
suum proboscide sua tanquam manu
propria correptum in stabulū vexerit.
Quid quod hic, hominem stabularij
curæ commendatum reliquerit, dūm
negotiorum causa aliò proficiscitur, ille
verò constans illi adstet, nec se ab eius
latere auelli patiatur? pro Samaritano
tamen facit quod ipse sola ductus cha-
ritate, cum Elephas etiam acceptorum
beneficiorum gratitudinisque stimulo,
qui quidem vehementior est impulsus,
ea præstiterit quæ commemorata sunt.
Eò tamen superior videtur in ista causa
Elephas quod brutum sit atque rationis
expers, cum sit homo illius particeps.

§ 2.

CVm seruus quidam Romæ no-
mine Androclus ob dominum
sibi infensum inde in Aphricæ
solitudines secessisset, atque speluncā
ob æstum nimium ingressus esset, ig-
narus esse eam leonis cubile: ecce tibi
ex venatu rediens, leo summo cum do-
lore ex pede spina transfixo, in iuuenē
in-

incidit, quem postquam blandè intuitus esset, atque adblanditus, ei pedem porrexit, & quibus poterat signis ut spinā extraheret rogabat supplex. Quod ubi licet timidè admodum perfecisset servus, atque leonem dolore omni levasset, ² illicò se is ad solitas prædæ exercitationes è spelunca proripit, prædæque parte chirurgus suo impertita illum triennio toto nutrit. Verum huiusmodi tum victus, tum consuetudinis, tum domicilij impatiens servus, inde digreditur, & postquam huc atque illuc errans vagatus esset annos plurimos, comprehensus est tandem, Romanque ut in potestate esset heri sui remissus, à quo cum ad bestias dānatus esset, leo ille servi quondam hospes & convictor, qui dum hic vagaretur etiam captus erat, in theatrum immissus est ut eum discerperet, discerp-tumque deuoraret. At ubi leo tum cō-tubernalem suum, tum chirurgum agnouisset, suauiter ei blanditus est, & totius corporis inclinatione ³ ad eius pedes se abiecit, ⁴ cauens summopere

ne ei noceret, cui incolumitatem suam deberet. Androcilus (id enim erat seruo nomen) & ipse tandem suum hospitem, & nutritorem cognouit, & leonem tanquam peregrè venientem amplexatus est. Verum cum ista arte magica fieri existimaretur, immissa est in Androcilum pardalis, quæ cum inuadere illum aggrederetur; leo idem, seruatorem suum ab huius laniatu seruauit, illamque lacerauit. Huic porro nõ ab similem alterius leonis aduersus Gerasimum Abbatem gratiam, ab eadem cap. 107 item causâ profectam vide omnino in Prato Spirituali, auctore Ioanne Moscho, est enim lectu dignissima historia.

ANNOTATIONES.

1. *Leo &c.*] De hoc leone ita Seneca: l. de beneficijs, cap. 19.
leonem in amphitheatro spectauimus, qui vnũ è bestiarijs agnitum, cū quondam eius fuisset magister, protexit ab impetu bestiarum. Eundem enim fuisse leonem istum cum illo qui Androcilum seruauit docet Lipsius ad locum istum Senecæ. En tibi itaque eiusdem leonis exemplum grati animi duplex,
in

288 GRATIA seu GRATITVDO.

in bestiarium cuius spectator fuit Seneca, & in Androclum quod se vidisse apud Aulum Gellium narrat Appion
lib. 5. cap. 14. Plistonices.

2. *Illico se &c.*] Vide mihi quemadmodum parcat iuueni seruatori suo quē quotidie in conspectu habuerat, quoque pasci potuisset nisi eū grati animi virtus inhibuisset, qua et si famelicus vetatur erga se benefico nocere.

3. *Ad eius pedes &c.*] Obserua tum elephantum quem supra diximus, tum leonem istum plura reddere quam accepissent: ille quidem cibi atque educationis, hic verò leniti doloris erant debitores, at heris suis ambo isti vitam & salutem impertiunt, eosque morte liberant.

4. *Cauens summopere &c.*] Atque hominibus facem præferens erudiensque quam ijs sit fugiēda ingratitude notata, quamque sit ea turpis. Erunt homicidæ (inquit Seneca) tyranni, fures adulteri, raptores, sacrilegi, proditores,
lib. de beneficijs c. 10 infra ista omnia ingratus est, nisi quod omnia ista ab ingrato animo sunt, sine quo

quo vix vllum magnum facinus accreuit, hoc tu caue, tanquam maximū crimen ne admittas. Quam velim hic cum facto isto leonis, ingratum animum nostrum aduersus Deum conferri: Ille à famulo quod ei perfacile fuit spinæ extractione dolore leuatus: nos ab ipso Deo à mortis æternæ supplicijs vindicati atque fuso eius sāguine morteque crudelissima obita in libertatem asserti. Ille tanto tēpore, viuam vigentemque tam exilis beneficij memoriam conseruauit, quo toto tempore, nihil ab isto seruo gratiæ receperat, vt qui abs se lōgo esset locorum interuallo separatus. Nos qui in momenta singula Dei beneficentia viuimus, vegetamur, atque nutrimur, sine quo nec momento quidem subsistere possumus, eius tamen (indignum planè) obliuiscimur tāquam à nobis alieni, cuiusque nulla in nos extarent beneficia. Ille fame licet pressus à sibi benefico abstinet, famēque cogit in alia sœuire, sibi vt faciat satis: Nos fame frequenter desiderioq; voluptatum minus licet sollicitati, in

290 GRATIA seu GRATITVDO.

eum à quo summa omnia accepimus
 impiè sœuimus, peccandoque vincî-
 mus rursus, flagellis cœdimus, corona
Hebræo. spinea redimimus atque crucifigimus
ym 6. 8 filium Dei eumque ostentui habemus.
 Verùm hæc præstat, apud se quemque
 silentio commentari, animoque volue-
 re, cum præsertim tanta sit nostra in
 isto genere aduersus vitæ nostræ paren-
 tem, conseruatorem, restitutoremque
 ingratitude, vt ei exprimendæ nulla o-
 ratio sit satis.

§ 3.

EXcellit canis in referenda pro
 acceptis beneficijs gratia, isti
 rei fidem faciant vnum & alte-
 rum exemplum, quamquam ad id lon-
 gè plura afferre liceret. Cum Pyrrhus
 Rex cum exercitu iter faciens incidif-
 set in canem, occisi hominis cadauer
 seruantem diligentissimè, intelligeret-
 que tertium isthic diem nullo sumpto
 cibo exegisse, nec præ amore & grato
 in vita functum herum animo illum de-
 seruisse, ipsum quidem cadauer sepeliri,
 canem verò secum vnà duci atque ci-
 bo

bo refici iussit: paucis autem post diebus cum exercitum lustraret Pyrrhus, militesque recenseret, atque ordine coram Rege sedente transirent, aderat canis ipse quoque tacitus & tristis; verū ubi milites heri interfectores transire sensit, tum non se tenuit, quin vasto latratu in eos erumperet, atque vnguib; laniaret, simul & se ad Pyrrhum conuerteret, quoad poterat ei se homicidas tenere indicans. Ita non Regi modo, sed & omnibus qui rem tacitè considerabant, iniecta suspicio est milites illos commissi homicidij reos esse: statim igitur comprehensi, rogatique, cum leues quædam coniecturæ concurrissent, confessa cæde pœnas dedere. Plutarchus: AElanus l. 7. cap. 10.

Author est Basilius canes non modo à dominorum suorum cadaueribus, ijs in solitudine necatis non recessisse, sed & ibidem etiam expirasse. Nonnullos etiam cæde adhuc recente duces illis fuisse qui latrones inquirerent, & ad pœnam maleficos rapi fecisse.

Longè autem pulcherrimū est quod

lib. 6.
Hexam.
cap 4.

in hanc sententiam narrat Ambrosius, Antiochiæ sub auroram necatum virū in remotiori vrbis parte qui canē sibi comitem haberet, cumque clara iā die multi, vt fit, ad cadaueris spectaculum confluxissent, canisque questu miserabili, domini ærumnam lugeret, fortè militem illum qui necem intulerat (vt se habet humani versutia ingenij) quò omnem à se commissæ cædis suspicionem amoliretur, ad illam circumspetantis populi turbam velut funus miserantem sese adiunxisse. Tum canem questu ac lachrymosa voce valere iussa, ad arma atque vltionē se conuertisse militemque apprehensum tenuisse; atque tanto amoris ac gratitudinis testimonio lachrymas omnibus excussisse, ijsque persuasisse illum quem præ cæteris teneret neque dimitteret vnquam cædis illius authorem extitisse. Quod & fassus est ipse, cum contra tam manifestum facinoris istius iudicem non posset neque odij, neque inimicitiarū, neque inuidiæ aut iniuriæ alicuius exceptionem afferre. Itaque meritas impieta-

GRATIA seu GRATITVDO. 29;
pietatis pœnas dedit, eius ultionem
(quod erat tamen difficilius) persequē-
te cane, quia defensionem hero præsta-
re non potuit.

ANNOTATIONES.

1. *Non recessisse.*] Quod confirmat *lib. 6.*
AElanus allato factō canis Darij Re- *cap. 25*
gis qui extremus regnavit apud Persas,
quem cum multis confossum vulneri-
bus, humique stratum defererent om-
nes, canis ab eo educatus solus permā-
sit fidelis. Canis item Silanionis tyra-
ni neque vi potuit, neque blanditijs
vllis à domini sui sepulchro diuelli.

2. *Ibidem expirasse.*] Testis Lyfimachi
canis qui cum hero mortuo se servare
posset, lubens ac volens eādē qua il-
le morte defungi voluit. Testis item
Calui Romani, cuius iam bello quodā
ciuili necati caput, summa contentio-
ne cum certarent plurimi à ceruicibus
abscindere, nunquam id perficere po-
tuerunt, priusquam canem quem is a-
luisset ei affidentem corpusque seruan-
tem interfecissent. Author AElanus *lib. 7.*
& Plutarchus. *cap. 10.*

3. *Ærumnam lugeret &c.*] Quid nos (inquit Ambrosius animum attendens ad canis istius factum) dignum nostro referimus Creatori, cuius cibo vescimur, & dissimulamus iniurias, & sæpè inimicis Dei eas, quas à Deo accepimus epulas exhibemus. Quasi dicat illam grati animi testificationem exhibuit hero suo canis, quod eius cibo vesceretur. Nos verò quid Deo nostro rependimus, quoue grati animi officio testatum facimus nos ab eo cibum sumere? ille heri iniuriam vltuse est, nos ad eas conuiuemus, vtinam & nè in ijs inferendis primas teneamus.

4. *Lachrymas excusit.*] Dum perspicerent plus esse in bruto tum amoris, tum gratitudinis erga homines, quàm hominum ipsorum inter se, quibus plurimùm vitæ terminus idem est atque amicitiae, neque post fata inueniuntur amici, nedum qui iniurias vlciscantur amicorum. Habet hanc vim illustris omnis beneuolentiae significatio, vt mirificè afficiat, emolliatque, & tanquàm liquefaciat eius animum qui eam conspicit,

spicit, efficiatque vt cōmotus, lachrymas non teneat: potuerunt etiam esse hæ lachrymæ pudoris fructus: quem enim (verba sunt Basilij) ingratum, beneficiorumque immemorem, memoria beneficiorum huiusce animantis, gratiæque reddendæ non pudore atque dedecore asperferit?

Hom. 9.

in Hexa

§ 4.

Addam istud extremum de cane quod nulla sui parte cedit prioribus, quin & 2. multum præstat vt patebit qui vtraque expenderit. Vir quidam Colophonius ad nundinas Teon profecturus, benè nūmatus discedit cum famulo & cane comitibus, ac seruus quidem qui pecuniā deferebat, ventris purgandi causa ex itinere diuertit, quem secutus est canis, cumque aluo purgata recederet, oblitus est marsupium suum è terra tollere: canis autem ibi remansit marsupio incubans. Cum autem ad emporium peruenissent dominus & seruus re infecta, cum eis deessent nummi, eandem viā quam venerant remensi sunt, cumque

eò venissent, vnde prius famulus diuerterat de recta via, ab itinere suscepto deflexerunt eòdem vbi nummos seruus reliquerat. Quo loco (mirandum sanè) canem marsupio incubantem, & præ fame vix spirantem offendunt, qui vbi eos adesse deprehendisset tanquam pecunia in tuto collocata, à marsupio se remouens, vno eodemque tempore & custodire desijt & viuere.

ANNOTATIONES.

- lib. 7. 1. *Addam.*] Huius author AElitianus.
 cap. 29. 2. *Multum præstat.*] Quod hic quidè,
 pecunia quæ minoris est æstimationis,
 ibi verò aut vita, qua carius nihil ser-
 uata sit, aut certè dominorum corpora
 ab iniuria vindicata, aut qui ijs iniu-
 riam intulerant detecti atque canum
 præsidio mulctati; sed omnem admira-
 tionem excedit, estque summæ gratitu-
 dinis significatio, quod pro re pecunia-
 que domini sui seruanda, tamdiu ine-
 diam sustinuerit, eaque occubuerit tã-
 dem. Neque verò minus videtur admi-
 randum vndenam sciuerit esse illam
 pecuniam domini sui, & non alieni cu-
 ius.

GRATIA seu GRATITVDO. 297
iuspiam, & vnde intellexerit illam sibi
custodiendam etiam fame urgente,
vitæque dispendio. Dominum quidem
suum, eiusque famulum frequenti norat
consuetudine, atque amborum specie-
bus signatam habebat phantasiam, eo-
rumque tenebatur benefactis deuin-
ctus; at marsupium istud quod nunquã
fortè viderat quomodo scire potuit esse
rem domini sui: Atque vt id sciuerit,
cur eius potius custodiæ inuigilarit quã
vt famulum (quem etiam antea à via
deflectentem non sibi deferendum iudi-
carat) porrò progredientem sequere-
tur, quod quidem ei faciendum potius
videbatur. Malim sanè ego ad hæc om-
nia alium quempiam respondētem au-
dire quam ipse respondere. Id vnum
modo aio in præsentiarum, planè ad-
mirabilem inesse brutis atque adeo ca-
nibus grati animi affectum atque sen-
sum, eaque ei testificando ab ijs præ-
stari, quorum difficile sit admodum,
afferre rationem in qua animus planè
conquiescat: quorum quidem efficien-
dorum ideo ab authore naturæ eis data
est

298 GRATIA seu GRATITVDO.

est facultas, vt ijs essent, mortalibus gratitudinis quam eos & Deo, & inter se ipsos exhibere oporteret tum magistri tum incentores. Quis enim (vt præclare Ambrosius) non erubescat gratiâ bene de se merentibus non referre; cum videat etiam bestias refugere crimen ingrati? & illæ impertitæ alimonix seruant memoriam, tu non seruas salutis acceptæ?

*Lib. 6.
Hexam
cap. 4.*

§ 5.

CUm Pindum Macedonis Regis filium fratres sui strictis gladijs ad mortem conquirerent, atque hunc exclamantem Draco (quem in solitudine venatione sua iam aluerat diu satis) inaudisset, suo ex cubili prodiit, & simul impios 2 circumplicans spiris suis, suffocauit; nutritorem verò suum cæsum summa diligentia custodire non destitit, dum cognati humatum eum venissent. Qui vbi aduenissent, custodis metu neque propius accedere, neque terræ cadauer mādare audebant. Tum hic recondita quadam & mirabili natura intelligens se

GRATIA seu GRATITVDO. 299
se illos arcere; de præsidio stationeque
cadaueris tranquillè discessit, quò ei
commodius propinqui iusta persolue-
rent. De Hyenæ gratitudine erga Ma-
carium Alexandrinum, quòd eius ca-
tulo cæco visum restituisset, & quem-
admodum ad eum, grati animi argu-
mentum attulerit 3 pellem ouinam: vi-
de Palladij Lausiaca. Cap. 20.
in fine.

ANNOTATIONES.

1. *Cum Pindum.*] Author AELIANUS
l. 10. cap. 48. qui & plurima alia de isto
Pindo, sed parum ad rem nostram.

2. *Circumplicans.*] Eadem vtuntur cir-
cumplicatione quando ijs cum elephā-
tis certamen, quos inquit Plinius cir-
cumflexu facili ambiunt nexuque nodi
præstringunt.

3. *Pellem ouinam.*] Hanc pellem asse-
rebat Melania sese accepisse ab eodem
Macario, quæ & appellata est munus
Hyenæ.

§ 6.

BOs item & Asinus licet anima-
lium stolidissimi magistri sunt
hominibus gratiæ referendæ: iux-
ta

300 GRATIA seu GRATITVDO.

ta illud 1 filios enutriui & exaltaui, ipsi
Isa. 1. autem spreuerunt me, 2 cognouit bos
 possessorem suum, & 3 asinus præsepe
 Domini sui: Israel autem me 4 non
 cognouit, & populus 5 non intellexit.

ANNOTATIONES.

1. *Filios enutriui.*] Vide Osee cap. 11.
 quasi nutricius Ephraim portabam eos
 in brachijs meis. Quemadmodum au-
 tem nos Deus nutriat tum cibo corpo-
 reo, tum spirituali; quemadmodum i-
 tem nos exaltet cum per gratiam ipsius
 diuinæ efficimur consortes naturæ, ex
 se patet satis.

2. *Cognouit bos.*] Quia dum hero suo
 seruit, seu agros eius subigendo, seu
 quouis alio modo, agnoscit præstiti si-
 bi pabuli beneficium: Authores sunt
 Plutarchus & Aelianus post Ctesiam,
 Susis Regi, boues singulos quotidie cē-
 tum cados aquæ regionum hortorum ir-
 rigationi haurire idque promptissimè:
 quem vbi explerunt numerum, nullis
 nec verberibus neque blanditijs, vt vel
 vnum tantum addant induci possunt:
 eos dicas Arithmeticæ peritos esse: sin
 minus

De in-
 dustr. a-
 nimal. l.
 7. cap. 1.
 histor.

GRATIA seu GRATITVDO. 301
minus norunt vtique quid in se benefi-
cicis debeant.

3. *Asinus præsepe.*] Est Enallage .i.
Dominum præsepis, agnoscit autem il-
lum eò quod pro cibo qui ei in præsepi
exhibetur à Domino suo, ei famulatur
in vehendis oneribus.

4. *Non cognouit.*] Mihi seruiendo pro
tot tantisque ei impensis beneficijs.

5. *Non intellexit.*] Mea beneficia a-
pud se memori gratoque animo recolē-
do. Ita Lyranus. Obseruanda est autē
comparatio ista hominis beneficiorum
immemoris, ita enim est illustris, ea-
que ita tum stupor & vecordia, tum
hominum ingratitude significantur, vt
nullo modo videantur posse significan-
tius exprimi, quando neque illud Deo
reddunt quod omnium animātium sto-
lidissimi atque stupidissimi (quid enim
boue stupidius? quid asino stolidius?)
reddere sunt soliti possessori suo. Ad
hanc autem (vt præclare animaduersū
à Basilio est) similitudinem exprimen- *In t. 1.*
dam, ea sumpsit animalia quæ nobis- *1/a.*
cū educantur & vernacula consuetudi-
ne

302 DE VOLVCRVM GRATIT.
ne notiora sunt, vt vel suppudescamus
istis deprehendi insipientiores, & nos
ad ea collatos minus obtinere beneuo-
lentiae quam refundamus in possessore
nostrum. Vide aliud verbo Parentes §. 10.

CAPVT II. DE VOLVCRVM GRATITVDINE.

§ 1.

QVANTA sit ciconiarum in ef-
fectos parentes gratitudo: Vi-
de: Verbo Filius.

Aquilas in nutritores suos
ac beneficos, esse admodum gratas,
docebunt consequentia. Aquilam Re-
gis Pyrrhi, mortuo domino & commo-
ri voluisse, atque ea re ab omni cibo se
prorsus abstinuisse memoriae proditum
est. Quod idem alia aquila, alumna
viri priuati fecisse dicitur, atque sese in
medios rogos dum herus cremaretur
immisisse.

lib. 6.
cap. 29. Sed permirum videbitur quod post
Philarchum narrat Aelianus, de puero
quo-

quodam, à quo Aquilæ pullus studio
 curaue maxima tâquam si germanus
 eius fuisset alebatur, cumque mutuis
 officijs progressu ætatis in mutuam a-
 micitiam vehementer exarsissent, ac-
 cidit vt puer ægrotaret, tum ei 3 A-
 quila assiduitate officij affidebat: cum
 enim is quietem caperet, 4 ipsa quoque
 quieti se dabat, cum vigilaret, eadem
 vigilabat, ipso cibum non capiente, ab-
 stinebat & ipsa, postea verò quam è vita
 excessisset, atque efferretur humandus,
 eum & ipsa est prosecuta, atque vbi
 cremaretur in medios rogos se immisit.
 Verû præterire non licet præclaram in
 hoc genere, quamquam longiorem hi-
 storiam. Decem (verba dabo A Eliani) lib. 17.
 & sex viri frumentum in area perticis cap. 37.
 excutientes, vastissimis solis ardori-
 bus cum ardentissimè sitirent, vnum ex
 suis vt aquam de proximo haurirent
 fonte miserunt. Is messoriam falcem in
 manibus habebat: Vbi verò ad fontem
 venit, Aquilam strictissimè offendit
 serpente circumplicatam; quem falce
 dissecuit, & vinculis exoluit. Cumque
 re-

reuertisset, atque hausta aqua vinum temperatum ministrasset cæteris, & ipse post illos bibiturus erat. Ad labra igitur poculum cum admovisset, seruata Aquila, circa locum illum etiam nū versans vt hanc mercedem suæ salutis persolueret sic in poculum inuolauit vt scyphum frangeret, potioque omnis effunderetur: Ille quod vehementer siti- ret, grauitè indignatus, hancne gra- tiam inquit seruatori tuo refers. Quæ cum dixisset sese ad alios conuertens, videt ex venenata potione palpitantes extremum spiritum afflare. Serpens e- nim vt conijcere licebat, suo veneno fontem infecerat. Itaque redemptionis præmium ei qui se conseruasset, Aq- uila cum pari salute compensauit.

ANNOTATIONES.

1. *Verbo Filius.*] His quæ ibi dicta sūt addēda videntur ex Ambrosio ista, tā-
 lib. 5. Hexam. tam esse tamque notam omnibus cico-
 cap. 16. niarum gratitudinem vt retributio be-
 neficiorū ἀντιστάργωσις nominetur, &
 virtus ab his nomē accipiat, πλάργω
 enim ciconia dicitur.

2. *Com-*

2. *Commori voluisse.*] Vide quæ dicta sunt supra Verbo Charitas.

3. *Aquila assistebat.*] Probatur his & similibus non tantum brutorum gratitudo, sed eorum item charitas atque amicitia, quæ quidem à gratitudine, acceptisque beneficijs proficiscebatur.

4. *Ipsa quoque &c.*] Quasi vna eademque esset anima in duobus corporibus quæ earundem actionum causa esset, & principium: Eadem ab Aquila præstita cuidâ Virgini altrici suæ. Vide apud Plinium l. 10. cap. 5.

§ 2.

QVanta sit Accipitris in passerē gratia dabit sequens historia. Solitus est accipiter brumæ tēpore cum noctes sunt longiores & frigidiores, passerem comprehendere vivum quem sibi vnguibus applicat ut eius calore concalescat; ubi autem manē soluto somno euigilavit Accipiter, quamquam dira pressus fame (tum ob noctis longitudinem, tum & ob vehementem stomachi calorem) prædæ tamen quam vnguibus tenet, & parcit,

passeremque pristina reddit libertati; & quod permirum est attentè obseruat quònam ipse volatu tendat, ne eandè fortè plagam versus auolans & ipse, in eum incurrat, atque non agnitum cogente fame eum rapiat atque deuoret, cuius calore fatus est. Ludouicus Granatensis in catechismo 1. par.c.17. § 1.

ANNOTATIONES.

1. *Ob vehementem calorem.*] Quem in eo voluit inesse naturæ author, tum vt eo ad sibi victum conquiendum stimularetur, tum vt eum ipsum qui carnibus constat crudis, concoqueret facilius.

2. *Parcit.*] Vide mihi tum in facto isto, tum in eo quod sequitur, quid in isto grati animi genere plus præstari possit ab eo qui se maximè beneficii memorem esse velit: & num à bruto isto vel huiusce gratitudinis vmbra expectanda foret, nisi eam ipsi naturæ author indidisset, vt ipsum virtutis huius tam mortalibus neglectæ Doctorem ijs statueret, quos sanè pudere oporteret se nondum tot annis (ab orbe enim
con-

DEAQVATILIVM GRATIT. 307
condito ex quo est Accipiter doctrinā
istam continenter planèque , vt nemo
obscuritatem prætexit docentis tradit)
vllos in virtutis istius studio cultuque
progressus fecisse.

CAPVT III. DE AQVATILIVM GRATITVDINE.

§ I.

NARRAT Leonides Bizantijs
vidisse se in vrbs Pleroselenū
dictæ portu, habitantem Del-
phinum qui de manu aniculæ
cuiusdam, eiusque viri educari solitus e-
rat simul cum puerulo eorum filio , ex
qua communi educatione Delphinus
atque puer mutuum inter se amorem
eumque vehementissimum concilia-
runt , ita vt à puero compellatus Del-
phis, licet in medio esset mari cum suis
gregalibus ludens, aut cursus velocita-
te cum naui aliqua contendens , aut
multa fame pressus venaretur, ad pue-
rum tamen tanta celeritate redibat,

lib. 8.
cap. 3.

vt vehementi impetu more navis plenissimis velis impulsæ ferretur. Sed quod ad rem nostram plus facit : cum hic Delphis paullò ætate processisset, nutricijs suis gratiam educationis sic persoluit vt de præda quam venatus esset, parte sibi ad pastum reservata, reliquum ad eos deferret, quod vbi ab ijs animaduersum est, hoc ceu vectigal lubentes expectabant atque admittebant. Aliud affertur ab AEliano de iisdem delphinis, quos cum Ceranus quidam natione Parius à piscatoribus ad Byzantium captos argento redemisset, libertatique restituisset, ex isto beneficio hanc collegit gratiam, vt naue ætuaria quinquaginta remorum Milesijs vectoribus plena, in qua & ipse vehebatur in freto Parij maris funditus eversa, & vectoribus naufragio perditis, illum ipsum delphini, ex hoc periculo seruarint, eumque saluum & incolumem tergis suis impositum ad promotorium ex eius nomine nuncupatū postea Ceranium exposuerint. Quem vita functum cum cognati eius secundum

DE AQUATILIVM GRATIT. 309
dum mare inhumassent atque id sensis-
sent delphini, 3 frequentes tanquam ad
extrema liberatori suo persoluenda ad
littus conuenerunt, & quoad pyra ar-
deret, tamdiu permanferunt, qua &
restituta recefferunt.

ANNOTATIONES.

1. *Tanta celeritate.*] Hinc patet etiã
brutorum in homines obedientia, qua
quidem damnantur ij qui sese tum Deo
tum hominibus Dei vices gerentibus
minus obsequentes præstant. Celerem
verò, solutam atque expeditam esse o-
porteret obedientiam, ita vt etiam im-
perfecta littera relicta nec completa,
ad id quisque conuolet ad quod voca-
tur.

2. *Ex hoc periculo.*] Queritur hic AE-
lianus delphinos ad referendam gratiã lib. 8, cap. 3,
esse hominibus ipsis iustiores, cum ta-
men Persarum legibus (dicamus nos
Christiani lege diuina) minime ad id
teneantur.

3. *Frequentes &c.*] Homines autem
(inquit AElanus) viuos colunt, & eos
quidem non omnes, sed diuitijs affluen-

tes atque opibus : Contra verò ab ijs defunctis vel aliquo infortunio pressis se totos auertunt, vt ne gratiam pro beneficijs quibus ab ijs dum viuerent aut essent fœlices affecti fuerant persoluât.

*ANNOTATIO GENERALIS
ad vniuersa quæ hæcenus dicta
sunt de animalium gratia.*

Quid causæ sit cur tanta animalibus istis gratitudo, nemo non intelligit, eam enim à beneficijs in se collatis proficisci constat. Sed quæro num ijs nos aut minora aut pauciora mortales accepimus? Si id dubitas, considera quanta tibi largitus est Deus ad sustentationem, quanta ad eruditionem, quanta ad consolationem, quanta ad correptionem, quanta etiam ad delectationem. Vnde enim hæc innumerabilia quærit quidam, oculos, aures & animum mulcentia? Vnde illa Luxuriâ quoque instruēs copia? neque enim necessitatibus tantum nostris prouisum est, vsque in delicias amamur,

Bernar.

in psal.

Qui habitat.

serm. 14.

Seneca

lib. 4.

de beneficijs

cap. 5.

cap. 6.

mamur. Quod si id dubitas, animum reuoca ad spiritualia gratiæ beneficia, ad Dei amicitiam qua Dei filius atque hæres efficeris: ad virtutes, ad dona & fructus Sancti Spiritus, quibus animam tuam complet exornatque Deus. Verū me deficit tempus si singula commemorare aggredior, diuinam prædestinationem, vocationem ad fidem, iustificationem, Ecclesiæ Sacramenta, sacrosanctum Missæ sacrificium, longè laboriosissimam Christi Domini vitā, acerbissimamque mortem pro te in cruce sūma amoris atque patientiæ significatione toleratam. Quid commemorem cœlestem gloriam atque beatorum consortium, quo te, tibi nisi desis, peruenturum certò certius sperare licet? Quid cætera quæ à primo tui ortu, quin & à prima mundi conditione, quin & vt porrò progrediar ex ipsa Dei æternitate percepisti beneficia, atque in omnem æternitatem percipies, quæque singula, Dei vnius est, non humanarum virium recensere? Cur igitur tot, tanta, tamq; præstabilia benefacta nec dū

312 ANNOTATIO GENERAL.

à te immemoris animi notam excus-
 re, cū multò inferioribus delinita bru-
 ta, tantum ijs à quibus affecta sunt, gra-
 tiæ rependant? Atque id faciunt illa
 duce natura nulla ad id ratione aut do-
 cta aut compulsa: Tu verò quot ratio-
 nibus ad id tum erudiris tum compel-
 leris. Tenes, nihil Deo posse gratius
 gratiarum actione accidere, esseque
 illam maximum summique pretij sa-
 crificium: Tenes, esse eandem idioma
 paradisi, continenterque beatos spiri-
 tus illos materiæ expertes, illud impri-
 mis agere, vt Deo pro acceptis ab eo
 donis gratiam referant, gaudium quip-
 pe & lætitia inuenientur in ea (cœlesti
 Sion) gratiarum actio & vox laudis,
 per vicos eius Alleluia cantabitur. Scis
 quāquam te Deus innumeris prosequa-
 tur beneficijs, aliud nihil à te exigere
 præter gratiam, non quod eius sit egēs,
 sed vt ea ipsa, eius munificentiam lar-
 gitatemque ad ampliora etiam in dies
 danda prouoces. Quid quod probè in-
 telligas eam esse à pio quoque frequen-
 ter, imo continenter in omni vita v-
 sur-

*Bernar.
 serm. 10
 in canti-
 ca psal.
 49.*

Isa. 5. 3.

*Chrysost
 ad cap.
 18. Gen.*

surpatam iuxta illud prophetæ : Bene- *Psalm. 33*
dicam Dominum in omni tempore, 3.
semper laus eius in ore meo. Quid quod
esse gratiarum actionem, religionis
nobilissimæ omnium inter virtutes quæ
mores ornant, partem fœtumque non
ignoras? Quid verò horum omnium
cōcessum est brutis, quibus neque Dei,
neque virtutis vlla data est notitia, quā
quidem tibi summa beneficentia im-
pertitus est Deus? Vnico naturæ sti-
mulo incitatum brutū, prodigiosa por-
tentique similia edit gratiæ exempla:
Tu tot tamque acutis punctus calcari-
bus quot existūt rationes quæ te ad gra-
titudinem vocant, adhuc nihilominus
stertis iners segnisque & tanquam sen-
sus omnis expers, nullis tot beneficio-
rum aculeis commoueris. Pudeat sanè,
pudeat si vnquam tibi pudendum est,
te tot nominibus in referenda tibi be-
neficis gratia obstrictum, in ea tamen
animantibus ipsis inferiorem inueniri.

GVLA. *Vide* EBRIETAS SOBRIE-
TAS, ET PATIENTIA, § 2.

§ 1.



VANTA sint gulæ damna at-
que intemperatiæ, eamque fu-
giendam si salutis nostræ con-
sultum velimus, docet : pur-
pura quæ vehementer est gulosa, lon-
gamque habet linguam, qua penetrat
quocumque potest, atque attrahit quæ
comedit, qua eadem etiam capitur: ca-
piendi verò modus eiusmodi est ex AE-
liano. Paruam nassam opere denso, exi-
guis maculis purpurarij piscatores cõ-
texunt: intus in media nassa strombus
piscis illecebra appenditur ei allicien-
dæ. Purpura linguæ extensione atque
diductione eò pertinere, & strombum
ipsum assequi dum conatur, ne ab esca
quam ligurit aberret, omnem eam ne-
cesse habet exerere, qua exerta fugit
escam tamdiu donec plenitudine intum-
escentem ad sese reuocare nequeat,
inde fit vt piscator eam liguritione ir-
retitam comprehendat. Vide verbo
Mortificatio.

AN-

lib. 7.
cap. 34.

ANNOTATIONES.

1. *Purpura.*] Est ea conchæ genus.
 2. *Longam.*] Digitali longitudine inquit Plinius, qua pascitur perforando reliqua conchylia, tanta duritia aculeo est. Habet autem colorem illum tingendis vestibus expetitur in medijs faucibus. lib. 9.
cap. 36.

3. *Capiendi modus.*] Alium, huius tamen haud ab similem affert Plinius.

4. *Sugit escam.*] Ita & gulæ deditus vinum sugit, & potat non tam vinum sibi quam virus & mortem futurum. At venia quidem digna est multis nominibus purpura, tum quod eo suctu vitâ sustentat famique consulit suæ, tû quod periculi in quod postmodum incurrit ignara sit, quod quidem si ante prævidere potuisset, ne nulla quanquam blâdiente admodum esca, se in eas angustias coniecisset. At tu qui comestationibus noctes diesque indulges, quique vinum immoderatè sumis, quid istorum ad tui defensionem afferre possis? non eo quidem vitam sustêtas aut pro- Eccles.
31. 29.
 rit

rit vinum, sintque nimia eius potione obruti, antè abrepti quam naturalis eorum constitutio ferebat. Quam sit autem id longè miserrimum planum facit sapiens ista interrogatione, qua & quod, agimus modo, luculenter comprobatur. Quæ vita est quæ minuitur vino? Quid defraudat vitam? Mors, Quasi ita sciscitetur: Quam infelix, quã miseranda & miserabilis est eius vita, quæ ab immoderata vini sumptione fit breuior! quibus quidem porrò innuit non esse vitam istam humanam, verum pecuinam, quin & infra pecudes, quæ in cibo ac potione modum servant. Consequentibus autem verbis vinum cum morte aptè confert, quoniam idè quod mors efficiat, sitque homini mortis instar: quemadmodum enim mors, vita hominem exuit, ita & vinum sine modo potatum; Itaque verè est homini mors, cum ea homini mala inuehat quæ mortis sunt propria. At periculorum fortè quæ à vino sunt, eras nescius. Non credo si modò nonnunquam ad sacras conciones adis, in quibus id fie-

Eccles.

31. 32.

ri nullo modo possit vt non audieris illa ex Apostolo : Neque fornicarij, neque ebriosi regnum Dei possidebunt. Manifesta sunt opera carnis : fornicatio, immunditia, ebrietates, comestiones, & his similia quæ prædico vobis sicut prædixi, quoniam qui talia agunt regnum Dei non consequentur. Cum igitur nullum habeas excusationis colorem, quo intemperantiam tuam tegere possis atque honestare, vides (vnam & ad salutem) quam te vitio tuo brutis ipsis deteriorem præstes.

1. Cor. 6.
9. ad
Galat. 5
19. 11.

§ 2.

A Bundat Brasilia Tygribus quæ fame pressæ admodum sæuiunt, eadem saturæ tam sunt inertes atque ignauæ, vt vel solo canum latratu in fugam se proripiant, facillimèque capiuntur.

Pater
Iarvic
Tomo 2.

ANNOTATIONES.

1. *Satura.*] Quare satis perspicuè intelligitur quam sit immoderatio cibi noxia, cum eâ bruta ipsa stupidiora atque tardiora fiant, quam aliàs eorum natura postulat.

2. *Capientur.*] Vide infra § 4. num. 2.

§ 3.

L Vpus piscis squillis infidiatur easque rapit, sed cum illæ se interceptas sentiunt, fastigiū quod eminet in capite, quodque simile est acutissimo triremis rostro, atque in summa parte secturas habet modo ferulæ vncinatae, hoc inquam animosæ illæ bestiolæ cum incuruarint, summa leuitate saliunt: lupus verò ore maxime hiantæ atque imminenti, squillam quæ est pelle tenera & molli, ex lassitudine viribus defectam comprehendit, atque ² cibum sibi fore arbitratur. Squilla autem primum in gutturis lupi laxitate saltat, postea aculeos in eum defigit, atque ei interiora exulcerat, vnde & plurimum sanguinis mittit, denique suffocatione lupum interficiens, & ipsa vna cum eo perit. Aelianus l. 1. cap. 30.

ANNOTATIONES.

1. *Lupus.*] Est hic piscium vorago & prædator, atque idem piscibus quod lupus terrestris, gregibus; Est item ebrio-

ebriosus, ciborum & vini vorago atque
helluo, cui nunquam venter satur est.

2. *Cibum sibi &c.* Nihil magis refert
ebriosum quam iste lupi interitus à ci-
bo profectus: fallitur enim hic dum se
cibum nactum esse putat squillam, quæ
ei mortem affert: fallitur & ille dum se
vinum dolorum suorum lenimentum
potare existimat, quod mille eum dolo-
ribus cruciatum æternæ morti tradet
tandem: Quam quidem fallaciam pul-
chrè exprimit sapiens, dum mortales
ab immoderato vsu vini reuocare co-
natur verbis istis: Nè intuearis vinum
quando flavescit, cum splenduerit in
vitro color eius, ingreditur blandè, sed
in nouissimo mordebit vt coluber, & si-
cut regulus venena diffundet.

Prou.

23. 30.

31.

Monet itaque nè tum vini pulchri-
tudo, tum gratus eius sapor tibi impo-
nat, neue committas vt ijs delinitus in
ebrietatem pertraharis, acerbissimi sũt
enim atq; amarissimi ebrietatis exitus;
suauitatis quidem atque voluptatis se-
su quodam afficit vinum dum bibitur,
verum id vbi est haustum, eheu, quot
con-

Prov.

23. 32.

conficit hominem malis, quot exuit bonis, quot doloribus exanimat dum & ei rationis vsum adimit, & in absurda multa præcipitat, (oculi enim eius vident extraneas, & cor eius loquitur peruersa) dum intolerabiles ei morbos arcessit, morte ipsa crudeliores: summa dum ita eum miserè afficit atque si à colubro aut regulo cuius est efficacissima nocendi vis, de morsus esset: atq; eo magis damnanda videtur ebriosis præ lupi intemperantia (quamquam nihil in hac damnandum quæ naturæ impulsione, neque voluntate contingit) quod ille periculi quod sibi impenderet monitus, id cauere potuit, salutisque suæ prospicere: At quis vates, quis augur lupo prælagijt sibi moriendum si squillam prædaretur, eamque ad cibum adhiberet? Quod si id scisset, credo aliorum piscium venatu contentus, sese ab ea abstinuisset, tam est vitæ salutisque suæ amans, cuius tu eiusque æternæ licet atque animi salutis tam es prodigus, & vilis existimator, vteius incolumitatem, minoris quam perbreuē
atque

atque pertenuem, quæ ex vini potione percipitur voluptatem existimes.

§ 4.

E Adem gulæ damna, sobrietatisque commoda docere videntur cerui, qui ubi se præpingues seferint, latebras quærunt fatentes incōmodum pondus, seque eo gravatos ægrè fugere, & facileque capi posse, cum tamē in sola fuga sit illis vitæ præsidium.

ANNOTATIONES.

1. *Grauos.*] Grauari item a gula & crapula animum: Vide Luc. 21. 34.

2. *Facile caperentur.*] Sic & gulosus ventrique deditus facilè capitur à dæmone venatore, estque à gula, expedita via ad vitia vniuersa. Ad idololatriam quidem, quoniam sedit populus manducare & bibere & surrexerunt ludere: Ad libidinem verò, id namque quotidianus vsus plus satis confirmat, atque eâ re clamat Paulus, nolite inebriari vino in quo est luxuria. Iam de ira ita Ecclesiasticus: Vinum multum *Ecclef.* potatum, irritationem, & iram, & 31. 38.

ruinas multas facit. Sed Vide de ista
re verbo Ebrietas.

HOMICIDIVM. *Vide* CRVDE-
LITAS.

§ I.

IVS odium docuit quondam
Elephas quidam, cuius cum
moderator vxorem suam se-
nio confectam vt alteram du-
ceret strangulasset, ac propè ab elephā-
ti præsepi homo præcipiti consilio vxo-
ris cadauer non defodisset modo, verū
& alteram quam amaret in matrimo-
nium duxisset: Elephantus cum tanti
facinoris conscientia incitatus, tum
verò suapte natura ab homicidio ab-
horrens, nouam vxorem eò perduxit,
vbi humata altera iacebat, cadauerque
cornibus refodiens & denudans, quæ
dicere nequiret, ex ipsis operibus ea
mulieri patefacere conabatur, eam e-
docens quā crudelis esset homicida qui-
busque præditus moribus is cui ipsa
nup-

nupfisset. Aelianus l. 8. de animalibus cap 17.

ANNOTATIONES.

1. *Abhorrens.*] Mirus sanè naturæ sensus & lumen quo homicidas auersaretur, huic animali ab authore naturæ inditum; neque enim nouit esse hominem conditum ad imaginem & similitudinem Dei; neque pœnas tenet quibus sanxit Deus ne quis alteri vitam adimeret, neque eorum fuscum sanguinè qui alienum fudissent vidit: Quæ quidem vniuersa, aliaque quamplurima quæ ad istius sceleris inuidiam commouendam faciunt, tenent probè atque viderunt mortales, quorum tamen videmus plerosque sanguine gaudere ac vulneribus, & abiecto homine non modo in siluestre animal (quod vult Seneca) verum & in diabolum, qui homicida extitit ab initio, transire. Ille autem latens naturæ sensus occultumque homicidarum odium non animantibus modo, verum & rebus animi expertibus est ab authore naturæ impressus. Constat enim experientia fluere sanguinem

lib 1.

de Cle-

ment.

cap. 24.

Ioan. 8.

44.

ex occisi recenti vulnere, si ad eum propius accedat is, qui occidit, quod non ad miraculum aut supra naturæ vires vim quandam, verum ad abditam naturæ ἀντιστάθειαν, atque ab isto scelere alieniorem animum referendum videtur. Vide Lemnium l. 2. de occultis naturæ miraculis & alios citatos à Patre Delrio lib. 1. Disquisit. Magicarum cap. 3. q. 4. Qui ait se nihil adhuc vidisse, quod solidius afferatur tanquā mirabilis istius prodigij causa, quam Antipathia ista ex vehementi odio occisi in occisorem, quod qualitatem latentem & arcanam impresserit corpori cum cadauere permanentem, citatque in eam sententiam nonnullos versus Lucretij.

§ 2.

E Sse homicidas lupis peiores qui non nisi fame cogente se inuicem conficiunt, dictum supra verbo Crudelitas.

HOMO. *Vide* ANIMVS. NOBILITAS. HONOR. HONORARE.

§ 1.

DE Thoa lupo, hominem ob-
seruante atque honorante quo-
dammodo, & quemadmodum
id multo magis homini ab homine ex-
hibendum. Vide verbo Charitas. §. 2.
Accipiter tanta erga homines ducitur
reuerentia, vt si cadauer humanum at-
tigerit, veluti pollutionis pœnam ieiunio
emendare cupiens, ea die nihil as-
sumat, tanquam religio ipsi sit cadauer
humanum attigisse.

Gillius
lib. 14.
cap. 14.

§ 2.

Formicarum quæ ad messes con-
fluunt, ea est modestia vt cum
aliæ ad legenda grana proficis-
cantur, aliæ inde onus portantes redeant,
quæ sine onere sunt ¹ summo cum ho-
nore atque demissione, onus gerenti-
bus cedant, atque aliæ alijs de via de-
cedant.

ANNOTATIONES.

1. *Summo cum honore &c.*] Opere sci-
licet

Roma.

12. 10.

Eccles.

41. 21.

25.

licet exhibēt idque sine magistro, quod nos Apostolo tanto magistro docente nondum didicimus, vt honore inuicē præueniamus. Quin & tam sunt plerique rustici, inurbani, siluestribusque atque siluaticis moribus, vt neque ijs qui se honorarunt, honorem referant vllum, neque se salutantibus salutē reddant, quod quidem extremæ esse rusticitatis omnibus constat; atque id maximè tum cauendum, tum pudendum docet Sapiens, dum in ijs de quibus ingenuo cuique si illud admittat erubescendum est, collocat etiam istud: Erubescite inquit, à salutātibus de silentio. i. de salute non reddita ei qui vos salutauit prior: quod tum inofficiosum est ac turpe, tum mores agrestes atque superbos præ se ferens.

HOSPITALITAS.

§ I.

EAM, atque hospites bene accipere ac prolixè, eosque ipsos tueri, docent

cent cornices quæ ciconias hospites ad sua redeuntes tecta ¹ deducunt ac dirigunt, & veluti turmis quibusdam stipatricibus prosequuntur, atque contra inimicas aues pro eis ² depugnant, & proprijs periculis aliena bella suscipiunt.

ANNOTATIONES.

1. *Deducunt.*] Cui rei argumento est quod nullæ cornices certo temporis intervallo dum scilicet ciconiæ abeunt, consuetis in locis reperiuntur.

2. *Depugnant.*] Signo esto, quod cū vulneribus reuertantur, manifesta hac sanguinis sui voce cæterisque indicijs loquentes, grauium se certaminum subiisse conflictum.

Observare hic licet præter hospitalitatem, brutorum in se mutuo charitatē: Quod autem ad hospitalitatem attinet, & quemadmodum eam doceant cornices istæ, præstat Ambrosium audiamus. Discant inquit homines hospitalia servare iura, & ex auibus cognoscant quid religionis hospitibus sit deferendum, quod obsequium deputandum, quibus cornices etiam pericula sua negare non

lib. 5.
Heliog.
cap. 16.

soleant. His igitur ianuas nostras claudimus quibus aues etiam animas suas conferunt, & quos illæ consortio prosequuntur discriminis, eos tecti prohibemus hospitio? Et quorum illæ bella suscipiunt, his nos bella frequenter inferimus? Hæc Ambrosius, quibus nihil tum efficacius tum artificiosius dici potest: lectoris autem diligentis erit pulcherrimas illas eius, inter nos & aues, inter ianuas & animas, cæterasque quæ consequuntur antitheses expédere, quibus magna dicédi vi eos carpit quibus non est satis, si brutis etiam amicam hospitalitatem non colunt, nisi & in hospites se immites præbeât atque crudeles. Affert his confirmandis Sodomitanorum, atque Aegyptiorum inhospitalitatem, amborumque pœnam, illis enim fuit ista causa supplicij ignisque quo conflagrarunt vniuersi: hi autem genti hospitæ dum bellum conantur inferre, inhospitalitatis pœnas infidæ naufragio plebis exoluunt: Sed tū inhospitalitatis tum pœnarum quas ipsa luit exempla, passim se etiam nolen-

ti ingerunt, ei qui memoriam antiquitatis seriemque rerum in orbe gestarum euoluit. Dabo vnum quod quatrIduo antequam hæc commentarer audiui ex viris fide dignis à quo superentur necnè quæcumque in isto genere tragica dedit orbis hætenus, penes lectorem iudicium esto. Cum Polonus quidam Pultonienſis annos multos paterna domo abſuiſſet, atque in caſtris commoratus ibi rem familiarem auxiſſet, tandem in patriam ſe recepit bene nummatus, caſuque in ſororem tam ſibi ignotam, quam ipſe illi eſſet, incidit, ex qua percunctatur quid tali actum eſſet (parentem autem vtriuſque communè nominabat) viuere valereque, ſequè filiam eius eſſe reſpondit illa. Pergit ille porrò ſciſcitari quid filio eius factum (ſe autem indicabat) In remotas regiones iamdiu proſectum inquit illa, ibique iampridem mortuum vulgo credi. Tum alter, quid ſi quis fauſtus de illo tibi parentique nuntius aſſerretur quo tandem animo eſſes: Id inquit illa, fieri non poteſt cum ſit vita functus, cūque

que hac, eiusque similibus interrogationibus illam aliquamdiu suspensio tenuisset animo : ego inquit sum is quē tu defunctum credis : Frater inquam tuus sum qui in istum diem Deo laus, viuo & valeo . Cumque illa præ gaudio minus ei fidem adhiberet, nudato brachio ostendit ei certum signum in carne, quo agnito illico ruit illa in eius amplexus, neque dubitat amplius fratrem suum esse illum quem ante mortuum existimarat. At utinam tam fuisset notus parenti suo quā filius, quam fuit idem sorori notus quā frater, non ea euenissent luctuosa atque tragædis hæcenus inaudita quæ horret stilus prosequi. Vbi igitur agnitus esset à sorore eique seuerè mandasset ne quidquā isto die cuiquam, ne parenti quidem indicaret de suo reditu, sed ut die sequenti ad se accederet, confert se hospitandi causa ad paternas ædes (erat enim parens eius exercitio hospes publicus) petit num sibi sit locus futurus, admittiturque tanquam ignotus, post cænam autem cum ei decumbendum esset,

hof-

hospiti ad se vocato tradit in manus nocte ista custodiendam penulam suam seu loculos, quos ubi is recepisset ex pondere suspicatus quod erat, esse illos auri argentique plenos; iam si vnquam (inquit ille ad vxorem) emergere nobis licebit ex nostra ista pauperie: en tibi loculos nummorum plenos, nostri sunt si militem istum è medio tollamus. Igitur cum probasset vxor consilium, nocte intempesta strangulatur & iugulatur ab utroque parente innocens ignotusque filius. Sequenti die accedit soror ad paternas ædes, petit conuenire militem illum qui pridie sub vesperam eò diuerterat. Negat constanter parens quemquam ad se diuertisse: Quomodo instat illa id fieri possit, cum hesternæ die ad te miserim certum hominem (erat autem filius tuus, meusque frater, quem & eum quem dico esse certissimis argumentis deprehendi) cumque pergeret illa patri, eius rei fidem facere, vt se ille in filium, eumque post tot annos atque meliore fortuna reducem manus impias iniecisse perspexit, se publico

Anno

1618.

14.

May.

blico in patibulo suspendit, mater autē eiusdem doloris impatiens, eodem se ferro, quo filium iugularat, ipsa confecit. Quid hic agam aut agere deceat non satis video. An exclamem cum poetarum principe.

Seneca

epist. 95.

Gen. 9.
6.

*Quid non mortalia pectora cogis
Auri sacra fames?* An impij facti exaggerem turpitudinem? At nihil iam turpe cuius placet pretium. Num iusta Dei iudicia admirer quibus id permissum ut qui in alterum sævierant, in se seuirent ipsi? illa inquam iudicia, quibus est irreuocabilis illius sententiæ comprobata veritas: quicumque effuderit humanum sanguinem fundetur sanguis illius, cum ut ea rata sit atque firma, in sua viscera ferrum condant qui in aliena crudelis seuiert?

Sed neque id præ manibus est modò. Igitur (quod hic ago) inhospitalitatem istā sæuam nimis, meritaq; eius pœnas expendam. Verū quod nulla tantæ rei tãque insolēti par inueniatur oratio, nostrum erit factum istud tam funestum, tãque tragicum silentio, admiratione, luctuq; potius quam sermone prosequi.

§ 1.

Hvmilitatis actionem quæ consistit in se mutuo honore præueniendo, vide verbo Honor.

HYPOCRISIS.

§ 1.

EIus fugam : docent Viperæ nè ijs similes fiamus, sunt enim ipsæ hypocritarum symbolum quæ : cute quidem speciosa sunt & quasi picta, intus autem veneni sunt plenæ.

ANNOTATIONES.

1. *Docent.*] Istum docendi modum brutorum confirmauimus supra auctoritate Basilij.

2. *Cute quidem &c.*] Ita & hypocritæ sanctitatis pulchritudinem ostendant vultu, cum virus nequitie corde claudant, quos idè vocat diuus Ioannes Baptista, Genimina viperarum, quam-
Mat. 3.
 quam & ista compellatione spectauit
 alio.

alio. Vide authorem Imperfecti in Mat.

Hom. 3. theum.

incap. 3.

§ 2.

Aliud hypocritæ hieroglyphicum est polypus si Basilio credimus atque Ambrosio, qui saxum nactus in mari ei adhærescit firmiter, & eiusque colorem induit qualis qualis sit, quo fit ut piscium complures ad ipsum improviso nantes, tanquã ad saxum appellant, quos ipse prædatur & conficit.

ANNOTATIONES.

1. *Ambrosio.*] Vocat Ambrosius Polyphi ingenium fraudulentum atque nebulosum.

2. *Eius colorem.*] Colorẽ inquit Plinius mutat ad similitudinem loci, & maximè in metu. Quod idem facere hypocritas eosque maximè qui suæ impatientes fortis, ad meliorem aspirant, honoresque ambiunt, ex se patet. Eos enim videas sese mira facilitate ad singulorum mores attemperare, eorumque potissimum à quibus aliquid expectant, aut quos reformidant sobrietatem

tem quidem cum sobrijs laudant, vt & ipsi tales appareant, intemperantes verò sunt cum intemperantibus, vt ab ijs gratiam colligant. Cum aiente aiunt, cum negante negant, in omnem se vertunt speciem, omnes induunt vultus, atque ad id quod cuique placet suam omnino sententiam vertunt. Quin & sese hæreticos profiteri, inter eos dum versatur atque pro talibus se gerere summa impietate, atque turpi à fide defectione, vt & sese catholicos hæretici e-mentiri, si ita res ferat, non dubitant, iuxta illud.

Iura periura, secretum prodere noli.

Quos quidem vitare (monitū est Basilij) facile nemo potest, nec ab ipsorum insidijs nocumētisque cauere, propterea quod pietatis prætectu prauitas eorū fucata, & adornata, profundè celatur ac latet, & qui eos audiunt aut vident eò citius labuntur, inquit Ambrosius, dum distinguere non norunt, nec cauere quod noceat, dum grauior fit & magis noxia improbitas, benignitatis obumbrata velamine. Huiusmodi sane mo-

*lib. 5.
Hexam.
cap. 8.*

mores (ita pergit Basilius) rapaces lupos appellat Dominus, in indumentis sese ouium palam ostentantes. Fugito prorsus varios hosce multiplicesq; mores, sectare veritatem, sinceritatem, simplicitatem. Anguis varios obtinet mores, eoque pœnæ huic addictus est ut reptet humi, Iustus fictione caret, qualis & Iacob etiam fuit, quapropter ipse Dominus habitare facit vnus moris homines in domo, minimè scilicet fucatos. Hactenus Basilius.

IEIVNIVM. *Vide* EBRIETAS. GV.
LA SOBRIETAS.

§ I.

IEIVNIVM doceat serpēs Hi-
uana nomine quē gignit His-
paniola insula occidētalīs In-
diæ, qui famis ad multos dies
est patientissimus, ut & viperæ quæ in
aurea castella longitudine viginti pe-
des æquant, atque etiam serpētes regni
Senegæ miræ magnitudinis absq; alis,
pedibusque. Cardianus. AN-

ANNOTATIONES.

1. *Famis patientissimus.*] Cuius causa est viscerum angustia, & paucitas caloris naturalis, temperaturæque siccitas: quod autem exiguo contenti sint cibo serpentes, inde accidit ut diutissime delitescant; Cuius rei non ignari circulatores, eos pyxidibus ligneis conclusos circumferunt, aluntque commodissime, furfure modico apposito.

INCONSTANTIA. *Vide* CONSTANTIA.

INIVRIA. INIVRIVM ESSE. *Vide* Magnanimitas. Vindicta. Patientia. Avaritia, § 2. in Annotatione.

§ 1.

TINIVRIAM inferre nemini docent cygni, qui suapte natura pacati sunt, ideòque ad senectutem perveniunt non sibi gravem: Robore quo ² magno præditi sunt confidentiores existunt, ³ non tamen ut iniu-

Y

riam

riam ipsi inferant priores, sed ut & lacerari eam propulsent.

ANNOTATIONES.

Eccles.
30. 26. 1. *Ad senectutem.*] Pax mentisque tranquillitas atque iræ moderatio, abdicatioque, est vitæ longioris conciliatrix, nam zelus & iracundia minuunt dies.

lib. 5.
cap. 34. 2. *Magno robore.*] Quod in solas Aquilas exerit cygnus, quas & vincit, cæteræ enim aues, inquit A. Elianus cū cygnis pacem habent, & quasi fœdere deuinciuntur, cum ipsi ab Aquila frequenter hostiliter appetantur.

lib. de
Constan
tia cap.
18. 3. *Non tamen ut iniuriam &c.*] Quam eorum dissimiles sunt ij, qui tum viribus suis, tum digladiandi, armaque tractandi peritiæ præfidentes, alijs tum verbo, tum facto contumeliam irrogāt, modo huic, modo isti iniurij sunt, æqualium suorum patientiam, tum dictis asperioribus, tum factis atrocioribus laceßentes. Qui nihil ab alijs neque pati, neque audire, omnia à se volunt pati cæteros atq; audire, ferendarū contumeliarum impatientes, faciendarum

cupidissimi : quod idem de Caligula
Cæsare proditum est à Seneca : quibus
præterea benè non est nisi aliquo ad
pugnam & duellum vocato vires suas,
pugnandique dexteritatem ostendent,
qui quamlibet iurgandi, verbisque cõ-
tendendi quærunt occasionem, quam
ut nanciscantur, etiam optimo facta
animo, deteriore in partem interpre-
tantur, leuissima quæque aliorum ver-
bula colligunt, eaque in se dicta, suo.
que officere honori causantur; omnia
ijdem contumelias putant, si quis eos
minus benignè intuitus est, si liberius
est locutus, si minus quam sibi deberi
existimauit honoris, si plus alteri quàm
sibi detulit, ad arma veniendum est.
Dicas timere eos ne rubigine obductus
gladius inutilis efficiatur, si tamdiu va-
gina conditus delitescat. Qui denique
ut loquitur Sapiens, non dormiunt ni- *Præn. 4.*
si cum malefecerint & rapitur somnus *16. 17.*
ab eis nisi supplantauerint : comedunt
panem iniquitatis & vinum iniquitatis
bibunt: tam est enim in ijs ardens at-
que inflammatum iurgandi nocendi-

que alijs eorumque pacem perturbandi desiderium, vt primo statim diluculo ea de re cogitent quemadmodum ab ijs perficiatur, nec se quieti possint committere nisi ea ad exitum deducta, neque diem illum se probè exegisse existimant nisi quis eorum vires atque nocendi vim animique impotentiam sit expertus : Quod si id non contingat, seseque nullius pace turbata quieti dêr, rapitur somnus ab eis nisi supplantauerint, .i. nisi quem deiecerint & perdiderint.

Neque id sanè mirum: comedunt enim hi panem iniquitatis, & vinum iniquitatis bibunt, eò quod ipsam iniquitatem, atque in alios iniuriam instar panis comedant atque instar vini bibant, dum eà tanquam si panis esset & vinum delectantur, reficiuntur atque saturantur. Vulturibus sanè consimiles qui bellis ac cædibus capiuntur. At ijs multò etiam ea re deteriores tum quod illi earum non sint authores, tum quod ijs non per se at ob cadauerum pastum quem inde nanciscuntur, delectentur,

stentur, cum his nihil ab humano sanguine fuso emolumenti accedat, videaturque ipsa per se iniuriâ hominumque cæde delectari. Verum vnde tanta istis tamque impotens alijs nocendi libido?

A fortitudine viribusque corporis quibus sese cæteros omnes antere arbitrantur, quibusque freti timent neminem, quosuis summa temeritate atque audacia ad duelli certamen vocant: sed animaduertât quæso isti, licet cæteros omnes præ se tanquam viribus certandique peritia inferiores despiciant, reperturos tãdem sibi pares, quin & tũ robore, tum pugnandi scientia superiores, futurumque olim ut quæadmodum cæteris fuerunt formidini, ita & ipsi aliquem vnum reformident, qui audaciæ, temeritatis, insolentiæ, atque crudelitatis ab ijs, meritissimas morte ipsa pœnas exigat. Sed demus te cum inferiore congregi: non es ea re extra metum, neque de victoria securus, nihil tam imbecille natum est (teste Seneca) ut sine elidentis periculo pereat: imbecillos valentissimis, aliàs dolor, aliàs casus ex-

*lib. 3.
de ira
cap. 28.*

quat : Quot autem inter pugnandum incidunt casus, prudentibus etiam peritisque ipsis inopinati, qui non imbecillos tantum valentissimis, minusque belli peritos peritissimis exæquant, verum ut ab illis hi etiam victi succumbant, miserèque prostrati iaceant frequenter efficiunt.

Si te igitur naturæ author voluit esse robustum, lacertosum, firmoque & valido corpore, intueri in cygnum qui cum viribus præstet, nemini est iniuriosius, atque facto suo te docet robore tuo ad aliorum perniciem non abuti. Quod si magistrum istum tãquam mutum minusque vocalem minus audis, en tibi isto vocallorem sacram scripturam. Ne sequaris (inquit ipsa) in fortitudine tua concupiscẽtiam cordis tui, & ne dixeris : Quomodo potui? aut quis me subiciet propter facta mea? Deus enim vindicans vindicabit. Animaduerte quæso quid à te hoc exigatur præcepto, primum id quidem exigitur, ut ne viribus corporis fretus, quibuslibet animi tui cupiditatibus obsecundes,

Ecclesi. 5

2, 3.

cūdes , vt quicquid lubet hoc idem
 licere tibi existimes : Tum vt ne viri-
 bus istis confusus in huiusmodi petu-
 lantiæ atque superbiæ plena verba pro-
 rumpas , dicasque : Quomodo potui?
 Quomodo præualui? Quam potens ef-
 fectus sum? Quis me subiiciet propter
 facta mea quæ robori meo innixus pro-
 libito peregi? Neminem reformido,
 quis enim mecum conferendus? Quis
 coëquandus? insuperabilis fui hacten-
 us, ero & in posterum. Denique vt
 memineris vanam istam tui fiduciam
 linguæque petulantiam , atque in cæ-
 teros iniustitiam, certissimè aliquando
 à Deo grauissimis supplicijs vindican-
 dam, qui quamquam ad tempus dissi-
 mulare videatur, est enim altissimus
 quamquam patiens redditor, redditor
 tamen, tarditatemque supplicij graui-
 tate compensat.

Ecles.
 §. 4.

4. *Lacesiti propulsent.*] Quod licere
 item homini Christiano cum modera-
 mine inculpatæ tutelæ doceat Schola-
 stici omnes.

Idem cum cygnis docent accipitres qui si deprehendant ab vnico tantum ex agricolis aquam in sulcum deriuari eâ abstinent, quantumuis sitiant, quòd scilicet existimare videantur se homini illi incommodaturos, illique iniuriam irrogaturos, si sua potione aquam ² quam modicam habet illi auferant. Sin plures agrum irrigant, videntes affluentis aquæ copiã, quasi ab ijs inuitati, potum inde hauriunt. AELIANUS l. 2 c. 42.

ANNOTATIONES.

1. *Accipitres.*] Qui rapto viuunt & præda, quo magis mirum est eos tam esse in ista re, quæ hic subijcitur, religiosos atque continentes.

2. Reg.
12. 4.

2. *Quam modicam habet.*] Vide mihi quam iustior accipiter eo, qui cûm ad se diuertisset peregrinus, non est veritus vnicam proximi sui ouem, quam peregrino cibando mactaret tollere: sed multò etiam, alio nomine illo iustior, quod accipiter sitiens licet atque egens modicæ illi aquæ agricolarum parcat:
hic

hic autem, diues cum esset pecoris,
pauperi ouiculam suam surripiat. Vide
item quam iustior plerisque, qui cum
bonis omnibus affluant, in modica te-
nuiorum bona inuolant, neque eorum
cupiditati fit vnquam satis, nisi quo-
cumque modo ea seu per fas seu per ne-
fas possideant. Qui vendunt pro argē-
to iustum & pauperem pro calceamen-
tis: dum corrupti auro imò minimo a-
liquo pretio, quo vix calcei emantur,
impiè ditioribus causam adiudicant,
ijsque sententia sua iniqua tradūt bona
pauperum quibuscum litigabant. Qui
conterunt super puluerem terræ capita
pauperum, dum eos tyrannorum instar
conculcant atque pessundant. Qui viā
humilium declinant, quod quidem ab
ijs fit dum humiles .i. pauperes reculis
suis paruoque censu spoliantes id effi-
ciunt, vt recto virtutis deserto tramite
in peccata declinent. Qui denique quod
vetitum in Exodo, pignus à proximo
accipiunt vestimentum, neque ante
solis occasum reddunt ei, licet ipsam
sit solum quo operitur indumētum car-
nis

Amos 2.

6.

*Cap. 22.
26.*

nis eius, nec habeat aliud in quo dormiat: quod quidem ita graue est scelus, vt si ita oppressus, inquit Dominus, clamauerit ad me, exaudiam eum, quia misericors sum. Atque alia ditionum in tenuiores tum crudelitatis, tum iniustitiæ argumenta, facile per se excogitabit concionator quibus eos longè accipitribus esse iniustiores cōprobabit.

§ 3.

1 **C**apito piscis est paludes incolens, idemque cibi parcissimus, quem & ² sine vllius noxa sibi conquirat. Etenim nullum inuadit animal, ³ vt eo pascatur, ⁴ sed cum omnibus pacificè viuunt. Quod si in aliquod de illis iacens stratumq; incurrerit, nō antè id in suū conuertit vsum, quā cauda explorarit, viuatur nec nē. Quod si cauda licet agitata, immobile permanet, id ei signo est vitā esse destitutum, quare liberè prædatur; si verò moueatur eo ⁵ intacto discedit.

ANNOTATIONES.

Ab. 1.

cap. 3.

lib. 8.

cap. 2.

1. Capito.] De quo Aelianus & Aristoteles, à quo & obseruatum, à non-nul-

nullis vocari labeonem.

2. *Sine ullius noxâ.*] Quid ad hæc illi, qui penè nihil sine aliorum iniuria & damno possident, quorum quidem ista est vox apud Sapientem . Insidiamur Prov. 1. sanguini, abscondamus tendiculas cō- 11. 12. tra in fontem frustra, deglutiamus eum 13. 14. sicut infernus viuentem, & integrum quasi descendentem in lacum. Omne pretiosam substantiam reperiemus, implebimus domos nostras spolijs. Ita sese illi mutuo ad tenuiores facultatibus suis spoliandos animant, atque cohortantur. At vtinam res ibi sisteret, & nō à verbis, ad rem opere ipso perficiendâ transirent ipsi, quod quidem graphicè admodum describitur à propheta verbis istis, quibus sanè non potest non commiserationem ijs commouere, qui Psal. 9. vel minimo aliorum malorum sensu tanguntur. *Oculi eius* (inquit ipse) *in pauperem respiciunt* (maligno scilicet intuitu, & quemadmodum accipiter aut Aquila columbam) vt quem talem esse perspexerit, habita opportunitate tum bonis suis spoliet, tum vita, atque dum
cuius

eius rei perficiendæ omnem captat occasionem, *insidiatur in abscondito quasi leo in spelunca sua*. Num quemadmodum incredibili feritate leo ex cubili suo ex quo prætereuntes observat bestias ut inopinatas capiat, ijs insidiatur; ita & hic *insidiatur ut rapiat pauperem*, quod varios comminiscatur dolos & fraudes, quibus simpliciores irretitos facultatibus omnibus exuat. *Rapere pauperem dum attrahit eum*. Istis inquã fraudibus utitur ut rapiat, dum eos antea suis artibus atque caliditate ad se attraxerit, eisque cæperit dominari, quemadmodum soliti sunt aucupes ad se trahere capta animalia ut ea raptant, sed neque hic finis crudelitatis potentioris cuiusque in imbecillum. Etenim *in laqueo suo humiliabit eum, inclinabit se & cadet cum dominatus fuerit pauperum*. Videas quotidie à potentioribus istis, per insidias & fraudes, quas ceu laqueos quosdam tetenderunt deprimi pauperes, atque conteri: Videas eosdem cum horum fuerint dominati eosque in sua habuerint potestate inclinare se super eos, &

pro-

procumbere ad eum modum quo in lucra, victor toto corpore animique conatu super prostratum ita incumbit, ut nequeat exurgere, & quomodo aucupes captæ prædæ incumbunt, ut nullum ijs detur effugium; sanè ita pauperes istos, crudeles isti opprimunt, itaque eos suæ potestatis vinculis constrictos continent, ut sese ab ijs eximendi unquam, aut ad pristinam redeundi fortunam nullam eis reliquam spem faciant. Quæ uniuersa & singula nulla indigent luce exempli, aut prisca aut huiusce memoriæ, cum passim & palam in oculos, nec sine multorum lachrymis incurrant. Quorum qui primas principesque causas requirit, pergat porro in prophetæ lectione, in quo occurret illud. *Dixit enim in corde suo: oblitus est Deus, auertit faciem suam ne videat in finem.*

3. *Vt eo viuatur.*] Cum multi in proximi bona irruant non ut viuant, verum ut luxu diffuant, ut lautè atque opipare epulentur, ut comedant agnum de grege, vitulumque de armento & cætera

tera exhibeant quæ queritur quidam
Amos 6 propheta, & nos alibi commemoravi-
 mus.

4. *Cum omnibus pacificè.*] Id re ipsa
 præstantes quod tam studiose Roma-
 nis inculcatum voluit Apostolus (Si
Cap. 12.
18. fieri potest quod ex vobis est cum om-
 nibus hominibus pacē habentes) quod-
 que vix reperitur inter homines. Quo-
 tus enim quisque est, cui cum cæteris
 omnibus in omnibus conveniat? Qui
 non ab aliquo, aut iudicio, aut volun-
 tate, aut morum cōtrarietate diffideat?
 cui cum mortalium nemine, priuata
 aliqua offensio, simultasque intercedat?
 paucos omnino existere videmus, qui-
 bus integrum sit verba Sunamitidis v-
4. 1. Reg. surpare, ex qua cum quæsiisset Eliseus,
4. 14. quidnam pro tot obsequijs sibi præsti-
14. tis mercedis loco deposceret, nunquid-
 nam cum quoquam haberet negotij
 cui cōficiendo Regis gratia, aut Prin-
 cipis militiæ esset opus; se verò perlu-
 benter ei operam suam præstiturum. In
 medio (inquit illa) populi mei habito.
 Quasi dicat pacatè & quietè cum om-
 nibus

nibus viuo, nullum mihi cū quoquam intercedit negotium : quare neque regis gratiam, neque principis militiæ requiro.

5. *Intacto discedit.*] Vos mortales neque viuis parcitis, neque mortuis: tanta vestra est auri sitis atque argenti; vt vel per summum nefas atque rapacitatem ei explendæ studeatis: sed de hoc vide verbo Auaritia.

§ 4.

Idem docebit contrario sensu nē eius similes simus, Miluus, qui cū volucribus i parcit validioribus, in imbelles pullos vires exerit suas, cum ei non sit animus maiores aggredi, quamquam ad id aptis instructus sit armis.

ANNOTATIONES.

1. *Parcit &c.*] Miluo se similes esse volunt qui cum potentioribus nocere non audent, infirmiores quosque atque pauperes, quibus resistendi nulla facultas est, aggrediuntur, eos varijs modis opprimunt, eorumque sudores diripiunt, sanguinemque ferarum instar totum ebibunt,

IN-

INVIDIA.

§ I.



LVRIMAE sunt in animanti-
bus quæ ab inuidia malè au-
diunt, & à quibus tam turpem
& pudendum animi morbum
fugere docemur, ne earum similes fi-
mus: Stellio simul atque senectutem,
membranam videlicet hybernā seu
tuniculam exuit, eam vorans consumit
1 ob inuidiam ex qua laborat aduersus
hominem, quod suam tuniculam scit
contra 2 comitiales morbos valere plu-
rimum. Cereus item non inscius dex-
trum cornu suum, vsui magno homi-
nibus fore, ne tanto bono fruantur ho-
mines, in terram illud 3 occultat. 4 Vi-
tulus marinus præ inuidia, coagulum
suum, ne eo comitiales morbi sanari
possint deuorat. Terrestris Erinaceus
statim vt captus est, vrina tergus conf-
pergit suum, cuius vi perfusum 5 cor-
rumpitur, & quod ad 6 multa futurū e-
rat vtile, reddit inutile. Linx verò vri-
nā suam in terram occultat, inuidia ne

in-

inueniatur, ea enim vbi concreuerit
 7 lapis efficitur tum ad sculpendum tū
 ad mūdum muliebrem accommodatus.
 Infames etiam isto vitio caniculæ ma-
 rinæ, ex quibus si qua capiatur, cæte-
 ræ id videntes circa captam affiliunt,
 ac eam dum hamo ex profundo extra-
 hitur ad nauem vsque insequuntur. In-
 uidia quadam istud eas facere diceret,
 quasi illa quæ capta est, sibi vni escam
 aliquam (cum ipsa sit potius esca facta)
 aliunde prædata esset, atque ex ipsis
 nonnullæ in nauem insilientes, sæpe
 sua sponte 8 capiuntur.

ANNOTATIONES.

1. *Ob inuidiam.*] Nullum animal isto
 fraudulentius inuidere homini tradunt
 ait Plinius, indeque stellionum nomen lib. 30.
cap. 10.
 in maledictum translatum.

2. *Comitales morbos.*] Nihil ei reme-
 dio, inquit Plinius, in comitialibus
 morbis præfertur, est autem potanda
 in aceto. Qua autem industria, præri-
 piatur illa tunicula antequam eam de-
 uoret, vide eundem.

3. *Occultat.*] Itaque occultat, inquit

lib. 7. Plinius atque defodit ut non inuenia-
cap. 32. tur, ceu medicamento aliquo præditū.
 Idque mirabilius fatendum est, cum in
 viuarijs mutant omnibus annis cornua
 decidua. Quantus porrò sit in medici-
 nis vsus cornu ceruini, varijs locis tra-
 ditur ab eodem. Dextrum autem cor-
 nu ideò maiore ad eos quos passim af-
 fert morbos, pollere facultate arbitror,
 quod dextra omnia sinistris sint præ-
 stantiora, v.g. pars hominis dextra for-
 tior est sinistra, oculus dexter validior
 ad resistendum si quæ incidunt humo-
 rum fluxionibus, quam sinister, atque
 ita ferè de cæteris.

lib. 8. 4. *Vitulus.*] Viuit is in mari ac terra
cap. 3. teste Plinio, qui & addit eum fel suum
 ad multa medicamenta utile, euomere.

5. *Corrumpitur.*] Habet ea vrina vim
 tabificam, inquit Plinius, & licet viuat,
lib. 8. subtractus fuga, corruptum iam est ter-
cap. 37. gus atque fragile, putrescunt decidunt-
 que eius spinæ, ob id non nisi in extre-
 mo desperationis puncto, maleficio
 illo se perfundunt Erinacei, quippe &
 ipsi odere insitum veneficium, ita par-
 centes

centes sibi, terminumque supremum opperientes, ut fermè antè captiuitas occupet. Venatores vbi prius vrinam exinanierit eum adoriuntur.

6. *Ad multa vrile.*] In cæteris ait Plinius eius cute expoliri vestes.

7. *Lapis.*] i. Gemma Lyncurium dicta, carbunculo similis, atque igneo colore fulgens, quæ non modò folia aut stramenta, instar succini ad se rapit, sed æris etiam ac ferri laminas teste Diocle ac Theophrasto apud Plinium: Eadem pota calculos vesicæ ^{lib. 37.} ^{cap. 3.} e-
lidit, regioque morbo occurrit, si ex vino bibatur, aut portetur.

8. *Capiuntur.*] Obserua hic inuidiam causam esse captiuitatis, & quæ sequitur mortis, non est hîc quod iudicem illud idem esse hominis inuidi supplicium; paruulum enim, inquit Iob, occidit inuidia. Et inter opera carnis ^{cap. 5.} re-
censet Apostolus inuidiam, quam & à regno Dei excludit.

In his porrò animalibus omnibus in quibus nonnulla inuidiæ vestigia est videre, id notandum est, esse ea vilia,

exilia, parvæque æstimationis, nullumque in ijs generosum existere aut nobile. Qui autem maximè inter ea cæteris antecellit coruus, nihil illo timidius, fugaciusque nihil, simplex est animal nè dicam stolidum, omnia us-

Plin. lib

8. c. 31.

que ad stuporem admiratur (quod parvorum est ingeniorum) in tantum ut equo aut bucula accedente propius, hominem iuxta venantem non cernat, arcum ipsum, sagittasque miretur: quæ quidem re erudimur ab invidia nisi hominum genus vile, despiciatum, ignobile, infimum, cuique parum cerebri atque mentis est non corripi. Verè supradictum à sanctissimo Iobo: parvulū

lib. 3.

moral.

cap. 33.

occidit invidia. Invidere enim ijs non possumus, inquit Gregorius, nisi eis, quos nobis in aliquo meliores putamus: Parvulus ergo est qui liuore occiditur, quia ipse sibi testimonium perhibet, quodd eo minor sit, cuius invidia torquetur. Idque confirmat exemplis tum dæmonis qui amissa beatitudine, se homine minorem immortalitate cognovit, eoque illi eam invidit, tum Cayni cui

cui frater prælatus erat ipso despecto; tū Esau, qui ob præreptam benedictionē, in fratrem exarsit; tum fratrum Ioseph, quorū nē illi subijcerentur, vehemens erat metus; tum Saulis qui lancea non semel est Dauidem, quòd in dies illum prosperè magis atq; magis agere, magnisque virtutum processibus augeri cerneret, transfigere conatus: Et quoniā tam est vilis atque ignobilis ista animi inuidiosi perturbatio, invidere se omnes negant, inquit Plutarchus: Quod *lib. de odio & inuidie discrim.* si quis id eis probare conetur, mille ad id excusationes adferunt, iratos se esse, aut metuere hominem, aut odisse causas, aut alia quapiam ratione huius morbi nomen obumbrantes, quasi hæc sola animi ægritudo celanda sit. Sed frustra eam tegere conantur, nam ut præclarè Gregorius: cum corruptum *lib. 5. moral. c. 34.* cor liuoris putredo corruerit, ipsa quoque exteriora indicant, quàm grauer animum vesania instigat. Color quippe pallore afficitur, oculi deprimuntur, mens accenditur, & membra frigescent: fit in cogitatione rabies, in den-

tibus stridor, cumque in latebris cordis crescens absconditur odium, dolore cæco terebrat conscientiam vulnus inclusum. Vide cætera longè pulcherri-
ma quæ breuitatis amans omitto.

Maneat ergo non nisi pusilli animi homunciones ista inuidiæ peste teneri, quod idem in brutis existere perspeximus: Generoso enim atque alto pectore homines morbus iste non inuadit: contra verò omnibus bene esse cupiūt, inuident nulli, de aliorum bonis tantum abest vt doleant, quin & gaudent vehementer, imò quæ in se agnoscunt bona, cum cæteris omnibus vellent esse communia. Nempe æmulantur isti magnum illum Israelitici populi ducē Moysen, ad quem cum retulisset Iosue eius minister certos quosdam homines in castris, nihilò minùs quàm ipsum prophetare; eumque precibus vrgeret vt eos tanquam gloriæ suæ æmulos atque riuales ista laude prohiberet, quin & in carcerem conderet (vt habet

Num. 11. 29. Chaldæa paraphrasis.) Quid æmularis, inquit ille, pro me? Quis tribuat vt om-
nis

nis populus prophetet, & det eis Dominus spiritum suum? Doles duos illos meæ laudis participes existere, at meū est votum, vt non modo duo illi, verū & vniuersus populus, cum ista gloria mea communicet. Maçte animi Moyses, te quidem à mansuetudine tua atque ardenti in proximum dilectione, amo, sed ab ista tua animi generositate, eò plus adhuc colendum duco, quo rarus omnino est qui gloriæ suæ consortem admittat, nolitque vnus inter omnes excellere.

IRACVNDIA. *Vide* CRVDELITAS. MANSVETVDO. VINDICTA.

§ I.

IAVD facile irascendum discere licebit à Rhinocerote, qui multa indiget irritatione vt iram concipiat.

ANNOTATIONES.

1. *Hand facile &c.*] Præceptum est ^{Iacobis.} Apostolicum: sit autem omnis homo ^{19.}

tardus ad iram, ira enim viri iustitiam Dei non operatur.

2. *Multa irritatione.*] Quid spectat illud Martialis.

*Sollicitant pauidi dum Rhinoceros
magistri,*

Seque diu magnæ colligit ira fera.

INDEX. *Vide* CHARITAS
§ 9. in Annotatione.

LABOR. *Vide* OTIVM. MAGNA-
NIMITAS § 2. IN ANNOTAT.

§ 1.

IOMINI gnauiter laborandum neque otium cōsectandum docent boues, qui non sibi sed homini terram subigunt, & varia eaque laboriosissima in rem rusticā præstant, onera vehunt &c. ut & equi, quorum etiam, hominum bono in bellis usus maximus & perutilis. Cameli iumentorum vice funguntur, atque etiā equitatu in prælijs. Asini, muli, variaque

que animalia homini labore & sudore
 2 operam suam præstant.

ANNOTATIONES.

1. *Homini.*] Cum hominum causa
 laborent istæ animantes, quantò eos
 oportet magis sua ipsorum causa labo- *Iob. cap;*
 rare, maximè cum nati sint ad laborè, *5. 7.*
 sicut avis ad volatum? Et quemadmo-
 dum dedit Deus aui plumas atque alas,
 ut volando sibi victum conquirat, sic
 & homini vires dedit corporis, manus
 & brachia ut ijs laboret, sibi que ad vi-
 ctum cultumque necessaria labore suo
 comparet. Vnde sicut esset volucris il-
 la vita indigna, quæ pro sustentanda
 tum sua tum pullorum vita, nollet vo-
 landi laborem suscipere, sic & indig-
 nus vitæ censendus est, qui otio indul-
 get, quique vitæ sustentandæ atque pro-
 pagandæ nullos vult subire labores. O- *Ecclesi;*
 mitto multam malitiam docere otiosi- *33. 29.*
 tatem, esseque illam ut loquitur Ber- *lib. 2. de*
 nardus, matrem nugarum, nouercam *confide-*
 virtutum, & Cassiano teste ab ea in- *ras. in*
 numeras fluere cogitationes prauas: & *Collat.*
 cū is qui quolibet alio vitio teneatur v. *22. c. 3.*

c. auaritiæ, superbiæ, aut alicuius è cæteris, ab vno tantum dæmone ad malum sollicitetur, otiosum à varijs impugnari expugnarique tandem.

2. *Operam præstant.*] Sed præstat id
Epist. 38 ipsum disertissimis Ambrosij verbis audiamus. Nutrit aries vellera vt placeat homini, atque in fluuio merfatur vt nitorem augeat. Oues quoque meliora pabula legunt, vt suauiore succo lactis fœta distendant vbera, subeunt partus dolores vt homini sua munera ferant. Tauri depresso sulcis per totum diem aratro gemunt. Cameli præter subeundi oneris obsequia tundendos se exhibent, vt arietes, quò velut regi diuersa animalia tributum suum conferant, pendantque annum vectigal. Equus tanto se iactans equite glomerat gressus superbos, atque ad Domini ascensum dorsus sinuatus herili terga substernit sedili. Hæc Ambrosius.

§ 2.

TAm sunt ¹ labori addictæ apes, tamque ab otio alienæ, vt nullus illis ² cum per cœlum licuit,

cuit ocio pereat dies . Primum fauos
 construunt, ceram fingunt, hoc est do-
 mos cellasque faciunt: deinde sobolem,
 postea mella: Interdiu nonnullæ excu-
 bias agunt ad portas more castrorum,
 nè irruât vespæ mellis prædones, noctu
 quies indicitur in matutinum, & silen-
 tium quod seruatur exactissimè donec
 vna excitet omnes gemino aut triplici
 bombo, vt buccino aliquo . Tunc v-
 niuersæ prouolant, 3 si dies mitis futu-
 rus est, ita otiosas odêre atque ignauas
 vt eas ex alueis proturbent, quin &
 4 morte puniant; fucos primos in ope-
 ra expellunt tardantesque sine clemen-
 tia puniunt.

ANNOTATIONES.

I. *Labori addictæ*] Hunc apum la- Homil.
12. ad
popul.
lib. 4.
Georgi-
cor.
 borem pulcherrimè descriptum videre
 licet apud poëtam qui in fine eius des-
 criptionis addit eas aded pertinaces es-
 se in laborando vt in medijs etiam la-
 boribus occidant.

*Sæpe etiam duris errando in cotibus alas
 Attriuere, utroq; animã sub fasce dedere.*

Expendit Chrysostomus commen-
 datque

datque potissimum istum earum laborem, quod ipsæ non magis sibi quam nobis laborent, quod maximè, inquit, Christiani proprium cuius est non sua querere sed quæ sunt aliorum. Sicut ergo apicula circumuolat omnia prata ut promptam alteri præparet mensam, sic & tu fac homo, siue pecunias congreges, in alios expende: siue doctrinæ verba habeas ne defodias, sed apponas indigentibus in medium, siue aliud peculiare habeas, indigentibus laborum tuorum, utilis fias; Ac pergit cum araneam conferre, atque hanc plurimum licet laboret, viles tamen ait esse eius labores, esseque ipsam ignobile animal, quoniã non alijs laborat, neq; opus eius quidquã nobis prodest, talesque esse ait sibi laborantes, & sese defatigantes sine fructu: cum sit apis animalium gloriosissima non tam quod laboret ipsa, quàm quod alijs laboret. Quæ ad charitatem item in cæteros licebit aptare.

2. *Cum per cælum licuit.*] Nam hyeme ab occasu Vergiliarum, (ex, stellæ sunt in Tauro, quæ & Pleiades dicuntur) ad

ver-

vernum AEquinoctium sese in alueis continent, frigoris fuga, reliquo anni tempore segnitiam auersantes diligentissimè & laboriosissimè operantur, nec quisquam extra hyemem aut morbum, vel auram minus earum laboribus aptam, videat apem otuari: quin & tunc temporis teste Plinio excrementa vnū congesta in locum egerunt.

3. *Si dies mitis.*] At vnde illa in animalculis istis prælagitio? Natura quæ docti prædiuinant ventos imbresque, & tunc se continent tectis.

4. *Morte puniant.*] Quamquam Draconis lege qui idem otiosis decreuerat suppliciū, non teneantur, qui quidē ea re ab oratore Demade dictus est leges suas non atramento, at sanguine scripsisse. Mitius quidem at pro culpa satis in otiosos animaduertebant Athenis Areopagi iudices, qui postquam essent accuratè perscrutati vndenam se quisque aleret, atque desidem agere vitam comperissent, eum multabant. Sinæ

verò otiosos apud se non patiuntur sine dedecore & pœna viuere. Magistrati-

P. Iarric
T. 2. l.

4. 6. 203

bus

bus id maximè cordi est vt nemo è suis
ciuibus inertia diffuât , quin & eos
quibus vt videtur maximè liceret im-
punè esse otiosis, labore exercent , cæ-
cos quidem in pistrinum dedunt , eos
verò qui pedum imbecillitate laborant
manibus laborare iubent, atque sic cæ-
teros pro cuiusque viribus ac facultate
ad varia adhibent ministeria. Summa,
nullum in sua Republica otio volunt
esse locum, qua quidem re præstat sanè
eorum Respublica vt & apum , quod
quidem postremum multò est maioris
proberi Christianæ Reipublicæ : Quot
enim inter nos viuunt fuci, qui inertia
atque otio tabescunt? quibus nulla alia
cogitatio, opus nullum, quàm vt opi-
parè idque frequenter ex alieno comes-
sentur? quam vt in omnes atque in eos
potissimum qui in potestate sunt male-
dicam exerant atque exercean lingua?
quam vt libidinibus suis indulgeant?
quam vt procacitate sua, dièterijs, ni-
miaque omnia tum dicendi, tum facièn-
di licentia, alios ad iracundiam, vnde
pugnæ, duella, cædesque consequun-
tur

tur innumeræ, prouocent. Quas quidem Reipublicæ pestes qui non proscribit, aut alia ratione mulctat magistratus, declarat satis se tum Reipublicæ quam administrat non consulere, tum augusto isto nomine multò se indignissimum facto isto profiteretur.

5. *Fucos.*] Quid sint ij dictum verbo Furt. § 2. in Annotatione.

§ 3.

L Icet in apibus quædam mellis conficiendi & condendi careât industria, non tamen prorsus otiosè viuunt. Earum enim quædam 2 aquam regi & apibus 3 vetulis deferunt: Aliæ verò mortuas ex alueo efferrunt, aliæ nocte excubant, & fauorum substructiones non secus ac paruam urbem vigilijs tutantur.

ANNOTATIONES.

1. *Careant industria.*] Non sunt tamè istæ fuci, neque enim vt fuci fauos corrumpunt, neque melli insidiantur, sed ex floribus aluntur etiam ipsæ, & cum alijs euolant simulque pascuntur.

2. *Aquam.*] Ore scilicet, & totius corporis

poris lanugine quibus est, aquæ guttas colligentes.

3. *Vetulis.*] Nam seniores apes apud regem ad eius stipitationem selectæ permanent.

4. *Mortuas.*] Ijs enim mundos & puros esse fauos oportet, itaque mortuam apem intra alucos fauorum esse nō patiuntur. His porro docentur Reges ac Principes, vt neminem eorum quibus imperant sese patiantur otio dare, quod ipsum omnium sit malorum seminariū & sentina. Curent itaque diligentissimè vt hi mercaturâ exerceantur, illi agriculturæ cæterisque mechanicis artibus dent sese: Alij ad litterarum studia sese applicent. Efficiant vt vigeat Medicinæ studium, Iurisprudentiæ & maximè Theologiæ, tam eius quæ scholastica dicitur, quam eius quæ sacrarū litterarum intelligentia continetur, atque linguarum Græcæ potissimum atque Hebraicæ scientia ita exigente calamitosissimo isto tempore, quo sectarij nostri linguarum istarum præsidio vno freti (sunt enim ab omni vera Theologia

logia destituti) in sacra scripturarum
 adyta ausi sunt irrumperere verius quam
 ingredi. Nobiles vero eosque qui tra-
 ctandis armis nati sunt, ad bella, etiam
 ludicris hastiludijs, atque in speciem
 tantum cum hoste congressibus, sum-
 ma licet pace comparent. Intelligant
 denique nullam esse statui suo capita-
 liorem pestem, quam sit otium, quod
 quidem tum Romanam evertit Rem-
 publicam, quando hostibus omnibus,
 Hannibaleque deuicto atq; euerfa Car-
 thagine Romani imperij amula sese v-
 niuersi desidia tradiderunt: tum Atta-
 lum Asiæ Regem confecit, tum Lucul-
 lum Imperatorem fortem effeminauit,
 tum sexcentos alios in hostium suorum
 potestatem traditos miserè perdidit. I-
 mitentur potius priscos illos Aegypti
 reges, qui in insanas illas pyramides
 toto celebres orbe, & facultates suas, &
 suorū ocium impendebāt. Quippe cū *lib. 36.
cap. 12.*
 teste Plinio faciendi eas causa fuerit, ne
 pecuniam successoribus aut æmulis in-
 fidiantibus præberent, aut ne plebs ef-
 fet ociosa: Eos inquam æmulentur, &

Eccles.

33. 25.

26. 27.

ne plebs otio tabescat, vitiorumque rubiginem contrahat, eam quàm magnificis templis, quàm monasterijs, quàm xenodochijs, quàm pijs eius generis exædificationibus, eiusque otium deuoueat. Quæ verò de regibus atque principibus dicta, hæc eadem in omnes valent qui alij imperant, vt sunt religiosarum familiarum rectores ac patres familias, quibus id incumbit vt nullum de ijs quos domi habeant, desidiam, torpore, atque ignauia marcescere patiantur: & quemadmodum iuxta consilium sapientis, tria debentur seruo, panis & disciplina & opus (sicut enim iugum & lorum curuant collum durum, & seruum inclinant operationes assiduæ, idè mittendus est in operationem ne vacet) ita eadem se, proportionem quadam seruata debere, cæteris domesticis suis sibi persuadeant, tum patres familias, tū religiosorum moderatores, quorum est suis operationes atque exercitationes ingenuo atque libero homine dignas prouidere.

Formicarum in labore, condendoque in annum messis tempore cibo, quanta sit sedulitas nemo facile exprimat. Silices itinere earum, attritos videmus, & in opere semitam factam, operatur & noctu, & plena luna. Eadem interlunio cessant. Neque solum sedulæ sunt sed & animosæ, & fortes; onera enim sese multis partibus maiora gerunt.

ANNOTATIONES.

1. *Formicarum.*] Ad hanc formicarum sedulitatem laboremque tum considerandum tum æmulandum pigros atque inertes cohortatur Sapiens. Vade in- *Prov. 6.*
quit ad formicam ô piger, & considera vias eius, & disce sapientiam, quæ cum non habeat ducem, nec præceptorem, nec principem, parat æstate cibum sibi, & congregat in messe quod comedat: per vias autem vel intelligit opera, vel ipsas vias atque iter quod paulò antè, licet per silices attritum vidimus. commendat autem earum diligentiam quod ea non ab extrinseco aliquo pro-

ficiscatur, neque enim ducem habent itineris sui, vt grues atque oues: neque principem vt apes, neque castigatores atque exactores, vt boues & equi, quos etiam verberare ad labores adigunt homines, quod idem hominibus inter se vsu venit, quorum alij alios ad laborandum vrgent, & nō faciant, castigant. At nulla rerum istarum commouetur formica ad laborem, sed solo id facit naturæ instinctu. Quo quidem exemplo nititur sapiens, tum mortalium cōfundere, tum excitare desidiā; vt eos pudeat non imitari tam vilis bestiolæ diligentiam, & vt perpendant quā sit indignum, hominem labori natum ei-que subeundo tota natura instrumentis membrisque instructum, atque ratione præditum, quem etiam & cæterorum exemplis & sapientum monitis & Dei metu ab otio reuocari oporteret, non ea præstare, quæ bruta; neque sibi labore suo quæ ad vitam faciunt prospicere, quod quidem faciunt formicæ.

Neque verò inertibus semel modò exemplum istud spectandum exhibuisse

se sapienti fuit satis, idem & inculcat *Prov. 30*
denuo sub istius libri finem. Quatuor,
inquit, sunt minima terræ, & ipsa sunt
sapientiora sapientibus : Formicæ po-
pulus infirmus, qui præparat in messe
cibum suum. Emphasim habet quandâ
illud (infirmus) quasi dicat: licet im-
becillo sit corpore, labore tamen assi-
duo superat naturæ infirmitatem, ut ne
quis se forte corporis viriumque infir-
mitate tueatur, tanquam ab ijs prohi-
beatur labore sibi, quæ ad vitæ usum
sunt comparare: Quibus significat la-
bori improbo cedere vniuersa, præser-
tim si in tēpore sit adhibitus, quod qui-
dem vult nos spectare cum subiicit pa-
rare formicam in messe cibum sibi. Id
etiam innuit (licet id modò non aga-
mus) mentis magis industria quam cor-
poris viribus, necessaria parari posse,
sicut formicæ non robore sibi, verum
industria naturalique prudentia pro-
ficiunt. Chrysostomus quodam loco *Hom. 12.*
hunc ipsum sapientis locum, Vade ad *ad popul.*
formicam ô piger, dum explicat, ita
ratiocinatur. Non vis, inquit, ô piger

ex scripturis discere quod bonum est operari, & quod non operans neque manducare debet? non vis à doctoribus hoc audire? discere hoc à brutis. Sic & in domibus sæpe facimus. Maiores & qui videntur esse præstantiores cum peccauerint, puerulis solertibus attendere exhortamur dicentes. Respice minorem te, quam est industrius & solers. Et tu igitur ab hoc animali maximam cape sedulitatis exhortationem. Hæc ille.

Provi 31 2. *Noctu.*] Instar sedulæ fortisque illius mulieris de qua sapiens: Non extinguetur in nocte lucerna eius; ut scilicet etiam tunc, alijs scilicet quiescentibus, aliquot horis incumbat operibus domesticis: Itaque manum suam misit ad fortia, & digiti eius apprehenderunt fusum. Fortis namque est animi, non solum interdiu sed etiam noctu, dū somni capiendi tempus est, labori vacare, eo fit ut rara sit mulier quæ id præstet, mulierem enim fortem quis inueniet? procul & de ultimis finibus pretium eius, cum tamen de formicis nul-

nulla sit quæ non noctu laboreat.

3. *Plena luna.*] Quod affecutus sit homo syderum rerumque cœlestium cognitionem, atque intelligat quando plena luna, quando noua, id quidem nō est mirum: Id verò permirum est in formicis quæ neque cœlum suspiciunt, neque digitis dies mensis numerare possunt, hoc tamen ipsis naturæ eiusque authoris liberalitate impertitum videmus vt mensis primo quoque die pedem domo non efferant.

4. *Gerunt.*] Quod morfu ab ijs fieri lib. II. cap. 30. ait Plinius. Maiora autem onera auersæ postrennis pedibus moliuntur, humeris obnixæ. Quæ autem vel gestatu (teste Plutarcho) vel importatu difficiliora sunt, arrosa partiuntur prius, ac De indu-
stria ani-
malium. gestabile pondus in plurimos distributum reddunt.

§ 5.

OMnibus per vices bono publico laborandum, neque quemquam oportere otio stertere docent grues, quæ excubias nocturnis temporibus, vicissim habere solent,

dum enim ceteræ dormiunt, aliæ in orbem circumlustrant & obeunt dormientes, ut sic tutæ sint ab insidijs impetuque hostium. Exacto deinde vigilandi tempore sibi præstito, quæ vigilauit, emisso clangore aliam excitat, quæ sibi in isto munere succedat, ipsa interim cubitum concedente.

ANNOTATIONES.

lib. 5.

Hexam

cap. 15.

I. *Excubias.* Has sic habent, lapillum pedè sustinent, qui laxatus somno & decidens, casu suo tum indiligentiâ coarguat, tum eas excitet. Inuehitur hic Ambrosius in eos qui in excubando operam suam non exhibent, nisi ægrè admodum: Homines, inquit, quam inuiti subeunt vigiliarum muria, quam ægrè vnusquisque in castris periculum sortitus excubat, quod tuendum sibi regali præceptione committitur. Proponitur pœna desidii, & tamen plerumque obrepit incuria, non seruantur excubiæ. Necessitas enim quæ imponit obsequium affert plerumque fastidium: Nihil enim est tam facile quin habeat difficultatem si facias inuitus. Hæc ille.

Quæ

Quæ mihi confer cum gruibus, qui iniussi & voluntate suam gregem custodiunt, & quæ ei custodiæ præstandæ excitatur, libens munus suscipit, nec more nostro pigrior somnum excutit, sed impigrè surgens vicem rependit, & quam accepit gratiam, pari cura atque officio repræsentat. Quod autem de excubijs dictum est, idem de laboribus cæteris accipiendum est, à quibus se immunes cū velint mortales plerique, ijdem tamen sibi volunt eos à cæteris bono suo suscipi, in quos valet illud de Psalmis. In labore hominum non sunt & cum hominibus non flagellabuntur: eò quod cæterorum viuant laboribus, sudoribusque sustententur, ipsi omni opere atque molestia soluti: Sed videant nè qui cum hominibus non flagellantur in ista, cum dæmonibus flagellentur in altera vita, & cum iisdem in gehenna crucientur: labores enim, flagella atque tribulationes effugiet nemo, aut hic, aut in posterum subeūdæ, cū quem diligit Deus castiget, flagelletq; omnē filium quem recipit.

psal. 72.

*Bernard.
in decla-
matione.*

Hebr.

12.

LAVS

§ 1.

LAUDANDVM Deum docent cum animantes omnes, tum in ijs & aues potissimum, & inter eas maximè, quæ cantandi præstant suauitate vt & luscinia.

ANNOTATIONES.

1. *Docent animantes.*] Quia ipsæ modo suo Deum laudant, multò igitur magis ab homine laudandus est Deus. Quin & res vniuersæ in eiusdem laudes incumbunt: Atque hinc factum vt pueri illi in fornace constituti non animantes modo, sed & omnes creaturas prouocarent ad benedicendum Deo: Quemadmodum autem ab his benedicatur Deus, cum rationis, vocis, atque sensus sint expertes, ita explicatur à Hieronymo. Omnis inquit creatura nō voce sed opere laudat Dominum, quia ex creaturis consequenter Creator intelligitur, & in singulis operibus & affectibus, Dei magnificentia demonstratur.

Daniel.
3.

Quo-

Quoniam igitur rerum conditarum intuitus ad eius qui eas condidit tum potentiam, tum sapientiam, tum perfectionem, tum pulchritudinem, tum bonitatem intelligendam, mortales quasi manu ducit, ideo dicuntur res omnes creaturæ laudare Deum. Quod idem etiam sentit ac distinctius ob oculos ponit Gregorius Theologus. Omnia, inquit, Deum laudant & inenarrabilibus, & mutis etiam, ut ita dicam, vocibus Deum glorificant. Namque pro his omnibus gratiæ à me aguntur Deo, atque hoc pacto mea laus qua Deum ego laudo propter illa, ipsorum quoque laus efficitur, dum ab illis ego laudandi occasionem accipio.

2. *Aues.*] Quæ Ambrosij sensu antequam se in nidos suos abdant, canoro occasum diei carmine prosequuntur, ne immunes abeant gratiarum, quibus Creatorem suum omnis creatura colaudat, quæ eadem fuit cum Ambrosio beati Francisci sententia, qui cum per Venetas paludes inambulans maximam avium multitudinem residentium, atque

lib. 5.

Hexam.

cap. 14.

Bonavent.

vita eius

cap. 3.

que in virgultis concinentium inuenisset: laudant (inquit ad socium ipse) sorores aues (ita enim viro sanctissimo etiam bruta appellare visum, ratione communis nobiscum beneficij creationis) conditorem suum: Quemadmodum autem eius iussu cōticuerint omnes dum ipse cum socio canonice precationis pensum persolueret, quo persoluto, eiusdem nutu cantum instaurarint; Vide diuum Bonauenturam. Sed mirabile est quod in isto genere habetur in vita planè admiranda patris Iosephi Anchietae è Societate Iesu. Manarat (inquit Historicus) de Iosepho in vulgus fama, ipsum solitum cum iter faceret, porrecto brachio auiculas accersere, iubereque sibi digito insistere, ac Deum laudare, auesque illi obtemperare solitas, & cum diu cecinissent, quasi ipsarum penso persoluto, eas verbis illis dimittere. Quando sat Deum laudasti abi cum pace.

Sebast.
Brevetars
l. 3.
pag. 157.

3- *Luscinia*.] De qua operæ pretium est afferre quæ scripta à Plinio, quâ dicit non in nouissimum dignam miratu
 auem

lib. 10.
cap. 29.

auem. primùm tanta vox tam paruo in
corpusculo, tam pertinax spiritus. De-
inde in vna perfecta musicæ scientia
modulatus editur sonus, & nunc conti-
nuo spiritu trahitur in longum, nunc
variatur inflexo, nunc distinguitur
conciso, copulatur intorto, promit-
titur reuocato, infuscatur ex inopi-
nato, interdum & secum ipse mur-
murat, plenus, grauis, acutus, cre-
ber, extensus, vbi visum est vibrans,
summus, medius, imus. Breuiterque
omnia tam paruulis in faucibus, quæ
tot exquisitis tibiærum tormētis ars ho-
minum excogitauit. Visum iam sæpe
iussas canere cepisse & cum sympho-
nia alternasse. Hæc Plinius. Quibus
id addi potest ista omnia auiculis istis
à Deo data, vt suas concinerent lau-
des, non tantum eo sensu, quod iucū-
da ista vocum suauitate atque mirabili
varietate eos qui audirēt ad Dei laudes
prouocent (quis enim tunc tamque sua-
ui concentu piorum sensus, qui in Deū
motus qui cordis iubilas?) verum etiā
vt ab iisdem eadem Dei laudes, quasi
verè

verè & propriè canerentur: Quemadmodum enim tibias dicimus atque organa Dei laudes sonare, quas quidem non intelligunt, quoniam id sonant & referunt quod est in mente eius qui eas inflat atque spiritu suo animat, & arte percutit: sic & id Luscinix concinunt quod in mente atque voluntate est summi illius opificis, qui ijs tum organa ad vocis suauitatem apta, tum musicæ scientiam, tum varias istas artificesque argutias impertijt: summus autem opifex ab omnibus vult laudes suas prædicari, silentio quidem à mutis, vt modo dictum ex Gregorio, vocaliter autem à vocalibus.

Tam est autem luscinia cātus, Deique laudum amans, vt (quod obseruatum ab Ambrosio est) etiam noctu occinat, atque vt loquitur ipse, peruigil custos cum oua quodam sinu corporis & gremio fouet, insomnem longæ noctis laborem, cantilenæ suauitate solatur, qua quidem nocturna modulatione sæpe falli contingit viatores eos qui ruri hospitantur, hi namque ex eius cantu

cantu auroram iam aduenisse suspicati,
 è strato surgunt cum frequenter vix
 media nox aduenerit. Quemadmodum
 verò nocturnus hic luscinia cantus re-
 ligiosos illos, qui sunt chorum profes-
 si, tum doceat, tum verò acriter sti-
 mulet, ad impigrè noctu surgendum
 Dei laudibus concinendis, superfluum
 est indicare.

LIBERALITAS. *Vide* AVARITIA:
 ELEEMOSYNA.

LIBIDO. *Vide* VOLVPTAS, LV-
 XURIA.

LVXURIA.

§ 1.

LIVS fugam docent tum leo,
 tum aquila quæ à cadaueribus
 se abstinent.

ANNOTATIONES.

1. *Cadaueribus.*] Quid aliud est scor-
 tum quàm cadauer, si enim omnis ho-
 mo putredo & filius hominis vermis,
 quid

Prou. 6. quid erit meretrix quæ inter homines
26. despiciatissima est? cuius pretium vix
Ecclef. est vnius panis? quæ quasi stercus in
9. 10. via digna est ab omnibus prætereunti-
 bus conculcari?

§ 2.

FVgiendam mulieribus luxuriam
 doceant equæ, ne ijs sint similes
 quibus inter brutorum fœminas,
 maximè libido dominatur, cum so-
 læ de bestiis, licet ventrem ferant, se
 cognosci patiantur.

ANNOTATIONES.

1. Libido dominatur.] Vnde mulieres
 libidinosæ, equæ vocari solent ab ijs
 qui grauiori eas contumelia appetunt.
Eccli. De mulierum verò libidine ita Sapiēs:
36. 23. omnem masculum excipit mulier, quia
 tam est in libidinem prona vt ei nihil
 curæ sit quis aut qualis sit vir, pulcher
 an deformis, stultus an sapiens, dum-
 modo vir sit; cum enim sit mulier, par-
 uo prædita ingenio, careatque solidis
 illis quæ à literarum studio, ab admi-
 nistratione Reipublicæ, à sapientia, à re
 aliqua fortiter gesta oriuntur volupta-
 tibus

tibus, totam se ad carnis atque ventris voluptates effundit, easque avidissimè confectatur. Vide Basilium in Constit. cap. 4. qui ait mulierem propter consilij imbecillitatem, & maiorem quandam ad libidinem procliuitatem, facile virilibidine commoueri.

§ 3.

LVxuriæ libidinisque pœnā doceat fargus piscis, qui cum capras vehementissimè amet, ubi earum secundum littus pascentium, vel umbra sola apparuerit, ad eas summo studio adnatat ut eas contingat, cuius rei piscatores conscij¹ caprina sese pelle induunt, quorum umbra in littore maris à fargis conspecta, ij mox ad eā tanquam ad capras accurrentes facilè à piscatoribus² capiuntur.

3. Eadem libido pernicies est scaris item piscibus, quorum est cupiditas in fœminas inexplebilis, è quibus captam vnā aliquam⁴ circumducere soliti sunt per mare piscatores, ad quam cum scari omnes libidinis ardore stimulatī cōcursent, eamque insequantur, eos ad

insidiarum locum sensim deductos (ad
 nassam scilicet quam fœmina primum
 ingreditur, tum cæteri omnes) facile
 comprehendunt, atque de ijs pœnas
 eiusmodi furentis libidinis sumunt:
 Quæ eadem libido exitium est item ca-
 pitonibus, qui fœminam à piscatori-
 bus captam, atque per mare pertractâ
 cum depereant, atque insequâtur mag-
 no numero eorû retibus concluduntur.

ANNOTATIONES.

lib. 1. 1. *Caprina &c.*] Addit AElanus, so-
cap. 23. litos etiam pisces farinam caprino
 iure madefactam, in eam maris partem
 spargere vbi habitare consueuerunt
 sargi: quibus tanquam philtro quodam
 odoris allectati accedunt, farina ves-
 cuntur, & pellis assimilata capræ cons-
 pectu permulcentur.

2. *Capiuntur.*] Quemadmodum libi-
 dinosi instar sargi capiantur libidine
 sua, eaque pereant: optimè Alciatus
 quodam Emblemate.

Villosæ indutus piscator tegmine capræ

Addidit ut capiti cornua bina suo,

Fallit amatorem stans summo in littore
sargum; *In*

*In laqueos simi quē gregis ardor agit.
Capra refert scortum, similis fit fargus a-*
manti,

Qui miser obsceno captus amore perit.

Obseruandum porrò tum in isto fargo, tum in cæteris, non frui eos re amata, sed eam tantum insequi irritò conatu: sic & libidinosis frequenter accidit vt amoribus suis non potiantur, quamquam ad id nihil intentatum reliquerint, nullosque non susceperint & verò superarint labores. Et quemadmodum fargus cæterique illi pisces, quamquam libidinem non expleant, pereunt tamen, sic & voluptuario solum libidinis votum etiam opere non consecuto animi perniciem affert: qui Mat. 6. enim viderit mulierem ad concupiscendam eam, iam mœchatus est eā in corde suo.

Et: propter speciem mulieris multi Eccl. 10 perierunt, & ex hoc concupiscentia ^{9.} quasi ignis exardescit. Non, inquit, propter rem tantum aut opus nefariū, sed propter solam mulieris speciem obiectam oculis animoque concupitam

multos contigit æternum perire. Quin
 & ab ipso dæmone iniiciuntur frequē-
 ter impedimenta quo minus quam se-
 quitur libidinosus voluptatem eam cō-
 sequatur, satisque est nonnunquam
 dæmoni ut eum obscuro intuitu, pra-
 uis desiderijs, morosisque cogitationi-
 bus ad peccandum pertraxerit, quibus
 quidem cum illum sibi subiecerit, Deo-
 que inuisū effecerit, non adeo sollicitus
 est ut pergat porro ad opus, cuius vo-
 luptatē, turpem licet atq; fœdā & cum
 peccato coniunctam, inuidet veterator
 ille homini, tam est vehemens eius in
 mortales odium: Quod quidē non atti-
 net modò probare, cū id fusè varijs tū
 priscæ, tū istius memoriæ exemplis sit à
 nobis in Triūpho Castitatis præstitū.

Die 2. c.
 12. &
 13.

3. *Eadem libido &c.*] Vide mihi pos-
 sit nè expressius esse simulacrum libidi-
 nosi qui fœminarum turpi amore cap-
 tus perit, quam sint isti scari. Circum-
 ducunt dæmones piscandi admodum
 periti fœminam meretricem, ornatu
 meretricio praparatam ad decipiendas
 animas, quæ non modò sui intuitu &
 spe-

specie (quod solum facit scarus fœmina) ad se vecordem rapit iuuenem, sed & varijs amoris illicitijs quæ refert scrip. *Prou. 7.* tura, ita vt is tandem multis irretitus^{21.} sermonibus, & blanditijs tractus labiorum, statim eam sequatur quasi scarus ad nassâ in qua certissimè pereat, vel vt loquitur sacer textus, quasi bos ad victimam, & quasi agnus lasciuens (qui quando ducuntur ad victimam aut ad macellû iugulâdi, sese putât duci ad præsepe pascēdos) & ignorat quod ad vincula stultus trahatur, donec transfigat sagitta iecur eius, velut si avis festinet ad laqueum (cum se existimet ad escam conuolare) & nescit quod de periculo animæ illius agitur. Sed dignus miseratione scarus quod neq; naturali suæ appetitioni, qua in sui generis fœminam fertur moderari, neque quod ei captiuitatis atq; mortis immineat periculum præuidere possit. Tu verò qua dignus es miseratione aut venia, qui & libidinē tuam Dei adiutus præsidio vique illata tibi comprimere vales, neque quo te ea miseriarum si ei obsequeris deducat,

ignoras. Scarum nemo monuit vnquā,
 sibi vt caueret, nemo latere sub illa vo-
 luptate quam confectaretur insidias,
 atque adeo certum interitum edixit: Te
 verò quis non monuit? quis tibi non
 edixit abditum sub melle isto venenū?
 Quis non te magnis clamoribus à pe-
 riculo isto, quod à mulieribus est, re-
 uocauit? Quoties id conscientia tua,
 quoties Deus, & cœlites, quoties mor-
 tales, quoties publica eorum supplicia,
 qui voluptati isti se subdiderunt? quo-
 ties id sacræ literæ tum priuata lectio-
 ne, tum concionatorum voce præsti-
 tere? id neque præstiterè modò, sed idē
 ipsum præstant assiduè. Audi quam te
 hoc ipso tēpore tum blando, tum effi-
 cacitatis pleno sermone cōpellat Salo-
 mon. Nunc ergo fili mi audi me, & at-
 tende verbis oris mei, ne abstrahatur
 in vijs illius mens tua, neque decipia-
 ris semitis eius, multos enim vulnera-
 tos deiecit, & fortissimi quique inter-
 fecti sunt ab ea. Viæ inferi domus eius
 penetrantes interiora mortis.

Prov 7.
 24. 25.
 26. 27.

Vide igitur quot partibus sis virtute,
 scaro,

scaro, cæteroque pisciculorum istorum genere inferior. Atque pudeat si modò tibi boni adhuc sanguinis guttula superfit, te hominem vehementiore in foeminas cæstro quam fiat bruta ipsa percitum.

4. *Circumducere.*] Quemadmodum id fiat, qui distinctius adhuc requirit, consulat AEliaum.

lib. 1.

cap. 2.

MAGNANIMITAS. *Vide* VIN- DICTA.

§ 1.

IN canibus elucet quædam animi generosi & clementis simul species, nam statim ut se demisit is quem petunt, ardorem remittunt: neque enim qui humi se deijcit, amplius inuadunt: Verum eximium est in hoc genere quod de Indico quodam cane, Alexandro oblato narratur, qui cum in arenam certandi causa productus, atque contra eum primum esset ceruus, tum aper,

deinde vrsus emissus loco suo non se mouit, eos despiciens quasi congressui viribusque suis impares: at vbi leonem in medium productum conspexit, tum momento excitatus pedibus arenam sparsit, iracundia æstuans, ac veluti si cum iusto hoste ac se digno antagonista sibi dimicandum foret, cum sine mora intrepidus inuasit, atque acerrima comprehensione leonem constrictū tenens, illiusque fauces premens ⁊ suffocauit. Venatici quoque canes non paruum generosi dant animi significationem, cum leporem quem insequuntur, exanimem nimio cursu non attingunt, adstant autem tantum ei cauda gesticulantes, dominumque suum operientes, quasi non prædæ sed virtutis ergo sese certasse continentia ista ostendant.

*Granat.
parte 1.
symbo-
c. 22.
§. 1.*

Ad hanc denique animi magnitudinem spectat quod narratur de quodā leporario cane, cui cum esset importunis latratibus molestus catellus, neque desisteret ab eo insequendo atque ag-
grediendo, his tamen nequaquam co-

motus

motus est, at generosè & patienter cātuli clamores atque impetus 3 dissimulatione summa pertulit, donec eius improbitate victus tandem de ea constituit supplicium sumere : sed vide quēadmodum ne in vindicta quidem generositatis suæ obliuiscitur. Rem planè se indignam facturū arbitratus, si se armaque sua tam humilis aduersarij sanguine tinxisset, eum pilis correptum proximæ aquæ immergit, immersūque tamdiu tenet donec suffocaretur.

ANNOTATIONES.

1. *Animi generosi.*] Errant qui iniuriam condonare aut non vindicare pusilli esse animi argumentum volunt, quos non sacræ modo litteræ sed & prophanæ erroris arguunt. Magni, inquit Seneca, animi est iniurias despicere. *lib. 2. de Ira c. 32*
 Pusilli hominis & miseri est repetere *cap. 34.*
 mordentem: mures & formicæ si manū admoueris, ora conuertunt. Atque idem dilaudat Catonem quem cum in balneo quidam percussisset imprudens, postea satisfaciēti, non memini inquit percussum me. Iuuenalis verò in eandem sententiam.

Quip-

*Quippe minuti**Semper & infirmi est animi exiguique voluptas.**Ultio.*

Quod quidem in mulieribus, in pueris, in senibus, in ægris, aut alia ex causa malè affectis patet, qui vt ad iracundiam, sic & ad vindictam proniores existunt: sed de his fusissimè in nostro

De indu- Puncto Honoris.

stria ani-
malium.

lib. 8.

cap. 1.

2. *Suffocauit.*] Ita ferè Plutarchus quæ vberius adhuc narrantur ab AEliano & maiore generosioris animi significatione, quæ breuitati consulens omitto, quamquam lectu dignissima.

Eccles.

7. 12.

3. *Disimulatione.*] Istam dissimulationem nobis non tantum canis istius exemplum persuadet: sed & Sapiens etiam: cunctis sermonibus qui dicuntur (inquit) ne accommodes cor tuum: quasi dicat multa dissimulanda sunt tâquam non audita, multa aure surda prætereunda, si cum hominibus pacem tenere desideras: atque in multis quasi inscium viuere oportet vt alibi monet idem. Magna sanè est prudētia quæ nō

Eccles. 32

12.

mo-

modò priuatos homines deceat, verum
& eos qui in potestate sunt constituti,
in loco & tempore atque iniurias po-
tissimum & contumelias dissimulare.

Quo nomine celebratur à sacris litteris *1. Reg.*
Saul Rex, quem cum filij Belial despe- *10. 27.*
xissent (nū saluare inquiebāt nos pote-
rit iste?) neque attulissent ad eū mune-
ra, ille prudēter dissimulabat se audire.

§ 2.

E Qui bono loco nati & bene
educati quanta sit animi mag-
nitude quotidie est in oculis,
eamque fuisse describit poëta, Plinius, *lib. 3.*
Aristoteles atque alij. De Bucephalo *Georgic.*
quidem id constat eum • neminem a-
lium quam Alexandrum cum esset re-
gio instratus ornatu recepisse in sedem:
quod si alij id conarentur aut propius
accederent, ingenti hinnitu occurrere
insultareque, ac nisi cederent, fugā-
que sibi consulerent eos etiam protere-
re solitum: cum autem nudus esset, cōs-
cendendum se etiam equisoni dedisse,
cumque Thebarum oppugnatione vul-
neratus esset, in alium transire Alex-
andrum.

andrum non esse passum.

ANNOTATIONES.

1. *Equi.*] Eius magnanimitatem ag-
 rob. cap. noscunt item ac prædicant sacre litte-
 39 24. ræ maximè istis verbis: Terram vngu-
 24. la fodit, exultat audacter, in occursum
 pergit armatis: contemnit pauorem,
 nec cedit gladio: super ipsum sonabit
 pharetra, vibrabit hasta & clipeus &c.
 Magna profectò eius animi fortitudo,
 qui non cedat gladio micanti licet at-
 que in se vibrato, nam teste Plinio, vel
 lib. 6. tunc maximè, cum leæna pro catulis
 cap. 16. foeta dimicat, oculorum aciem defigit
 in terram, ne venabula expauescat.
 Equus verò gladium non modò non
 expauescit, at ipse micantis gladij ful-
 gore allicitur potius ad pugnam, eique
 sponte occurrit.

2. *Neminem quam Alexandrum.*] Es-
 se iustos Dei equos patet ex illo Davi-
 dis, vt iumentum factus sum apud te,
 & ex Apocalypsi: regius eorum orna-
 tus est Dei gratia, quouis auro pretio-
 sior: quo dum nitent atque fulgent, dæ-
 monem eos sessorem admittere nefas
 est:

*Vide in-
 terpres
 in ca. 62*

est: quod si id faciant, se ratione minus quam brutum istud valere fateantur necesse est. Hanc autem eandem *Greg. l. 3. dial. cap. 2.* eorum cæcitatem castigat item facto suo equus alius nobilis cuiusdam viri, quo solo eius vxor mansueto utebatur, quem cum Ioanni summo Pontifici postea & glorioso Martyri Constanti-
nopolim contendenti vir ille nobilis ad Corinthum itineris causa commodasset, eundemque pontifex alium nactus ad Dominum remisisset, ita is ferox euasit atque indomitus, vt à se deinceps semper tum fremitu, tum corporis totius agitatione dominam suam excusserit, quasi duceret indignum eidem tergo mulierem insidere quo Christi Domini Vicarius insedisset. Cæterorum porrò tam canum quam equorum, atque leonum (de qua sequenti paragrapho) magnitudo animi ad eandem in ijs quæ tum cuiusque propriam, tum aliorum salutem diuinamque gloriam spectant exhibendam hominem prouocat, atque ad magna audenda suscipiēdaque pericula vehementius sollicitat:
ho-

hominem, inquam, qui quantum Deo debeat probè intelligit, quem quanti sit æterna sua salus momenti minimè latet, qui virtutis dignitatem & meritum, qui animorum, quos Christo laboribus suis conquirit pretium non ignorat: Quo equo, quo leone generosiorem nō eum esse oporteat, qui se norit generositate sua, fortique aduersus dæmonem carnisque blanditias, atque mundi inuitamenta dimicatione, magnum gloriæ cumulum in cœlesti beatitudine adepturum? Quis pauidus pericula, labores, itinera longinqua atque molesta recusabit, qui se ijs Dei gloriam propagaturum animosque quæ extra omne pretium sunt dæmonis faucibus erepturum probè intelligat? Quis denique se ipse ferat leone, equo aut cane inertiorem? canis quidem leonem se multis partibus fortiorem aggreditur: tu dæmoni leoni (ita sit) sed Dei gratia multò te imbecilliori ignaue cedes atque victas dabis manus? Equus minacem gladij fulgorem, exertamque aciem non reformadat, quin & ea con-

specta

Specta excitatur magis : tu vel gladii
 umbram minimamque quæ sese in Dei
 obsequio offerat molestiam extimesces,
 institutamque virtutis viam imbecilli-
 tate nimia deseres? Leo denique, vt de-
 monstrabitur proximè, venatores ca-
 nesque se magnis vocibus allatrantes
 atque insequentes contemptui habet,
 nec magnopere curat neque eo timore
 prohibetur, quo minus ceptam pergat
 viam: Tu piger, tu ignaue, tu pusilla-
 nimis, dicis: leo est in via, & leæna in
 itineribus, in medio platearum occi-
 dendus sum. Itane prætexis pericula ac
 difficultates in ijs quæ ad animi tui sa-
 lutem pertinent, quæ aut nullæ aut exi-
 guæ sunt? Quam multo ijs maiores &c
 tulisti quondam, & fers modo, vt mû-
 do & libidinibus tuis, vt animo tuo
 obsequaris? cur trepidas timore vbi
 non est timor? cur denique te brutis
 inferiorem esse vis, in quibus in medijs
 etiam periculis, vulneribus ac cædibus
 timor nullus, sed securitas summa, con-
 stantia summa conspicitur.

Prov.
 22. 13.
 Prov.
 26. 16.

Psal. 12
 5.

E Am doceat item leo cuius animi magnitudo maximè in periculisprehenditur, quandoquidem hostium ipse spernens tela, diu non armis alijs sese quam terrore quem ijs incutit tuetur, ac veluti se ad vindictam cogi testetur, eam diu differt quā neque capit vt sese periculo eximat, quod timidioris esset animi, verum vt iracundiæ suæ obsequatur. Illa autem nobilior animi significatio, quamlibet magna canum & venantium virgēte vi, contemptim restitansque cedit in campis, nec fugit eo loco quo videri potest: idem vbi virgulta siluasque penetrarit atque extra conspectum euasit, acerrimo cursu fertur, velut fugam & absconsionem turpem reputans.

ANNOTATIONES.

1. *Quamlibet magna canum &c.]* Atque huc alludere videtur Seneca, cum
 lib. 2. ait illum verè nobilem & magnum esse, qui more magnæ feræ latratus canū securus exaudit. Quo quidem docentur homines ij, qui se generosos atque
 mag-

magnanimos esse volunt, vulgi de se ineptos & cōtumeliæ plenos sermones non curare, neque ea re ab instituto virtutis cursu desistere: verba sunt, quæ in tenues abeunt auras, quæque leui vēto, momento exportata disparent. Eorum est imitari Fabium illum cognomento Maximum qui cum vulgò derideretur quod cum Annibale congregi nollet, sed cunctatione eius exercitum, pecuniæ atque annonæ indigentem dissolvere quæreretur, cumque Annibalis pædagogus passim audiret, quod eum per aspera montuosaque loca persequeretur, ipse contumelias istas parvi pendens, consilijs suis sese regebat, amicisque suis dicere solitus erat: Qui derisiones, conuiciaque metueret, eum sibi timidiorē videri, quàm qui hostes fugeret.

*Plaut
in Apoj
phr.*

§ 4.

Sed nihilnè de Aquilæ volucrum reginæ animi excelsitate? Vide quæ infra afferentur verbo Parētes § 4. ex A Eliano, quibus adde eam, vltionem in nidi violatorem quadam

animi generositate & clementia moderari, neque enim ad sumendum de eo supplicium rostro utitur, sed moderatius alis verberat. Neque illud paruum est excelsi eius animi argumētum quod pullorum suorum ingenuitatem legitimam, & num sint se dignæ proles incorrupto ¹ explorat iudice. Eos enim adhuc implumes ac ætate infirmos solem intueri aduersum cogit, ac si quis eorum solis radios ægrè ferens, nictat oculis, nido expellit, & tanquam illegitimum abdicat, sin solem sine nictatione respiciat, extra suspicionem est, atque pro legitimo educatur. Quid quod cornices quibus consuetum est Aquilas irritare atque insectari, contemnant & deorsum ferri sinant, ipsis interim ² superna petentibus, atque ³ iniuriam dissimulantibus. Si tamen ab incepto non desistant cornices, tunc correptas vnguibus, lacerant. Huc spectat quod ⁴ cadauera non gustent, nisi fortè eius animalis quod confecere, quæ quidem res ad magnitudinem quandam animi pertinere videtur, qua-

si iudicet facto isto id suam dedecere
regiam maiestatem. Et cum cæteræ
volucres ferè noctuam impétant, seu
eius formidine, seu rei nouitate captæ,
Aquila tâquam id dignitati suæ minus
congruat, nihil ea visa commouetur.
Denique multò se & maiora & validio-
ra animalia & aggreditur & expugnat,
vt ⁵ ceruos ⁶ tauros, &c.

ANNOTATIONES.

1. *Explorat.*] Quo quidem facto ge-
nerosam suam testatur indolem, dum
mauult propriæ prolis pati iacturam,
quam eam probare, proque sua agnos-
cere in qua paternæ virtutis indicia nō
se prodant. Præclaro sanè pijs parenti-
bus documento quo pignora sua parū
curare paruique ducere docentur nisi
eorum virtutes æmulentur, pietatem-
que colant, & nisi in Deum verum so-
lem obtutum defigant, suamque vitā
ad eius præceptiones ac voluntatis nu-
tum in omnibus effingant. Quod si id
minus parentes, volucris huius edocti
facto præstabunt; audient saltem spero
Sapientis consilium, cuius ista est ora-

Eccl. 16 tio. Ne iucūderis in filijs impijs si mul-
1.3.4 tiplicentur, nec oblecteris super ipsos si
 non est timor Dei in illis. Melior est
 vnus timens Deum, quam mille filij
 impij. Et vtile est mori sine filijs, quàm
 relinquere filios impios.

Hoc eodem facto erudiuntur paren-
 tes vt ab omni personarum acceptione
 inter proles suas sese abstineant, neque
 eas vehementiore complectantur amo-
 re quæ sui sunt exteriore specie similio-
 res, aut quæ sibi corporis, morum, hu-
 morumque consensione magis con-
 gruunt, aut quæ ratione alia quauis mi-
 nus probabili præ cæteris magis placēt:
 Sed amorem quo in eas feruntur, ex ea-
 rum virtute, ex fixo solis intuitu, si
 Deum in omnibus spectent, si eius sese
 gaudeant, orando, commentandoque
 sistere conspectui, metiantur. Vide quæ
 de ista re dicta sunt verbo Acceptio
 personarum.

2. *Superna petentibus.* Quod quidem
 non cornicum formidine agunt (qui
 enim hoc existimet, Aquilæ indolem
 ignoret, necesse est) sed potius insita
 quadam

quadam generositate, qua cornicis infra se volantis lapsum non ægrè patiuntur, ut author est Aelianus.

3. *Iniuriam dissimulantibus.*] De ista iniuriarum dissimulatione, vide § 1. in Annotatione numero 3.

4. *Cadauera non gustent.*] Quomodo igitur dictum à Christo est: Vbi- *Matth.*
cumque fuerit corpus seu cadaver illic ^{24.}
congregabuntur & Aquilæ ut eo scilicet pascantur. Censet Chrysostomus *Hom. 49*
illud de Vulturibus accipiendum qui & *in Mat.*
subaquilæ latinis dicuntur, quia degeneres & dubij inter Vultures & Aquilas generis. Vide Aristotelem qui ait *lib. 9.*
Aquilas quæ cadauera sectantur, Vulturinas esse & vulturis speciem referre. ^{32.} *Hist. c.*
Hinc porrò patet quam sit Aquila animi magnitudine inferior is qui in Deum peccat, cuius quotidianus cibus sunt *Hebr. 9.*
opera mortua, ita enim peccata nuncupantur ab Apostolo. Sed quid aliud ^{14.}
quam cadaver dixeris meretricem, qua voluptatis famem exsaturare (at frustra) conantur insani & turpes amatores? Cadaver inquam, siue quod diui-

nae gratiae spiritu careat, quae ipsius animae vita est atque anima; siue quod tū Deo, tum sanctis Angelis, tum ijs quorum spiritualis est atque sublimior odorandi facultas, oleat grauissimè.

Atque ob hanc fortè causam confertur mulier fornicaria cum stercore in via, à quo vniuersi vultum auertunt ne foetore grauentur. Et ad rei naturam accommodatissimè vulgari nostro sermone meretrix vocatur *charogne* .i. cadauer.

lib. 10.

cap. 4.

5. *Cervos.*] Author Plinius, nam multum puluerem in volutatu collectū, insidens ipsorum cornibus excutit in oculos, eius ora pennis verberans, donec in rupes praecipitet. Obserua hic obiter daemoneis artes (cuius typum gerit Aquila ob rapacitatem & superbiam) qui quos aggreditur, primum obiecta voluptatum dulcedine, alijsque modis excacare nititur, vt sic miseros tandem in scelus omne praecipitet.

6. *Tauros.*] Vide Aelianum istud fusius describentem.

MAN-

MANSVETVDO. *Vide* CLEMEN-

T I A.

§ 1.



MANSVETVDINEM docet leo,
 qui quamquam ita sit natura
 saeuus, si tamen à primis an-
 nis cicuretur tum ¹ mansue-
 rissimus euadit, tum eius sit occuratio
 facillima & iucundissima, lusionibus
 delectatur, & quiduis modò id suo al-
 teri gratum esse sentiat libèter sustinet.
 Habuit ² Hanno Cartaginensis leonē
 quo ³ vehendis sarcinis vteretur, vna-
 que cum Berenicē mansuefactus leo
 viuebat, tanquam vnus ex comptori-
 bus, linguaque eius faciei blādiebatur,
 ac leniter abstergens ac complanans
 rugas demulcebat, cum eaque in men-
 sa conuiuebat, humaniter & aptè co-
 medens. Onomarchus Catanæ tyran-
 nus & Cleomenis filius etiam leones
 habuerunt conuictores.

ANNOTATIONES.

1. *Mansuetissimus.*] Vide verbo
 Clementia. § 4. in Annotatione, quid

hinc moribus formandis discere liceat.

2. *Hanno.*] Erat hic è clarissimis Pœnorum, inquit Plinius, qui primus hominum, leonem manu tractare ausus, & ostendere mansuefactum, qui & dānatus illo argumento fuit, quoniam nihil non persuasurus vir tam artificis ingenij (quo & leones cicurasset) videbatur, & malè credi libertas ei cui in tantum cessisset etiam feritas.

3. *Vehendis sarcinis.*] Mārcus postea Antonius iugo leones subdidit, primusque Romæ ad currum iunxit.

Atque hæc leonum cicuratio causa fuit cur dictum à sapiente sit, placere sibi magis commorari leoni & draconī, quàm habitare cum muliere nequā; quòd nimirum leonum & draconum sævitia arte superari possit, illius malitia moresque improbi, aut agrè aut nulla ratione vincantur. Præterea quod longè sit optabilius subita morte à feris perimi, quam lento diuturnoque mortis genere ab improba vxore cruciari, milleque in dies singulos mortes experiri.

MORS.

§ 1.

MORTEM æquo animo pacatoque atque generoso ferendā, quin & de ea gaudendum docet cygnus, cui tanta est in vitæ exitu animi tranquillitas : vt sibi tanquam epicedium seu ¹ funebre carmen canat, ² non quidem dolens de vitæ iactura : sed gaudens potius se eius miserijs mox liberandum.

ANNOTATIONES.

1. *Funebre canat.*] Licet id neget Plinius sed gratis & sine firmamento, id autem asserit Aelianus atque eo prior Aristoteles, qui & ait eos canētes à quibusdam mare Africum nauigantibus auditos, atque non ita multò post vi-
 lib. 10.
 cap. 23.
 lib. 5.
 34.

2. *Non dolens &c.*] Ita Socrates apud Platonem: nam homines, inquit, cum ipsi mortem metuant, cygnos quoque mentiuntur mortem lugere & tristes canere, non animaduertentes nullā
 In Phæ.
 done.
 auem

lib. 1.

Tuscul.

quæstio-
num.In vita
eius.De la-
cob &
vitabea-
ta lib. 2.
cap. 2.

autem in tristitia canere, neque enim
dum dolet & magnam animo versat
molestiam, otium & inducias ad can-
tandum sibi inuenerit. Hæc Socrates,
quibus concinit Tullius, qui vult eos
prævidentes quid in morte boni sit, cū
cantu & voluptate emori. Cæterum
cygni cantum imitantur, quotquot
mortem lubentes sustinent, memores
ea ad vitam eamque immortalem &
beatam aditum patere: propius etiam
imitantur qui ea gaudent atque exul-
tant, quales extitere non pauci, atque
martyres potissimum qui ad mortem
tanquam ad epulas properabant, ne-
que se quin præ gaudio Deo laudes cō-
cinerent, continebant. Quam cygnea,
imo cygneâ omni dulcior fuit illa Cy-
priani Martyris penè extrema vox, qui
cum de tabella mortis suæ sententiam
audiisset, Deo, inquit, *gratias*; atque
illico suis, vt tortori ob præstiti bene-
ficij mercedem 25. aureos numerarent
palam edixit. Vide Ambrosium qui
Machabæorum Martyrum sub mortem
voces fortitudinis & gaudij plenas, cū
cytha-

cytharæ atque cygneæ voci suauitate confert. Quæ, inquit, cythara dulciores ederet cantus, quàm morientes filij in tam grauibus supplicijs ediderant? Non sic cygnea carmina aures animumque mulcerent: cygni enim naturæ sorte moriuntur, isti moriebantur amore pietatis.

MORTIFICATIO. *Vide* VERBO
CASTITAS. § 2.

§ 1.

MORTIFICATIONEM discere licet à certis perdicibus, quæ cirrheæ dictæ sunt: Hæ sibi conscia quod nec ad certamina valent, neque pulchrè cantare norunt, & si capiuntur, se futuras pastum capientium, naturali quodam astu se ipsas macie conficiunt, abstinētque ab omni esca, grata licet palato, quæ se ad pinguem corporis habitum perducere posset, atque cupidè 2 allijs vescuntur.

ANNOTATIONES.

1. *Abstinent &c.*] Atque istud faciūt vt vitæ suæ consulant, naturaliter iudicantes venatores se relicturos tanquam macriores : quid igitur facere oportet gulæ deditum vinolentūque, ne dæmonis præda fiat, atque vt animi sui salutē eamque æternam in tuto collocet. Vide dicta verbo Gula.

2. *Allijs.*] Quæ impediunt ne pinguescant, easque ad hominum mensas ineptas reddunt, vtpote quarum carnes sint insuaues.

§ 2.

E Andem docet canis venaticus qui magno licet feræ quam multo suo labore consecutus est, desiderio teneatur, eam i seruat tamen quoad venator aduentarit, neque de ea quidquam nisi eius nutu degustat. Quod idem in cane domestico bene educato obseruare licet, qui quamquam missa à Domino frustra panis aut carnis ore iam teneat, tenebit ea tamdiu nec deuorabit, nisi ad id à Domino facta potestate.

1. *Servat.*] Istocanis exemplo docemur nos ab ijs omnibus rebus continere, quæ sensui sunt grata, quamquæ ea maximè sint in nostra potestate; quare sensus omnes compescendi ne in ea proruant, quæ animo noxam inferre possint: comprimenda caro ne aduersus spiritum insolescat: cohibenda cibi potionisque desideria, atque spirituali mortificationis gladio amputanda: cuius generis exemplorum cum plenæ sūt sanctorum historiae, tum illustre est illud Daudidis factum, ad quem cum aquam de cisterna Bethleem ab hostibus obsessa quam vehementer expetierat detulissent tres viri fortes, eam neque primoribus quidem labris gustauit, sed effusam libauit Domino: propitius inquitens sit mihi Dominus ne faciam hoc. Num sanguinem hominum istorum qui profecti sunt, & animarū periculum bibam? Neque verò excusationi locus erit, si te rei cuiuspiam magno teneri dices desiderio, atque adeò ardere, neque quietem vllam capere

2. Reg.

23. 15.

17.

414 MORTIFICATIO.

pere posse nisi ei pareas. Quæro enim ex te num eam vehementius desideras, quàm canis escam postquam totum diē huc atque illuc excurrendo saltandoque exegit, atque fame propemodum est enectus? sed licet eam æquè ardentè expetas, ratione præditus es, qua vehemētius desiderium illud coerceas, rationisque imperio premas, qua tamē caret brutum: Canis igitur rationis expers sola duce natura appetitionibus suis imperabit fortius, quam facias tu qui ea es instructus? Canis igitur escā quam ore tenet nè gustabit quidem, tu verò homo cum sis, tam præcipiti in voluptatē impetu, cū ea adest irrues, ut hominem omnino exuisse videaris?

MVLIER.

§ I.



DE mulierum adulterijs vide verbo Adulterium, de earumdem Luxuria & cuius sint similes libidinosæ mulieres, vide verbo Luxuria.

xuria. De earum improbitate, vide
 Mansuetudo in fine. De silentio ab ijs
 seruando, nonnullisque alijs, vide ver-
 bo Silentium.

MVNDITIES.

§ 1.

EA M imprimis colunt apes,
 quas omnium mundissimum
 animal esse ait Aristoteles, *lib. 9.*
 quamobrem foras afferunt eas, *cap. 42.*
 quæ in alueo mortuæ sunt, & cum al-
 ui necessitas est, auolant & in seces-
 su reddunt excrementum, quoniam
 malè oleat, oderunt autem & fædos o-
 dores. Tam sordes oderunt linceæ vt se-
 cessu etiam factò vrinam condant, in-
 teruertantque. Hirundines verò extra
 nidum podice auerso mittere excremē-
 ta pullos docent. Quam sit munditia-
 rum studiosus pavo, quamque sordium
 hostis, vel ex solo eius gressu constat,
 qui quidem lentus est, pompaticus ac
 fastuosus atque vt videtur considera-
 tus,

*Plutar-
 chus
 de indu-
 striâ ani-
 malium.*

tus, ne se ipse maculet. Scribit Albertus
pauonem si dum adhuc pullus est, ma-
didus fiat & sordibus inficiatur, emori
tanquam omnis immunditiæ planè im-
patientem.

ANNOTATIONES.

- lib. II. 1. *Amolant.* Videtur Plinius sentire
cap. 10. eas in ipso alueo purgare aluum, sice-
nim scribit: Excrementa operantium
intus, ne longius recedant, vnum cō-
gesta in locum, turbidis diebus, & o-
peris otio egerunt. Sed quidquid sit de
ista Plinij ab Aristotele discessione, in
eo quod ad rem nostram facit, cum eo
consentit: mira, inquit, earum mundi-
tia: Amoliuntur omnia è medio, nullæ-
que inter opera spurcitiæ iacent. Atque
hæc fiunt ab apibus nullo monitore,
nullo præceptore, cum homines vt
mundi sint non sit ijs satis naturæ lu-
men sed ad id indigeant præterea mo-
nitis & præceptionibus, quas videre est
in sacris litteris varijs locis, & in vsu
quotidiano: extant enim principum &
Rerumpublicarum leges de munditia
publica, de expurgandis plateis, de
for-

fordibus efferendis, additâ poenâ in immorigeros.

Cæterum mundities ista exterior cū ad multa atq; ad valetudinem maximè utilis est, tum interioris est & signū & monumētum atque stimulus, neque enim sufficit mundum esse in oculis hominum, & mundare quod foris est calicis & paropsidis, intus autem plenum esse rapina & immunditia : sed mundare se debet quisque ab omni inquinamento carnis & spiritus, perficiens sanctificationem in timore Dei. Matt. 23.
2. Cor. 7
1.

§ 2.

SVnt & feles mirè munditieī amātes, vt enim ventrem exonerent, angulos sectantur, locaque occulta, & quod nulli bruto convenit, humo pedibus eruta vnguibusque egesta contegunt excrementa, neque eo contentæ, narem etiam applicant vt foetore dignoscant sint necne bene tecta: quem vbi senserint, iterum atque item terram super ea aggerant.

ANNOTATIONES.

1. *Egesta contegunt.* Vide mihi vt si-

Deuter. ne monitore id præstat felis, quod iussi
 23. 12. sunt Israelitæ facere dum concederent
 13. 14. ad opus naturæ, qua quidem præcep-
 tione perspicuum fit, quàm Deo gra-
 ta sit exterior etiam mundities: Domi-
 nus enim inquit tuus ambulat in me-
 dio castrorum, vt eruat te & tradat ti-
 bi inimicos tuos: & sint castra tua
 sancta .i. munda, & nihil appareat fœ-
 ditatis, ne derelinquat te.

MVNDVS.

§ I.



VND O isto, ijsque quæ in eo
 sunt cursim vtendum, & per
 transennam docent canes AE-
 gyptij qui ferarum Nili fluuij metu, ne
 earum aliqua quæ infra degunt foras
 emineat, ipsosque obtorta gula de ripa
 in profundum abripiat, non inclina-
 tione corporis abiecta procumbunt ad
 bibendum, sed vt primum ad ripam
 acceperunt, festinanter & in trans-
 cursu lingua labentes, potionem quasi
 furtim surripiunt.

AN-

ANNOTATIONES.

I. *Festinanter lambentes &c.*] Festinanter & quasi in transcurso aquas lambunt, huius mundi, qui illud Apostoli re ipsa præstant: Qui habent vxores ^{I. Cor. 7} tanquam non habentes sint, & qui flēt ^{29. 30.} tanquam non flentes, & qui gaudent ^{31.} tanquam non gaudentes, & qui emunt tanquam non possidentes, & qui vtuntur hoc mundo tanquam non vtantur.

Quia videlicet perparum eo vtuntur, & parcè admodum, nec nisi in rebus plusquam necessarijs. Neque verò tantum id ab ijs fit quia præterit figura huius mundi, quod ibi affert Apostolus, sed quod canum Nili instar, si diutius rebus istis insistant, ijsque per otium fruantur, ab hostibus, dæmonibus scilicet sibi vehementer timeant, ne capiantur & pereant. Diuturno namque atque quieto rerum terrenarum vusu, facilè animus ad eas immoderatè afficitur, quo id efficitur vt in varia peccata delapsus præda tandem dæmonis euadat. ^{osae 4.} Talis vocatur à sacris litteris ^{2.} habitator terræ, quocum omne Dei


iudicium atque disceptatio, in quo nō
 est veritas, non misericordia, non sciē-
 tia Dei, cum enim sese putet nactum
 hīc esse manentem ciuitatem, quæ in
 ea splendida & commoda sunt, futurā
Hebr. 11 neglectā, conquirat: Cum pij quique
 confiteantur se peregrinos atque hospi-
 tes esse super terram, neque habeant hic
 manentem ciuitatem, sed futuram
1. Petri inquirant, & tanquam aduenæ & pe-
2. regrini abstineant se à carnalibus de-
 siderijs quæ militant aduersus animam,
 vt eam perdant, quamquam prima
 atque externa specie, ei blandiri at-
 que voluptatem & pacem allatura vi-
 deantur. Quod si vtantur isti rebus,
 quas ad victum cultumque condidit
 Deus in isto mundo, id quidem egrè
 faciunt, itaque modicè ac raptim, vt
 potius ijs non videantur vti, sintque
 Ioannis Baptistæ similes, de quo Chri-
 stus: Venit Ioannes Baptista non mā-
 ducans, neque bibens: quos etiam non
Iudic. 7. ineptè dixeris indicatos per illos Ge-
3. deonis milites, qui non prostrati in ter-
 ram commodè atque otiosè; sed pedibus

con-

consistentes lambendo festinanter bibebant instar canum, qui quidem posteriores præ superioribus ad bellum eliguntur, tanquam sitis tolerantiores, minusq; suis apperitionibus seruiantes, & expeditiores, eòque cæteris bello aptiores. Ita Lyra, & Arias Montanus.

M V S I C A. *Vide* L A V S D E I.

§ 1.



MUSICAM harmonicumque concentum, & quidquid eò spectat non fastidire neque reiicere docent nos animantes varix: Delphinus, de quo dictum verbo Charitas: Capitur autem maxime Hydrauli sono, inquit Plinius, Mulcentur cerui fistula pastorali & cantu: Paguros pisces musicæ illecebra capiunt piscatores, qua adeò delectantur, ut ea allekti etiam mari exeant, atque ita in arida facile comprehendantur. Thrissas item pisces AEgyptij cantu & pulsibus

lib. 9.
cap. 8.

testarum concrepantium consonantibus piscantur: harmonico enim strepitu illo excitati saltant atque saltando in piscatoria instrumenta explicata sensim incidunt. Arabes suas dicunt oves musica magis, quàm pascuis pinguescere. Indi elephantos iam ætate prouectos non aliter quàm musica mansuefaciunt, neque enim ad id profunt ciborum illecebræ aliæque blanditiæ, cum hæc vniuersa contemnant, perguntque in sua feritate, at vbi vernaculam ijs cantiunculam cecinere, ita & eius suauitate demulcentur vt licet vinculis soluti nemini noceant, neque amplius ad ferinos mores reuertantur. Tibiæ cantu vsque aded capiuntur Lybicæ equæ, vt huius blandimentis mansuecant, atque insultare ac lædere desinant, & quocumque eas cantiuncularum blanditiæ inuitauerint, eò pastorem consequuntur, & cum insistente insistent, cum progrediente progrediuntur. Pastinaca marina, musicæ harmonia illecta sensim ad summam aquam effertur, & sic nassa imprudens dum

dum nihil metuit, totaque voluptate mulcetur, capitur. Atque huc referre licet apes, quæ cum in fugam se dant, tum Apiarij crepitaculis sonoris concinnè concrepant, à quibus ad consuetudinem domicilia sese recipiunt, vt non minus eas cantus ac musicæ studiosas esse dicas, quam illas apud Platonem cicadas.

ANNOTATIONES.

1. *Mulcentur cerui.*] Ita Plinius quibus addit Aelianus etiam Apros, quos lib. 32.
cap. 8. ambos non mulceri solum, sed & capi, lib. 12.
cap. 46. & quemadmodum id fiat tradit.

2. *Eius suauitate demulcentur.*] Neque id solum, sed modos etiam ipsi numerosque musicos discunt: quod qui non credit, cum id tot testes locupletissimi asserant, fidem humanam omnem euertit. Visi enim sunt Romæ à Ælian.
lib. 2.
cap. 11. Tiberij Cæsaris nepote Germanico in theatrum produci elephanti duodecim, qui in cæteris sanè mirabilibus, etiam hoc erant assecuti, vt ad numerum ita peritè saltarent, neque in vllò à saltationis elegantia aberrarent quasi homi-

nes essent rationis & disciplinæ capaces. De quo fusius paulò post verbo Nobilitas in Annotatione.

Hiscæ autem exemplis omnibus animantium quæ cantu atque musica capiuntur, docentur homines eam non
Eccel. 33. odisse, neque (quod vetatur à Sapiente)
5. impedire: sunt enim tam agrestes quidam & morosi, senes maximè, quos potissimum hîc monet Sapiens, ut nihil quod ad honestam animi lætitiâ conciliandam continendamque faciat, ferre velint, quod quidem est contra virtutem eutrapeliæ atque honestam cum hominibus agendi rationem: Est
Vide autem concentus musicus cõuiuijs ad-
Tercul. cap. 39. hibendus maximè, intellige si modò
Apolog. cy- turpis non sit, aut turpium cantilena-
priani rum, tũ quod isto sermones vani ina-
epist. ad nesque plurimi, quin & aliorum famæ
Donatũ. perniciosi succiduntur, tum quod ut
Eccles. ait scriptura, Gemmula carbunculi in
32. 78. ornamento auri & comparatio musicorum in conuiuio vini, sicut in fabricatione auri signum est smaragdi, sic numerus musicorum in iucũdo & moderato vino.

Quo-

Quorum verborum ista est sententia: quemadmodum se habet Gemmula carbunculi in ornamento aliquo ex auro fabrefacto, ita se habet varia illa & iucunda congestio musicorum in conuiuio vinoso. Et sicut sigillum smaragdo insculptum se habet in opere aliquo fabricato ex auro, sic se habet cōcentus musicorum in iucundo vino.

Quæ quidem à sapiente dicta si in res prophanas communiaque valent conuiuia, multò valeant magis oportet in res sacras, sacrosque ad agapem conuentus, quos ex maiorum institutis iā inde à primis Ecclesiæ incunabulis nō sine psalmodia & lætitiæ cantu coactos accepimus, iuxta illud Pauli: Imple-

mini Spiritu Sancto loquentes vobismetipsis, in psalmis, & hymnis & canticis spiritualibus, cantantes & psallentes in cordibus vestris Domino: sed maximè omnium valere debent in sacrum illud Ecclesiæ conuiuium, in quo dominicum bibitur vinum, quod verè lætificat cor hominis. Cui quidem cō-

uiuio maximè congruit musica, qua al-

Ephes. 5.
19. 40.

Psal.
103. 16.

lecti

lecti fideles tum deuotè magnoque di-
 uinæ bonitatis sensu communicent, tū
 excitatis eorum animis pro tanto be-
 neficio dignas Deo gratias agant. Cer-
 tē antiquitus dum inter Missarum so-
 lemnia sumeret populus sacra mysteria,
 canebatur Antiphona illa quæ de com-
 munionē nomen mutuata est, cui &
 subiungebatur psalmus integer, de quo
 Antiphona illa desumpta erat, addito
 ad finem Gloria Patri. Vide D. Gre-
 gorij Antiphonarium Dominica 1. Ad-
 uentus & sequentibus, & Micrologum
 cap. 18. Videant hic sectarij nostri ma-
 ximè qui de Caluini schola, quam sint
 brutis agrestiores qui ab Dei Ecclesia
 musica instrumenta arcent omnia, ne-
 que organis diuinas concini laudes pa-
 tiuntur, quæ tamen vt & alia adhibita
 à Dauide ad Dei cultum non semel in-
 culcat scriptura.

2. Reg.

§ 2.

MErulis affines existunt aui-
 culæ quædam colore atro, vo-
 ceque canora, dictæ venati-
 cæ, quod de auibz plurimas sui cantu

at-

attractas suauitate capiāt, cum enim eas suauē canentes audiunt, proximē accedunt atque ab ijs inuasæ, earum præda & cibus fiunt.

ANNOTATIONES.

1. *Attractas.*] Quod sanè magis mirandum videtur, quàm quæ proximē allata sunt, cum ibi harmonico numero, atque melodia quæ ab humana arte proficiscitur capiantur animantes, hîc autem simplici, agrestique atque naturali auicularum cantu omnis artis experte. Obserua hîc etiam voluptuorum imprudentiam, qui suauis voluptatis quasi cantu, dæmonis præda euadunt.

§ 3.

GAudent cameli musica, & discuntque saltare ad tibiam. Dū fessi sunt, cantu ad iter peragendum excitantur. Apud Gothos vr̃ti musica capiuntur.

ANNOTATIONES.

1. *Discunt saltare.*] Quemadmodum lib. 10. de subtilitate. id fiat docet Cardanus his verbis. Iuuenculus, inquit, collocatur in pavimento

mento calido, homine pulsante tibiam
citharamue, camelus ob calorem pe-
des eleuat, ita diebus singulis huic rei
operam dat. Modus congruit pedum
eleuationi. Vbi annus hac forma ex-
actus fuerit, pedes eleuat ad rythmum
quamquam frigente solo, atque ita ca-
melus saltare discit. Hæc ille, qui &
addit asinos etiam ad tibiam saltare, de
quibus & subiicit quædam anilia planè
& superstitiosa.

NOBILITAS.

§ 1.

QUANTA sit hominis nobilitas
atque excellentia docet 1 Ele-
phas qui licet tantæ sit molis
atque virium, homini tamen
2 subseruit, cum ab eo docetur quid
velit, id 3 intelligit, 4 cum vapulas
sustinet.

ANNOTATIONES.

1. *Elephas.*] Neque elephas modò sed
animalia cætera quæ cicurantur, de
qui.

quibus vide verbo Charitas, Clementia, Mansuetudo.

2. *Subservit.*] Evidenti admodum exemplo nos docens, ait Basilus, omnia nostræ subiecta esse ditioni quodd ad *In Hexa Hom. 9.* imaginem sumus nostri creatoris conditi; nostræque nos nobilitatis admonens, quamque sit indignum viles peccando obire actiones eos, qui tam præstanti natura animalibus moderantur, ijsque appetitionibus teneri, quibus ipsa dominantur.

3. *Intelligit.*] Sine intellectu, sola phantasiæ facilioris atque bene temperatæ facultate. Stupenda autem sũt quæ isti rei confirmandæ afferre liceret. Refert Aelianus Romæ à Tiberij Cæsaris nepote Germanico in theatrum *lib. 2. cap. 11.* dados elephantos 12. mares sex virili veste indutos, totidemque fœminas, stola muliebri ornatas: qui à magistro docti erant decorè epulis accumbere, tum signo dato, in mensam promuscides tanquam manus modeste porrigere, summaque cum moderatione epulari. Quæ omnia nō minus

otiosa quam demirans spectauit Roma, neque in ijs quemquam voracem aut incompositum aut inconditè comedentem aut bibentem notare potuit : cum esset bibendum, vnicuique crater exhibebatur, vnde moderatè bibens, eo quod supererat circumstantem turbam leniter & festiuè sine contumelia aspergebat. Aelianus ait vidisse se rectè & ordine in tabula quadam latinas litteras scribentem Elephantum. Sed ne longior sim in istis quæ infinita sunt recensendis, instar omnium quæ ad ingenij belluæ istius commendationem afferre licet, sit illud Pierij, qui ait à se visum Romæ elephantem, à Srenissimo potētissimoq; Lusitaniæ Rege Emanuele, Leoni Decimo Pontifici maximo dono missum, à quo tanta ingenij, intelligentiæ atque docilitatis monumenta ea ætatula edita (quadrismus enim eò aduectus erat) vt non modo quæ ab authoribus tradita fuerint credere se testetur, verum authores ipsos in hoc animantium genus quasi inuidos eleuasse plurima, quæ longè magnificen-

lib. 2.

Hieron.

glyfica-

7471.

nificentius illustranda fuerant suspicetur: illudque profiteatur de reliquis animantibus, quæcumque fidem excedere videantur, sese scriptorum auctoritati acquiescere, super elephanto autem quæcumque admiranda videantur, se in illo vel paria, vel veteribus illis longè maiora deprehendisse, cuius rei Romam ipsam, frequentissimum totius orbis theatrum testem appellat. Videat quæso lector quod subiicit exemplum ingenij istius eiusdem bellæ, cui narrando ne longior sim superse-
deo, sed meo quidem sensu quæcumque de ea dicta sunt hactenus longè antecedit.

4. *Cum vapulat.*] Aelianus supra allatus de Germanici Elephante hæc habet. Illa verò virilis disciplina accedebat, non ad grauem plagarum ictū excandescere.

OBE-

OBEDIENTIA? *Vide* MORTIFICATIO. AGENDVM PRIMVM DE obedientia quæ ab homine Deo debetur, tum de illa quæ hominibus.

§ 1.

DE O cum primis obediendum docent ij pisces, qui tacito Dei iussu ex varijs maris sinibus 1 simul emigrantes, 2 ordinatè confluunt æstate ad mare Aquilonare, ad pontum scilicet Euxinum, tum quod eius aqua 3 cæteris dulcior sit, tum quod ad effundendos excludendosque fœtus suos, & enutriendam sibi sobolem, sit aptior, mox autem 4 vt hyems aduenerit, rursus ipsi sese omnes velut agmine factò domum recipiunt.

ANNOTATIONES.

1. *Simul &c.*] Vnde tam ordinata tot piscium in alienas oras commigratio? Quis piscibus hæc annuntiat loca (verba sunt Ambrosij) præcepta, tempora? homines suum imperatorem habent, cuius expectatur imperium, procedit tessera edicta provincialibus vt conueniant,

lib. 5.
Hexam
cap. 10.

ueniant, tribunis militum literæ diriguntur, dies statuitur, & plerique ad dies statutos occurrere non queunt. Quis Imperator piscibus præceptum dedit? quis doctor hanc tribuit disciplinam? Qui metatores itinera disponunt? Qui duces item dirigunt ut nullius desit occursum? Sed agnosco quis ille sit Imperator, qui ordinatione diuina sensibus vniuersorum suum infundat imperium, qui tacitus mutis animantibus naturalis disciplinæ ordinem tribuat, nec solum magna penetret: sed etiam per minima quæque se fundat. Pergit idem Ambrosius ex hac brutorum obedientia, peruicaciâ eorum hominû qui se Dei mandatis opponunt redarguere. Diuinæ, inquit, legi piscis obsequitur, & homines cōtradiciunt. Piscis solēniter obaudit mādāta cœlestia: & homines irrita faciūt Dei præcepta. An contēptibilis tibi videtur quia mutus est, rationisque expers? sed vide ne tu tibi magis incipias esse contemptui, si irrationabili irrationabilior deprehendaris.

2. *Ordinatè.*] Basiliius testatur se ista vi-

*In Hexæ
hom. 7.*

E E

disse

disse & in omnibus suspexisse admirabilem Dei sapientiam.

3. *Ceteris dulcior.*] Quoniam sol in eo mari parū versatur, atque ideo nō omne id quod potabile est dulceque, radijs suis exhaurit. Aqua autē dulci gaudere pisces argumēto est, quod & ad flumina sæpe adnatēt, longiusq; à mari discedāt.

4. *Vt hyems aduenerit &c.*] Quæ in illis oris est vehementissima, & mare illud Aquilonare perfrigidum, quod plures peralgidos prægrandesque suscipiat amnes, atque Boreæ cæterorumque ventorum violentissimis flatibus sit obiectum, vnde graues illic procellæ ac tempestates commouentur, ita vt de profundo arena vertatur, fluctusque ipsi arenosi conspiciantur, qui ventorum motu in sublime elati; non nauigantibus modò, sed & maritimis ipsis animantibus intolerabiles existunt, atque id causæ est quamobrem ad propria remeant tecta, septentrionalis plagæ sæuitiam fugientes.

§ 2.

Eandem obedientiam, docent ea
bru-

bruta quæ homini tanquam regi suo
 obsecundant, si enim ipsa rationis ex-
 pertia homini parent, quâto est æquiùs
 hominem rationis compotem Deo re-
 gi suo in omnibus obsequi. Vide verbo
 Nobilitas.

ANNOTATIONES.

1. *Obsecundat.*] Eius obedientiæ quo-
 tidiana sunt exempla. Sæpe enim (ver-
 ba sunt Ambrosij) suspendere feræ mor-
 sus suos, reuocante sono vocis huma-
 næ. Videmus innoxio canum dente,
 lepores sine vulnere capi. Leones quo-
 que ipsos si vox hominis resultauerit,
 prædam dimittere, pardos atque vrsos
 incitari ac reuocari vocibus, equos
 plausu hominum fremere, silentio mol-
 lire cursum. Denique sæpe sine verbe-
 re prætereunt, (præcedunt gressu in via)
 verberatos (.i. feras verberatas) Ita ve-
 hemētius illos incitat linguæ flagellū.

§ 3.

Denique ab animalibus vni-
 uersis idem docemur quando-
 quidem omnia Deo obediant
 eaque exequantur quæ vult Deus, quæ-

cumque enim faciunt, Dei ipsius tanquam authoris naturæ iussu faciūt, qui ut id facerent : naturalem ijs indidit propensionem.

ANNOTATIONES.

- 229.83. 1. *Naturalem &c.*] Ita etiam D. Tho-
 a. 10. ad mas qui ait eo sensu dici bruta Deo o-
 3. bedire, quòd per naturalem instinctum
 ab eo moueantur: neque verò bruta so-
 lum Deo parent, sed res omnes omnino
 iuxta illud de psalmis: ordinatione tua
 Psal. 118. 9. perseverat dies, quoniam omnia ser-
 uiunt tibi: cui concinit illud sapientis:
 Sap. 16. Creatura tibi factori deseruiens exar-
 24. descit in tormentum aduersus iniustos,
 & lenior fit ad benefaciendum pro his
 qui in te confidunt. Atque obedientia
 ista quam exhibent Deo creaturæ om-
 nes, causa est cur eas conseruet ipse, at-
 que contineat, quemadmodum ab ea-
 dem efficitur ut animantes omnes pas-
 cat, qui iustitias Domini (inquit Am-
 In Psal. 118. ser. brosius agens de volucris, quod idem
 19. de cæteris brutis vult intelligi) custo-
 diunt. Ex quibus cognoscimus quam
 diuinæ subsidia prouidentiae homini-
 bus

bus non deessent, si Dei iustitiam seruare vellemus. Qui alit aues non aleret homines, quos ad imaginem & similitudinē sui condidit? Nōne pluris sumus illis, sed inferiores diminutione gratiæ & preuaricationis iniustitia. Hæc ille.

§ 4.

Homo homini vt pareat docēt ea animalia quæ hominibus obsequuntur. Leo in Mauritania cū venatione frustratus, fame premitur, Maurorum domos adire solet: si vir quidem adsit, illum vi ab ingressu prohibet, sin sola mulier, verbis asperioribus ipsa atque probri plenis eum increpat: non te pudet, inquit, animalium cum sis rex, mulieri supplicare pastus causa, quem potius in montibus, captandis ceruis, bubalisque venari, nō autem more infelicis caniculæ victum quæritare oportebat? Quibus aut similibus minaci voce prolatis iubet leonē abire, qui mox afflicto animo atq; verecundiæ pleno, oculisque in terram demissis, sibi iussa perficit, atque inde discedit.

1. *Quæ hominibus obsequuntur.*] De Elephante vide verbo Nobilitas. De leone vide hic § 2. & verbo Mansuetudo. Quæ dum suis momentis expendit Ambrosius ita ratiocinatur. Videbatur nihil elephantis, creatura habere robustius nihil tam terribile vel procerum, nihil tam ferum quam leones vel tigrides sunt, & hæc seruiunt homini, & naturam suam humana institutione deponunt, obliuiscuntur quod nata sũt, induunt quod iubentur. Quid multa? docentur vt paruuli, seruiunt vt infirmi, verberantur vt timidi, corriguntur vt subditi, in mores transeunt nostros, quoniam motus proprios perderunt. Hæc ille: quibus etiam quanta vis sit consuetudinis atque rectæ educationis perspicitur. Atque idem alibi tum eandem istam educationis vim, tum quam promptè paratèque obsequantur homini bruta præclarè exprimit. Quæ cum inquit (eius enim usurpabo verba quod meliora non suppetant) à rectore aliquo gubernantur, facile

*Hexam.
lib. 6.
cap. 6.*

*lib. 2. de
Cain &
Abel.
cap. 1.*

cile mansuescunt, & imperata exequi, & iugum subire, & ad vocem magistri accelerare gradum, aut sistere, aut deflectere, aut aliqua opera sui muneris quæ iubentur, humano quodam famulatu obedire consuerunt. Tantum valet institutio vt vincat naturam. Itaque illa quæ consortium nostræ substantiæ non habent, agnoscunt tamen nostræ vocis imperium, & cum suæ naturæ nullam rationem habeant, nostræ naturæ rationē capeffunt, & quodammodo transfusam acquirunt. Quoties parata præda & cibo obuio famem perpeti malunt leones, dum offensam magistri verentur? Quoties repentino impulsu motu, aperta ad morsus ora iussi resoluunt? Ita dum nostræ voluntati obsequuntur, suæ obliuiscuntur.

2. *Iussa perficit.*] Mirabitur istud fortasse quis, quin & supra fidem esse videbitur non nemini: quis enim credat intelligere leonem voces illas increpantis mulieris! Verum si equos & canes videmus passim ob consuetudinem cū hominibus, eorum minaces voces per-

cipere, & timere, & ad eas se accommodare aut progrediendo aut sistendo, aut recedendo, aut iram suam coortâ inter se pugnâ comprimendo, aut à cibo, qui iam in faucibus est, abstinendo, cur id de leonibus inficiabimur; præsertim, cùm Mauri multum cum ijs consuescant, suosque infantes cum catulis leonum sub eodem alant tecto?

§ 5.

TAurus cum ¹ ferinam exuit indolē mirè homini obsequitur: nam ad feretrum portandum sub iugum missus quietus manet, siue velis eum procumbentem corpore toto quiescere, siue in anteriorum crurum poplites tantum se demittere, licet interim ceruice puerum puellamue gestet. Quin & dorso homines vehit, & quod longè est mirabilius iussus ita immotus manet, vt supra illum saltare liceat. Oves præ cæteris omnibus animantibus ² obediētes & ad parēdum natura factæ videntur, ³ obtemperant enim & pastori, & canibus, & capras in via sequuntur.

1. *Ferinam.*] Quā sit ferus taurus atq;
 iracundus vide Pliniū l. 8. c. 45. sacra *Eccles. 6*
 verò litteræ superbum hominē indomi- ^{3.}
 tumq; atque parere recusantem compa-
 rant cum tauro. Aelianus autē ait tau- *lib. 4.*
 rum animo incitatum eo impetu cor- *cap. 48.*
 nibus obuios appetere, eaque impoten-
 tis animi effrenatione ferri, nihil vt
 cum neque bubulcus, neque metus vl-
 lus reprimere queat.

2. *Obedientes.*] Atque ob istam obe- *Ioan. 10.*
 dientiā suos vocat Christus oues: oues ^{27.}
 (inquit) meæ vocem meam audiunt,
 & ego cognosco eas, & sequuntur me.

3. *Obtemperant pastori.*] Quem & se-
 quuntur, inquit Christus, quia sciunt *Ioan. 10.*
 vocem eius: alienum autem non se- ^{4. 1.}
 quuntur sed fugiunt ab eo quia non
 nouerunt vocem alienorum. Cate-
 rum vehemens est obedientia ista bru-
 torū, stimulus ei cui adhuc aliquis vitæ
 sēsus: Si enim homini parēt bruta; quid
 hominē ipsum facere oporteat? Homi-
 nem, inquam, quem nō latet Dei vices
 agere eum cui obedit, neque se tam illi,
 quam

quam Deo ipsi obedire, aut non obedire, si hominis iussa spernat. Qui enim vos audit me audit, & qui vos spernit me spernit. Non te (inquirebat Deus ad Samuelem) abiecerunt, sed me, ne regnem super eos. Et Apostolus. Qui hæc spernit non hominem spernit sed Deum, qui etiam dedit spiritum suum sanctum in nobis. Mitto innumera in sacris literis præcepta quibus enixè obedientia ista commendatur. Mitto ab ijsdem proposita tum præmia tum supplicia, ut illis quidem mortales ad obsequendum alliciantur, his verò ut ab inobedientia reuocentur, quibus præfidijs omnibus cum careant bruta, eam tamen homini obedientiam præstant, quam hætenus (utinam cum rubore & fructu) multis testatam exemplis, signisque perspeximus.

§ 6.

E Andem doceat canis qui quando domo pellitur aut è triclinio aut coquina, paret illico, quod si reuocetur mox iterum se sistit.

AN-

Canis &c.] Verus obediens se canis *lib. 5.*
 istius similem esse arbitretur, imitetur- *libello*
 que sanctum fratrem illum de quo in *11. n.*
 vitis Patrum in hæc verba. Frater ali- *64.*
 quis interrogavit senem dicens: Quod
 est opus peregrinationis? & ille dixit
 ei: scio fratrem peregrinatem qui cum
 tentus esset in Ecclesia, & contigisset
 ibidem fieri agapem, sedit ad mensam
 vt manducaret cum fratribus. Dixe-
 runt autem quidam. Istum hic quis te-
 nuit? Et dixerunt ei. Surge & vade
 hinc foras: qui surrexit & abiit. Alij
 verò contristati de expulsiōe eius e-
 gressi sunt, & reuocauerunt eum. Post
 hæc interrogavit eum quidam dicens,
 Quid putas est in corde tuo quia ex-
 pulsus es, & iterum reuocatus? Et ille
 dixit ei: Quoniam posui in corde meo
 quia æqualis essem cani, qui quando in-
 sectatur, foras egreditur, quando verò
 vocatur ingreditur.

§ 7.

Q Vid autem falcone obsequentius
 fingi possit, quem cum ad nubes
 vsque

vsque emiseris in herodium, si vt inde
ad te redeat pugnoque tuo se reddat,
& minimo signo indicaris, illicò pare-

P. da bit? Alunt Sinæ anatum maximā vim,
Iarric. idque in agris secundum littus maris o-
Tomo 2. uium instar, quas sub vesperam in na-
l. 4. c. 18 ues vt reuocent, soliti sunt tympano

signum dare, quo audito & mox celer-
rimè quo aduocantur aduolant omnes,
atque ad sua recipiunt. Educant A-

Nico- agricolæ in insula Chio maximos perdi-
laus a

Nico- cum greges: quos interdum adhibitis
lais l. 2. custodibus ad vicinos montes vt sibi

Nani- victum conquirant, emittunt. Custo-
gat. O- des eas sub vesperam edito sibilo ad-
riens. c. 8 monent ad propria remigrandum, quo

audito mox sese ad iter accingunt, si-
mulq; omnes domū repetūt, quin & a-
lias sibilo custodū nondum assuetas, &
etiamnum feras comites sibi asciscunt.

ANNOTATIONES.

I. *Minimo signo.*] Exhibent hi fal-
cones quod verè germanæque atque
numeris omnibus absolutæ obedientiæ
est argumentum, quodque se David in
alienigenis externisque populis Gabao-
nitis,

itis, Gertheis, & similibus nactum est
prædicat: populus, inquit, quem nō
agnoui seruiuit mihi, in auditu auris
obediuit mihi, quasi dicat promptissi-
mè & mox audito imperio obediuit: ea
est namque perfecta obedientia quæ
non cunctatur, non comperendinat,
nullas trahit moras, vt imperium inter
sequitur obsequium ne momentum quidē
temporis, quoad eius enim fieri possit,
intercedat.

2. *Mox celerrimè.*] Reuocat in men-
tem prompta ista anatum obedientia,
insigne illud militis omni laude dig-
nissimi factum, cui cum receptui cā-
deretur, mox vt auribus eius insonuit
iussa, quamquam brachio iam in altū
sublato quàm proximus esset vt hostem
gladio feriret, se continuit tamen, sa-
tisficienter existimans, præstare multò du-
ius suo obsequi, quam hostē interficere.
Vide de eadem obedientia verbo Gra-
tudo c. 3. §. 1. in Annotatione. Quod
obsequij supra naturæ vires à brutis
impensi requiris exempla, ea occurrent
affirm tum vitas Sanctorum tum Ec-
cle-

cap. 107. clesiasticas historias perlegēti. In Præ-
 to quidem spiritali leo obsequentissi-
cap. 20. mum se præbet sãcto Gerasimo. In Pal-
 ladij lausiaca historia, hyæna Macario.
 In Theodoreti historia sanctorum Pa-
 trum, leones item duo Simeoni prisco,
 ad cuius nutum sese errantibus viæ du-
 ces exhibent. Atque alia alibi. At eius
 generis recentiora desideras. Perlege
 P. Iosephi Anchiætæ Societatis Iesu res
 gestas in Brasilia, in quibus nihil occur-
 rit frequentius quam admirabile eius
 in bruta omnis propè generis imperiũ;
 cuius specimē aliquod licebit hîc vide-
 re in vno & altero exemplo quod mo-
 do subijcio. Contigit vt Iosephus in
 aduersum vrbi D. Sebastiani littus tra-
 iiceret, vicos paræciasque illius oræ in-
 specturus. In reditu; cū canóam ascen-
 disset vt urbem repeteret, Petrus Lei-
 tanus è Societate ipsum comitabatur,
 erat malacia summa, æstus grauis ac
 molestus, traiectio aliquot leucarum,
 neque vlla aura afflabat: ægrè eam cœ-
 li grauitatem ferebat Leitanus: videt
 in arbore Iosephus, tres quatuorue qua-
 racies

lib. 4.
viii.
pag.
227.

racies insidentes (ex sunt aues gallinarum magnitudine, purpureo colore in flauum vergente, specie pulcherrima) eas Iosephus Brasílico sermone alloquens : Ite inquit, cognatas consanguineasque vestras accersite, nostrumque iter volatu vestro inumbrate. Illæ extento collo vocem, quasi accepti imperij signum misere, indeque auolantes, paulò post magno grege redierunt, densatæque in nubem, tamdiu canóam superuolantes vmbra fecere, donec spatio leucæ vnius decurso lenis afflare coepit aura fauonij, tunc pater auium dimisit comitatum. Illæ quasi imperio perfûctæ, officiosa crocitate & multis lætitiæ signis auolarunt. Hoc idem Leitanus Sacerdos factus, post Iosephî mortem, multis grauibus viris præsentibus iureiurando interposito publicè affirmavit. Hæc historicus: qui consequenter narrat quemadmodum corui, item & pantheræ duæ eius iussis obtemperarint, & non multis interiectis quæadmodum simiorum gregi lingua Brasílica præceperit, suorum ciuium à piscato-

catoribus occisorum funus vt prosequeretur. Quod & ab ijs cumulatè præstitum. Libro 2. extremo viperam (est autem huic colubrorum generi, veneni virus suprâ quam in Europa notum fit teterrimum) in itinere obiectam ad se venire iubet: paret illa, eamque apprehensam sedens, sibi collocat in gremio, manuque demulcens occasionem inde capit, multa de diuina potentia disputandi naturam nullam esse demonstrans quæ non hominis imperio obtemperet, nulla re diuinam legem violantis: sed creberrima extant huius Beati viri in bruta imperij monumenta, neque sanè mirum ad hominis voluntatē cum Dei voluntate coniunctissimi animantes omnes sese adtemperasse.

ORATIO. *Vide* CONTEMPLATIO. VIGILIA.

§ 1.

Ps. 146

10.

Iob 38.

42.

O Rare docent corui, de quibus psalmographus: Quidat iumen-

tis

tis escam ipsorum & pullis coruorum inuocantibuseum. Et Iob : Quis præparat coruo escam suam, quando pulli eius clamant ad Deum vagantes, eò quòd non habeant cibum?

ANNOTATIONES.

1. *Pullis.*] Meminit pullorum potius quam coruorum natu grandiorum, qui assueti sunt sibi cibum conquirere, cū pulli cito deferantur à parentibus, & insueti per se cibum quærere, vagantur crocitando quasi omni ope destituti vt dictum proximè ex Iob.

2. *Inuocantibus.*] Non quòd propriè Deū inuocent, neque quòd Deum agnoscāt, sed ideo dicuntur Deum inuocare dum crocitant quærentes cibum, quia Deus ^{Psa. 103} est qui cibum ijs desiderantibus sua prouidentia procurat, quemadmodum & alibi dicitur de catulis leonū: quærūt à Deo escam sibi : Aut ideo dicuntur pulli isti Deum inuocare secundum D. Thomā propter naturale desiderii quo ^{2. 2. q. 83. 4.} omnia suo modo desiderāt cōsequi bonitatem diuinā. Orant itaq; atque inuocāt ^{10. ad 3.} Deū impropriè cū verè orare sit solius

rationalis creaturæ proprium, ut pulchre idem diuus Thomas, est enim oratio actus rationis. Quod si suo quodam certo modo orant inuocantque Deum bruta, quod ab eo cibum mendicent corporis, quanto nobis orandum potius, ac frequentius feruidiusque, quibus à diuina munificentia nō cibus corporis modò, verum etiam animi, qui quidem varius est, & multiplex suggeritur? Est enim cibus gratiæ, sacramentorum atque in ijs Eucharistiæ potissimum, quæ cibi & potionis specie exhibetur & sumitur: est cibus verbi Dei, vitæ etiam æternæ, de quo in Euangelio: Beatus qui manducabit panem in regno Dei: *Luc. 22.* Et, Ego dispono vobis sicut disposuit *29. 30.* mihi pater meus, ut edatis & bibatis super mensam meam in regno meo.

OSTENTATIO.

§ 1.

*lib. 10.
cap. 36.*

Eius fugam periculumque doceat columba: de qua ista Plinius, columbis

bis inest quidam & gloriæ intellectus: Nosse credas suos colores varietatemque dispositam, quin etiam ex volatu quæritur plaudere in cælo varièque sulcare. I. Qua in ostentatione ut victæ præbentur accipitri, implicatis strepitu pennis qui non nisi ipsis alarum humeris eliditur, alioquin soluto volatu in multum velociores. Speculatur occultus fronde latro (accipiter) & gaudentem in ipsa gloria rapit.

ANNOTATIONES.

I. *Qua in ostentatione.*] Eadem ostē- 4. Reg.
tatione regiarum opum captus est Eze- 20. 15.
chias rex, quarum & iactura peccatum istud expiauit. Nota est Pharisei virtutum suarum ostentatio, qui & Publicano, Dei Iudicio postpositus est, & non adeptâ iustitiâ, sed potius peccatis grauior recepit sese in domū suā.

Porro columbæ isti quæ colorum suorum varietate & decore se ostentat, atque gloriatur, similis est, qui vestiū splendore inanem captat hominū gloriam, seque ijs ostentat, contra quam præscribit Ecclesiasticus, cuius ista est cap. 11. 4

præceptio . In vestitu ne glorieris unquam : Quin & istâ columbâ multo est is deterior atque vanitatis amâtor, cum illa plumis suis, hic alienis se ostentat, nihil enim habet proprium, vndenamque ei panni serici nisi à bōbycibus; vnde verò lanei nisi ab ouibus? Nonne purpuræ liquorem illum tanti pretij, quo lanam inficit, emendicat à pisce eiusdem nominis? Vt & margaritas à conchis marinis? Sed quis ei lapides pretiosos gemmasque, quis ei aurum argentumue, quibus se ornare nititur, nisi terra suppeditat? Quòd si creatura quælibet iure suo vtens, quæ sua essent repeteret, quid demum misero relinqueretur ascititio tantùm & mutuato cultu scenici regis instar exornato? Hic sanè si vspiam valet illud,

Horat.
epist. 3.
lib. 1.

*Quod si fortè suas repetitum venerit
olim*

*Grex auium plumas, moneat cornicula
risum*

Furtiuus nudata coloribus.

OTIVM

§ 1.



IDE verbo Labor, & quem-
admodum otiosi castigandi, vi-
de ibidem, & verbo Pigritia.

PARENTES. *Vide* FILII. ACCEP-
TIO § 2. EDUCATIO.

Amorem quo oporteat parentes filios
suos complecti docebunt primum
animalia terrestria, tum volatilia,
demum quæ in aquis degunt.

§ 1.



LEPHANTES fœminæ in ca-
tulis suis tuendis constantissi-
mæ sunt, priusque vitam
perdunt si vrgeant venatores,
quàm vt eos deferant, quos & cum
flumen est traijciendum dentium siue
cornuum eminentia deferunt. Neque
verò leones minus, quam elephantum ca-
tulos suos diligunt: scribit Eudemus
apud Aelianum, Vrsam Leone tam *lib. 3.*
mare quam fœmina absentibus eorum *cap. 21.*

lustrum ingressam, catulos interemisse, atque vbi parentes ex venatione reuertissent, iusto dolore pressos, vrsam insectos esse, hanc verò in arborem ijs declinandis conscendisse, leenam autem, continenter, cum eò ascendere non posset, ad pedem arboris insidias molientem excubasse, Leone interim in montibus errante dum lignarium fabrum arborem cædentem offenderet, cuius è manibus dum præ timore securim excidisse aduertisset, ad illum propriùs accessit, blandèque ac suauiter amplexatus, linguâ etiam blandiente faciem ei absterxit. Vnde ille animum resumere cœpit, cumque non intelligeret sibi securim è terra tollendam (cû tamen eius rei manifestam ei daret leo significationem, pede suo idemtidem eam commonstans) eam ipsam leo ore comprehensam ei præbuit, illumque ad lustrum suum vbi necati iacebant catuli perduxit, quò etiam accurrit leena, quem & ad truncum arboris, cui insidebat vrsa deduxit, & qua ratione potuit, vt sursum oculos tolleret, vrsamque

que suspiceret impulit. Vnde is coniectura assecutus vrsam huiusce cædis catulorum causam existere, omnes nervos ad excidendam arborem contendit, quam cum eurtisset, vrsam præcipitem in terram delapsam leo cum leæna distraxerunt: hominemque illæsum leo reduxit ad eum locum ubi prius ei cum securi occurrerat.

Vrsæ in fœtus amor ex hisce perspicuus euadet. Eos quidem edit ipsa imperfectos, & tanquam informem carnis massam, quam tamen non despicit, neque ab ea abhorret, verum eam sinu suo complexam gremioque fotâ, lingua lambit atque paulatim effingit, & sensim in conformationem quandâ sic effingit, ut aspicienti, iam catulus vrsæ esse videatur. Eadem vrsæ si à venatoribus vrgetur, eatenus suos quoad potest catulos propellit, cum autem eos intelligit lassitudine deficere, atque esse vicinos ut comprehendantur, tum alterum dorso, alterum ore gestans in arborem ascendit, ubi tum se, tum suos ab insidiatoribus in tuto collocat. Ne-

lib. 8.
cap. 18

que aliàs 4 sœuit magis, quàm raptis catulis, pro quibus ei præcipua pugna. De Tygride ista Plinius: Totus eius fœtus qui semper numerosus est ab insidiente rapitur equo quam maximè pernici. At vbi vacuum cubile repetit fœta (maribus enim cura non est sobolis) fertur præceps odore vestigans. Raptor appropinquante fremitu, abiicit vnum ex catulis. Tollit illa morfu, & pondere etiam ocyor acta remeat, iterumque consequitur, & subinde, donec in nauem regresso, irrita feritas

In Hexæ
lib. 6.
cap. 4.

sœuit in littore. Ambrosius aliam venatoris technam esse ait: vbi se, inquit, venator summa velocitate insequenti tygridi contiguum viderit, sphæram ex vitro proijcit. At illa imagine sui in vitro conspicata luditur, & sobolem putat, reuocat impetum, colligere fœtum desiderans. Rursus inani specie detenta, totis se ad comprehendendum equitem viribus fundit, & iracundiæ stimulo velocior, fugienti imminet. Ille iterum alterius sphæræ vitreæ obiectu sequentem retardat, nec tamen seduli-

dulcitatem matris memoria fraudis excludit; cassam versat imaginē, & quasi lactatura fœtum residet, sic pietatis suæ studio decepta & vindictam amittit & prolē. Equarum in pullos suos mirus est amor, cuius non ignarus Darius iunior, cum ei in prælio quod ad Issum cōmissum est fugiendū esset, in equam quam sibi ante pugnam relicto domi eius pullo præpararat, ascendit, quæ quod relicti pulli recordata esset, quanta potuit celeritate maxima, eum ex periculis eripuit, seseque pullo suo reddidit.

Asinis fœminis partus charitas summa, inquit Plinius, ⁶ per ignes ad fœtus tendunt, lib. 8.
cap. 43.

ANNOTATIONES.

1. *Vitam perdunt.*] Quid hic agant dixit illæ matres, quæ fœtus suos ut occulant, vel conclusos adhuc utero materno, vel iam in lucem editos enecant: quam impietatem, utinam tantum in historijs legeremus, & non ipsi oculis intueremur.

2. *Iusto dolore.*] Quot sunt parêtes qui filiorum mortē non dolent, quin & de ea lætan-

lætantur, si numerosi sint, quod in pauciores diuidendæ eorum facultates. Tales certè indolentiâ istâ testantur perspicuè se non prolis amore atq; vt cœlum compleant generationi vacare, sed solius causa voluptatis tanquam equus & mulus quibus non est intellectus. Verùm plures etiam sunt, qui mortem prolium spirituales nihil curant, neque eâ commouentur magis, quàm si ad eos nihil attineret, cùm tamen nihil grauius aut calamitosius ijs accidere possit, eiusque frequenter reddituri sint Deo rationem parentes ipsi, quod ea mors à praua eorum, dum minores nati essent, educatione proficiscatur. Expendant mihi Scythæ isti, veriùs quam parentes, qualibus quantisque deflerit lacrymis filij sui Absalon mortem Dauid, non tam corporis quidem, quàm animi, quem lethali peccato saucium, sibi que parenti bellum inferentem occidisse cognorat.

3. *Non despicit.*] Discant ab ea progenitores, ex se natos non despicere, non deserere, licet imperfectos, man-

cos, deformes, gibbosos, claudos, aut alio seu corporis seu animi vitio insignes, qualicumque enim ijs seu corpore sint seu animo, semper filij sunt. Caveant item eos, qui minùs mundo, mūdique negotijs consuetudinique apti sūt, à se abdicatos tanquā sibi inutiles, monasterio non tam tradere, quàm in illud ferè renitentes trudere, ijs interim retētis atque matrimonio traditis, quos natura præclaris cum animi tum corporis dotibus instruxit. Quod si faciunt, intelligant se in maledictionem illā incurrere, quæ Malachiæ ore à Deo prolata vehementer est ijs, si quidem sapiunt, extimescenda. Maledictus do-

Mala. i.

losus qui habet in grege suo masculum, 149
& votum faciens immolat debile Domino, quia rex magnus ego dicit Dominus exercituum, & nomen meum horribile in gentibus. Verùm si maledictus qui immolat debile Domino, cuius erit reus maledicti qui ea impietate non contentus, etiam quod forte est, quod pingue, quodque validum immolat dæmoni? In quem valet sanè illud

Psa. 105. illud de psalmis. Immolauerunt filios
37. suos, & filias suas dæmonijs? Num-
 quid nō sunt libidines, comestationes,
 impudicitia, iræ, rixæ, cæteraque vi-
 tiorum monstra, dæmonia; quin & mul-
 to dæmonijs deteriora, quibus malint
 tamen parentes, illos qui in liberis suis
 præstant cæteris, quam Deo ipsi intra
 religionis muros deseruire?

2. Reg. *4. Saui magis &c.* Quod & sibi à
17. 8. sacris litteris autoritatem vindicat. Tu
 nosti (inquit Chusai ad Absalon) pa-
 trem tuum & viros qui cum eo sunt es-
 se fortissimos & amaro animo, velut si
 vrsa raptis catulis in saltu sæuiat. Et
osee 13. Deus per Oseam: occurram eis quasi
8. vrsa raptis catulis: Qua quidem simili-
 tudine, vindictæ futuræ indicat atroci-
 tatem, cum inter feras omnes, nihil es-
 se vrsa sæuius cum perdidit catulos, aut
 fame premitur, tradunt qui de bestiarū
 scripsere naturis, inquit hîc Hierony-
 mus, quibus cōcinit item illud Sapien-
Prou. 17 tis: Expedit magis vrsæ occurrere rap-
12. tis foetibus, quā fatuo confidenti sibi in
 stultitia sua. Quam autem sæuiat in eos
 qui

qui catulos, ei auferre moliuntur. vide nuperam historiam apud P. Richomū.

5. *Iterumque cōsequitur.*] Est enim, inquit Plinius, Tygris velocitatis tremédæ & maximè cognitæ dū capitur.

In Valedictione anime deuote colloquio 12.

6. *Per ignes.*] De hoc brutorū amore in fœtus suos hæc vniuersè Ambrosius:

Quæ fera pro catulis suis nō ipsa potissimū se offerat morti? Quæ fera fœtus suos innumeris licet obfessa cuneis armatorū, non suis visceribus tegat? Ingruat licet telorū seges, illa tamē paruulos suos muro sui corporis septos, immunes præstat periculi. Quid dicit homo qui mandatū negligit (quo iubetur patres filios amare, neq; eos ad iracundiā prouocare) naturā obliterat: dū naturali propensione qua quisq; opus amat suum, nō obsecundat, pater abdicat filiū &c.

Eadem pene ante Ambrosium Basilius.

Ephes. 6. 2.

Qui ait nihil noui afferre Paulum, quando vetat patres ad iracundiā prouocare filios, sed naturæ vincula vincere magis, insuperque præstringere, cum ad id naturæ lege vinculoq; multo ante teneātur: quod perfringūt illi violentq; qui

Hom. 9. in Hexa.

qui ob secundarum nuptiarum societatem priorum obliuiscuntur filiorum.

§ 2.

Cornicis amor in pullos celebratur, eo quod volantes non deserit, sed comitatur & sollicitè, ne teneri fortè deficient, cibum suggerit, ac plurimo tempore eos e-nutrit.

ANNOTATIONES.

1. *Cibum suggerit.*] Cum fœminæ nostræ si sunt quidem ditiores, lactare filios fastidiunt, atque alijs committunt: si verò sunt tenuiores, abijciunt paruulos & exponunt, & deprehensos abnegât. Quod quidem Thebanis mulieribus capitis supplicio vetitum erat. Thebanorum enim hæc lex sanctissimè posita erat, vt qui in extrema necessitate constitutus esset parens, infantem seu marem seu fœminam, statim à materno partu ad magistratum cum fascijs deferret, qui acceptum alicui tradebat leui precio, cum quo pactum & conditiones intercedebant vt infantē aleret, & adultum serui vel seruæ loco habe-

haberet, sic vt alimentum & educatio seruitute compensarentur. Quid autem de illis dixerim quæ aut paupertatem causantes, aut ne per plura capita facultates diuidâtur, in vtero fœtus suos etiam anima præditos extinguunt. Quæ vnquam fera tam in pignora sua sæua fuit, vt epotis herbarum succis ea in ipsa aluo necaret, quod faciunt matres nostræ? Nimirum fœmina nihil immanius, nihil sæuius vbi rectæ rationis deserta semita, sese libidinibus suis regendam moderandamque tradiderit.

§ 3.

Ciconiæ pullos suos qui per ætatem nondum euolare queunt è nido, sibi que cibum prouidere, sollicitè admodum nutriunt, & quod mirandum est, cum aliunde ijs alendis cibum nancisci nequeunt, escas quas prius ederant, euomunt, atque in educandos fœtus conuertunt; sunt præterea ijs ad volandum imperitis duces & magistræ. Quod idem de Ardeis & Pelicanis traditur.

Ludou.
Guic-
ciardin.
in Bel-
gio.

1. *Præterea &c.*] Præter ista amoris
signa addendum est & aliud quod ista
omnia anteit. Cū anno Domini 1536.
3. Maij Delphis in Holādia ortum esset
incendium, quo tota conflagrauit ci-
uitas, in qua vt loco ciconijs ad cibum
admodum apto, sibi plurimæ earum ni-
dos construxerant, vidisses ciconias
parentes vbi primum sensissent ignem,
ad vsque nidos quibus iacebant earum
paruuli, serpere paulatim, conatuque
omni atque industria in eorum salutē
incumbere: sed cum ijs ipsis quod iam
natu grandiores, eaque re grauiores es-
sent, opem ferre non possent, neque a-
lio transferre, sibi cum illis vnà com-
moriendum duxerunt, quare postquā
super eos quamdiu licuisset, alas suas
expandissent, atque aliquantisper à flā-
mis vindicassent, tandem igne correp-
tæ, maluere mortis societate cum pul-
lis suis coniungi, quam sine ijs vitam
acerbam ducere. Equidem existimo tā
esse admirandum factum istud vt supra
omnem admirationem existat. Quis
enim

enim dignè admirari possit tantam in tam diro cruciatu patientiam? Quodnam existit animal in omnibus tam forti tamque generoso animo, quod non ad vnus prunæ tactum mox quam citissimè resiliat? Sed quod adeò impavidum vt accensam non expauescat flammam? Leo animantium cæterarum rex, animosus licet ferociaque exultans, atque indomitus, igne viso præ timore exanimatur. At ciconia ignem non pertimescit, audacter ad eum accedit, eius intolerabilem vim atque acerbissimum quem infert cruciatum in membra singula patientiâ summâ sustinet, atque liberorum incolumitati consulens, priùs quàm suæ mortis genere omnium atrocissimo conficitur: tanta in eo charitas, tātus amor, tanta maternæ pietatis in filios vis elucescit. Discant hinc parentes nisi planè plūbei sunt, si nō flāmas, at graua saltē aliqua seu corpore, seu animo, filiorum amore perpeti: discant, inquam, eorum saluti posthabere omnia, sibi que etiā in rebus necessarijs incommodare

(quid autem magis vita necessarium, cuius tamen nullam rationem habuere ciconiæ?) dum liberorum salutem quæ animo continetur, integram tueantur. Vide autem verbo Charitas de ijs qui amoris ergo, vnà commortui sunt.

§ 4.

INter cæteras animantes omnes, Aquilarum maximus in pullos est amor, quæ in excelsis atque inaccessis locis nidos collocant, ne colubri fœtus suos violent: Acriterque venatores persequuntur, quos in nidos inuasisse conspexerint, neque inultos dimittunt, alis atque vnguibus eos lacerantes. Eisdem pullos imponunt¹ super alas suas, adeoque sublimè vehunt, ut nullum ad eas possit telum penetrare. Inter Aquilarum species vna est halixætus dicta clarissima oculorum acie, quæ viso in mari pisce aut in flumine, præcepis in eum ruit, & discussis pectore aquis, rapit, atque² ad pullos suos defert.

ANNOTATIONES.

1. *Super alas.*] Cum volucres cæteræ pul-

pullos suos transferant vnguibus ac pedibus, eò quòd ait R. Salomon, timeat *In Exod*
sibi ab auibus, quæ supra se volitant. *cap. 19.*
Verùm cùm aquila non nisi ab homine
sibi timeat, ne fortè aut ipsa, aut eius
pulli iaculo petâtur (nulla enim volu-
cris alius volat ipsa, vt ei nocere queat)
ideo eos in alis suis collocat, satius esse
iudicans se quam pullos peti iaculo.
Atque huic volucris quoad istam pullo-
rum protectionem se cõfert Dominus:
vos ipsi vidistis (inquit ipse ad Iudæos, *Exod.*
recens ex AEgyptiaca seruitute libera. *19. 4.*
tos) quæ fecerim AEgyptijs, quomo-
do portauerim vos super alas aquilarũ;
& assumpserim mihi. Quasi dicat:
quemadmodum Aquila tela excipit
hostium, pullis in tuto collocatis: ita
& ego me vobiscum habui: iuxta il-
lud capitis 14. 19. Tollensque se Ange-
lus Domini qui præcedebat castra Is-
rael, abiit post eos, & cum eo pariter
columna nubis priora dimittens, post
tergum stetit inter castra AEgyptio-
rum & castra Israel. Cùmque AEgyp-
tij mitterent lapides & iacula, ipsa nu-

bes in qua delitescibat Angelus, ea excipiebat. His porrò Aquilarum in pullos amoris signis docentur parentes, liberos adedò securo constituere loco; vt ad eos dæmonis ignita tela pertinere non possint, ita saltem vt noceant. Tum non dimittere impunitos eos, qui ijs insidias moliuntur, animæque vitam eripere contendunt. Tertidò se quasi clypeum pro illis opponere, excipereque malle in suo corpore aduersa fortunæ tela, cæteraque vitæ incommoda, paupertatis, ignominia, inuæletudinis, quam vt ijs petantur ipsi, quibus vt minus in virtutibus exercitati conficerentur & succumberent.

Atque hic meminisse eos oportet Arsinoes, quæ à Ptolemeo fratre à quo ad nuptias & regnum deposcebatur decepta, cum percussores in duos filios impuberes ab eo immisos conspicata esset, eos ipsa complexa ad se fugientes, ea parte qua vulnera filiis intendebantur diu corpus suum cadendum obiecerit, quorum tamen saluti licet

licet multis vulneribus saucia prospicere non potuit, sunt enim in matris sinu inter ipsa oscula crudelissimè trucidati. Quod si tam dira passa est ista quamquam à Dei cognitione aliena, idque pro liberorum tuenda vita mortali atque caduca: quid eos genitores qui Christiani sunt, fideique lumine illustrati par est præstare, ut natorum vitam æternam atque immortalem saluam præstent, eosque ab æternis inferorum supplicijs vindicent?

2. *Ad pullos defert.*] Occasione istarū Aquilarum dabo quod à Societatis nostræ viro fide digno oculato teste audiui. Est in Lusitania vicus quem vernacula lingua Pedroso vocant non procul à flumine Durio. In vico isto solita est Aquila halæetus dicta annis singulis oua ponere, excludere, atq; pullos educare in nido illi in eū finem præparato, ad quos è vicino flumine pisces raptos in alimentū defert, quam eius in pullos pietatem qui ei nidum construxit ad priuatos vsus commodaque sua sic conuertit. Vbi auolauit Aquila,

GG 3

quos

quos ipsa pisces paruulis prouiderat, eis subtrahit, ipsa verò rediens aduertensque deesse suis alimentum, alios atque alios subinde suggerit, quos & ille sibi iterum sumit, quod facit toties donec familiæ suæ bene amplæ in eos dies quibus carnibus Christiano more vesci non licet, sufficiant, priusque desinit ille subtrahere quam Aquila nouam semper iterum atque iterum escâ suis suppeditare. Accidit autem ut nobilis quidam cum aduertisset tantum commodi adferre Domino suo Aquilam istam, eam ad ædes suas, tum cōmodi nidi constructione, tum certis illecebris attrahere conatus sit, & verò attraxerit, vicinumque suum eo questu fraudarit: qui iniuriam non passus, eum in ius vocauit. Dicta à iudice sententia est, nidum ut destrueret, alium nē edificaret, neque ad eam volucrem captandam illicitis ullis vteretur. Quibus ab eo præstitis redijt illa ad pristinum locum, solitumque nidi constructi pretium Domino suo persoluit. Obserua hic lector præter insignē alitis istius

in pullos amorem, quàm varijs modis
 prouideat diuina liberalitas homini-
 bus cibum, atque ijs potissimum qui
 Dei amore bonis omnibus suis se spō-
 te abdicarunt (ad religiosam enim fa-
 miliam pertinet locus ille vbi nidificat
 halizætus) cum per volucres etiam a-
 liud planè agentes, & in aliud intuen-
 tes eis prospiciat, efficiatque vt quod
 pullis suis sese deferre existimant, id in
 vsus hominum cedat, atque renouet
 quodammodo priscum illud miraculū
 quo corui ministerio pavit Prophetam,
 efficiatque etiam modò vt de comeden-
 te exeat cibus: Quid enim Aquila ra- *Indic.*
 paciùs, quid furaciùs, quid ea auidiùs *14. 14.*
 prædæ inhians? Quam bonum igitur
 eius sese obsequio mancipare qui suis
 deest nunquam. Quam bonum iactare
 te in eo cogitatum tuum curamque tuā
 omnem, qui quibuscumque tandem
 rationibus id futurum sit, (quas quidē
 infinitas habet, alias alijs præstantio-
 res) ne dubita ipse te enutriet. Quæ
 sanè causa fuit cur tam audenter quam
 verè pronuntiatum sit à Dauide: Nun- *P/a. 36.*
 quam *25.*

quam vidisse se iustum derelictum, nec
fement eius quærens panem. Quemad-
modum porrò alterius Aquilæ ministe-
rio, pisce pauerit Deus sanctum Cuth-
bertum Pansarniensem Episcopum, vi-
de venerabilem Bedam in vita eiusdē.

§ 5.

*Ælian.
lib. 14
cap. 13.
ex ac-
cessione
Gillij.
Orus l.
1. Nie-
vogly.*

Vulturis tantus est amor in pul-
los, & sic in alendam prolem
incumbit, vt si quando nu-
triendi facultas desit, ne fame pulli pe-
reant, 1 femori suo vulnus infligit, &
manantem sanguinem eis ipsis exorbē-
dum dat. Pelicanus pro pullis 2 igni
se obijcit. Si quando accidat vt Vul-
panser simul cum filiis in venatores in-
cidat, simul atque conspecti sunt illi,
pater materque sponte occurrunt, se-
que ipsos venatoribus capiendos dant,
vt ita eos à filiis aliò auertant. Gallus
prolis amore vbi Gallina extincta est,
ipse ouis 3 incubat, atque ex ijs pullos
excludit. 4 Perdices non vni loco oua
committunt sua, sed commigrantes ea
aliò asportant, vehementer enim ti-
ment nè quando deprehendantur, si eo-
dem

dē in loco cōmorentur diutiùs. Itaque alio atq; alio loco nidificantes, rursus pullos suos, ed licet tenellos inuehūt fouētque, & suis alis tepesaciūt, pēnisque tāquam fasciolis quibusdam inuoluūt.

ANNOTATIONES.

2. *Femori &c.*] Quod non fit à parentibus communiter, id luculenter factum ab omnium communi parente Christo Domino, qui non ex femore tantum, verùm ex vniuerso corpore manantem sanguinem, filijs suis bibendum propinauit. Quam quidem incomparabilem prorsus eius miserationem cum maiores nostri indicare vellent, hanc volucrem in sacrosanctæ crucis apice, ea femorum vellicatione, spectandam erexerunt. Atque hunc saltem si bruta pigeat imitari, parentes imitentur, idque efficiant, vt nihil eorum, quæ spirituali liberorum saluticōducant, ijs desit, quamquam ad id esset ijs è venis sanguis, magno etiam dolore cruciatuque fundendus.

2. *Igni.*] Vide supra §. 3. in Annotatione, numero 1.

3. *Incu-*

3. *Incubat.*] Quod ubi facit, observatum est eum non canere, quod sibi conscius sit se parum virile munus obire, sed hoc ipsum amoris in pullos argumentum est illustrius, quod eorum causa etiam se indigna obeat munera, quemadmodum si parens extincta matre, matrem se filijs exhibeat, cuius quidem generis parentes paucos videmus.

4. *Perdices.*] Aliud quoddam earum in pullos charitatis testimonium habes verbo Educatio.

§ 6.

EXimius est Gallinæ in pullos amor, quos 1 congregat sub alas, pro quibus cōtra miluum, 2 cōtra canes, contra homines etiam depugnat, quibuscum 3 infirmis & ipsa infirmatur, quibus annonam, terram scalpendo procurat, quàm ubi primum nata est 4 eos aduocat, ad idque certo vocis utitur sono, distincto ab eo quem adhibet quando eos sub alas suas congregat, atque item ab eo, quo sibi à miluo ut caueant, ijs enuntiat. Illud etiam

etiam non paruum est gallinæ in pullos amoris signum, quod cibo qui tum sibi tum pullis suggeritur, acriter prohibeat pullos alienos, ne suis non sufficiat.

ANNOTATIONES.

1. *Congregat.*] Ob hanc gallinæ in suos charitatem sese Christus gallinæ comparat: Quoties (inquit ad Hierusalem) volui cōgregare filios tuos, quē- Mat. 23. 27.
admodum gallina cōgregat pullos suos sub alas, & noluisti?

2. *Contra canes &c.*] Observatione dignum est gallinam si pullis careat, agaturque de solo eius discrimine, insequentem se fugit canem: quod si illa eadem, mater sit, pullosque habeat se insequentes, pro virili ei se opponit, quāquam longè eo infirmior, non tam sibi quam eorum incolumitati prospiciens.

3. *Infirmis infirmatur.*] Quo vel solo mater agnoscitur, ceteras volucres, ut hirundines, columbas, ciconias, nisi quando in nidis videmus, matres esse non agnoscimus. Gallina verò Tract. 15. in Ioan.
(verba sunt Augustini) sic infirmatur
in

in pullis suis, vt etiam si ipsi pulli non sequantur, filios non videas, matrem tamen intelligas. In quo sita sit infirmitas ista gallinæ idem sic explicat. Raucescit eius vox, totum corpus fit hispidum, demittuntur alæ, laxantur plumæ, & vides circa pullos quid ægrotum, & ea est materna charitas, quæ inuenitur infirmitas: Atque ea maximè (vt pergit explicare August.) sese Christus gallinæ similem dixit, quod congregarit omnes gentes tanquã gallina pullos, quod infirmatus est propter nos accipiens carnem à nobis, id est à genere humano, crucifixus, contēptus, alapis cæsus, flagellatus, ligno suspēsus, lanceâ vulneratus, quod maternæ infirmitatis fuit, non amissæ maiestatis: Parentum autem est (vt ad eos se referat oratio) cum liberis infirmis pariter infirmari; Si enim veri Christiani vox est illa Pauli: Quis infirmatur & ego non infirmor? Quanto eos oportet magis ijs cōpati atque miseratione in eos affici; quos ipsi genuerunt? Non sint ergo duriores aut difficiliore

erga

erga natos quamquā infirmitate aliqua aut animi perturbatione peccando infirmiores facti sint, ijs compatiantur, eos animent, commonefaciant in spiritu lenitatis, non timoris & indignationis; vera enim iustitia, teste Gregorio, compassionem habet, falsa indignationem. Denique, ut verbo dicam, se cum infirmis infirmos exhibeant, non quidem eorum fouendo cupiditates & libidines, sed ijs quā monitis, quā cohortationibus commiseratione plenis, quā affectu pietatis, occurrendo.

4. *Eos aduocat.*] Qua re, multis matribus neglecta piæ matris officia præstat, cuius est morsum sibi ex ore deductum filiorum necessitati suggerere, Christi Domini exemplo, qui esuriit, ut saturaremur, quique egens esse voluit, ut illius inopiâ nos quamquam filij tantum adoptati diuites essemus.

§ 7.

H Irundinum ac passerū matres, quando earū pulli de nido volare primū cœperint, cū strepitu

pitu circum eos circumuolant, neque
 facile deferunt, donec tutò valere
 possunt, vocibusque pijs testantur pe-
 ricula filiorum. Eadem rostro in eorū
 prædatores acriter depugnant. Eadem
 denique ablatos pullos aut alia ratione
 perditos summa diligentia conquirunt,
 quos ubi sunt nacti, ijs licet cauea con-
 clusis cibum deferunt, quæ omnia in
 oculis nostris cum sint quotidie, mirū
 est quomodo ad ea non attendamus.

ANNOTATIONES.

1. *Facile deferunt.*] Neque parentibus
 liberi deferendi, neque sibi ipsis relin-
 quendi, aut temerè permittendi sine
 teste abire longiùs. Imitentur parentes
 maternam quam S. Monica Augustini
 mater aduersus eum sollicitudinem ex-
 hibuit, quem etiam ex Africa Romam,
 quin & Mediolanum vsque secuta est,
 neque illum deferuit vnquam, donec
 prius salute eius in tuto collocata vita
 eam defecit. Atque filias maximè sibi
 parentes custodiendas existiment, quas
 matrum lateri semper adhærescere o-
 portet, ne quando polluantur in virgi-
 nitate

nitate sua, & in paternis suis grauidæ *Eccles.*
inueniantur. Super filiam luxuriosam *42. 10.*
(& inuerecundam atque impudētem)
confirma custodiam (inquit Salomon) *Eccles.*
ne quando faciat te in opprobrium ve- *42. 11.*
nire inimicis, à detractiōe in ciuitate
& obiectione plebis, & confundat te
in multitudine populi. Neque verò
quamlibet custodiam adhibendā præ-
scribit sapiens, sed firmam, fortem at-
que validam, fortibusque vectibus mu-
nitam ne laxa eundi, quo velit, licen-
tia, per suam impudentiam & forni-
cationem, probro patrem afficiat apud
inimicos, propter detractiōem & ob-
loquium, quod est in ciuitate de filia,
cuius incontinentia in eius ignominiā
redundat: cui quidem salutarī admo-
dum præceptioni quēadmodum obse-
quantur parentes ij, qui omnem quò
filiabus lubeat euagandi libertatem,
noctūque etiam choreas summo casti-
monix discrimine frequentandi indul-
gent, sanè non video: hoc quidem vi-
deo vnde id manet incommodi, vt quas
sponso virgines se tradere putent, pau-
lò

lo post venter tumidus, antè matrimonium corruptas, defloratasque, palàm magno parentum virique probro doloreque edicat.

§ 8.

Canicula Marina, simul atque peperit paruulos suos ilicò secum per mare ducit: si quis verò eorum timeat, ¹ingreditur rursus in ventrem matris; vbi timor abierit, is prodit tanquam rursus editus. Quod quidem stupendum sanè atque inauditum maternæ pietatis officium toties ijs exhibetur, quoties aliquid insidiarum terrorisque præsenferint matres circa eos quemquam moliri. Quod idè fieri à mustela ³vulpe marina, Glauco alijsque nonnullis à fide dignis ⁴authoribus traditum est.

ANNOTATIONES.

1. *Peperit.*] Piscium enim alij oua generant solùm, quæ postea aquæ tanquam blandæ matris gremio fota, in pisces transeunt: alij viuos pariunt fœtus, atque formatos.

2. *Ingreditur rursus &c.*] Non se cōtinet

tinet hîc Ambrosius quin stuporis plen- *lib. 5.
Hexam.
cap. 3.*
 nus ita exclamet; Qui humanus affe-
 ctus hâc piscium pietatem possit imita-
 ri? oscula nobis satietati sunt, illis non
 satis est aperire viscera, natosque reci-
 pere ac reuocare integros, atque iterum
 fotu quodam eos sui caloris animare, &
 spiritu alere, duosque in corpore vno
 viuere, donec aut securitatem deferât,
 aut corpore suo obiecto, natos suis de-
 fendant periculis: Quis hâc videns &
 si possit obtinere, non tantæ piscium
 cedat pietati? Quis non miretur & stu-
 peat? Hæc Ambrosius.

Augeatur autem admiratio necesse
 est, si quis ad earum matrum impieta-
 tem attendat, quæ vrgente fame par-
 tus proprios comederunt, quarumque
 viscera liberorum sepulchrum facta
 sunt, cum piscibus sit parentis vterus,
 quoties ijs lubeat, vitæ salutis atque
 incolumitatis domicilium, ac tutissi-
 mum aduersus omnia vitæ pericula a-
 sylum.

3. *Vulpe marina.*] Afferit Rôndeletius
 vidisse se ex ijs vnam exenterari in ocu-

lis suis, atque in eius visceribus paruul-
los viuos & incolumes, quos in metu
(ita enim loquitur) intro receptos à pa-
rente dubitandum non est.

*lib. 2. c.
§ 5. hom.
in Hexa*

4. *Authoribus.*] AEliano, Basilio,
Ambrosio, atque alijs.

§ 9.

DElphini gestant i foetus in in-
fantia infirmos, quin & adul-
tos diu comitantur magna er-
ga partum charitate: quam & illustrio-
rem adhuc faciunt eo quod sequitur.

lib. 1.

cap. 18.

Narrat AElianus delphinum foeminā
vbi foetum suum ipsa, iam tridente aut
spiculo à piscatore vulneratum, atque
ad nauim sensim subduci animaduer-
tit, solitam esse eum insequi, neque
vlllo metu eum deserere, atque vt ei
captiuo opem ferat ita prope accedere,
vt facillimum eam sit simul cum foetu
intercipere, itaque vnā cum illo, pis-
cantibus sit praeda; quod si ambo ei ad-
sint catuli, intelligatque alterum iam
captiuum abduci, eum qui adhuc su-
perest, caudæ verberatione persequi-
tur, ac mordicus premens ablegat, at-
que

que aspirationem quandam mittit tanquam tesseram, ut fuga salutis suae consulat, cuius admonitu fugit ille, ipsa verò remanet ut capiatur, & vnàque cū altero filio moriatur.

ANNOTATIONES.

1. *Fætus.*] Quos ex sese geminos parere solent, quos & nutriunt vberibus sicut balena.

2. *Vnà moriatur.*] Matres autem nostræ ut filiorum interitu doleant quidē, ijs tamen extinctis supersunt, neque eorum casu, more delphinorum pereunt, sed tempore sensim tristitiam omnem mitigante, dolor omnis eiusque sensus euanescit. De simul autem commorientibus vide verbo Charitas.

§ 10.

Quemadmodum parentibus castigandi sunt liberi vbi deliquerint doceat Aspis, de qua ita Plinius ex philarco: Ea cum ad me- lib. 10.
sam cuiusdam veniens in Aegypto a- cap. 34.
leretur assidue, enixa est catulos, quorū ab vno est hospitis filius interemptus; Illa ad consuetudinem cibi reuer-

sa intellexit culpam, & necem intulit
catulo, nec postea in testū id reuersa est.

ANNOTATIONES.

1. *Necem intulit.*] Hinc etiam patet
brutorum gratitudo, ideo enim necem
intulit, quod se minus gratum exhi-
bisset fœtus auferendâ vitâ tam in se
munifici hospitis filio. Porro mirum
est bruta, quibus natura tam vehemen-
tem aduersus fœtus suos impressit cha-
ritatem, ab ijs tamen pœnas exigere
vbi deliquerint: quare docentur paren-
tes quamquam liberos suos multum di-
ligant, non conniuere tamen, neque
eorum errata dissimulare, memores il-
lius Salomonis: Virga atque correptio
tribuit sapientiam, puer autem qui di-
mittitur voluntati suæ confundit ma-
trem suam. Neque verò existiment se
illos si puniant, minus amare, cum cō-
trâ sit. Qui enim diligit filium suum,
affiduat illi flagella, vt lætetur in no-
uissimo suo, & non palpet proximorū
ostia. Et quis filius quem non corripit
pater? neque vlla re possint parentes
testari apertius se in liberos suos minus
esse

Prou.

29. 15.

Ecc. 30.

Hebr. 12.

7.

esse propenso animo, quin & se eos odisse, quàm impunitate: Qui enim par-^{Pres}cit virgæ odit filium suum, qui autem ^{13. 24.}diligit illum, instanter erudit. Atque odit quidem nō quod affectu eum odio prosequatur, sed factō & re ipsa, cum nimia ista indulgentia, omīssaque castigatio in perniciem vergat liberorū. Qui autem verè eos amant, eorumque inuigilant salutē, assiduè sedulitateque maxima eos erudiunt, quod nō ad verba tantum, sed & ad verbera referri volunt interpretes, vt sic castigatio & vexatio det intellectum, & quos simplex sermo non permouit, virga disciplinæ correctioque permoueant.

PASSIONES SEV PERTVRBATIONES ANIMI, *Vide* VERBO
Mansuetudo, Mortificatio.

§ 1.

SEDANDAS esse eas ac moderandas ¹docent bruta omnia, quæ cicurantur, ²feritatemque

HH 3

mag-

magnam partem exuunt, vt leones, tygrides, vrsi, de quibus plura verbo Mansuetudo, & Clementia.

ANNOTATIONES.

Hom. 9.
in Gen.

1. *Docent bruta omnia.*] Ita Chrysostomus, qui cum suos cohortatus esset ad irracionales animi motus comprimendos, quomodo, inquit, cogitationem ferociorem compescet quis? Ad quod quæsitum ita respondet: Quid dicis homo? Leonibus imperamus, & animos eorum mansuetos facimus; & dubitas num mentis ferociam in mansuetudinem mutare possis? Accedit quod naturâ bestię feroces sunt, & præter naturam mansuetę, contra tu præter naturam ferox, naturâ autem mitis; & qui bestiis id quod à natura iis inest auferre, & quod naturæ eorū aduersum inferere potes, id quod natura tibi præstitit conseruare nō potes? En quantam hoc cōdemnationem meretur? Maximè cum rationis sis particeps, & tibi datus sit Dei timor atque alia vndequaue adminicula, quibus omnibus carere bruta perspicuum est.

Quod

Quod autem de ira, ait Chrysostomus, id proportionem quadam de cæteris animi perturbationibus accipiendum videtur.

2. *Feritatem exuunt.*] Quemadmodum id ab homine præstetur paucis ita exprimitur ab Augustino: Homini donauit Deus, vt etiam sæuas feras & capere & mansuetas facere, & eis mirabiliter imperare possit, potentiâ rationis non corporis, cùm eorum appetitus & dolores captans, paulatimque illectando, premendo, laxandoque moderans, agresti eas exuit consuetudine, & tanquam humanis moribus induit.

De Genesi ad Litterã. lib. 9. cap. 14.

PASSIO ET MORS CHRISTI.

§ 1.



D sanctissimum Christi Domini cadauer frequẽtes itare; indeque spiritualem nobis cibum meditando eius morte sumere; doceant vultures qui etiã trans maria dicuntur sentire cadauera, & ad

Matthæi
cap. 24.

escam huiusmodi cōgregari, iuxta illud
Christi Domini: ¹ Vbi cumque fuerit
corpus, illuc cōgregabūtur & ² aquilæ.

ANNOTATIONES.

¹ *Vbi cumque &c.*] De exemplo (inquit
Hieronymus) naturali quod quotidie
cernimus, Christi instruimur sacramē-
to. Si ergo irrationales volucres natura-
li sensu tantis terrarum spatijs & maris
fluctibus separatae, parū cadauer sen-
tiunt vbi iaceat: quantò magis nos, &
omnis multitudo credentiū debet festi-
nare ad eū, cuius fulgur exit ab Oriēte,
& paret vsque ad Occidentē? possumus
autē corpus, id est $\omega\lambda\delta\mu\alpha$ (quod signi-
ficatius latinè significat cadauer, ab eo
quod per mortē cadat) passionē Chri-
sti intelligere ad quā prouocamur, vt v-
bicumque in scripturis legitur, congre-
gemur, & per illam venire possimus ad
verbum Dei, vt est illud: foderunt ma-
nus meas. Et in Isaia: sicut ovis ad vi-
ctimam ducetur &c. Hæc Hieronymus.

Psal. 21.

² *Aquilæ.*] Quemadmodū per eas, vul-
tutes intelligendi sint qui & subaquilæ
dicuntur, vide verbo Magnanimitas §.
4. in Annotatione.

P A-

PATIENTIA. *Vide* ADVERSITAS.

§ 1.

EAM præstandam in contumelijs atque iniurijs docebit pardalis. Hæc cum robore præstet, non tamen eo simias aggreditur, quoniam simiæ non se illi, opponunt, at fuga, illius impetum declinantes in arbores altas ascendunt, atque illic confident: quò cum irrumperè pardalis nequeat, hæc illis molitur insidias. Ad terram se sub illa arbore abijcit, quo confluit simiarum ingens turba, atque se perbellè mortuam simulat, quod simiæ dum conspiciunt, vnam ex ipsis præmittunt quæ consideret renuntietque cæteris num sit verè mortua. Illa timidè descendens periclitatur an respiret pardalis, quæ fortissimè spiritum continens, ei animos addit, atque hæc cæteris simijs quæ ex alto rei euentum speculantur. Itaque frequentes inde descendunt, ac circum eam tanquam mortuam saltitant, super eam gradiuntur, ac varijs mo-

modis ei illudunt. Pardalis autē omnia sustinens constanter, simul ac illas saltando atque illudendo defatigatas esse intelligit, ex inopinato surgens exiliensque eas partim vnguibus lacerat, partim dentibus distrahit, atque inde sibi opimum prandium comparat. Huc etiam facit quod ex Aristotele narrat Aelianus. Apes, inquit, aliquando ad examen alienum profectas, mel inde populari cœpisse: Et quamquā quæ id confecerant apes, suo priuarentur labore, sustinuisse tamen, & futurum iniuriæ euentum, patienter expectasse, donec plurimas prædonum apiarius, qui superuenerat, interfecisset. Et cum iam se pugnx atque hostibus pares fore confiderent, progressæ vlcisci illas, & depopulationis pœnas ab eis exigere cœperunt.

lib. 5.
cap. 11.

ANNOTATIONES.

I. *Omnia sustinens.*] Cum plerique ne leue quidem verbum, asperius in se dictum ferre æquo animo valeant, sed illico cōmoueantur, iracundia æstuēt, minas adhibeant, atque ad arma vo-
cent

cent eos, à quibus se offensos putant, susque deque peruertant misceantque omnia, donec quam sibi arbitrantur irrogatam iniuriam vlti sint. Discant hi pardalis exemplo, primum iniurias non verbo tantum & oratione, verum facto item ipso inflictas moderatè ferre, tum tempus opportunum, quo eas vlcisci oporteat, operiri, quod quidem non est cum eis collibuerit, aut cum vindictæ occasionem nacti erunt, sed cum Deo visum erit, cuius est omnis vindicta, qui impios eosque qui telaserint vindicabit, in die iudicij visitabit illos. Dabit ignem & vermes in carnem eorum, ut vrantur & sentiant usque in sempiternum.

Verum dicat quispiam lubenter se Deo vindictam omnem commissurum, nisi tantas in ea inferenda moras traheret: quam enim longinqua est iudicij dies, quo ferè impiorum omnium supplicia ablegat? Dic amabo, num tu Deo ipso dignior es aut præstantior? Aut sunt grauiores, quæ tibi irrogantur iniuriæ, quàm sint eius, cuius in
 singu-

Iudi. h.

16. 20.

21.

singula momenta infiniti tum idololatræ, tum hæretici, tum schismatici, tum Turcæ, tum nomine tenus Christiani impudentiâ summâ leges violant, cuiusque nomini tam atrox gratis bellum indixerunt? Atqui filet ipse modo, diē-

Mala. que illum operitur, de quo Malachias.

cap. 4. 1 Ecce dies veniet succensa quasi caminus, & erunt omnes superbi & omnes facientes impietatem stipula, & inflammabit eos dies veniens, dicit Dominus exercituum, quæ non derelinquet eis radicem, & germen: dies, inquam, illa quando reipsa exhibebit illud Isaia: Tacui semper, filui, patiens fui, sicut parturiens loquar, dissipabo, & absorbebo simul.

Isa. 42. 14.

*De bono
patientis
in fine.*

Huius igitur aduentui (verba sunt Cypriani) plenum expectationis obsequium præbeamus. Nec defendi ante Dominum serui irreligiosâ & inuercundâ festinatione properemus.

§ 2.

Magna est camelorum : in fiti patientia quam & quatri-duo tolerant. Elephantis : ne ad

ad graues quidem verborum ictus excandescunt. Nota est ouium agnorumque patientia, quam & 3 sacræ literæ celebrant.

A N N O T A T I O N E S.

1. *In siti.*] Obseruent istud ebriosi, atque delicatuli, qui vix momento vno sitim tolerant, quos si non cameli, at Christi Domini imitatione, cuius in cruce præ nimia viscerum ariditate atque siti deficientis ea est vox: Sitio, appetitiones suas comprimere oporteret.

2. *Ne ad graues &c.*] Cum ipsi neque tot ad patiendum cohortationes, quot mortalibus, sacræ literæ suggerunt; neque amplissima patientiæ præmia, neque eius virtutis dignitatem, neque impatiētiae turpitudinem vnquam perspexerint. Quis enim vnquam Elephantorum auribus occinuit illud Salomonis: Impatiens operabitur stultitiam. Qui patiens est multâ gubernatur prudentiâ, qui autem impatiens est, exaltat stultitiam suam? Quod idem de cohortationibus, alijsque proximè allatis facile erit concionatori me-

Prov.

24. 17.

27.

mediocriter sacris literis erudito confirmare. De eodem Elephanto vide supra verbo Nobilitas numero 4.

3. *Sacra litera.*] Ita enim de Christi
 c. 53 7. Domini patientia Isaias : Non aperuit os suum, sicut ovis ad occisionem ducetur, & quasi agnus coram tondente se obmutescet, & non aperiet os suum: Quibus quidem nihil illustrius dici potuit ad insignem Christi patientiam exprimendam, siue enim ad aram seu ad macellum ducatur ovis mactanda, non reluctatur. Sic & Christus summam suam voluntate, quin & voluptate mortem appetijt; oblatus enim est, quia ipse voluit. Et quemadmodum agnus, quem crudelis tonsor non superflua tantum spoliatur lanam, verum deglubit, etiam & lacerat; silet tamen, neque sibi iniuriam aliquam inferri aut queritur aut dolet. Sic & Christus mansuetissimi instar agni, licet per summam crudelitatem non tantum vestibus, at pelle etiam nudatus sit, tacuit tamen, neque vocem ullam summis licet in cruciatibus doloris testem edidit. De eodem item
 Ioan-

Ioānes Baptista: Ecce agnus Dei ecce
 qui tollit peccata mundi. Agnus quidē
 non modò ob innocentiam & cando-
 rem, qui nullā peccati maculā foeda-
 tus, omnium maculas abluit; verū
 etiam propter insignem eius patientiā
 & mansuetudinem. Et de Apostolis *Mass.*
 Christus ipse: Ecce ego mitto vos si- ^{10.}
 cut oves in medio luporum. Quasi di- *Author.*
 cat: non humanæ naturæ beneficium *imper-*
 tollo, sed ouilis patientiæ opus iniungo. *fecti hō.*
 Cum cœperint vos lupi vellicare noli- ^{24.}
 te resistere, aut vociferari, scientes
 quia nisi vos spoliati fueritis, alij non
 vestientur, id est, nisi vos mortui fue-
 ritis, alij non viuent. Nec timeatis hāc
 vellicationem præsentem: Cū enim
 ætas resurrectionis aduenerit, alia su-
 per vos lana immortalitatis nascetur.
 Quamdiu autem propter instigationē
 diaboli gentes permanserint lupi, dor-
 sum illis præstate ad vellicandum: cū
 autem per patientiam vestram lupi illi
 facti agni erunt, præbete illis tanquam
 oves lac doctrinæ. Quin & fideles v-
 niuersi vocantur partim agni partim
 oves

Ioan. 21 oues (pasce inquit Christus ad Petrum agnos meos, pasce oues meas) quod eorum agnorum tum ouium patientiam iniurijs alijsque aduersis ferendis oporteat exhibere.

§ 3.

Canis domesticus quamquam ab hero, domesticisque cædatur, atque insigniter vapulet, non ideo tamen eos allatrat, neque se morsu vindicare nititur, verum demisso capite tum verbera, tum quassibet illatas sibi iniurias excipit.

ANNOTATIONES.

*Doctrina
7. ini-
tia*

1. *Canis &c.*] Quam paucos est reperire qui canis istius patientiam amulentur, quique similes se fesse velint fratri illi de quo in hæc verba D. Dorotheus: Erat in cœnobio nostro frater, antequam ego inde digrederer, quem nunquam videbam vel turbatum vel afflictum in aliquo; è contra aspiciebã plurimos ex fratribus, illi verbis asperis molestos & graues, quæ omnia animo æquissimo ferebat & patientissimo. Mirabar fateor excellentiam patientiæ eius,

eius, optabamque ex eo audire quomodo sibi virtutem hanc tantam parasset. Cum igitur eū aliquando obuium habuissem, data pace orare cœpi ne me celaret, quid nudiustertius cogitaret, cum à multis, plurimis afficeretur iniurijs & quomodo tantum pati posset & ferre. Respondit ille mihi simpliciter nulla circuitione aut recusatione: Ego me sic habeo ad has iniurias, & ita eas perfero, ut ab hominibus blandi canes.

PAX. *Vide* CONCORDIA, CHARITAS. INIVRIA §. 1.

PECCATVM, PECCATOR. *Vide* ANIMVS, NOBILITAS, PROVIDENTIA, Prudentia, Ratio, Verecundia, Voluptas.

§ 1.

PECCATI fugam docebit Anser, qui nec lauri folia nè quidem fame pressus attingit, nec Rododaphnem etiam vi adhibita edit, cū intelligat si quid tale degustet, se vi-

tâ priuatum iri. Canis quoque licet videat porcos glandibus auidè vesci, quia dulces sunt, ijs tamen abstinere atque sibi imperat, nouit enim huiusmodi fructum sibi dolorem coxendicis afferre. Quemadmodum iusto non peccandum doceat Bucephalus: vide verbo Magnanimitas §. 2. in Annotat.

ANNOTATIONES.

1. *Nec lauri folia &c]* Quam anseribus deterior generis humani parens, (si parens vocâdus filiorum interemptor) qui cum, diuino oraculo didicisset sibi eadem moriendum die, qua quidpiam de cibo vetito gustaret, non se continuit tamen, neque suæ appetitioni (quod faciunt anseres) moderatus est. Sed ne alteri plus fortassis æquo succenseas, qui in eadem damnatione es atque eiusdem impietatis atque imbecillitatis reus: Hostes esse animæ suæ eos, qui faciunt peccatum & iniquitatem, quod eam occidant, quoties inaudijsti? Quemadmodum & illud ex Apostolo, omnis fornicator aut immundus, aut auarus, quod est idolorū serui-

Tobie
12. 10.

xphes. 5
85.

seruitus, non habet hereditatem in regno Christi & Dei. Sed num propterea peccandi finem facis? num auaritiæ tuæ atque insanæ habendi cupiditati modum ponis? Quid de immunditijs *Nabum* dicam tuis atque fornicationibus, quas *3. 16.* plures esse voluisti, quam sint stellæ cœli atque arena quæ est in litore maris. Vide igitur quàm sis multis partibus anseribus inferior, qui id leuiculâ captus voluptatulâ degustas, quod tibi est animoque tuo certam perniciem allaturum.

§ 2.

Quem peccati morbus teneat, eum mox sibi debere medicinam facere, doceant animantes. Testudo visceribus pasta serpentis, cum venenū aduerterit sibi serpere, organo medicinam suæ salutis exercet, vt ait Ambrosius. Videas etiam vulpem lachrymulâ pinus medentem sibi, & tali remedio imminentis mortis spatia proferentem. Leo æger simiam quærit, vt deuoret, quo possit sanari. Leopardus capræ agrestis sanguinem bibit &

*lib. 6.
Hexam.
cap. 4.*

vim languoris euitat. Omnis fera z-
gra, canis hausto curatur sanguine.
Vrsus xger formicas deuorat. Atque
sexcenta eius generis licebit afferre,
quibus afferendis ne longior sim super-
sedeo, pluraque habes verbo Anima
§. penultimo.

ANNOTATIONES.

1. *Eū mox.*] Quemadmodū bruta ista
vbi primū malè se habere senserint
ad remedium, quod eis natura pro-
uidit, properant quam citissimè: tu
peccati morbo, tu peccati vulneribus,
quæ quidem lethalia sunt, saucius cu-
rationem in menses, in annos dif-
fers? Quomodo tot confectus plagis,
lethoque quin & inferno proximus
viuere potes? Quod dum facis, Aut
vt nullus profectò tibi sit malorum tuo-
rum sensus, aut ignorare te quemad-
modum ea curentur (quod quidem in-
tolerabilis est incuriæ) aut non credere
ijs vllam esse medicinam (quod infi-
delis est animi) necesse est.

§ 3.

Peccatorem magno licet dolore suo atque incōmodo, sese à peccati laqueis dæmonisq; expedire, doceat Orcynus piscis, qui cum hamo transfixus fuerit, in maris altitudinem se impellens ac deprimens, ad solum alidit, & hamum frequenti ad fundum pulsatione oris, expellere nititur, quod quidē non fit sine doloris sensu: quod si id minus isto modo assequatur, dolore neglecto, ab hamo exceptum vulnus dilatat amplius, luculentiusque facit, vt inde exilire atque vitæ suæ consulere possit.

ANNOTATIONES.

1. *Non fit sine dolore.*] Nec sine dolore se extricabit peccator à dæmonis seruitute: molestum quidem erit pristinae renuntiare consuetudini, peccati occasiones, illecebrosam mulierum familiaritatem, sociorum contubernium, lusiones, compotationes deferere, voluptatibus sese omnibus æternum abdicare: verum abunde dolorē istum omnem molestiamque vberri-

Sap. 3.
16.

mus qui inde colligitur fructus, compensabit, Dei scilicet amicitia, quæ nihil optabilius, nihil dignius, dulcius nihil, non enim habet amaritudinem conuersatio illius, neque tedium conuictus illius, sed lætitiā & gaudium.

Prov. 15
15.

Deinde secunda mens atque metu omni, qui angat, soluta, quæ est quasi iuge conuiuium: tum pax interior atque a-

Philip.
4. 7.

nimi tranquillitas, quæ exuperat omnem sensum. Deinde illa spiritus ebrie-

Psal. 35.
9.

tas, de qua psalmographus. Inebriabuntur ab vbertate domus tuæ, & torrente voluptatis tuæ potabis eos. Ad hæc Manna illud absconditum cœlestium solatiorum, quod nemo nouit ni-

Apo. 2.
17.

si qui accipit: Alia denique eius generis bona, quæ his facile erit per se concionatori addere, si modò paullulum animum attendat.

§. 4

Peccatori relinquendum dæmonem, vbi primum Dei vocem veri sui parentis audierit, docent perdicum pulli. Ea est fraude atque astutia perdix, vt alterius perdicis oua di-

diripiat, & corpore foueat suo, at qui pulli inde excluduntur mox vteius audierint vocem, quæ oua generauit, tanquam veræ parentis, priore illâ relictâ ad hanc se naturali quodam munere & amore conferunt, quam sibi veram esse matrem; ouorum generatione cognouerint.

ANNOTATIONES.

1. *Perdix.*] De ista perdicis fraude etiam Hieremias. Huius autem imitator ex Ambrosij sententia est diabolus Cap. 17. lib. 6. Hexam. cap. 3. qui quos genuit Christus, capere ad se contendit, raptosque fouet illecebris corporis: At eorum est vbi primum eis vox Christi fuerit infusa, ad eum se conferre: ad illam inquam matrem, quæ pullos suos gallinæ instar materno amore complectitur, eosque sub alas suas condit, pro ijs paratus mortem optetere. Quod si Christi inclamantis voce neglectâ, porro dæmonem sequi pergat, videat nè & ipse olim clamans negligatur, atque in illum valeat illud de prouerbij. Vocauit & renuistis, extendi manum meam, & non fuit qui aspiceret, Prou. 1. 24. 25. 26.

singula momenta infiniti tum idololatra, tum hæretici, tum schismatici, tum Turcæ, tum nomine tenus Christiani impudentiâ summâ leges violant, cuiusque nomini tam atrox gratis bellum indixerunt? Atqui silet ipse modo, diē-

Mal. que illum operitur, de quo Malachias.
cap. 4. 1 Ecce dies veniet succensa quasi caminus,

& erunt omnes superbi & omnes facientes impietatem stipula, & inflammabit eos dies veniens, dicit Dominus exercituum, quæ non derelinquet eis radicem, & germen: dies, inquam, illa quando reipsa exhibebit illud Isaia: Tacui semper, filii, patiens fui, sicut parturiens loquar, dissipabo, & absorbebo simul.

De bono patientiæ in fine. Huius igitur aduentui (verba sunt Cypriani) plenum expectationis obsequium præbeamus. Nec defendi ante Dominum serui irreligiôsâ & inuerecundâ festinatione properemus.

§ 2.

Magna est camelorū¹ in siti patientia quam & quatri-duo tolerant. Elephanti² ne
ad

ad graues quidem verborum ictus excandescunt. Nota est ouium agnorumque patientia, quam & 3 sacræ literæ celebrant.

ANNOTATIONES.

1. *In siti.*] Obseruent istud ebriosi, atque delicatuli, qui vix momento vno sitim tolerant, quos si non cameli, at Christi Domini imitatione, cuius in cruce præ nimia viscerum ariditate atque siti deficientis ea est vox: Sitio, appetitiones suas comprimere oporteret.

2. *Ne ad graues &c.*] Cum ipsi neque tot ad patiendum cohortationes, quot mortalibus, sacræ literæ suggerunt; neque amplissima patientiæ præmia, neque eius virtutis dignitatem, neque impatiētæ turpitudinem vnquam perspexerint. Quis enim vnquam Elephantorum auribus occinuit illud Salomonis: Impatiens operabitur stultitiam. Qui patiens est multâ gubernatur prudentiâ, qui autem impatiens est, exaltat stultitiam suam? Quod idem de cohortationibus, alijsque proximè allatis facile erit concionatori me-

Prov.

24. 17.

27.

mediocriter sacris literis erudito confirmare. De eodem Elephanto vide supra verbo Nobilitas numero 4.

3. *Sacra litera.*] Ita enim de Christi
c. 537. Domini patientia Isaias : Non aperuit os suum, sicut ovis ad occisionem ducetur, & quasi agnus coram tondente se obmutescet, & non aperiet os suum: Quibusquidem nihil illustrius dici potuit ad insignem Christi patientiam exprimendam, siue enim ad aram seu ad macellum ducatur ovis mactanda, non reluctatur. Sic & Christus summâ suâ voluntate, quin & voluptate mortem oppetijt; oblatus enim est, quia ipse voluit. Et quemadmodum agnus, quem crudelis tonsor non superflua tantum spoliât lanâ, verum deglubit, etiâ & lacerat; silet tamen, neque sibi iniuriam aliquam inferri aut queritur aut dolet. Sic & Christus mäsuetissimi instar agni, licet per summam crudelitatem non tantum vestibus, at pelle etiâ nudatus sit, tacuit tamen, neque vocem vllam summis licet in cruciatibus doloris testem edidit. De eodem item

Ioan-

Ioānes Baptista: Ecce agnus Dei ecce
qui tollit peccata mundi. Agnus quidē
non modò ob innocentiam & cando-
rem, qui nullā peccati maculā fœda-
tus, omnium maculas abluit; verū
etiam propter insignem eius patientiā
& mansuetudinem. Et de Apostolis *Mass.*
Christus ipse: Ecce ego mitto vos si- ^{10.}
cut oves in medio luporum. Quasi di- *Author.*
cat: non humanæ naturæ beneficium *imper-*
tollo, sed ouilis patientiæ opus iniungo. *fecti hō.*
Cum cœperint vos lupi vellicare noli- ^{14.}
te resistere, aut vociferari, scientes
quia nisi vos spoliati fueritis, alij non
vestientur, id est, nisi vos mortui fue-
ritis, alij non viuent. Nec timeatis hāc
vellicationem præsentem: Cū enim
ætas resurrectionis aduenerit, alia su-
per vos lana immortalitatis nascetur.
Quamdiu autem propter instigationē
diaboli gentes permanserint lupi, dor-
sum illis præstate ad vellicandum: cū
autem per patientiam vestram lupi illi
facti agni erunt, præbete illis tanquam
oues lac doctrinæ. Quin & fideles v-
niuersi vocantur partim agni partim
oues

Ioan. 21 oues (pasce inquit Christus ad Petrum agnos meos, pasce oues meas) quod eorum agnorum tum ouium patientiam iniurijs alijsque aduersis ferendis oporteat exhibere.

§ 3.

Canis domesticus quamquam ab hero, domesticisque cædatur, atque insigniter vapulet, non ideo tamen eos allatrat, neque se morsu vindicare nititur, verum demisso capite tum verbera, tum quasilibet illatas sibi iniurias excipit.

ANNOTATIONES.

Doctrina 7. iniuria 1. *Canis &c.*] Quam paucos est reperire qui canis istius patientiam amulentur, quique similes se fesse velint fratri illi de quo in hæc verba D. Dorotheus: Erat in cœnobio nostro frater, antequam ego inde digrederer, quem nunquam videbam vel turbatum vel afflictum in aliquo; è contra aspiciebã plurimos ex fratribus, illi verbis asperis molestos & graues, quæ omnia animo æquissimo ferebat & patientissimo. Mirabar fateor excellentiam patientiæ eius,

eius, optabamque ex eo audire quomodo sibi virtutem hanc tantam parasset. Cum igitur eū aliquando obuium habuissem, data pace orare cœpi ne me celaret: quid nudiustertius cogitaret, cum à multis, plurimis afficeretur iniurijs & quomodo tantum pati posset & ferre. Respondit ille mihi simpliciter nulla circuitione aut recusatione: Ego me sic habeo ad has iniurias, & ita eas perfero, vt ab hominibus blandi canes.

PAX. *Vide* CONCORDIA, CHARITAS. INIVRIA §. 1.

PECCATVM, PECCATOR. *Vide* ANIMVS, NOBILITAS, PROVIDENTIA, Prudentia, Ratio, Verecundia, Voluptas.

§ 1.

PECCATI fugam docebit Anser, qui nec lauri folia nè quidem fame pressus attingit, nec Rododaphnem etiam vi adhibita edit, cū intelligat si quid tale degustet, se vi-

tâ priuatum iri. Canis quoque licet videat porcos glandibus auidè vesci, quia dulces sunt, ijs tamen abstinet atque sibi imperat, nouit enim huiusmodi fructum sibi dolorem coxendicis afferre. Quemadmodum iusto non peccandum doceat Bucephalus: vide verbo Magnanimitas §. 2. in Annotat.

ANNOTATIONES.

1. *Nec lauri folia &c*] Quam anseribus deterior generis humani parens, (si parens vocâdus filiorum interemptor) qui cum, diuino oraculo didicisset sibi eadem moriendum die, qua quidpiam de cibo vetito gustaret, non se continuit tamen, neque suæ appetitioni (quod faciunt anseres) moderatus est. Sed ne alteri plus fortassis æquo succenseas, qui in eadem damnatione es atque eiusdem impietatis atque imbecillitatis reus: Hostes esse animæ suæ eos, qui faciunt peccatum & iniquitatem, quod eam occidant, quoties inaudijsti? Quemadmodum & illud ex Apostolo, omnis fornicator aut immundus, aut auarus, quod est idolorū serui-

Tobie
12. 10.

Ephes. 3
85.

seruitus, non habet hæreditatem in regno Christi & Dei. Sed num propterea peccandi finem facis? num auaritiæ tuæ atque insanæ habendi cupiditati modum ponis? Quid de immunditijs *Nabum* dicam tuis atque fornicationibus, quas *3. 16.* plures esse voluisti, quam sint stellæ cœli atque arena quæ est in litore maris. Vide igitur quàm sis multis partibus anseribus inferior, qui id leuiculâ captus voluptatulâ degustas, quod tibi est animoque tuo certam perniciem allaturum.

§ 2.

Quem peccati morbus teneat, eum mox sibi debere medicinam facere, doceant animantes. Testudo visceribus pasta serpentis, cum venenû aduerterit sibi serpere, organo medicinam suæ salutis exercet, vt ait Ambrosius. Videas etiam vulpem *lib. 6. Hexam. cap. 4.* lachrymulâ pinus medentem sibi, & tali remedio imminentis mortis spatia proferentem. Leo æger simiam quærit, vt deuoret, quo possit sanari. Leopardus capreæ agrestis sanguinem bibit &

vim languoris euitat. Omnis fera ægra, canis hausto curatur sanguine. Versus æger formicas deuorat. Atque sexcenta eius generis licebit afferre, quibus afferendis ne longior sim supersedeo, pluraque habes verbo Anima §. penultimo.

ANNOTATIONES.

1. *En̄ mox.*] Quemadmodū bruta ista vbi primū malè se habere senserint ad remedium, quod eis natura prouidit, properant quam citissimè: tu peccati morbo, tu peccati vulneribus, quæ quidem lethalia sunt, saucius curationem in menses, in annos differes? Quomodo tot confectus plagis, lethoque quin & inferno proximus viuere potes? Quod dum facis, Aut vt nullus profectò tibi sit malorum tuorum sensus, aut ignorare te quemadmodum ea curentur (quod quidem intolerabilis est incuriæ) aut non credere ijs vllam esse medicinam (quod infidelis est animi) necesse est.

§ 3.

Peccatorem magno licet dolore suo atque incōmodo, sese à peccati laqueis dæmonisq; expedire, doceat Orcynus piscis, tqui cum hamo transfixus fuerit, in maris altitudinem se impellens ac deprimens, ad solum alidit, & hamum frequenti ad fundum pulsatione oris, expellere nititur, quod quidē non fit sine doloris sensu: quod si id minus isto modo assequatur, dolore neglecto, ab hamo exceptum vulnus dilatat amplius, luculentiusque facit, vt inde exilire atque vitæ suæ consulere possit.

ANNOTATIONES.

1. *Non fit sine dolore.*] Nec sine dolore se extricabit peccator à dæmonis seruitute: molestum quidem erit pristinae renuntiare consuetudini, peccati occasiones, illecebrosam mulierum familiaritatem, sociorum contubernium, lusiones, compotationes deferere, voluptatibus sese omnibus æternum abdicare: verum abunde dolorē istum omnem molestiamque vberri-

diripiat, & corpore foueat suo, at qui pulli inde excluduntur mox vteius audierint vocem, quæ oua generauit, tanquam veræ parentis, priore illâ relictâ ad hanc se naturali quodam munere & amore conferunt, quam sibi veram esse matrem, ouorum generatione cognouerint.

ANNOTATIONES.

1. *Perdix.*] De ista perdicis fraude etiam Hieremias. Huius autem imitator ex Ambrosij sententia est diabolus qui quos genuit Christus, capere ad se contendit, raptosque fouet illecebris corporis: At eorum est vbi primum eis vox Christi fuerit infusa, ad eum se conferre: ad illam inquam matrem, quæ pullos suos gallinæ instar materno amore complectitur, eosque sub alas suas condit, pro ijs paratus mortem optetere. Quod si Christi inclamantis voce neglectâ, porro dæmonem sequi pergat, videat nè & ipse olim clamans negligatur, atque in illum valeat illud de prouerbijis. Vocauit & renuistis, extendi manum meam, & non fuit qui as-

Cap. 17.
lib. 6.
Hexam.
cap. 3.

Prou. 1.
24. 25.
26.

piceret: despexistis omne cōsiliū meū,
& increpationes meas neglexistis: Ego
quoque in interitu vestro ridebo, &
subsannabo, cū vobis id quod time-
batis aduenerit.

PEREGRINVS. *Vide* HOSPITA-
LITAS.

PERSEVERANTIA. *Vide* CON-
STANTIA. INCONSTANTIA.

PIETAS. *Vide* VERBO FILII.

PIGRITIA. *Vide* OTIVM, LABOR.

PIGRITIAM castigandam, do-
cent ciconiæ, quæ cū vt simul
aliò conuolēt ad cœlum mitius,
congregantur, eam quæ nouissimò ad-
uenit, atque cæteris in mora fuit, lace-
rant, atque abeunt.

ANNOTATIONES.

1. *Docent ciconiæ.* J. Quod idem docet
Paulus: si quis, inquit, non vult operari,
nec manducet.

2. Tes-
sal. 3.
10.

PRIN.

PRINCEPS. *Vide* REX.

§ 1.

Docetur princeps sibi subditos non grauari, ne sit > leoni atque vrsō similis, qui fame urgente nulli parcunt.

ANNOTATIONES.

1. *Docetur.*] De hoc doctrinæ genere vide supra verbo Adulterium ex Basilio & Ambrosio.

2. *Leoni &c.*] Impium principem cōfert sacra scriptura cum vtroque istorum : leo, inquit, rugiens & vrsus esuriens, princeps impius super populum pauperem. Per leonem autem rugientem etiam accipi potest leo esuriens, rugitus enim ille à fame. Itaque per istas duas feras fame pressas significatur incensa atque immensa tum auaritia, tum crudelitas impij principis, quâ sibi subditos expilat bonisque spoliât, eorumque fundit sanguinem, neque eo facile satiatur : quamquam & leonis rugitus insinuet scriptura metum, quem impijs suis

Prov.

18. 15.

suis legibus & terribili voce incutit suis princeps, sicut leonis audito rugitu trepidant vniuersi.

§ 2.

Quam deceat principes clementia, dictum verbo Clementia, exemplo regis Apum qui in ijs, solus aculeo caret.

PROVIDENTIA. *Vide* PRVDENTIA. ANIMVS.

§ 1.

PROVIDENTIAM discamus licet à varijs generis animantibus, neque ferè virtutis vllius tot occurrunt exempla quot istius, sed maximè illustribus spectatisque contentus ero: principemque tenebunt locum terrestres, medium aëreæ animantes, extremum quæ in aquis degunt.

Boues imminente pluuiâ quam solerter prævident ad præsepia se tenere nouerunt. Ijdem vbi naturali sensu

sensu cœli mutationem cognouerint,
 foras spectant, & vltra præsepia cerui-
 ces extendunt suas, vno omnes modo,
 vt prodire se velle testentur. ² Ouis sub
 aduentum hyemis, quam asperam fore
 prospicit, maxima auiditate pascitur
 neque satiatur, vt se prius herbæ pabu-
 lo farciat, quàm gelu adurente herba
 omnis deficiat. ³ Echinus terrenus ad-
 mirabili est prouidentia, si quid enim
 insidiarum persenserit spinis suis clau-
 ditur, atque in sua se arma colligit, vt
 quicumque eum contingendum puta-
 uerit, vulneretur. Iam verò cum intel-
 ligat cibo sibi, qui totum duret annum,
 opus esse, neque eius colligendi esse
 tempus quoduis aptum, suis se spinis
 in locis vbi siccandarum ficuum acer-
 ui congregantur volutat, quas aculeis
 suis transfixas, defert permultas in ca-
 uernam, ibique eas condit suo tem-
 pore vsui atque esui futuras. Denique
 & ventorum flatus præuidet; contra
 quos etiam sese munit, nam binos ha-
 bet in cauerna sua exitus, alterum ad
 borealem, alterum ad meridionalem

Ambro.
 lib. 6.
 cap. 4.

plagam spectantem, atque vbi Boream flaturum collegerit, septentrionalem obstruit, vbi vero, Notum sæuiturum cognorit, meridionalem claudit, atque ad septentrionalem se confert.

4 Formica sibi condit æstate, quo pascatur hyeme, nouit enim tunc non esse congregandi tempus sed congestis vtedi, itaque ad messes properat, & quæ comprehendi angusto ore non possunt, humeris maiora grana trudentur: ea autem arrodunt omnia seu maiora seu minora sint, ne rursus in fruges relicto germine exeant è terra, atque cibo inutilia sint. Cùm senserit grana imbre madefacta, ea profert, atque exsiccat, neque verò omni id agit tempore, sed cum præsenferit fore serenum: neque vnquam pluuiam conspexeris, quanto tempore à formicis expositum est frumentum. Nota est vulpis prouidentia, nam vbi se in gallinarium immisit, gallinasque omnes earū exhausto sanguine iugulauit, humo egesta foueam excauat, qua eas sibi in posterum cibo futuras sepelit. Lupi proximæ hyemis

mis acerbitatem prouident, atque à desertis locis ad cultiora profugiunt.

Leones futuram siccitatem præsagentes ad fructuosa & frugifera loca proficiscuntur. Aspides latibula incolunt ad vtramque Nili ripam, cùm autem in agros Nilus per æstatem redūdaturus est, tum triginta circiter ante diebus id præsagentes, longiùs à fluuio in loca eminentiora vna cum fœtibus suis demigrant.

Crocodili (quod idem dic de testudinibus & cancris) eandem Nili accessionem multò ante, quàm ea fiat, præsciunt: nec præsciunt modò, verum etiam ab ea se cauere norūt, id enim tēporis, & oua sua ad Nilo inaccessa loca, summâ prouidentiâ transferunt.

ANNOTATIONES.

1. *Ad præsepia.*] Addit AElia[nus] alia signa duo, quibus prædicunt boues pluuiam; si mugiant terramq; olfaciant, & si præter consuetudinē auidiùs comedūt.

2. *Ouis.*] Quid ex ista tum ouis præsentione, tum bouis, tum animantium cæterarū discere liceat vide §. 2. num. 5.

quod

quod enim ibi verbis Hieremiæ dicitur de miluo, turture, hirundine, ciconia, hoc idem de ijs omnibus certâ quadam ratione ac proportionem servatâ dicere licebit. Docet item ovis nobis operandum, bonisque incumbendum operibus dum licet, ne hyeme .i. mortis tempore, meritorum quasi cibus, quo quodammodo alitur animus, nos deficiat.

3. *Echinus terrenus.*] Qui communiori vocabulo *Ericius* vocatur, cuius expensâ providentiâ atque futuri præsentatione sic exclamat Basilii. Quid, quæso, per hæc ipsa nobis hominibus indicatur? Non solum diligentiam opificis nostri, & providam curam per omnia penetrare, sed in animantibus quoque rationis expertibus, futuri cognitionem quandam inesse, ut & nos etiam ipsi non huic vitæ, præsentibusque rebus adhæreamus, sed totum nostrum studium ad futuram illam vitam dirigamus.

Prov. 6.

4. *Formica &c.*] Huius exemplo tum sacræ literæ, tum patres omnes, Basilii, Ambrosii, Augustinus, docent

PROVIDENTIA. 517

nobis ea paranda in ista vita maturè-
que præmittēda, quæ in futura prosint;
ea autem esse bona opera nemo ambi-
git, quæ qui in ista vita negliget, dam-
no suo tandem sentiet quam verè sit à
Salomone dictum. Qui congregat in
messe, filius sapiens est, qui autē stertit
æstate, filius confusionis: O quàm con-
fundetur is, cū se nudum omnino,
bonisque operibus vacuum deprehen-
det. Sed vehementiùs adhuc confun-
detur, cū palam omnibus manifesta-
bitur eius egestas atque nuditas, iuxta
illud prophetæ: ostendam gentibus nu-
ditatem tuam, & regnis ignominiam
tuam: Cum coram infinita hominum
vi eo loco censebitur, eandemque dā-
nationis subibit sētentiam, quam stul-
tæ illæ virgines Euangelicæ, quæ quodd
sibi virtutum oleum tempori non pro-
vidissent, quamquam multis precibus
aditum postulassent, audierunt tamen,
heu lugubre illud, Nescio vos: clausa
est ianua: licet autē sibi omnis generis
bona opera, quemque quoad eius fieri

Prov.
10. 5.

Nahum
3. 5.

In psal.
48. ad
v. 11.

nus

nus tamen maximè cenſet præmittendam eleemoſynam, colligendumque æſtate eius fructum ne eſuriamus hyeme: eſt autem hyems, inquit, dies noviffimus: dies tribulationis: hyems eſt dies ſcādalorum & amaritudinis. Collige quod ibi tibi ſit in poſterum, ſi autem non facis, ſimul imprudens & inſipiens peribis.

4. *Oua.*] Vnde qui ea ova offendunt, quantum & quatenus Nili rura irrigaturi incrementum ſit futurum, facile colligunt.

§ 2.

*Naſſ.
hom. 8.
in Hexā.
Ælian
lib. 2.
cap. 46.*

Vltures, expeditos in bellum exercitus præſenſione quadam naturali, conſequuntur, planè ſcientes & quod ij ad bellum proficiſcuntur, & quod omnis pugna ſtragēs edere ſolet, quare non defore hominum ² cadauera, gratiffimam ſibi prædam, quam & ex ³ longinquo admodum intervallo ⁴ odorantur, ⁵ ſumma cum voluptate. ⁶ Miluus hybernis mēſibus latet, novitque quando ſit prodeundum, aura ſcilicet clementiore; quod

quod idem de turture, de hirundine, de cuculo, de gruibus, de ciconia dixeris, quibus id solemne est vt intelligant sibi 7 brumæ tempore à nobis recedendū, atque in aprica loca recedendum. Præterea turtur nido suo 8 ne pullos suos incurset lupus, prouidet, 9 squillæ ei folia superiaciendo. Apes pluuias & frigora præsentunt, & quando horum alterum aut vtrumque impendere cōiecturis assequuntur 10 non procul ab alueo volitant, sed circum eum conuolantes veluti foribus incubant. Ibis lunæ incrementa decrementaque præuidet, quæ & in sui victus ratione obseruat. Dictum etiam supra formicis, ineuntis lunæ atque plenæ intelligentiam inesse. Grues tempestates cognoscunt, antequam eæ contingunt, ideoque ex mari in mediterranea volant, vt ab ijs sint tutiores. Cornix pluuiam prædicat, ac tempestatem idque tribus ferè modis; voce, deambulatione circa littora, & 11 capitis in aquam immersione.

lib. 10.
cap. 6.

1. *Consequuntur.*] Quin & teste Plinio biduo, antè triduoue volant vbi cadauera futura sunt. Atque ista vulturum prælagiendi facultate præsci Aegyptiorum reges fultri, belli tempore exploratores dimittebant, qui obseruarent in quamnam exercitus partem vultures imminerent, inde docti eadem ibi futuram, vbi vulturum grex frequentior incubuisset.

2. *Cadauera.*] Vultur enim nihil quod viuut attingit, nec animatum quid interficit, quod Accipiter & Aquila faciunt; solisque cadaueribus contenta, nullius vnquã auis esu se contaminat.

In cap.
Mass.
24.

3. *Ex longinquo.*] Hæc inquit Chrysostomus natura est vulturum, vt etiã transmarina cadauera sentiant. Quod idem asserit Hieronymus. Scribunt nonnulli eos cadauerum odorem quingentorum millium interuallo percipere, ad eos scilicet delatis magna ventorum vi cadauerum ipsorum halitibus, sicut etiam è longissimo terrarum tractu expirationes terræ in mare deuehuntur. Ita ipsi.

4. *Odo-*

4. *Odorantur.*] Quamquam dicant nonnulli visu potius (quo quidem acutissimo præditi sunt) quam odoratu cadauera ista ab illis percepta. Quod si odoratu fiat, non est necesse id fieri per species intentionales, neque per fumosum vaporem, vento tam procul deportatum (quî enim id fieri potest?) sed id perficitur sola odorâdi facultate quâ habet perfectissimam, satisque censeatur cum ea coniunctum obiectum quâquam remotissimum, si non magis remotum fuerit quam vt facultas id attingere possit..

5. *Summa cum voluptate.*] Mirum sanè ac ferè peculiare huic volucris putidis affici, suaueolenta auersari (quod & scarabeo traditur tû ab Aristotele tum Plinio, qui rosa fugatur) nam quèadmodû cadauerû odore & pastu mirè capitur, ita ab vnguentis tantoperè abhorret, vt authore Oppiano, ne armenta quidem mortua quorum carnes vnguento illitæ fuerint, attingat : quod si faciat, perit. Quod idem asseritur ab Aristotele, & à Theophrasto, & è nostris

In Geoponicis.

In mirabilibus lib. 4. de causis

à Clemente Alexandrinol. 2. Pædago-
gi. Vides hic lector peccantis omnis
expressum exemplar, qui peccatū, quo
nihil putidius (cum tetro putore suo
vel terram ipsam inficiat) in summis
habet delitijs : virtutis odorem quo
nihil fragrat suavius, fert grauissimè.
Quid autem de libidinum dicam man-
cipijs, qui earum putore mirè afficiun-
tur, gaudentque vt iumenta volutari
in stercore suo: Castimonix verò, cu-
Gen. 27 ius odor, sicut odor agri pleni cui be-
27. nedixit Dominus. Cuius odor vnguē-
Cantic. torum super omnia aromata, cuius o-
4. 10. 11 dor vestimentorum sicut odor thuris,
multò gratissimam fragrantiam auer-
santur?

Quod si longè iucundissimum istum
qui ex castimonia afflatur odorem, vt
& teterrimum illum qui ex eorum libi-
dinibus veluti ex mephiti, putidaque
sentina minus sentiunt, intelligant spi-
rituali sese odorandi facultate destitu-
tos, brutorumque instar non nisi à cras-
sioribus, terrenisque commoueri. Cæ-
terum qui quātus sit luxuriæ fœtor scire

cupit, consulat is D. Antoninum 4-
 parte, enarrantem quemadmodū An-
 gelus humana specie cum quodam iter
 faciens, cadauere in via reperto, nullo
 molestioris sese odoris sensu affici, sig-
 nificatione data, pertransierit, quam-
 quam alter interim fœtoris impatiens
 nares obstrueret. Cum autem paulò
 longiùs progressis occurrisset adolescēs
 minus castis moribus, mox Angelus
 ocyssimè nares occlusit: sciscitanti por-
 rò viæ socio quamobrem id faceret, cū
 non ita multò ante, nare aperta cada-
 ueris putorem tolerasset: Ah multò est
 inquit grauior qui modo ab huius im-
 pudicitia quam qui prius à cadauere
 exhalat odor. De S. virgine Cathari-
 na Senensi memoriæ proditum est eam
 solitam nares occludere cum sibi fortè
 quis obscœnior, & impudicus obuiam
 factus esset, nempe tam erat ei mole-
 stus etiam ipsorum scelerum odor; Deo
 id ei ob admirandam eius puritatem
 indulgente.

De admirando verò castimoniæ o-
 dore (quam & Climacus odoriferam

vocat) legere licet quod traditur à Metaphraſte in Ianuario de ſancto Iuliano Martyre , qui cum ſibi deſponſam Baſiliſſam item Martyrem; ad caſtita- tis decus in coniugio tuendum induxiſſet, ipſa nuptiarum luce, tam ſuauiſ in cō- clauſi roſarum, violarumque aſpirauit odor, vt id vehementer admirata Baſiliſſa quaerit ex ſponſo, vnde id prodigium , & vnde tanta florum atque odorum ſuauitudo, præſertim tam alieno brumæ tempore . Ad quam Iulianus: Non eſt hic odor, Baſiliſſa, temporis huius, neque tam eſt florum quã caſtita- tis, & Ieſu Chriſti eius authoris. Vide ad idem vitam S. Cecilix, in cuius thalamum ingreſſus Tiburtius martyr, miram percepit odorum varietatem, quæ non à vulgaribus hiſce floribus, verũ à virginitatis lilijs aſſabatur.

Quod autem de omni peccante ac nominatim de libidinibus dedito diximus, eum prauè vulturem æmulari, hoc ipſum ſingillatim de inuidioſis etiã aſſerit Baſilius, quo quidem argumento nos à tam foedo vitio auocare conatur

Hom. II.
de inui-
dia.

hiſce

hiscē verbis. Sicut vultures per multa quidem prata, multa etiam amana & odorata circumvolantes, ad tabida & fœculenta feruntur: Sic & invidi ad vitæ splendorem ac rerum benè gestarum magnitudinem minimè quidem respiciunt, manca verò & fragilia; & si quid erratum (vt quandoque rebus humanis accidit) tantum obseruant, hæc diuulgant, & per hæc tantū homines cognosci volunt. Vide ad idē si placet Hidorū Pelusiotā, & è paganis Plutarchum qui inimicū (qui & plurimum inuidus est) cum vulturibus cōmittit. Vt quēadmodum hi tabida tantum cōsectantur cadauera; nā plura, beneq; habentia ne sentiunt quidē; ita & illū vitæ tantum labes mouet, ægra illum, & quæ cōputruerunt, excitant. Quæ omnia & singula etiā ad eos qui alienā vellicant famam non ineptè accommodare licet.

6. *Milvus &c.*] Quod & à sacris literis celebratum, & Iudaicæ Genti exprobratum: Milvus (verba sunt Hieremiæ) in cœlo cognouit tempus suum, turtur & hirundo & ciconia custodie-

Epist.
237. l.
de vili-
tate ini-
mici crā.

runt tempus aduentus sui, populus autem meus non cognouit iudicium Domini. Cuius quidem increpationis ista est sententia: Volucris istis cognita atque comperta sunt stata sua tempora, quibus nimirum hybernum declinent rigorem, temperatamque cœli plagam conquirant, atque in ea commorentur; at populus meus qui se sapientem iactat, legisque interpretem; ad supplicium (ea enim est notio vocis iudiciū) illi à me pro impietate sua definitum, certòque certius à Nabuchodonosore inferendum totiesque à sacris vatibus prædictum nō attendit, illud nō præuidet vt ei se subducatur opportunè ad Deum adeundo, illumque quàm commissorum dolore, quàm precibus ad miserationem flectendo.

Atque vtinam in solos valeat Iudæos exprobratio ista, neque ad nos spectet, quos & impendentium malorum incogitantia, propinquæ mortis, iudicij cæterorumque extremorum obliuio arguit, minus quàm bruta ipsa; aut providere aut cauere futura. Quotus enim quisque

quisque est qui mortis meminit? Qui illud ante oculos versat: memor esto *Ecc. 14* quoniam mors non tardat, & testamē- ^{12.} tum inferorum, quia demonstratum est tibi: testamentum enim huius mū- di morte morietur.

O quam procul à nobis est mortis ac nouissimorum recordatio, cum ta- men vniuersa scriptura eius memoriam nunquam deponendam toties commo- neat. Memento (vt de multis vnā e- ius vocem proferam) nouissimorū, no- li obliuisci neque enim est conuersio, *Ecc. 1.* & hinc nihil proderis, & teipsum pes- ^{38. 21.} simabis. Memor esto iudicij mei sic e- ^{22. 23.} nim erit & tuū, mihi heri & tibi hodie.

O quam pauci existunt, qui sibi vir- tutū cultu vitæque probè degenda in re- liquum tempus prospiciunt, audiunt- que illud Ecclesiastæ: Quodcumque *c. 9. 10* potest facere manus tua, instanter o- perare, quia nec opus, nec ratio, nec sapientia, nec scientia erunt apud in- feros quò tu properas. Et quoniam ista eiusque generis similia negliguntur, & multò maxima mortaliū pars brutis
ipfis

ipsis longe deterior, præsentibus frui contenta bonis, cogitationes suas non profert ulterius; confusi sunt sapientes, inquit propheta (præterito tempore posito pro futuro, prophetico more ob rei certitudinē) perterriti & capti sunt, verbum enim Domini proiecerunt, & sapientia nulla est in eis. Ed quod nouissima non prouiderunt quos, si se sapientes esse voluissent, imminente diuino supplicio, à lætitia ad tristitiam, à voluptate ad pœnitentiam, atque ad cingulum sacci, ad cinerem, ad fletum, ad planctum transire oportuerat.

Isa. 12.
12.

7. *Brumæ tempore &c.*] Visi sunt tamen milui in superiore Germania, in quercubus, alijsue arboribus concavis & cariosis, dum fortè cæderentur, per hyemem sese occuluisse, ac puluere earumdem carioso, (qui à putredine caloris quidpiam nactus erat) corpus fouisse: Quod & ab hirundinibus fieri sæpe compertum est, & à cuculis in Belgio.

8. *Ne pullos &c.*] Et tu ignoras (verba

ba sunt Ambrosij) tu negligis, quomodo aduersum lupos nequitiae spiritualis, posteritatem vitae huius habeas tutiorem? lib. 6.
Hexam.
cap. 4.

9. *Squilla.*] Nouit huiusmodi folia solitum fugere lupum, si enim ea calcet aut propius ad ea tantum accedat, obtorpescit, quare & vulpes, ea luporum cubilibus iniiciunt.

10. *Non procul &c.*] Ex quibus rebus, alueorum custodes, futura augurati, agricolis futuram tempestatem praedicunt. Vide ut homines ab apiculis futurorum cognitionem hauriant.

11. *Capitis in aquam &c.*] Immergit se cornix refrigerandi gratia cum corpore sit admodum sicco. Accedit quod ob aërem ambientem refrigeratum calore intus collecto magis caleat. Cum igitur pluuiam sensit imminentem cornix, & aër corpus eius humectarit, tunc etiam innatat aquis, ut quibus gaudeat plurimum.

§ 3.

Sed nescio an istorum omnium prouidentiam superet ea, quam valet auicula quaedam in India, quam Cardanus l. 10 stul-

stultum vocant passerem per antiphrasim, ea namque aduersus simias, quarum ibi magna vis, ita se communit, eligit primò arborem excelsam ac spinis obsitam; excelsam quidem vt ipsæ metu terreantur ob altitudinem, spinosam verò vt spinis arceantur ob incommodū & dolorem. Tū ramis huius arboris aculeatis suspendit nidum prædurum nè frangi ab inimico possit: deinde struit aditum angustum vt ipsa sola possit ingredi, latum fundum vt ibi commodè cum pullis degere possit; Verùm aduerte mirabilem prouidentiam ac solertiam, quia hostem suum nouit vti manu, non secus, quàm hominem, nidi profunditatem ad quatuor palmos extendit, vt cum manum immiserit, procul adhuc ab imo absit, atque ea ratione, oua vel pulli qui intus latent tuti sint. Mira est etiam psittacorum in nido construendo prouidentia & solertia; proceram etenim arborem quærunt, cuius tamen adeò tenues sint rami, vt præ tenuitate neque minimum pondus admittant. Ad eorum cacumi-

na

na pensilem furculum alligant ac nidum ex eo factum suspendunt pilæ instar rotundum, ac perexiguo foramine. Cum enim inimicos habeant serpentes contra eorum insidias sese communiunt, quasi intelligerēt eos ob corporis molem non se tam gracilibus furculis credituros, neque supernè nidum inuasuros, ob casus metum. Vlysses Aldro-
uandus finem non facit admirandi admirabilem sanè tum industriam tum providentiam qua utitur pica caudata in nido fabricando. Narrat eius nidum cum pullis sibi ex suburbano suo allatum qui talis ab eo describitur. Elegerat sibi hæc ales ex omnibus arboribus quæ ibi sunt malum; at non quamlibet, at ex qua viscum enasceretur, & quæ quamplurimos ramos emitteret, eo plenos; In quorum medio, qui per se figuram hemisphæricam (qualem nempe nidus exigebat) exprimebant, tanquã supra solidos parietes & fundamenta erat constructus & ipse ovalis, longus dodrantem, latus circiter octo digitos, & furculis milij Indici alijsque radicibus,

*Orni-
thologia
lib. 12.
cap. 12.*

bus, & terra vice glutinis interiecta constans: ut nimirum ova sua ac fœtus melius posset continere. Præter ramos quos dixi viscosos quibus circumcirca erat præmunitus nidus, visebantur varij item alij per agros ac secus vias collecti fruticum spinosorum, quibus ita eum supra, infra, ante, retro numerat, ut vix foramen quo ipsi ingrediendum erat ad fœtus, conspiceretur: tantum abest ut aves rapaces, aliaque animalia ei noxia, vel pullos, vel ipsam incubantem infestare possent. pulli in hoc nido erant quinque &c.

ANNOTATIONES.

1. *Se communit.*] Expende lector hæc munitiones omnes sigillatim, & perspicies vix à solertissimo quoque plura aduersus hostes suos excogitari posse præsidia. Disce item in excelsa spinisque horrida Christi crucis arbore tibi nidum struere, si à dæmonis insidijs tutum esse voles, ibique cōmorari in foraminibus petrae, in cauerna maceriae, in sacratissimis eius vulneribus, quod quidem penetrare nequit Dæmon. Disce,
- Can. 2.*
14.

ce, inquam, ascendere in palmam vi- Cant. 7. 8
uificum redemptionis nostræ lignum,
& apprehendere fructus eius. Disce de-
nique non alia magis ratione te à dæ-
mone securum fore, quam si caducis
rebus omnibus spretis despectisque in
cœlestibus cor tuum cogitationesque
defigas, (quod quidem est in excelsio
nidum sibi exædificare) ita ut nunquā
in posterum vlllo vnquam tempore ter-
ram repetas, illudque liceat tibi san-
ctissimi lobī usurpare: In nidulo meo cap. 29.
moriar, & sicut palma multiplicabo 19.
dies.

§ .4

E Chinus marinus vbi procellam
ventorum ¹ præsenferit, ² cal-
culum arripit validum, eumque
velut saburram vehit nè excutiatu-
r fluctibus, atque eo sese tanquam ancho-
ra firmat. Itaque non suis (scit enim se
infirmiorem quam ut id præstet) libe-
rat viribus, sed alieno stabilit pondere.

De ijs piscibus qui ad Aquilonium
mare clementioris auræ captandæ gra-
tiâ transeunt, dictum supra verbo Pa-
rentes.

A N-

lib. 5.

Hexam.

cap. 9.

1. *Præsentit.*] Miratur Ambrosius pisciculi istius vilis & despecti præsentionem: qui Mathematicus (sic enim exclamat) qui Astrologus, quiue Chaldeus sic potest siderum cursus, cœli motus & signa comprehendere? quo ingenio ista colligit? Quo doctore percepit? Quis ei fuit tanti interpret ingenij? Ac pergit ostendere falli homines in ijs quæ prædicunt, nunquam Echinum falli, esseque id insigne diuinæ munificentiae donum animalculo isti collatum. Vnde & colligit quam sit hominibus Deo fidendum, de quo verbo Spes.

2. *Calculus.*] Quo indicio nautæ velut signum futuræ perturbationis capessunt, & sibi præcauent ne eos imparatos turbo improuisus inueniat. Vide hîc iterum mortales brutorum discipulos, & quam brutis deteriores sint, qui neque imminencia sibi mala grauissima licet prospicere, neque ea norunt præcauere. Verè gens absque consilio & sine prudentia, sed vtinam saperent

ac

ac intelligerent, ac nouissima provide- *Deuter.*
rent. Vide etiam supra §. 2. numero 5. ^{32. 23.}
29.

PRVDENTIA. *Vide* PROVIDEN-
TIA, EST ENIM HAEC POTIS-
sima pars Prudentiæ.

§ 1.

PRVDENTIAM docebit ¹ serpens
cuius id est proprium vt cum
vrgetur periculo, ² caput prin-
cipem sui partem abscondat,
& in orbem se colligens abiecto reli-
quo corpore hoc solum tueatur, quodd
illæsa sibi membra cætera, saluo capi-
tis vigore reputet.

Mira est ciconiarum in ouis suis à
vespertilionibus, qui eis perniciem mo-
liuntur, vindicandis prudentia, cum e-
nim vespertiliones solo suo contactu
oua ipsa sterilia efficiant, ipsæ plata-
ni folia in nidos suos inferunt, ad quæ
accedentes vespertiliones, torpescunt,
neque ouis quicquam nocere valent.
Quam eandem prudentiam hirundini-
bus

bus natura largita est: nam cum blattæ earum ovis sint exitio matres, apij folia ante pullos proijciunt, atque ea re illas ab his arcent. Picæ, teste Plinio, visum ab homine nidum suum sentiunt, tumque oua sua transferunt aliò: atque id in ijs auibus, quarum digiti non sunt accommodati complectendis transferendisq; ovis miro traditur modo fieri. Namq; surculo supra bina oua imposito, ac ferruminato alui glutino, subdita ceruice medio, æqua vtrimque libra ea aliò deportant.

Ceruorum in fugiendo prudentia inde patet, quod latratu canum audito, fugiant semper 3 aura secunda.

Elephantes altero tantum dente ad cibum è terra eruendum ac fodiendum, quodd ea re sensim teratur, vtuntur, altero ad bellandum integro conseruato. Leo inuolutis semper pedibus ambulat clausisque, tanquam vagina conditis intus vnguibus, ne attritione acies retundatur atque prælio inepti existant, tum etiam ne sui relinquat vestigia. Cui non absimile est quod de Aquila nar-

narratur, quæ cum vnguium maximè ministerio victum sibi prædando conquirat, ideo sūmoperè prospicit ne qua ratione lædatur aut, obtūdantur. Quod sit vt incedens eosdem introrsum sēper cōtrahat, & vt saxosa fugiat loca ne eorum atterat aciem. Sed vide mirā ei ab authore naturæ inditam prudentiam; si forte ita res tulerit vt in petrosis asperioribusque degat rupibus tum detractas à se occisorum animantium pelles, pedibus substernit ne offendantur. Ac tantam eorum curam gerit vt vbicumque sedens (nisi aut solem aut prædam intueatur) vngues suos perpetuò inspicat, metuens ne nimium incuruentur. Admiranda coruorum solertia, qui cum aquæ laborent penuria, iniectis lapidibus situlam in qua aliquid inest aquæ implent, & eò aquam adducunt dum ab ijs contingi possit: Quam eādem solertiam deprehensam in cane narrat Plutarchus, qui in naui nautis absentibus, in amphoram oleo non plenam silices iniiciebat, quasi sciret necesse esse vt grauib. subsidentibus,

leuiora attollerentur: atque alia eiusdē generis stupenda sanè prudentiæ brutorum argumenta videre licet apud eundem, & passim occurrunt toto isto nostro opusculo. Habent quam imitentur boni œconomi in vulturibus prudentiam, quibus dum cadauerum copia suppetit, bonam eorum partem seponunt, atque in futurum prouidè reseruant. Cuculus tanta glandium affluentia, cavitatem in qua hyeme latet, replere dicitur, vt multo elapso frigore atque adueniente vere supersint ad propulsandam famem.

*Lib. de
animal.
indust.*

ANNOTATIONES.

1. *Serpens.*] Cuius prudentiam etiā sacre litteræ commendant, Christus enim Apostolos suos vult esse prudētes sicut serpentes, quod quemadmodum sit intelligendum mox dicetur.

2. *Caput.*] Christianorum caput (inquit Ambrosius) est Christus seu fides in eum: licet membra omnia cædantur, totū vratur corpus incendijs, mergatur profundo, euisceretur à bestijs, hoc tamen capite custodito, vita integra,

*Sermon.
20. in
ps. 118.*

gra, salus tuta est. Nemo enim potest perire, cui non sublatuſ est Christus. Idem per caput intelligit summam studij nostri, summamque virtutum, quã vult esse humilitatem, quæ tanquam caput, totum velut quoddam nostrorũ actuum fouet corpus. Chrysostomus *Hom. 34 in Matt. vide August. serm. 4. ad fratres* de Christo atque in eum fide consentit cum Ambrosio. Quemadmodum, inquit, serpens totum se ipsum tradit, nec admodum curat si corpus inciditur, donec caput suum integrum seruet. Eodem tu quoque modo præter fidem cætera perdere non cures, profundas vniuersam tuam pecuniam, tradas corpus, vitæ ipsi, si opus est, non parcas, dummodo fidem serues, quæ caput & radix est, quâ seruata etiam si omnia perdas, omnia tamen rursus maiore cum magnificentia recuperabis. Hac ille porro per fidẽ quam vult præ cæteris rebus carã esse debere, intelligit fidem charitate formatam atque affectam, quæque hominem iustum efficit. Serpentem itaque imitabimur si eo quod in nobis maximi est pretij seruato, cætera minoris

momenti periculo exponere non dubitabimus. Quando igitur eò angustiarum redacti erimus, vt aut nobis facultates nostræ, voluptates, honores, amici, quin & vita ipsa, aut Deus sit relinquendus, flocci illa omnia præ Deo, qui caput est summumque bonum nostrum, facienda. Quid enim prodest homini si vniuersum mundum lucretur, animæ verò suæ detrimentum patiatur? quod quidem non istius vitæ corruptibilis, sed diuinæ amicitiae iactura continetur. Author imperfecti aliam suggerit serpentium prudentiam, quod scilicet sibi ab hominibus cautè prospiciant: quam quidem velle Christum vt imitemur declarat, cū posteaquam monuisset Apostolus vt esset prudentes sicut serpentes, mox subdit. Attendite vobis ab hominibus, tradent enim vos in concilijs &c. Is est prudens vt serpens (ex mente Basilij magni) quæ in doctrina tradenda ita se moderatur, vt adhibita circumspectione, considerationeque qua ratione id & fieri & faciliè fieri possit, omnia faciat vt

*Hom. 24
in Mat.*

*In Reg.
Brenio.
Inter.
245.*

audientium animos ad auscultandum habeat paratos. Simplex autem vt colūba (licet istud aliò pertineat, ad verbum sc. Simplicitas) qui ne simpliciter quidem de vlciscendo eo qui sibi aduersarius sit cogitat, potiusque in instituto suo bene de illo merendi perseverat, ex præcepto Apostoli sic dicentis: Vos ^{1. ad} autem nolite deficere benefacientes. ^{Theff. 3.}

Pergit ostendere cur vtramque istam virtutem commendet Apostolis Christus priusquam eos ad prædicandum mittat, quia ad id & sapientia opus erat ad persuadendum, & patientia aduersus insidiatores: Vt videlicet quemadmodum in paradiso serpens & blandiore aspectu, callidè ad primos parentes accessit, & verborum probabilitate eos auertit à Deo, ac peccato subiunxit: item nos quoq; & personæ, & loci, & idonei ad agendum temporis rationem habeamus, & omnibus modis sermones in iudicio disponamus, vt à peccato homines auertamus & ad Deum reducamus, & in tentationibus patientiâ vsque in finē teneamus sicut scriptum est.

3. *Aura secunda.*] Cuius ratio est ut vestigiorum odor cum ipsis abeat, atque à vento transferatur.

4. *Obtundantur.*] Quod si obtusi fuerint; mira naturæ solertiâ aut eos rostro acuit, aut ad lapides atterit, sicque ad prædâ præparat.

5. *Solertia.*] Solertiam esse partem prudentiæ docet D. Thomas.

Porro nullam in peccantibus inesse prudentiam seu in hoste fugando, quod in ciconijs ac hirundinibus vidimus, seu in eo fugiendo, qua re valent cerui, seu in armis suis integris prælio asservandis, quo quidem excellunt elephânti leonesque, res ipsa loquitur, neque ei confirmandæ diutius videtur immorandum: Et licet certis in rebus, uti in voluptatibus adipiscendis, in opibus suis callidè augendis, in honoribus sequendis consequendisque, in inimicis vlciscendis, quandam prudentiæ imaginem præ se ferant peccantes, non est ea tamen nisi vana prudentiæ imago, quæ & ab Apostolo prudentia carnis, & mors nuncupatur, quod ea spiritualis

lis sit mortis causa . Atque eadem vocatur sapientia quidem , sed sapientia carnis inimica Deo, vt quæ legi Dei non sit subiecta . Vocatur denique sapientia, sed huius mundi, quæ stultitia est apud Deum . Non inesse autem in impijs veram prudentiam disertè ac planè edicit Salomon . Non est inquit sapientia, nequitix disciplina, & non est cogitatus peccatorum prudentia: Est solertia certa & ipsa iniqua . Quæ quidem istam habent sententiam. Quamquam nequitix disciplina seu scientia doctrinaue malè agendi, & nequitiam callidè perpetrandi, videatur mundo sapientia, non est tamen, & cogitatus, seu consilium impiorum qui astutas excogitant rationes perficiendi quod optant, non est prudentia : Et licet eorū sit solertia , siue calliditas certa .i. certis firmisque nitatur rationibus , quibus quod moliuntur consequantur, est tamen ea iniqua , quoniam ad malum dirigitur , quamobrem indigna est nomine prudentiæ : neque sunt ipsi prudentes, verū callidi, versipelles, va-

fri,

1. Cor.
3. 19.

Eccles.
19. 19.

fri, veteratoresque nuncupandi.

§ 2.

Accipiter lepori capto oculos statim iniectis vnguibus eruit, non ignarus oculorum lumine destituto, nulli amplius vsui fore velocitatem. Vide simile verbo Magnanimitas in Annotatione.

ANNOTATIO.

1. *Oculorum &c.*] Miram esse in oculis vim experientia constat cum animalium etiam generosissimorum, non modò si ea excæcentur, at si quis eorū dumtaxat oculos obnubat, generositas omnis atque animus concidat. Principatu Claudij (inquit Plinius) casus leones capiendi rationem docuit, pudendam penè talis feræ nomine, pastoris Getuli sago contra ingruentis impetū obiecto, quod spectaculum in harenam protinus trāslatum est vix credibili modo torpesciente tanta illa feritate quamuis leui iniectu operto capite, ita vt deuinciatur non repugnans: videlicet omnis vis constat in oculis, quo minus mirum sit à Lyfimacho Alexandri iussu

fu simul incluso, strangulatum leonem.

Equo, qui indomitus fessorem non admittit, si oculi contegantur nihil committit, nihil obsequentius. Qui & molam circumaget id aliàs nunquam facturum : tanta est in oculis vis ut ab ijs omnis mentis vigor virtusque dependere videantur. Hinc fortè præter cætera nonnullis visum in oculis animū tanquam in propria sede inhabitare.

PVSILLANIMITAS. *Vide* MAGNANIMITAS.

RATIO. *Vide* INTRODVCTIONIS §. 3.

§ I.



ACTIONE uti atque discursu doceāt bruta illa, quæ proximè cōmemorata sunt verbo Prouidentia & Prudētia, quæ licet rationis expertia, eius tamen ita multa habent vestigia, eiusque speciē quandam actionibus ferè singulis, quas obèunt ita adhihent, ut peccantes vehementer

hementer pudere oporteat, se magis temerè minorique eum consideratione suas exercere actiones, quàm ipsa.

Atque sigillatim id docebit canis venaticus, qui licet rationis exors¹ sessionem tamen obtinet parem propè dixerim rationi. Nam cum eius feræ quã insequitur, vestigia inuestigat, ubi ad triuium peruenit, subsistit atque odoratu singularum obiens semitarum vestigia, tacitus ipse secum pertractat sagacitate colligendi odoris, velut hunc syllogismum: 2 Aut fera quam persequor hac, aut illa, aut ista denique diuertit parte; Atqui non hac aut illa ut iam olfactu deprehendi, superest igitur illam istac abijsse via, quare porro pergit, tandemque feram consequitur.

ANNOTATIONES.

1. *Sensionem parem rationi.*] Ita loquitur Basiliius homilia 9. in Hexameron, quem imitatus Ambrosius: si sensus eius (canis) vigorem consideres, censes eum sentiendi sagacitate vim sibi rationis asciscere.

2. *Aut fera.*] Videtur uti syllogismo di-

diuisiua quo concludit feram per viam istam transisse quando per duas alias non transijt, cū non sint plures. Quēadmodum autem non hinc conficiatur canem verē ratiocinari, aut habere veram electionem & rationem, dictū suprà in proēmio.

Verum quod natura duce facit canis, id ipsū ratione magistrā peccanti præstandum esset, atque ita ratiocinandū. Aut vitæ ratio mea, ad cælum me aut ad inferos ducit (neque enim tertius est locus post iudicium extremū, audiētq; vniuersi illud, vel venite benedicti, vel ite maledicti) Atqui non potest me ad cælum ducere, cū inde exulent canes, venefici, impudici, homicidæ, & Apo. 22. 155 omnis qui amat & facit mendacium, in quibus me esse inficiari non possum, ducat igitur ad inferos necesse est.

R E

RELIGIO, SEV RELIGIOSVS
STATVS. *Vide SOCIETAS.*

§ I.

RELIGIOSI status numeris omnibus absolutum exemplar sint apes, quibus rex vnus instar prælati præest, cui & obsequuntur omnes, ijs communia omnia, licet pro cuiusque viribus, facultate atque industriâ varia sint commissæ ministeria, vna omnibus mensa, cibusque; neque eas qui in aliquo deliquerint impunitas dimittunt, habentque suas quasi pœnitentias: Noctu nōnullæ de ijs excubant custodiæ domus; Neque ijs desunt, quos vocamus laicos fratres nullis sacris initiatos, quos non malè referunt quæ inter eas imperfectiores cum sint, neque ceram neque mel conficiunt, at alijs ministrant eaque curant quæ ad cæterarum victum, cultum domusque munditiem spectant.

ANNOTATIONES.

1. *Obsequuntur.*] Pudeat religiosum ei non obsequi quem Christi Domini
vices

vices gerere agnoscit, cum bestiolæ istæ naturâ magistrâ, alteri bestiolæ pareant: pudeat propria possidere, cum animalculis istis omnia sint inter se cōmunia: quæ eadem exprobratio in cæteris earum quasi virtutibus valere potest. De apicularum autem vigilijs, silentio, somno, labore, & similibus, vide verbo Labor, § 2. quæ tam sunt admiranda, vt nisi oculatis testibus non facile crederemus: ista enim plurima atque alia, cū à varijs, tum maximè ab Aristomacho Solensi, atque Hilisco Thasio accepta sunt, quorum ille apum mores, naturâq; duodesexaginta annos, hic tota vita aliud nihil agentes obseruarunt, qui & ambo de his scripsere.

RENOVATIO.

§ 1.

RENOVATIONEM, seu à vitijs sese, prauisque moribus atque habitibus liberare, doceat serpens, qui quotannis bis, vere scilicet, cū ex latibulis egreditur, & autūno, cū

cùm in ea se abdit, veterem exuit pellē,
senectutemq; abiicit: rursusq; ² iuuen-
tam induit: quod quidem cùm facit, in-
cipit ab oculis vnde primum pellem
detrahit, ita vt obcæcari videatur ijs
qui rem nō intelligunt: tum caput ex-
uitur: glabrum enim hoc primum om-
nium antequam reliquum corpus ap-
paret, atque vna fere die & nocte se-
nectus tota exuitur, à capite ordiendo
ad caudā, & ³ cute altera intus subnas-
cente, ipsa remouetur. Hæc Aristoteles.

*De hist.
animal.
l. 8. c. 19*

A N N O T A T I O N E S.

1. *Veterem exuit.*] Quod quidem fit
ingressu in angustum foramen, per
quod quamquam non sine dolore per-
transiens, pellis ei detrahitur, vnde &
formosior apparet, per quod (inquit
Augustinus) fratres mei datur intelligi
vt & nos pellem vitiorum deponamus,
& per foramen stigmatum Christi
transeamus, & tunc pulchriores appa-
rebimus.

*Sermon. 4.
ad fra-
tres in
Averno.*

2. *Iuuentam induit.*] Ita loquitur Au-
gustinus lib. 8. de ciuit. c. 15.

3. *Cute altera &c.*] Vt enim (inquit
Philo-

Philosophus) fœtus inuolucro secundarum pellium quo contentus prodierit exuitur, sic ista senectute detracta renouantur.

§ 2.

Aquilæ solemne est veteres pēnas exuere, nouasque induere, eaque ratione quasi iuuenescere. Eiusdem in senectute rostri pars superior vsque eò increscit atque incuruatur, vt obstructo oris aditu, omnem capiendi cibi potionisque facultatem adimat, ipsa vero rostrum: ad petram vehementer allidendo frangit, excussoque oris impedimento, rursus cibum & potum capit: ita renouatur, reualefcit, atque in pristinam quodammodo & redit iuventam, qui enim vigor membrorum, pernicitas alarum, nitorque pennarum antè, cibi inopiâ defecerat, eo sumpto rursus ad pristinum statum reuertuntur.

ANNOTATIONES.

1. *Aquila &c.*] Aquilarū renouatio, & sacris literis nota est: psalmo enim

102. cum vellet Spiritus Sāctus expri- versu 5.

M M

mere

mere se redintegraturum tum animi,
tum corporis vires in iustis; Renoua-
bitur, inquit, vt aquilæ iuuentus tua: in
quem locum vide Ambros. fusè &
cap. 40. Chrysostom. & apud Isaiam. Qui spe-
rant in Domino, mutabunt fortitudi-
nem (quia de imbecillibus euadent for-
tes) assument pennas vt aquilæ, vola-
bunt & non deficient; quibus verbis a-
liquam in Aquilis renouationem à scri-
ptura agnoscere planum est.

2. *Facultatem adimat.*] Quare & tan-
dem eas emori non senio (licet admo-
Lib. 9. de dum annosæ sint) non ægritudine, sed
hist. c. 32 fame, authores sunt Aristoteles &
lib. 10. Plinius.
cap. 3.

3. *Ad petram.*] Hanc petrā vult Au-
gustinus spirituali nostræ renouationi
In ps. 66 esse Christum; Renouabitur, inquit,
v. ult. inuentus nostra sicut aquilæ: tantum-
Idem in modo nos vetustatem nostram ad pe-
psa. 101. tram Christum conteramus. Inuetera-
vers. 5. uimus enim inter inimicos nostros.
Psal. 6. Vnde inueterauimus? carne mortali,
carne ista scænea, & ideo percussum
est sicut fœnum & aruit cor meū, quia obli-

oblitus sum comedere panem meum.
Crevit vetustas, os clausit, atteratur in
petra. Hæc ille.

4. *Redit iuventam.*] Ita & spiritualis
viri mens à senectâ in adolescentiam
transit, licet ei corpus ab adolescentia
pergat ad senium, quia deficiente ho-
mine exteriori, interior viget magis ac
reuirescit, tuncque mentis eius oculus
acutè cernere incipit, cum oculus cor-
poris incipit hebescere quod de te præ-
dicabat Socrates apud Platonem.

§ 3.

Soliti sunt : Accipitres antequam
Nilus inundet atq; agros operiat,
ex pennis eas quæ iam consenue-
rint dimittere, aliasque novas atque
elegantiores producere, instar arborum,
quibus arida folia excidunt, quæque
primo vere novis sese comis vestiunt.

ANNOTATIONES.

1. *Accipitres.*] Neque ista Accipitrū
renovatio sacris litteris ignota, de ea
namque ita Deus ad Iob: numquid per cap. 39.
sapientiam tuam plumescit Accipiter ^{29.}
expandens alas suas ad Austrum? non.

agi autem hîc de plumis illis quibus in nido vestiuntur pulli planum est, quod tunc necdum alas ad Austrum expandere possint, quas nondum habent: sed loquitur de annua accipitris renouatione, qua veteres pennas nouis commutat. Quod quidem Austri præsidio contingit, versus quem alas expandit, vt eius membra ad laxandam pennam veterem, venti istius tepore concalescant. cum verò eum deficit ventus, alis contra solis radios extentis, atque percussis tepentem sibi auram facit, sicque captato tepore, eoque apertis poris vel veteres exiliunt pennæ, vel nouæ succrescunt: Atque hanc volucris istius renouationem ex sensu quidem Gregorij imitabimur, si vsum vetustæ conuersationis abijcientes, noui hominis formam induemus, si inueterata studia dolosæ actionis amitemus, & nouam pennam .i. si mitem atque simplicem bene viuendi sensum tenebimus, quod *coloss. 3.* quidem admonet Paulus: Expoliantes *10.* vos, inquit, veterem hominem, cum actibus suis & induentes nouum. Et
rursus

rursus, renouamini spiritu mentis vestrae, & induite nouum hominem qui secundum Deum creatus est in iustitia, & sanctitate veritatis. Verum non nisi in Austro plumescit Accipiter, quia non nisi tactu, flatuque sancti Spiritus vnusquisque sanctorum concalescit, & vsum vetustae conuersationis abiiciens, noui hominis formam sumit. Ephes. 4²³.

RESPUBLICA. *Vide* REX,
 PRINCEPS, SOCIETAS, LABOR.

§ 2.

RELIGIO quibus extremis locis duobus, multa habes de perfectissima Apum Republica, quam ideo videtur constituisse Deus, vt eius perfectionem, humanae Respublicae imitarentur.

RESURRECTIO.

§.

RESURRECTIONIS fidem docet phœnix, qui cum vitæ suæ finem adesse præsentit, sibi in palmæ vertice, nidum seu urnam construit de thure, myrrha, casia, fistula, cinnamomo, cæterisque odoribus, in quam impleto vitæ tempore cùm ingressus est, expectat dum solis radij odores illos incendunt, atque sic ipse medijs in ignibus emoritur, atque in puluerē redigitur, de quo pulvere vermis exurgit, inde pullus qui paulatim adolescit, atque alis pennisque vestitur, & in prioris avis speciem, formamque reparatur.

ANNOTATIONES.

1. *Vitæ finem.*] Viuit autem quingentos & eo amplius annos, atque ex eo antiqui patres exemplum sumpserunt & argumentum, quo gentilibus fidem futuræ mortuorum resurrectionis conciliarēt;

Lib. 5. Ambrosius varijs in locis. Ter-
Hexam. cap. 23. In psal. 118. Inorat. de fide resurrect.

tullianus, Lactantius & alij nonnulli, ^{In l. de resurrec.}
 argumentum autem eorum esset nullū, ^{in car-}
 si non extaret talis auis, quod quidam ^{mine de}
 asserunt contra tot antiquorum tum ^{phenice.}
 profanorum, tum sacrorum authorita-
 tem. Differt autem plurimum noster in
 vitam reditus ab istius volucris, quia
 nos ijdē numero resurgemus, cū ista
 non nisi eadem specie resurgat.

2. *Vermis.*] Generatio ista ex verme,
 naturæ insolens non est, cū animalibus
 multis cōueniat ita generari. Muscæ
 enim teste Aristotele 5. de historia
 animalium, maris & fæminæ coniun-
 ctione vermiculum gignūt qui in mus-
 cam sensim formatur. Vide quæ de api-
 bus dicuntur verbo Virginitas.

REX. *Vide* PRINCEPS.



GETUR primum de ijs, quæ
 à Rege populo, tum quæ à po-
 pulo regi debentur, in quibus
 primum de reuerētia obseruā-
 tiaque, deinde de amore dicendum.

Regem doceat apum rex, clemē-
tiam atque mansuetudinem, qui
vel aculeo caret vel eo non vti-
tur. Idem ostendit regis esse partes, of-
ficia cuique, vt cuiusque captus est, di-
stribuere: apum enim rex alias aquari
iubet, alias intus fauos fingere, extrue-
re, expolire, suggerere; alias verò ad
pastionem proficisci. Docet praterca
regem, vt ipse quoad eius quidem fieri
potest, cæteris i exēplo suo præeat: Rex
enim apum, cūm proficiscendum est,
ducis instar antecedit examen cæteris
consequentibus. Et quoniam nihil in
regno pace optabilius, quoad rex apum
viuit, omnia in pace continet, atque eā
fruitur examen, omnique ordinum per-
turbatione caret: fuci suis cellis luben-
ter se continent, seniores suum locum
habent, natu maiores item suum. Qui-
bus quidem rebus discant reges 2 pacis
esse amantes, & non temerè solaque
animi impotentis libidine bella sus-
cipere, vnde mala vniuersa in Re-
publica.

ANNOTATIONES.

1. *Exemplo.*] Parum enim profuerit edictis atque legibus quamquam optimis rempublicam constituere, nisi eas obseruet ipse primus, & nō tam scripto verboque alios, quam re ipsa, vitaque exemplo erudiat.

2. *Pacis amantes.*] Tanti facit in Re. ^{1. ad Ti.}
gibus Apostolus istud pacis publicæ ^{2. 2.}
studium, vt præscribat Christianis pro regibus vt supplicent, atque pro ijs, qui in sublimitate constituti sunt, quo pacem ipsi in suis regnis dominijque conseruent, vt sic quietam, inquit, & tranquillam vitā agamus in omni pietate & castitate: quas ambas virtutes belli tempore, quod id impietatem omnem atque libidinem impudicitiamque inuehat, exulare necesse est.

§ 2.

Forma item regis apū, docet qualem esse oporteat Regem, eumque qui in alios potestatem habeat; est enim: egregia forma Rex Apum, & duplo quam cæteris maior, ingressus celsior, in fronte macula ceu quodam diade-

diademate candicans, multumque nitore à vulgo differt.

ANNOTATIONES.

1. *Egregia forma.*] Quod habet Apū rex exterius, idem efficiat rex vt habeat interius, & quemadmodum ille exteriore præstat forma, ita conetur hic interiore virtutum specie (quando exterior non est in eius potestate) cæteris excellere, vt quod ei natura negauit formæ scilicet pulchritudinem, virtutū atque morum honestate atque venusta.

*Plant. in
præcep-
tis con-
nubial.*

te expleat: Ad quod idem adolescentes solitus erat cohortari Socrates, atque ob id, vt sese in speculo intuerentur suadere consueuerat, vt si deformes se esse deprehenderent, virtute corrigerentur, sin venustos, ne deturparentur vitio.

§ 3.

POpulus regem honoret suum, reuereturque apum exemplo, quæ in conspectu sui regis aculeos submitunt¹ quasi fasces, veluti illum² honorantes, agnoscentesque sese ei cedere atque inferiores esse. Eadem regi mirè³ obediunt in omnibus, & cum eius

eius iussu ad somnum capiendum signum datum est, illicò se ad stratum conferunt.

ANNOTATIONES.

1. *Quasi fasces.*] Atque hoc priscorum Romanorum imitatione, quibus solemne erat, ut in concursu maioris Magistratus, minores summitterent fasces; ut significarent se honori deferre atque imperio parere. Quod idem similitudine quadam etiamnum observatur in mari, ubi naues quæ se alijs agnoscunt inferiores, eas etiam à longinquo prospectas velorum summissione honorant.

2. *Honorantes.*] Licet nullum eius rei habeat præceptum, cum contra habeant Christiani illud Diui Petri: Regem honorificate. 1. Petri
2. 17.

3. *Obediunt.*] Quod naturæ sensu faciunt apes, id faciant homines præceptione ista inducti: subditi estote omni humanæ creaturæ propter Deum, siue Ibid. v.
13.
regi quasi præcellenti &c.

A Morem in regem doceant eadem Apes, quæ Regem suum quoniam clemens & lenis est, nulloque armatus spiculo, cum is profugiendo ipsas reliquit, ¹ arcessunt, & fugitium à regno insequuntur. Ab iisdem cum emigrandum est, si ætate affectus sit, vehitur ipse, cum procedit, totum examen circa eum conglobatur, cingit, protegitque, cerni non patitur, & earum quælibet se proximam illi cupit esse, & in officio cōspici gaudet, circa eum satellites quidam lictoresque assiduò eū custodientes, & ² perire pro eo Apes omnes pulchrum putant. Vbicumque ille consedit, ibi vniuersarum castra sunt, eoque prehenso totum tenetur agmen, ³ amisso dilabatur, migrantque ad alios, esse utique sine rege non possunt. Regiam ei in vna parte aluei extruunt amplam, magnificam, separatam, tuberculo eminentē; seorsim itaque ab alijs habitat. Eo ex-

Lib. vi. tincto mæret plebs, ignauo, inquit Plinius, dolore. Non cibos conuehunt, nō

pro

procedunt, tristi tantum murmure glomerantur circa corpus eius : subtrahitur itaque ab ijs, alioqui eum spectantes exanimem, luctum non minuunt. Tunc quoque, ni subueniatur, fame moriuntur.

ANNOTATIONES.

1. *Arcessunt.*] Odore autem eum sagacissime percipiunt, atque de fuga in regnum reducunt: contra quam à multis factitatum, qui reges suos æquos licet, & summa moderatione imperantes, vel regno eiecerunt, vel veneno gladioue, aut maleficio alio è medio sustulerunt. Nolo in re tragica & nimis nostro etiam ævo nota vti exemplis. Cæterum præter amoris, obediëntiæ atque in reges eosque omnes seu seculares sint, seu Ecclesiastici, qui nobis imperant, obseruantia exempla, quæ ab Apiculis haurire licet; Licebit item infinitam Dei sapientiam demirari, qui tot tantarumque virtutum vestigia, in tam pusillis corpusculis collocavit, atque exclamare cum Basilio illud Davidis, Quàm magnificata sunt opera tua Domi-

Domine, omnia in sapientia fecisti.

2. *Perire.*] Cuius itē meminit poëta his verbis:

“ corpora bello
“ Obiectant, pulchramque petunt per vul-
“ nera mortem.

Lib 5.

cap. 11.

3. *Amisso dilabitur.*] Quibus Plinij
verbis ista addit Aelianus. Rege extin-
cto, perturbantur omnia, & funditus
peruertuntur, fuci in Apum cellis pa-
riunt, atque ita miscentur vniuersa, vt
examen omnino deterius habeat; deni-
que regis defectione atque inopiâ pe-
reunt: quibus quidem patet, quot quã-
torumque sit bonorum causa Reipub.
Rex bonus, & communitati, societati,
familiæ cuilibet, bonus seu governa-
tor, seu rector, seu pater; Patet itē quam
merito inculcatum ab Apostolo sit, vt
pro regibus eorumque vita atque inco-
lunitate preces ad Deum fundamus:
Patet denique quam sibi malè consulât
populi illi, qui suavi Regum qui illis
imperant iugo excusso, sui iuris esse vo-
lunt, quod idem de ijs religiosorum fa-
milijs quæ moderatores suos non ferūt,
atque

atque dum minus sese ijs obsequentes præbent, religioni suæ interitum perniciemque arcessunt, intellige.

SAPIENTIA, *Vide* PRVDENTIA.

SENEX, SENECTVS.

§ 1.



Vid ab adolescentioribus debeat ijs, qui sunt ætate affecti doceant Elephantes, qui enim in ijs iuniores sunt, natu grandioribus de legitimo cibo cedunt, eisdemque summa obseruantia colunt, & à periculis liberant. In fossam etenim delapso, iniectis fruticum fascibus subtrahunt, quibus tanquam scalis ascendentes liberantur: nunquam ex senectute infirmum deserunt, sed ei fidissimi permanent, eiusque student incolumitati. Et vt à maximis istis ad minora, quin & ad minima quæque animalia progrediamur, quæ inter apes ætate prouectæ sunt, suum habent

habent locum à iunioribus discretum, neque vt hæ ad mella colligenda egrediuntur ; sed domi se continent. Quod idem formicis solemne est : neque enim quæ inter eas annis sunt graues ad messes confluunt , sed in limine domus eas expectant, quæ inde onustæ remeant , quarum & onera excipiunt, atque in horreum condunt.

ANNOTATIONES.

1. *Summa obseruantia*] Quod Lycurgus, quod Solon, Zaleucus, Charondas, cæterique legistatores præclare sanciuerunt, vt natu grandibus minores, vel de sedibus, vel de via decedant, eisque ætatis reuerentiâ assurgant , hoc idem natura brutis seruadum præscripsit, cui quidem ipsa obsequuntur magis , quàm legistorum sanctionibus mortales: Quot enim videre licet è iunioribus, qui coram cano capite (quod monet scriptura) non consurgunt, neque honorant personam senis? Qui ætatem per se venerabilem dedecorant, atque dehonestant? Qui eos spernunt, atque vilipendunt contra illud Sapientis?

Leuit. 19
31.

tis: Ne spernas hominem in sua sene- *Eccles. 8. 7*
ctute, etenim ex nobis senescunt. Quasi
dicat: Quamquam forti modò sis vege-
toque corpore, senes autem infirmo at-
que imbecillo, & licet animo valeas
atque sensu, qui in illis sensim deficit,
non idèd tamen contra eos insolescen-
dum: neque ipsi tibi aut risu prosequen-
di, aut ignominia afficiendi, etenim ex
nobis senescunt: obrepet etiã tibi pau-
latim senectus (siquidem ea dignus sis,
& non prius vitæ tuæ periodus finem
capiat) annisque grauaberis: Veniet *Eccles.*
etiam tibi tēpus afflictionis, & appro- *12. 21.*
pinquabunt anni de quibus dices non
mihi placent. Tenebrescent tibi sol &
lumen & luna & stellæ, & reuertentur
nubes post pluuiam: commouebuntur
tibi custodes domus, & nutabunt viri
fortissimi, & otiosæ erunt molentes in
minuto numero, ceteraque etiam tibi
euenient senectutis incommoda, quæ
pulcherrima Allegoria persequitur Sa-
lomon. Illud itaque tibi tempus animo
præuidédum, neque aduersus senes in-
solescendum, maximèque pudendum

te in istâ aduersus natu maiores obseruantia, tanto brutis ipsis inferiorem existere.

SEPULTURA.

§ I.



VITA functos sepultura afficiēdos docent variæ animantes. Elephantus cum alterum perspexerit mortuum super eum terrâ promiscide inijcit, vel ramum, atque sic quodammôdo mortuo parentat, communem mortis sortem miseratus. Grues item sepultura mortuas suas afficiunt, vt & ¹ Formicæ, quæ sibi necessitudine aliquâ iunctas granorum folliculis cōdunt, vt homines in urnis parētes suos vel amicos. ² Apes etiâ defunctas suas efferunt, funerantiumque more comitantur exequias.

ANNOTATIONES.

¹ *Formicæ.*] Domos suas habent formicæ cauernis discretas omnino tribus, è quibus vna est in qua cætus & comitia

tia celebrantur, altera eorum, quæ in annum seruantur penu. Tertia elatorum & vita functorum cæmeterium. Quanta sit autem formicis mortuarum cura, ne insepultæ maneant, fidē facit, quod se obseruasse commemorat Cleanthes, *Plutar-*
chus. formicas quasdam ad alienam myrmeciam seu domicilium adiisse, eoque aliunde nactas formicam mortuam detulisse, atque in cauernæ faucibus constitisse, dum aliæ inde egrederentur, atque obuiam procederent. Ibi tum veluti inter se aliquid collocutas contraxisse, atque rursus intro rediisse, hoc factum iterum iterumque: postremò vermem has, redimendæ vt videbatur, mortuæ formicæ, quæ ad eas pertinebat, pretium extulisse, idque alteras accepisse, & quam ferrent mortuam dimisisse, quam vbi de aliarum manibus accepissent, eam inde humandam exportasse atque discessisse. Quid his quæso vel humanius ab istis animalculis, vel amicabilius præstari potuit? Multum quidem ac meritò sanè celebratur imperatorum, ducumque exer-

2. Mac.
12.

citus pietas, qui eorum militum corpora, quorum fortis ac gloriosa fuit mors, etiam persoluto pretio redimunt, eaque ipsa honorifico condunt sepulchro: verum ut isto humanitatis officio eos prosequantur, monet tum ratio ipsa, tum eorum in rempublicam merita, tum quandoque humana lex (apud Athenienses enim si quis dux peremptos bello, sepulchro honestare neglexisset, capite plectebatur) tum pericula adita, vulneraque suscepta, quin & mors pro communi salute generosè obita, quibus stimulis quid validius excogitari possit? quid autem istorum in formicis cōperias? quos nec ratio, qua carent ipsæ, neque mortuarum merita quæ nulla sunt: & ut essent ab ijs cognosci non possent, sed vnius naturæ propensio ad tam illustrem tamque admirandam in vitâ functos pietatem benevolentiamque propellit.

2. Apes.] Quod ita canit Poëta.

Lib. 4.
Georg.

tum corpora luce carentum
Exportant tectis, & tristia funera ducunt.

§ 2.

DElphini sui generis mortuorum *Aelian.*
 sepulturam sic curant: Eorum *l. 12. c. 6.*
 cadauera subeūtes ad summam
 aquam alleuant, tum ad continentem
 simul illos efferentes, hominibus sepe-
 liendos tradunt: postea sequitur magna
 delphinorum multitudo, tanquam fu-
 neri operam dantium, atque in extin-
 ctos, honores conferentium, illosque
 ab impetu aliarum belluarum ne deuo-
 rentur, defendentium. Accipiter ho-
 minem mortuum, si inhumatum per-
 spexerit, iniectâ glebâ: contegit.

ANNOTATIONES.

1. *Sepulturam curant.*] Cum homi-
 nes alios item homines insepultos re-
 linquant. Ab Atheniensibus Phocion
 vir probus proiectus, sepultura caruit.
 Iacuit Alexandri licet mater Olympias
 inhumata. Magnum verò Pompeum,
 cū tot tantasque res præclare gessis-
 set, atque summis victorijs partis, ter
 triumphasset, Aegyptij non interfece-
 runt modò; sed & capite prius mulcta-
 tum, proiectum ad littus reliquerunt.

Et ne prophana tantum demus. Antiochus rex, (inquit sacer textus) qui insepultos multos abiecerat, ipse & illamentatus & insepultus abijcitur, sepulturâ neque peregrinâ vltus, neque patrio sepulchro participans. Ioachim itē filius Iosix sepulturâ afini sepultus est, putrefactus & proiectus extra portas Ierusalem. Multi tempore Tobix inhumati iacuere, è quibus quos poterat ipse sepulturâ donabat. Denique Babylonis rex, de quo hæc Isaias: Tu autem proiectus es de sepulchro tuo, quasi stirps inutilis, pollutus & obuolutus cum his, qui interfecti sunt gladio, & descenderunt ad fundamenta laci quasi cadauer putridum. Qui plura istius generis desiderat consulat tum historiam Ecclesiasticam, tum Romanum Martyrologium, vnde comperiet, quàm sint feris ipsis inhumaniores ac sæuiores homines, etenim ibi sese offerent hominum portēta veriùs quàm homines, qui non insepulta tantum sanctorum Martyrum corpora dimiserunt, sed ea ipsa tum feris lanianda atque discerpenda,

penda tradiderūt, tum in ea ipsi summā crudelitate atque inhumanitate sœuierunt: ista etiam re brutis inhumaniores, quod hæc sacris sanctorum exuvijs frequenter pepercerunt, easque intactas reliquerunt, quas ipsi omni contumeliarum genere violarunt.

2. *Contegit.*] Id enim postulare videntur vitæ functi. Vt ille apud Maronem.

*Eripe me his inuictis malis, aut tu mihi 6. Aenei.
terram*

*Inijce, namque potes, portusque require
Velinos.*

Facit autem accipiter naturæ sensu, quod ratione duce fit ab hominibus.

Author est Sophocles impium habitū *In An-
fuisse viso cadauere insepulto non inie-* *gono.*

*cis*se puluerem. Atque Athenis Buziges eos est execratus, qui inhumatum cadaver neglectui habuissent. Apud Hebræos etiam lege cauebatur, ne hostem quidem insepultum relinquerent, ut non sit mirum si tanto Tobias studio in *Cap. 1.
defunctorum sepulturam incubuerit.* *et 2.*

SILENTIVM.

§ 1.



SILENTII magistri sunt Anseres, qui Taurum montem transmissuri, singuli Aquilarum metu mordicus ore lapidem tenent, vt 1 ne clangorem fundât, tanquam enim silentij frenos sibi iniicientes montem transuolant, atque sic suppressa omni clangoris significacione, persæpe Aquilas fallunt.

Inter cicadas solus mas cantat, fæmina muta est, ac more sponsæ verecundæ, silentium sibi 2 conuenire existimat.

ANNOTATIONES.

1. *Ne clangorem.*] Dicas eos nosse illud sapientis: Tempus tacendi, tempus loquendi, quod se tenere audacius astringit Ino apud Euripidem. Quantum autem sit silentij bonum, & quot quantaque mala à linguæ intemperantia vide Plutarchum de loquacitate. Certè Pythagoreorum atq; Aegyptiorû dogma fuit silentio Deum esse colendum.

2. *Con-*

2. *Conuenire.*] Mulieribus silentium conuenire symbolo isto ostendit Phidias Heliensibus, quibus Veneris signū fecit quæ testudinem calcaret ijs commonstrans, vxoris ornamentum esse ædes custodire ac silentium. Hinc & Aegyptiæ mulieres calceis non utebantur: vt ita domi se continere quodammodo cogerentur, neque possent fabulandi causa quoquam proficisci, atque vt loquitur Paulus, otiosæ circumire domos: non solum otiosæ, sed & verbosæ & curiosæ, loquentes quæ non oportet. Quamobrem ab eodem Paulo præscribitur mulieribus, vt taceant, atque in silentio discant cum omni subiectione, docere autē mulieri non permisit, neque dominari in virū; sed esse in silentio: Multò autem maxime vetat eas in Ecclesia loqui. Mulieres (inquit) in Ecclesijs taceant, non enim permittitur eis loqui, sed subditas esse sicut lex dicit. Si quid autem volunt discere, domi viros suos interrogent: Turpe est enim mulieri loqui in Ecclesia.

1. ad Ti-
mot. 3.
13.

1. ad Ti-
mot. 2.
11. 12.

1. ad Cor.
14. 34.
35.

SIMPLICITAS. *Vide* PRUDENTIA.

§ 1.



IMPLICITATEM doceat
 1. columba, quæ sine fuco est,
 & dolo, neque oculos habet
 duplices aut simulatos, quem-
 admodum vulpes, quæ cum videantur
 huc respicere, aliò aciem dirigunt, vt
 cum terram videntur infernè intueri
 ex obliquo tamen sursum vel ad latus
 oculorum aciem dirigentes, prædam
 circùm spectant, quam rapiant: At o-
 culi columbarum simplices sunt, atque
 fraudis nescij, totique in id defiguntur
 quod aspiciunt, vt manifestè deprehē-
 di possit, quorsum visus sui aciem di-
 rigant.

ANNOTATIONES.

1. *Columba.*] Huius volucris simplici-
 citas à sacris etiam literis sibi authori-
 tatem sumit: Estote, inquit Christus,
 prudentes sicut serpentes, & simplices
 sicut columbæ: Atque ab Salomone in
 Can-

Canticis ad denotandam pulchritudinem spirituales oculorum sponsæ, cō-^{15.}
feruntur ij cum oculis columbarū. Ecce tu pulchra es (inquit) amica mea, Ecce tu pulchra es, oculi tui columbarum. Atque item cap. 5. reddens quodammodo sponso suo cælesti sponsa laudū vicem: oculi (inquit) eius sicut columbæ super riuulos aquarum, quæ lacte sunt lotæ, & resident iuxta fluentia plenissima: hanc autem habet vim ista similitudo, vt eā indicetur tum sponsū, tum sponsam oculos habere omnis fuci atque simulationis expertes, suumque ipsos intuitum in vnum defigere, Dei scilicet maiorem gloriam, quam vnice in omnibus quouis suo emolumento postposito spectent. Atque hic est oculus simplex, de quo Christus Dominus: si oculus tuus fuerit simplex, totū corpus tuum lucidum erit, si autem nequā ^{Lucæ 11} fuerit, etiam corpus tuum tenebrosū ^{34.} erit. Quam eandem columbæ simplicitatem sub paruulorum symbolo à suis exigit etiam Christus Dominus. Nisi efficiamini (inquit) sicut paruuli, non
intra-

*Serm. de
obitu
Fratris.*

intrabitis in regnum cœlorum : Sunt enim pueri simplices & fraudis ignaræ; Talis erat referente Ambrosio sanctus Satyrus frater eius , de quo hæc ipse : Tantæ autem simplicitatis erat vt conuersus in puerum , simplicitatem illius ætatis innoxia, perfectæ virtutis effigie & quodam innocentium morum speculo reluceret. Intrauit igitur in regnū cœlorum quoniā credidit Dei verbo, quoniam sicut puer artem repulit adulandi , iniuriæ dolorem clementer absorbuit , quam clementius vindicauit, querelæ quàm dolo promptior , satisfactioni facilis, difficilis ambitioni, sanctus pudori , vt frequenter in eo superfluam magis verecundiam prædicares, quam necessariam quæreres. Hæc Ambros. quæ cum columbina ista simplicitate mirè consentiuit. Et ne virtus ista, tanquam vilis minorisq; momenti despectui habeatur, subiiciam , quæ idem in eius affert commendationem. Quid, inquit, simplicitate ditius ? Quæ sicut bonus pater-familias satis sibi abūdat, & sua puritate contenta non quærît alie-

*In ps.
61.*

alienum, nec abrodit, sed de se cæteros fingit. Innocēs enim credit omni verbo, nec se in artes varias sæpe commutat, sicut astutia quæ ut sit cauta, timet omnia, nec se consilijs suis credit, versat suas ipsas sententias. Simplicitas autem nihil timere nouit.

Porro Chrysostomus columbæ simplicitatem, quam æmulari Christianū oportet, in eo sitam esse vult, ut iniurias suas non vliscatur, sed in ijs etiam māsuetudinem præ se ferat, nihil enim prudentia proderit, nisi hæc simplicitas adijciatur. cuius præcepti difficultatē ut ostendat Chrysostomus, addit illud simile esse, ac si quis arundinem in ignem imponens non cremari, ab igne illam velit, sed contrà, ignem ab arundine extingui: Quod tamen ab Apostolis asserit Dei gratiâ adiutis præstitum, in quos cū Iudæorum populus frequentius insurgeret, ac dentes in eos acueret, nunquam tamē columbæ simplicitatem perdidere, sed mansuetudine ac moderatione respondendi, iram eorum superarunt, furorem incitatum
extin-

*Hom. 34
in Matt.*

Act. 17. 4

extinxerunt, impetum retardarunt. Nā
 cū illi dicerent: Nonnē etiam atque etiā
 præcepimus vobis nē doceretis in no-
 mine isto? Quamuis innumera possent
 edere miracula, nihil tamen asperum,
 nihil acre dixerunt, neque fecerunt, sed
 mansuetè respondentes: si iustum est
 (inquirebant) vos audire, magis quàm
 Deum, iudicate. Perspexisti simplici-
 tatem columbæ, vide nunc serpentis
 prudentiam. Non enim possumus (in-
 quiunt) nos quæ vidimus, & audiui-
 mus non loqui. Hæc ille. Quibus consentit
 Basilii, vt dictum verbo Prudentia.

SOBRIETAS, *Vide* EBRIETAS,
 GVLA, PATIENTIA,

§ I.



OBRIETATEM doceant Ele-
 phanti qui Romæ docti sunt tū
 in cibo, tum in potu modum
 seruare. Vide verbo Nobilitas.

Asian.

l. 5. c. 39

Eandem doceat præterea Leo, qui
 cum se vltra quam ferre queat cibo
 com-

compleuit, quiete, ¹ sobrietate, quin & inedia se exhaurit.

Item Vrsa quæ cū pinguiore est cor- *Aelian.*
poris habitu, ² quadraginta dies omni *l. 6. c. 3.*
cibo sese abstinet, tantumque solo lin-
gendo dextero pede se sustentat. Præ-
terea Cameli qui non nisi quinto quo- *Carda-*
libet die bibunt, & si ante id tempus *nus de*
bibant, læduntur, ³ sitim tamen tole- *subtili-*
rant ad dies vsque quindecim, similiter *tate.*
inediæ sunt patientissimi.

Doceant denique lupi qui carnibus *Plutar-*
farti, ijs deinceps abstinent, cubando- *chus de*
que tantisper se fouent dum percoquāt: *industria*
Dictum supra Verbo Gratitude. Quæ- *anima-*
admodum Tigris biduum totum dia- *lium,*
tam certam feruet.

ANNOTATIONES.

1. *Sobrietate.*] Ebriosi autem nostri
postridie eius diei quo vino maduere,
atque egregiè pergræcati sunt, vt illi in-
temperantiæ medicinam faciant, resu-
munt sua pocula, nouaque compota-
tionum ineunt certamina, falsò dicti-
tantes non esse aliam ebrietati crudi-
tatibusque, quas inuehit ipsa, medici-
nam

nam nisi vt de pilo bestia (ita enim loquuntur) à qua sunt demorſi, iterum, iterumque ſumant, atque vinum vino, crapulam crapula proſſigant, atque diſcutiant. Quod quidem quàm ſit falſum iſti morbo remedium, & vel rationi ipſi aduerſum (contraria enim contrarijs curari tradit lumen rationis) docent tum bruta ipſa factò ſuo, tum allatis varijs ad id rationibus Plutarchus.

In libello de inſentia boni & mali.

2. *Quadrageſima dies.*] Qua tam diutina cibi abſtinentia ei inteſtinum eatenus adducitur & contrahitur, vt prope cohæreat. Quod quidem dum præſentit, Aron herbam agreſtem comedit, cuius naturâ ventofâ inteſtinum diducitur, & dilatatur, eidemque facultas receptâdi, vt ante, cibi affertur.

3. *Situm tolerant.*] Cuius ea videtur eſſe cauſa, quod animal ſit valdè ſiccū, quod quidem prudens natura optimè prouidit, vt animal quod in deſertis vitam ageret, vbi ſumma aquæ penuria, frequenti potu minimè indigeret. Antimum aduerte lector, cum tu non minus quàm camelus in deſerto vitam ducas,

eum

eum tibi in cibi potusque moderatione imitandum. Cæterum ab ea iuuari admodum admirādam, qua præstant, cameli celeritatem, qua die vno centum millia passuum conficiunt, certum est, videmusque etiam inter homines eos velociores esse, atque ad iter faciendum expeditiores, qui cibis pinguedineque minus grauantur.

SOCIETAS, SEV VITA SOCIALIS.

§ I.



AB istis brutis vitam socialem discamus licet. Ciconiæ si quod pergendum est, collecto proficiscuntur agmine, exercitum credas cum signis suis pergere, sic omnem eius ordinem perfectè & rationem seruant. Palumbes, columbi, grues, sturni, corui, olores atque cornices, etiam turdi gaudent plurimorum connexionē. Formicarum nota est vita socialis, vt & Apum, quæ velut quandam ha-

O O bent

bent Rempublicam, atque vitæ huius ætatem agunt sub legibus: vnā omnes incolunt mansionem, vnus aluearis clauduntur finibus, in commune omnibus labor, communis cibus, communis operatio, communis vsus & fructus est, communis volatus. Complura etiam inter aquatilia gregatim degunt, vt thunni, vt limosæ, vt aurix. Dentices pisces tam societatis sunt amantes, vt non ferant sese à gregalibus suis separari: solent autem iuxta ætatum discrimina degere, per adollescentes enim separatim à reliquis natant: ij quoque qui sunt natu grādiore inter se viuunt, atque hac mutua inter se societate se inuicem etiam ² iuuant & contra pisces tuentur, nam vbi hi cibum demiserint, congregati & in orbem consistentes inter se conspiciunt, & quasi signo dato admonent ne propiùs ad cibum accedant: Accidit autem nonnūquam, vt soliuagus quispiam ex eis hamum deuoret, nempè qui non interfuit cum omnibus ediceretur non esse demissum cibum attingendum, ac suæ solitu-

solitudinis præmium mortem accipiat.

Illud etiam obseruatum ab Aristote-
le est nullum animal cui vngues adūci,
gregatile esse: cui succinit Ambrosius,
qui ait societatis vitæque cōmunis gra-
tiâ eas carere & feras quæ intendunt ra-
pinis. Nam propter auiditatem prædā-
di, vel propter insidias explorandi, nec
ipsis inter se conuenit, & ideo decli-
nant mutua consortia.

Lib. I. de
hist. a-
nim. c. I.
Lib. 5.
Hexa. c.
14.

ANNOTATIONES.

1. Apum.] De quarum societate hæc 4. Geor.
Virgilius:

*Solæ communes natos, consortia tecta
Vrbis habent, magnisque agitant sub le-
gibus æuum,*

*Et patriam solæ & certos nouere penates,
Venturaque hyemis memores, æstate la-
borem*

Experiuntur, & in mediū quæsita reponunt.
Atque hoc extremo indicat communē
ijs esse cibum, nihilque eas priuatum
seorsimque ab alijs possidere, quod sum-
mum veræ societatis, maximèque eius,
quæ religiosam conflatur familiam meri-
tò dixeris ornamentum, quæadmodum

Oratio-
ne 44.

& quod addit Diō Chrysoſtomus, nul-
lam eſſe apem quæ relinquat ſuum al-
ueum, ad aliumque tranſeat, licet alie-
ni aluei multis commodis perfruantur,
proprii omnium ſint inopes. Obſeruēt
iſtud religioſi, qui vt melius corpore
quidem, vtinā & animo habeant, tum
alienam religionem capeſſunt, tum ad
eiſdem inſtituti alias domos. tranſ-
migrant: quibus quidem multò adhuc
infæliciores ſunt & deteriores, qui reli-
gioſæ paupertatis atque perfectionis
perteſi, pro nihilo habent terram deſi-
derabilem; & ſæculum ſæculique com-
moda (quæ magno pridē animo deſpe-
xerant) & quæ inde conſequitur, vitæ
licentiam atque libidines inſipienter
repetunt; quibus & contingit illud veri
prouerbij: canis reuerſus ad ſuum vo-
mitum: & ſus lota in volutabro luti.

2. Pet. 2. 22. Vtinam non & miſeris iſtis contingat
item illud Chriſti Domini: Nemo mit-
tens manum ſuam ad aratrum & reſpi-
ciēs retrò aptus eſt regno Dei: ſed quid
noſtra proſint vota, cū nō poſſit ſolui
ſcriptura. Quod ſi à regno Dei arcen-
tur,

Luce 9.
62.

Ioan. 10
39.

tur, superest igitur ut manibus pedibusque ligatis mittantur in tenebras exteriores: ibi erit fletus & stridor gentium.

2. *Iuuant &c.*] Quod idem usu venit cæteris animalibus, quæ in commune viuunt, cuius vitæ fructus est mutuum auxilium, & præsidium, quod quidem in hominibus multò maximè locū habere sic explicatur à sapiēte. Melius est *Ecc. 49* duos esse simul, quàm vnum, habent enim emolumentum societatis suæ, si vnus ceciderit ab altero fulcietur, vā soli, quia cū ceciderit non habet subleuantem se. Et si dormierint duo, fouebuntur mutuo; vnus quomodo calefiet? Et si quispiam præualuerit contra vnum, duo resistunt ei. Funiculus triplex difficile rumpitur. Hæc Ecclesia-
Lib. 4. de Benefic. c. 18
 stes: à quibus non multum abhorrent, quæ de eadem vita communi præclare Seneca. Quo alio, inquit, tuti sumus, quàm quod mutuis iuuamur officiis, hoc vno instructior vita contraque incursiones subitas munitior est beneficiorum commercio. Fac nos singulos;

quid sumus? praeda animalium & victimarum, ac vilissimus & facillimus sanguis. Quoniam cæteris animalibus in tutelam sui satis virium datum est. Quæcunque vaga nascuntur & actura vitam se-gregem, armata sunt: hominem imbecillitas cingit non vnguium vis, non dentium, terribilem cæteris fecit, nudum & infirmum societas munit. Duas res dedit quæ illum obnoxium cæteris validissimum facerent, rationem & societatem. Hæc fortes nos facit, quod licet contra fortunam aduocare. (Alios scilicet in auxilium & solatium.) Hanc tolle, & vnitatem generis humani qua vita sustentatur, scindes. Hæc Seneca pro vita communi.

Lib. 1. de

Rep. c. 2.

Laertius

l. 7. c. 2.

Epist. 61

Aristoteles autem scriptum reliquit solitarium hominem aut Deum esse, aut belluam. Et Cleanthes, cum conspicatus esset quendam solitarium ac secum loquentem: Vide, inquit ne cum improbo homine loquaris: Atque rursus Seneca, omnia nobis mala solitudo persuadet, nemo est cui non sanctius sit cum quolibet esse quam secum; nisi (ut idem alibi)

alibi) eum se effecerit qui dignus sit *Epist. 3?*
 quo diutissime fruatur ipse. Solitariam
 vitam (verba vsurpo Hieronymi) nun- *Epist. ad*
 quid his reprehēdimus? Minimè, quip- *Rustic*
 pe quam sæpe laudauimus: sed de mo-
 nasterijs his nolumus egredi.

3. *Solinagus.*] Hic se ingerit recorda-
 tio Thomæ qui ab cæterorū Apostolo-
 rū cœtu alienus, infidelitate peccauit.

4. *Feras &c.*] Quibus Ambrosius si-
 miles facit auaros (nempe ijs vngues
 adunci, raptoque viuunt) qui plurium
 consortium refugium, solique volunt
 omnia possidere, fugiunt cohabitare cū
 hominibus, & ideo excludunt vicinos, *Isa. 5?*
 solisque habitare placet super terram.

SOLLICITUDO, *Vide SPES.*

§ I.

EORVM, quæ ad victū, vitæque
 cultum necessaria sunt, fugien-
 dā sollicitudinē doceant: aues,
 quæ quotidiana quam sibi ipsæ conqui-
 runt annona contentæ, minimè de cra-

stina cogitat, quod idem de cæteris ferè animantibus licet asserere, formicis exceptis, atque pauculis alijs.

ANNOTATIONES.

I. *Aues.*] Has etiam adhibuit Christus Dominus ad nimix istius sollicitudinis fugam persuadendam. Respicite, inquit, volatilia cæli, quoniam non serunt neque metunt, neque congregant in horrea, & pater vester cælestis pascit illa. Nonnè vos magis pluris estis illis? Si enim (ita in hunc locum Chrysostomus) quæ sunt rationis expertia, non sunt de alimentis sollicita, quomodo te defendes qui ne tantum quidem ostendis præsentium rerum contemptum, quantum aues?

Hom. in
ps. 110.
Tom. 1.

SPE S.

§ I.

PERANDVM in Deo aduersitatis tempore doceat Alcyon auicula maritima, quæ in litoribus fœtus suos edere solet, atque

atque ouis in ipsa maris arena positus
circiter mediam hyemem pullos exclu-
dit, cum crebris violentisque ventorum
procellis mare pertunditur, atque litori-
bus alliditur. Verum quod planè stupē-
dum est, atq; illustre in hanc auiculam
diuinæ prouidentię argumentum, tum
temporis in Alcyonis gratiam 1 silent
venti omnes, tumida æquora placātur,
idque diebus septē, tot enim diebus ouis
incubat, totque diebus pullos excludit.
Sed cum & educatione ijs sit opus, alios
itidem dies septem, summa licet hye-
me, serenos tranquillosque indulsit ei
diuina beneficentia, quibus eos educet
atque nutriat. Quos dies quatuorde-
cim 2 nautæ omnes norunt, atque Al-
cyonios appellant. Spem eandem do-
cet 3 hirundo, quam Deus mirabili in-
nidificando solertiâ voluit præditam:
nam primum stramenta ore colligit
perfertque, lutum autem cum deferre
nequeat pedibus, extremas pēnas aquā
primum madefacit, deinde tenuissimo
pulvere sese inuoluens lutum facit: Tū
paulatim compactis inter sese furculis,
colli-

colligatisque festucis, interposito luto perinde atque glutino quodam, in ipso nidulo iam extructo, sua edit oua, indeque pullos excludit, eosque nutrit, quorum si quis pupugerit oculos, habet quandam à natura sibi concessam & facultatem medendi, quâ ijs pristinam sanitatem reddit.

ANNOTATIONES.

I. *Silent venti &c.*] Quid à Deo tu
Hom. 8. (conceptus est Basilij atque Ambrosij)
in Hexa. etiam præter omnium spẽ, etiam sum-
Lib. 5. mis malis pressus non exorabis, quem
Hexam. imaginis suæ similẽ esse voluit, quando
cap. 13. alitis tam exiguæ gratia mare tam vastum, tam terribile, tãque sæuum media hyeme tràquillum pacatumque efficit. Sed vide ut huius auiculæ fidem imiteris. Illa tempestates videat licet insurgentes, non ideo tamen ab ijs reuocatur, neque eas extimescit, de diuinâ prouidentia secura, sed in littore oua constituit, quæ madida adhuc relabẽte fluctu arena excipiat, neque insurgentes fluctus, quos adhuc allabi videt, reformidat: illa tibi etiam naufragio
 proxi-

proximo & iam iamque fluctibus hauriendo, id est in extremis etiam periculis, atque ubi nulla præsidij spes affulget, constanter in Deo sperandum ad portum te peruenturum tandem, neque vnquam te cōtradicanthæc creata omnia, à Dei prouidentia deferendum.

2. *Nautæ norunt &c.*] Quibus etiam audacter mari sese credunt, probè sciētes totis illis diebus quatuordecim, tutam ijs fore nauigationem: Et quamquam dies isti (addit Aristoteles) non semper in nostro mari cernantur, at in Siculo penè semper id euenit.

*lib. 5.
de hist.
animal.
cap. 8.*

3. *Hirundo.*] Cuius artificium atque industriam consideraturus Basiliius: *Hom. 8.* nemo, inquit, paupertatem deploret, neque is de sua vita desperet, cui nihil est de patrimonio suo relictum, ad hirundinis attendens ingeniosam solertiam, quâ explicatâ: hæc te admoneant (inquit) vt ne per paupertatis incommoda ad flagitia vlla fraudesque mentem deflecti sinas, neque in grauissimis malis constitutum te eiectâ spe omni, penitus inertē animoque fracto iacere, sed

sed tunc ad Deum ipsum confuge, qui si tantis muneribus hirundinem affecit, quanto maiora in eos beneficia cōferet, qui toto ipsum corde inuocant. Hæc Basiliius. Quorum eheu quot immemores paupertatem suam lugent, eamque grauitè ferunt, & quod deterius est, plerosque inopia in crimen, in fraudes, in furta impellit? Alij verò calamitate pressi spem omnem abijciunt, fractique animo concidunt, inertes atque improvidi iacent, cùm de diuina miseratione tunc sperandum sit amplius, cùm humana præsidia defece-
rint.

Lib. de
Panit.
cap. 12.

4. *Facultatem medendi.*] Applicata ijs herba chelidonia dicta, de qua ista Tertullianus. Hirundo si excæcauerit pullos, nouit illos oculare rursus de sua chelidonia. De ea qua eadem ista Plinius. Chelidonium visui saluberrimam hirundines monstrauere vexatis pullorum oculis illâ medentes.

Q Vis non in Deum speret cum aduertit istam agniculo dedisse authorem naturæ propensionem ² ad sui cōseruationem, vt cū per tota ouilia vagatus errarit à matre, neque eam reperire possit, balatu frequenti absentem excitet, qua respondente multis licet in millibus ouium similiter balantibus, recognoscat tamen vocem parentis, ad eamque properet. Matri item id à Deo datum ad agniculorum suorum educationem, vt eos inter multa agniculorum millia, solos nouerint: quamquam vnus sit omnium balatus, vox eadem, vnus sepe numero color, ³ vnus etiam odor. Et licet fallatur pastor in discretionem tã ouium quam agniculorum: neque hi tamen in agnoscenda matre, neque illæ in filiis errare possunt.

ANNOTATIONES.

1. *Quis non speret &c.*] Hic enim valet illud Christi Domini à minori ad maius, verbo cōmutato. Multis agniculis meliores estis vos, si igitur ita istorū conser-

conservationi prouidet, eaq; omnia largitur media, quibus ad suum finem perueniant; quis iure sibi Deum ea denegaturum existimet? cum præsertim quidquid tum agniculis, tum cæteris animantibus diuina beneficentia imperita est, id omne vnus hominis gratiâ ab ea factum sit, cui famulatur quidquid est iuxta illud Pauli: Omnia vestra sunt.

2. *Ad sui conservationem.*] Neque enim oues cæteræ vbera ei præberent, neque eâ requireret ipse, solam enim matrem naturali amoris in eam actus pondere requirit, licet fortè aliæ matres plus habeant lactis, quàm ipsa.

3. *Vnus odor.*] Quatenus scilicet odoratus noster potest discernere: etenim inest ouibus quædam sentiendi facultas, nostra longè perfectior, quàm fœtus suos in numeroso etiam multorum millium grege internoscunt.

§ 3.

E Chinus marinus cum tempestatem præfagit, calculū haud exiguum arripit, sub ipso tanquam

quam anchorâ se ipsum stabiliens, detinetur enim illius pondere, ne facîle à fluctibus trahatur atque agitetur.

ANNOTATIONES.

1. *Echinus &c.*] Postquam demiratus est Basilius etiam huic animalculo vili, Deum Opt. Max. immensæ suæ sapientiæ vestigium tam evidens atque apertum impressisse, hæc addit: Nihil est prorsus, quod non sub Dei providentiâ cadat. Nihil est omnino, quod à Deo neglectum sit, omnia explorat, omnia conspicit oculus ille peruigil, omnibus adest, facultatemque salutis cuique præstat. Si herinaceum Deus à sua providentiâ nō excludit, ea quæ ad te pertinent non explorat? non conspicit? Hæc Basilius atque eadem eius imitatione Ambros.

Lib. 5.
Hexam.
cap. 9.

§ 4.

E Andem in Deum eiusque providentiam spem firmam prædicat
 1. bruta omnia, quibus ita corpus eiusque partes omnes disposuit: ut eorum naturæ congruebat, ac quemadmodum cuiusque fini consequendo opportunum

tunum erat: Qua quidem consideratione & notitiâ nescio quid pulchrius, quidue diuinius proponi possit; sed breuitatis amans paucula tantum eius rei exempla dabo. Auibus, quæ raptu viuunt, ungues dedit asperos, curuum os atque acutum, volatum pernitem, ut faciliè possint corripere prædam, quam sequuntur, atque mox ore vel unguibus euiscerare. Quæ eadem cæteris volucris (quarum diuersa viuendi ratio) non tribuit, verùm alia prout cuiusque naturæ erant consentanea. Pisces acutissimos frequentesque habent dentes, quibus citissimè cibum molant, ne si mora in molendo traheretur, aquæ fluxu diffunderet alimentum; itaque velocissimè dentibus dissectum in stomachum demittitur, ne dum tantisper in partes secatur, humore aquæ abreptum fugiat. Animantibus illis, quæ solum in vna mandibula dentes habent, complures pabuli cellulas dedit: nam quod primum immixtus ori cibus, dentibus minus atteratur, ideo tributa est eis reuocandi iterum ad os cibi facultas,

tas, quò ruminacione nondum aliàs satisfectus cibus conquoqui possit, atque in animantis substantiam conuerti. Collum longum camelus obtinet, si enim breue haberet, herbam, quâ vescitur, attingere non posset, cum longas sit tibias nactus: Contra perbreue est humeroque ingestum tã leoni quàm vrsæ atque tigridi cæterisque generis huius animantibus collum, eo quod cum herbis non vescatur, sed carne & præda, necesse non est vt humum ore contingant.

Vulpibus cùm ob alia tum ad cibum sibi astu conquirendum longior data est cauda. Mons est in Cantabria Hispaniæ prouincia, in mare valde emittens, qui plurimas alit vulpes, quod commodam ijs præbeat cancerorû piscationem. Eos autem hoc piscantur modo. Vbi ad littus maris, quàm possunt proximè accesserint, caudam (quæ eis est pro funiculo & linea) in aquam immersam extendunt atque explicant, eam cancri qui eodem loco circumstant harum insidiarum ignari, pungūt,

mordent, eique morſu adhæreſcunt, quod cum ſentit vulpes, mox caudam in littus cancris onuſtam eiſcit, eoſque comprehenſos deuorat. Neque cibum ſagacitate diſſimili ſibi muſculus pro- uidet; ſolitus eſt enim caudam in olei vaſculum demiſſam, indeque retractam lingere. Formicis largita eſt diuina beneficentia ea omnia inſtrumēta (quod ſanè permirum eſt in tantillo corpore) quibus opus habent ad grana conqui- renda, ad ſegetum ſtruem conſcenden- dum, (eam autem conſcendunt maio- res, ſpicasque detruncant, & ad mino- res quæ inferius operiuntur demittunt, quæ ſumma dexteritate grana ex ari- ſtis atque paleis educunt) ad annonam in horrea ſua conuehendam & recon- dendam, ad ea denique omnia quibus id perficiatur; vt nihil quoad victum cultumque attinet animalculo iſti de- ſit. Sed infinita ſunt huius generis di- uinæ in animantes bonitatis atque pro- uidentix argumenta, quorum conſide- ratione non in ſpem modò erigitur ani- mus, verum admirabilem etiam capit volupta-

voluptatem iuxta illud Davidis : delectasti me Domine in factura tua , & in operibus manuum tuarum exultabo.

ANNOTATIONES.

1. *Bruta.*] Hic occurrit illud Aposto- 1. Cor. 9.
li: numquid de bobus (quod idem dice- 10.
re est de brutis omnibus) cura est Deo?
si igitur tantâ curâ prosequutus est bruta, tamque cauit diligenter, ne quidquam quod eorum naturæ conveniret, quodque adipiscendo fini esset necesse, vlllo vnquam tempore ea deficeret, quis nisi impius in eam veniat cogitationē, existimetque fore aliquando, vt sibi infinita illa bonitas quidpiam eorum, quæ salutis suæ consequendæ necessaria sunt, deesse patiatur? præsertim cum in ijs, quæ hominis corpus spectant tam fuerit provida, tamque ad finem eius accommodata membra, partesque corporis largita sit? quomodo non igitur eadem Dei bonitas summo studio, parique diligentia, quæ ad ipsius animi pertinent incolumitatem, provideat?

2. *Formicis &c.*] Ista sanè cogitatione potest quilibet quamquam despera-

tioni proximus animo assurgere, atque erigi in spem meliorum. Prouidet diuina largitas formiculis, mihi non prouidebit? Quid Dei interest, vt uiuat formica aut non uiuat? nunquid amplius eius interest vt uiuat is, quem sui similem esse, quemque sanguine suo redemptum voluit? Quare sibi persuadeât mortales nihil vnquam, vt ijs desit, passurâ diuinam munificentiâ, si se ea peccando non reddant indignos. Itaque peccatum oderint (quod vnicum, Deum inter atque hominem diuisionis causa est) & de diuina ope sint securi, nunquamque se ab eo deserendos, cuius paternâ sollicitudine, gaudent etiam vilissima animalcula, certò certius existiment.

§ 5.

QUod si quas brutorum animis vires indidit Deus, quaque solertiâ ea prædita voluit, tum ad ea, quæ cibum potumque spectant, tum ad se contra hostes propugnandum, considerabimus; multo adhuc magis acuetur spes nostra, sed quoniam
niam

niam de ista re multa dicta verbo Animus, & varia ad idem afferuntur hîc passim, isto vno minus fortasse vulgato contentus, alijs supersedebo.¹ Vulpi impressit Deus solertiam istam planè admirandam, vt sese à pulicibus liberaret. Vbi enim ore muscum vel arboris ramulum sarmentumue complexa fuerit, sensim in aquam à cauda posteriorique parte inchoando sese totam immittit; cumque pulices aquam non ferant, ij paulatim partem corporis inadafactam fugiunt, atque ad eam quæ adhuc sicca est se conferunt, qua similiter à vulpe aquis tinctâ, eam item deferunt: cùmque solum superfit caput aquis intactum quod iam vniuersum à pulicibus occupatum est, illud pariter ita immergit, vt oculis tantum atque ore extet: quare pulicibus vniuersis ad ramulum quem ore tenet adhuc siccum profugientibus, eum expuit, ex aqua exilit, atque sic à pulicum molestâ infestatione se eximit.

ANNOTATIONES.

1. *Vulpi &c.*] Aequum quidem videbatur dare Deum animanti isti solertiâ aliquam qua se aduersus eos hostes, qui vitæ eius insidiarentur, tueretur, cum eius, hominibus sit aliquis vsus: at Deū ita eius incolumitati & quieti consuluisse, vt etiam se à pulicum molestijs liberaret, omnem id sanè excedit admirationem, vehementerque spem excitat nostram, fore, vt qui vulpes tanto prosequitur amore, vt eos nolit à pulicibus infestari, nobis etiam opituletur, quo ab omnibus tum corporis, tum animi molestijs (vbi id salutis nostræ ratio postulabit) immunes, pacatam, tranquillamque vitam degamus. Quid enim Dei interest mordeatur nè à pulicibus vulpes, nec ne? Multum quidem, sed non tam vulpis ipsius causâ (quamquam & illi diuina bonitas velit bene esse) quam nostrâ, tum vt in eo spem nostram omnem collocemus, tum id agnoscamus, nihil tam esse vile despicatumque, quin ad id summâ suâ providentiâ se extendat.

SVPERIOR. *Vide* OBEDIENTIA,
 REX, PRINCEPS, CONTEMPLATIO.

TENTATIO.

§ 1.



TENTATIONES carnis potissimum, quemadmodum vincantur, doceant Anates, quæ cum Aquilam sibi desuper imminentem conspiciunt, illicò se intra aquam abdunt atque infra eam summa velocitate natando, ex alio loco extrâ eandem prodeunt: Quod si Aquila illuc quoque incumbat & instet, iterum demerguntur atque tamdiu sursum, deorsum commeant, dum Aquila aut submergatur aut discedat, tum enim hæposito metu ad summam aquam rursus natant.

ANNOTATIONES.

1. *Infra aquam.*] Fuga ista doceat nos illud Apostoli opere exercere: fugite fornicationem, iste enim hostis cum nos insequitur vt perdat, non tam fronte aduersâ quam auersâ cum eo congregiendum, fugâque sibi consu-

*Colla. 19
cap. 6.*

lendum docēt spiritualium rerum magistri: fugienda itaque omnis istius peccati occasio, intuitus mulierum, omnis cum iisdem consuetudo, earum recordatio quāquam sanctæ sint, quod grauitè monet Cassianus quodam loco (ubi & causam affert cur cum peccata cætera resistendo pugnandoque, istud verò fornicationis, fugiendo superetur) satis enim, inquit, perniciosum est adhuc infirmis ægrisque pectoribus, vel tenuissimam recordationem huius passionis admittere, ita ut nonnunquam eis etiam sub recordatione sanctarū fæminarum, vel sub sacræ lectionis historiâ, noxiæ titillationis stimulus excitetur. Cuius causâ seniores nostri huiusmodi lectiones sub præsentia iuniorum solent consultissimè præterire. Hæc ille. Quæ utinam expendant illi, qui non tenuissimam modò fæminarum earumque non sanctarum recordationem admittunt, quod hîc vetatur à Cassiano, sed & cum ijs plus æquo, & plusquam sola necessitas patiatur (quæ quidem viro religioso

gioso mensura est cum ijs agendi) versantur, qua quidem consuetudine id efficitur, vt & de ijs frequenter, & bene diu cogitent: quod num sine spirituali damno, nonnullaque castitatis iacturâ contingat, pënes ipsosmet iudicium esto.

§ 2.

Quemadmodum têtationis tempore quis se habeat docent quæ dicta sunt verbo Aduersitas.

TERRA, TERRESTRIS.

§ 1.

TERRAE amore minimè teneri docebunt quæ allata sunt verbo contemplatio, vt & sequentia.

Pompyli pisces: altum mare semper petunt, terramque oderunt vehementer & littora, quare circum naues altum petentes tanquam amicas concursant, easque huc illuc saltantes stipant, at vbi iidem terram non multo

multo abesse interuallo sentiunt, & easdem deferunt paulatim, atque frequentes in altum reuertuntur.

ANNOTATIONES.

1. *Altum mare petunt.*] Quo suo facto docent nos spiritualiter præstare, quod
Luce 5. Christus Dominus ad Petrum: duc
4. in altum, & laxate retia vestra in capturâ: & quod Christus ipse paulò antè præstiterat, dum postquam ascendisset in nauim Petri, rogauit eum; vt à terra eam reduceret pusillùm, vt commodius, inde minusq; interpellatus doceret turbas: Quid enim aliud est ducere in altum, quàm terrena despiciere, atque amare cælestia? quàm terra terrestribusque desertis despectisq; rebus, in ea quæ sursum sunt toto animi studio, contentioneque ferri? Quod quidem proprium est Christo initiatorum, atque eâ ceu notâ atque tesserâ discrimen existit inter Christi discipulos, atque alienos. Testatur Damascenus for-
In hist. Iosaphas titos esse olim nomen istud Christianos: Gens, quæ terrena omnia despicit, & nihil habet, ac solùm futura atque
 æterna

æterna curat. Nobile sanè nomen, & quo se modò plurimi Christi sectatores indignos esse volunt.

2. *Easdem deserunt.*] Quod quidem dum à nautis aduertitur, inde certò colligunt non se procul abesse à terra. Vide quemadmodum homines à brutis discunt, illisque hæc sunt sapientiora.

§ 2.

Idem doceat auis Manucodinta dicta in Moluccis insulis, quæ¹ nunquam terram tangit, ob idque² pedibus caret, & in aëre autem perpetuo habitat procul ab omni hominum visu, vbi caudâ atque alis in orbem extensis sponte sustinetur, vesciturque calidore.

*Vide P.
Iaric.
Tomo. I.
l. 2. c. 27*

ANNOTATIONES.

1. *Nunquam terram tangit.*] Neque vnquam in terra visa nisi mortua, quâ & se vidisse ter, asserit Cardanus.

*Lib. 10.
de subtili-
tate.*

2. *Pedibus caret.*] Quamquam neget Aristoteles auem vllam pedibus carere. Verùm loquitur de ijs auibus, quæ tum temporis notæ: (hæc enim superiore tantum seculo cum detectæ sunt Moluc-

Lib. 3. Moluccæ, in hominum cognitionem deuenit) narratque Gesnerus à singulis insularum illarū regulis numero quinque (totidem enim sunt insulæ) singulas istius generis aues dono missas Carolo 5. Imperatori.

3. *In aëre &c.*] Atque eâ re vocatur à multis auis paradisi: ab Insularibus verò dicitur Dei auicula, cuius consideratione multi de illis inducti sunt, ut animorum immortalitati assentirentur. Cæterum ista aëris inhabitatione docet nos ista auis, audire illud Ecclesiæ in solemni missæ officio denuntianti omnibus: sursum corda. Monet item imitari illud Apostoli: Nostra autem conuersatio in cælis est, vnde etiam *Ad Phil. lip. 3.* Saluatorem expectamus Dominū nostrum Iesum Christum, qui reformabit corpus humilitatis nostræ configuratū corpori claritatis suæ. Monet præterea *Ad Col. 3. 1.* audire illud eiusdem: Quæ sursum sunt quærite, vbi Christus est in dextera Dei sedens, quæ sursum sunt sapite, nō quæ super terram. Verū heu dolendū multo maximam hominum partem ita

terra

terræ adhærescere, rerumq; terrestrium amore teneri, quasi non ad cælestia essent vocati, neque de re alia cogitare vnquam, quàm de auro atque argento, terrâ nimirum flauâ atque albâ coaceruandis, de finibus suis atque possessionibus dilatandis, de vicinis agris per fas nefasue vsurpandis, de terrenis honoribus atque voluptatibus consecrandis: diceres eos non homines at talpas esse, qui oculis capti, in terra atque de terra victum trahunt, neque illis extra terram bene esse vsipiam potest. Atque vt ad istius volucris naturæ explicationem sese referat sermo, petet fortasse quispiam quemadmodum & quonam loco si in aëre degit semper, neque se ad terram demittit vnquam, oua ponat, ijsque incubet pullosque educet. Isti interrogationi ita respondet Cardanus. Masculi dorsum huius auiculæ sinuatur intus, in eamque cavitatem oua fæminam facere, ratio ipsa docet, cum & ipsa fæmina cauum habeat ventrem, vt sic vtraque cavitatem possit ouis incubare. Masculo hæret

hæret in cauda filū longius tribus palmis, coloris nigri, medium inter quadratum, rotundumue, neque crassum, neque admodum tenue, verum ei non absimile, quo crepidas cerdones consuere solēt: Hoc existimamus dum oua fœmina incubat alligari firmitus illam masculo. Hæc ille: quibus inter cetera Dei tum admiranda sapientia, tum in istam volucrem providentia confirmatur: quæque ideo protuli quia rariora sunt, neque vspiam simile habent exemplum.

TRIBVLATIO, *Vide* PATIENTIA.

VERBUM DEI.

§ 1.

ESSE illud audiendum atque velut cibum mentis recondendū in tempus hyemis, et docēt formicæ quæ æstate grana recondunt quibus vescantur hyeme.

ANNOTATIONES.

1. *Docent Formicæ.*] Conceptus iste est

est Augustini locis pluribus, maximè *In Psal.*
autem in Psalmum 66. qui æstatē vult *4. v. 9.*
esse prosperitatis tempus, & quietis ac *& con-*
tranquillitatis, hyemem autem facit *ira Adi-*
fortunam aduersam, iacturam bonorū *mans.*
orbitatem suorum, exhonorationem a- *c. 24.*
sum *ad ver-*
sum 1.

liquam atque humiliationem. Quem-
admodum autem redit formica ad id
quod æstate colligit, & intus in secre-
to suo, vbi nemo videt, æstiuis labori-
bus recreatur: & sicut quando ista col-
ligebat æstate, videbant omnes; cū
his verò pascitur hyeme, nemo videt:
Idem euenit istis qui fornicarum mo-
re cibum istum spiritus, sibi tempori
colligunt: Vide mihi, inquit, formicam
Dei: surgit quotidie, currit ad Eccle-
siam Dei, orat, audit lectionem, hym-
num cantat, ruminat quod audiuit, a-
pud se cogitat, recondit intus grana
collecta de area, atque hæc omnibus vi-
dentibus, fiunt. Formica illa est conte-
rens iter, portans & recondens in con-
spectu cernentium. Venit hyems ali-
quando, cui enim non venit? Accidit
damnum, accidit orbitas, cæteri mise-
rantur

rantur forte , vt miserum qui non norunt quid intus habet formica quod comedat , verbum Dei scilicet de aduersis æquo animo tolerandis quod mente condidit, quo iam pascitur, reficitur atque oblectatur . Cùm alter qui sibi cibum istum æstate non collegit: qui verbum Dei non frequentauit, hyeme cum casus aliquis irruet, aliquaue calamitas de transuerso , non sit, quo se pascat , habiturus , neque enim hyemis tempus est colligendi ; sed quæ æstate collegeris manducandi . Quàm multi enim tribulationem ita patiuntur, vt nō eis vacet nec legere aliquid, nec audire aliquid , nec forte admittuntur ad eos, qui eos consolentur : remāsit formica in cauerna, videat si collegit æstate aliquid , quo se auocet hyeme. Hæc perpaucis immutatis Augustinus quem consule omnino enarratione in Psal. 36. ad versum 20. vbi eadem ingerit, allato exemplo cuiusdam qui nuperrimè à Donatistis ad Catholicam Ecclesiam profugerat.

§ 2.

Effe Dei verbum auditum, mēte
pētractandum atque ruminan-
dum: docent ea animalia, quæ
cibum mansum rumināt, iterū illud ad
os reuocando, atq; exactiūs cōminuūt,
quo digeratur facilius, vt sunt boues,
oues &c. & inter pisces solus scarus.

ANNOTATIONES.

1. *Docent &c.*] Hanc ab animalibus istis sumptam doctrinam de Dei verbo ruminando passim exhibent sancti patres, vno contentus ero Gregorio, cuius quæ de ista re ipse in cantica, paucis cōplectar. Ad illa enim verba, *Psal. 9*
c. 8. Guttur tuū sicut vinum optimum, dignū dilecto meo ad potandū, labijsq; & dentibus illius ad ruminandum, hæc habet: Labia & dentes ruminant, quia dum perfectiores quique post auditum, verba ad memoriā reuocāt, dum audita quæque exercitatione assidua cogitant, quasi ad os reuocantes, quod sumpserunt, quanta sit virtus cibi, quem comederunt, sentiūt: idcirco in lege scribitur quod animal, quod non ruminat immundum habetur, quia quisquis

Q Q

bona,

bona quæ audit siue legit, non recogitat, vacās à sanctis cogitationibus, necessariò immundas congregat.

VERECUNDIA, *Vide* CASTITAS.

§ 1.

VERECUNDIAE magister sit Gallus gallinaceus, qui si cum altero depugnans succubuit, neque canit, neque præ pudore in hominū conspectum se dat, sed confusus in primam quamque latebram sese occultat. Mirus Elephanto pudor cū victus est, fugitque vocem victoris.

ANNOTATIONES.

1. *Præ pudore.*] Cū tanta sit peccatoris impudentia, ut nullius turpitudinis aut dedecoris eum pudeat: non quodd vili voluptatula succubuerit, non quodd dæmoni manus dederit, non quodd se, suâque dignitate maximè indigna gesserit, frons meretricis facta est illi, noluit erubescere: atque ut Sapiens: Vir improbus procaciter obfirmat vultum

tum suum, qui autem rectus est, corrigi-
git viam suam: etenim impius quam-
quam repræhendatur aut moneatur,
nullo mouetur pudore (qui in vultu se-
dem habet) sed vt Ezechielis verba *Pron. 11*
vsurpem, attritâ fronte & duro corde ^{29.}
tum pertinaciter in impietate suâ per-
seuerat, tum eam ipsam tuetur atque *Ezech.*
excusat impudenter, ac sine rubore be- ^{3. 7.}
ne monentibus fortiter resistit, atque
obstrepat, ijsque insultat.

VIGILIA, VIGILARE, *Vide*
LAUS DIVINA IN FINE.

§ 1.

VIGILARE seu orationis seu
cuiuscumque rei honestæ cau-
sa, docebunt ¹ Anseres qui &
noctu vigilant, atque excu-
bant, easque vigilias cantus assiduitate
testatur. Cui rei fidem faciat ² Roma-
num capitoliū, quod in Galli hostis
potestatem peruenisset, nisi ³ vigilan-
tes anseres cantu suo vigiles excitaf-
sent,

sent, qui eum ian⁴ conscendere paratum repulissent, Grues item noctu vigilant, atque vicissim excubant cæterarum custodiæ, dum ex conquiescunt. Leo cùm dormit, caudam mouet, quo ostendat se non omnino dormire, & somno vndequeque vinci, vt cætera animalia.

ANNOTATIONES.

1. *Anseres noctu vigilant.*] Quamquam nemo illis de vigilando quicquã præscripserit, licet etiam corpori suo tuendo tantùm vigilant, cùm hominibus non vt corporis, verùm vt animi incolumitatem seruēt vigilia præcepta fit. Quoties enim inculcatum nobis à Christo illud vigilate. Vigilare ergo, inquit, quia nescitis quâ horâ Dominus vester venturus sit. Illud autem scitote, quoniam si sciret paterfamilias quâ horâ fur venturus esset, vigilaret vtique, & non sineret perfodi domum suam. Ideo & vos estote parati quia quâ nescitis horâ filius hominis venturus est. Iterum: Videte, vigilate & orate, nescitis enim quando tempus sit.

Vigi-

Mat. 24

42. 43.

44.

Vigilate ergo (nescitis enim quando Dominus domus veniat, serò an media nocte, an galli cantu, an manè) nè cùm venerit repentè inueniat vos dormientes.

Nihil iam de Apostolorum ad idem vigiliæ studium cohortationibus afferam, quibus nihil magis in ore, sed & in calamo, quàm vt nobis diligentiam istam atque excubias commendarent, certum enim est nihil boni adepturum eum, qui somno deditus meliorem vitæ suæ partem dormiendo, id est nihil agendo consumit, aut vt veriùs loquar perdit. Non consequentur quidem vir-^{Prou. 8.} tutem, quam soli, vt ipsamet virtus lo-^{17.} quitur, qui mane vigilant ad me, inue-^{Prou. 8.} nient. Quare beatus, inquit, homo qui 34. 35. audit me, qui vigilat ad fores meas quotidie, & obseruat ad postes ostij mei; qui me inuenerit inueniet vitam & hauriet salutem à Domino.

Neque item sapientiam somniculosus consequetur, non enim nisi qui vigilauerint ad illam complectentur placorem eius, hoc est, quæ in ea est, sua-^{Eccl. 4.} 13.

uitatem, atque dulcedinem. Denique neque exteriora bona, quæcumque sint illa, indipisci poterit somni plus æquo amans, nimirum ad eius domicilium tendit quasi cursor egestas, & mendicitas quasi vir armatus: Quare prudēter monet sapiens: Noli diligere somnum, ne te egestas opprimat, aperi oculos tuos, & saturare panibus. Requiritur tum animi tum externa bona ad sui adeptionem, mētem viuīdam, vigilem, acrem, alacrem, excitatam, nō torpentem, non segnem, non inertem, non desidem, non tardam, non dormitantem, vestiētur enim pannis dormitatio, vt præclare Salomon.

Prou.

24. 31.

Prou.

23. 21.

2. *Romanum capitolum.*] Historiam

istam fusiùs descriptam vide apud antiquos tum historicos, tum Poetas quāplurimos; nihil enim ea vulgariùs.

Lib. 5.

Hexam.

cap. 12.

Lib. 2. de

ciui. Dei

cap. 22.

Eius item meminere Ambrosius, atque Augustinus; quorum ille falsè commemoratis horum anserum excubijs, Romanos irridet. Meritò, inquit, illi debes Roma quòd regnas. Dij tui dormiebant, & vigilabant anseres. Ideo

illis

illis diebus anseri sacrificas non Ioui. cædunt enim dii vestri anseribus, à quibus se sciunt esse defensos, ne & ipsi ab hoste caperentur, atque in eandem penè sententiam Augustinus faceret irridens deorum, quos colebant Romani, vanitatem.

3. *Vigilantes anseres.*] Afferuabantur isti anseres in capitolio Iunoni sacri.

4. *Conscendere paratum.*] Imò iam conscenderat de ijs vnus, quem anserum clangore excitatus M. Manlius, qui ei loco præerat correptis armis vmbone deturbauit Hic alios secum pondere corporis traxit in ruinam; Interea Romanis ad tumultum concurrētibus, Galli magnâ vi repulsi sunt.

5. *Non omnino dormire.*] Quod se obseruasse dicunt Aegyptij, atque ideo eū soli consecratum voluerunt, quòd sit eius similis, vt qui nunquam ab instituto cursu conquiescat. Aptè autem etiâ istâ vigilantia refert Leo dæmonē, qui tanquam leo rugiens perpetuoq; vigil, circum quærens, quem deuoret.

NOta est canum vigilantia atque excubiæ in custodiendis domibus, tuendis ouilibus &c. subdam vnum minus fortasse notum ex Aeliano; Sacrilegus quidam intempestæ noctis silentio sopitis æditui, Aesculapij templū, eius prædandi causâ ingressus est, atque vbi multa donaria furripuisset, seque latere putaret, discesum parabat. Verūm dormiētibus ceteris tēpli custodibus, canis ianuæ custos sollicitè excubabat, atque sacrilegū illū, quā validissimè poterat allatrabat: quod aduertēs ipse cum socijs eū primò lapidibus appetebat vt cōpesceret, tum pane atq; ossis demulcebat ne latraret, at frustra; quocūque enim se conferret, eū canis² latrando insequabatur, tandē agnitum est esse canem illum, templi excubitorē, atque cū obseruatū esset quænam ornamenta templo deessent, sacrilegus ille per tormenta rem totam confessus est, & capitis damnatus sacrilegij sui pœnas dedit.

Gallus gallinaceus ita noctu vigilat,

vt

Lib. 7.

cap. 13.

vt : tertiâ quaque horâ canat, ad idque à natura factus videtur, vt mortalium & somno interrupto, eos ad opera laboresque vocet, neque ijs incautis, solis ortum patiatur obrepere, diemque venientem vt 6 cantu nuntiet.

ANNOTATIONES.

1. *Canis excubabat.*] Quam indignum canes templi, rerumque sacrarum (vt ipsi quidem existimabant) custodiæ inuigilare, cùm homines quorum fidei atque vigilantia res istæ commissæ erant, altum dormiunt, quos ipsa loci sanctitas atque maiestas, Deique sui præsentia ad vigilandum prouocare debuisset : quibus stimulis cum careret canis, excubat tamen atque vigilat : tam sunt in multis homines canibus deteriores.

2. *Latrando.*] Atque isto latratu sacrilegum prodidit; quo docentur homines criminosos, eosque qui bono publico sunt infesti, cuiusmodi sunt hæretici, homicidæ, adulteri, fures, accusare

cusare atque detegere, contra quàm à multis fit, qui ijs receptum dant, eosque magno Reipublicæ detrimento occultunt.

3. *Tertia &c.*] Nota quemadmodum naturale horologium prouidit Deus ijs, qui ruri habitant, multo etiam artificialibus certius. Sed quis gallo indicat transactas esse horas illas, esseque tempus canendi? Respondet Plinius eum nosse sydera, solisque ortum atque occasum, quo occidente concedit cubitum, cuiusque ortum cantu se præfagire testatur, atque ideo cœlum (quod soli isti volucris conuenit) crebro intuetur. Hanc Galli scientiam videtur in-

Iob. cap. 38. v. 36. nuere Deus apud Iob, cùm ex eo sciscitatur. Quis dederit Gallo intelligentiâ? tum istam de qua modò, tum intelli-

Lib. 10. cap. 21. gentiam gloriæ, (de qua ita Plinius: Gloriam sentiunt hi nostri vigilantes nocturni) tum aliarum rerum, de qua idē,

Lib. 14. & Aelianus pluribus.

cap. 28. 4. *Somno interrupto.*] Quasi non sit ignarus damnorum, quæ à somno nimio: qui quidem caput grauat, corpus totum

totum tardum efficit, ac torpens, enervat vires, prauos auget humores, quia multas gignit superfluitates, quæ manè ordinariè expurgantur excreatione alijsque modis. Denique sensibus externis ac visui maximè obest plurimum. Atque ideo solitus erat Plato suos monere vt nocte surgerent ad res tum publicas tum priuatas obeundas, somnum enim immodicum & animo & corpori obesse dicebat, parumque mortuum inter & dormientem interesse: itaque vt quisquis viuere & sentire cuperet, sic vigilare oportere, quantum id salua corporis valetudine fieri posset. Plinius vitam hominum vigiliam aiebat esse. Ariston autem breue admodum esse viuendi tempus homini contributum, cum somnus veluti publicanus dimidium auferat.

5. *Eos ad opera.*] Atque maximè ad orationem quæ sub auroram & summo mane est optima, animo nondum in diuersas partes cogitationesque, vt per diem fit, dissipato. Quæ causa fuit quamobrem tempus illud isti exercitio

*Lib. de
legibus.*

ab vniuersis Dei cultoribus semper datum sit: Deus Deus meus (ita de se Dauid) ad te de luce vigilo. Et alias: *Psf. 62.1* Quoniam ad te orabo Domine, mane *Psf. 5.4.* exaudies vocem meam. Manè astabo tibi & videbo quoniā nō Deus volens *Cap. 16.* iniquitatem tu es. Anima mea (verba *2.* sunt Isaia) desiderauit te in nocte, sed & spiritu meo in præcordijs meis de mane vigilabo ad te. Quorum imitatione B. Petrus nunquam post gallicinium conquiescebat, verū ē stratu surgebat orationis, atque peccati sui lachrymis eluendi causā, quod quidem sub illud tempus ab eo commissum erat.

6. *Cantu.*] Qui non est tota nocte æquabilis aut vniformis, nam vt obseruatū à Gregorio est, profundioribus *In cap. 38. Iobi.* horis noctis, valentiores ac productiores edere cantus solet, cum vero matutinum iam tempus appropinquat leniores & minutiores omnino format voces.

VINDICTA, *Vide* MAGNANIMITAS, INIVRIA, PATIENTIA.

§ 1.



Vindicta sese abstinere doceat
leo, ne saeva istius belluae simi-
les fiamus; Narrat Aelianus, *Lib. 7.
cap. 23.*
cum Iuba Rege qui cum ma-
gnis copijs per desertum proficiscebatur,
profectum item adolescentem
quendam sagittandi peritum, qui leonem
sagitta vulneravit, non ei tamen
mortē intulit: cumq; rex cum suis
iter suum acceleraret, leo vulnere ex-
cepto statim se subduxit, atque adoles-
cens cum cæteris discessit. Anno post,
Iuba rebus præclare gestis cum iisdem
copijs eadem viâ regressus est ad eum
locum, ubi anno ante, leo vulnus ex-
ceperat, qui adolescentem in magnâ li-
cet militum turbâ cōsistentē, (à quibus
omnibus leo impetum suum cōtinuit)
corripuit, ac furore suo, quem tādium
seruarat, in illum (quem ab alijs pro-
bè internouerat) effuso, in partes dis-
cerpsit.

Iterum

Iterum à vindicta alienum esse doceat aliâ viâ idem, qui eum quidem qui tela miserit sed non vulnerauerit correptum raptumque sternit, non vulnerat tamen.

ANNOTATIONES.

1. *Ne saue &c.*] Modum istum quo nos docent bruta vide verbo Adulter ex Basilio atque Ambrosio.

2. *Furore suo &c.*] Vide mihi quid à leone isto differat, qui cùm acceptâ iniuriâ se vlcisci nequeat, vindictam in posterum reseruat, & plures etiam annos expectat, dum eius faciendæ occasionem sit nactus. Leoni quidem id cōcedendum est, aliâs leo non esset nisi sauius esset, acceptamque iniuriam referret: contrâ qui eum æmulatur, homo esse definit, atque in bruti naturam degenerat. Neque leoni quidquam est, quo naturæ motus comprimat, homini autem adest ratio, quâ eum idcirco præditum voluit Deus, vt ea in omnes animæ motiones dominaretur. Omitto leonem neque minis neque promissis à vindicta auocari, cùm vtrisque & validissi-

diffimis quidem, ab ea mortales reuocentur, ex quibus efficitur multò hominem leone deteriore, atque vindictæ appetentior.

§ 2.

Idem doceant Apes, quæ si ferientem se referunt aculeoque pungunt, immoriuntur aculei sui vulnere.

ANNOTATIONES.

1. *Immoriuntur.*] Per hoc animal, (verba sunt Chrysostomi) erudiuit nos Deus, ne proximum lædamus: ipsi enim primi mortem ex eo capiemus, & ipsos forsitan parum lædemus quidem (quantulum enim nocet aculei punctio) ipsi verò non amplius viuemus, animæ vitæ scilicet, quæ Dei amicitia continetur, cuius iacturam facit homo vindictâ, quin & vindictæ sola appetitione.

VIRGINITAS, Vide CASTITAS.

§ 1.

VIRGINITATEM seruare discemus ab iisdem Apibus, quarum integritas

gritas virginalis tū : à prophanis Au-
thoribus, tum à sacris celebratissima.
Nullo miscentur apes concubitu, nec
libidine resoluuntur, & tamen subito
maximum filiorum examen emittunt
2 è folijs & herbis ore suo prolem le-
gentes. 3 Vultures item asserunt esse
virgines, atque sine vlllo masculorum
concipere semine, & sine coniunctio-
ne generare, atque ex ijs natos diutis-
sime viuere etiam ad annos centum.
4 Phœnix coitus corporeos ignorat (di-
cā Ambrosij verbis, quib⁹ enim possim
elegantius?) libidinis nescit illecebras,
sed de suo surgit rogo sibi auis super-
stes, ipsa & sui hæres corporis & cine-
ris sui fatus. Denique vermis sine car-
nis commixtione nascitur.

ANNOTATIONES.

1. *A prophanis.*] Et poetarum qui-
dem princeps ita eas celebrat.

*Illum adeo placuisse apibus mirabere morē,
Quod nec concubitu indulgent, nec corpora
segnēs*

*In Venerem soluant, aut fatus nexibus
edunt,*

Verum

*In ps.
118.
serm. 19*

*Lib. 3.
Georg.*

Verum ipsa folijs natos, & suauibus herbis
Ore legunt.

2. *E folijs, herbi[sque]* Ita Aristoteles, ^{Lib. 3. hist. animal. c. 21}
 qui & addit flores ex quibus fœtura
 proli futuræ colligatur, nempe flores
 cerinthi, arundinis, atque oleæ, quod
 postremum inde confirmat, quod cum
 oliuarum prouentus fit largior, tunc
 plura examina prodeant. Quemadmo-
 dum autem fiat ista prolificatio docet
 Plinius. Quod certum est, inquit, gal- ^{Lib. 11. cap. 16.}
 linarum modo incubant. Id quod ex-
 clusum est primum vermiculus vide-
 tur candidus iacens transuersus, adhæ-
 ren[s]que ita vt pascere videatur. Qui
 plura volet de ista re, legat sequentia
 Plinij.

Porro ex ista Apum sine commix-
 tione sexuum generatione confirmat
 Lactantius potuisse nasci Christum de
 virgine matre. Ambrosius verò inde <sup>Cap. 8. diu. In-
 st. l. 1.</sup>
 virgineos format mores. Quàm te ve-
 lim, inquit, filia imitatricem esse hu- <sup>Lib. 1. de Virgini-
 bus pau-
 lō post
 medium.</sup>
 ius apiculæ, cui cibus flos est; Ore so-
 boles legitur, ore componitur. Cætera
 longè pulcherrimè vide apud illum.

R R

3. Vul-

Lib. 5.

cap. 20.

3. *Vultures.*] Ambrosius considerata ista vulturum integritate ita exclamat. Quid aiunt qui nostra solent ridere mysteria, cum audiunt quod Virgo generavit, & impossibilem innuptæ, cuius pudorem nulla viri consuetudo temerasset, existimant partum? Impossibile putatur in Dei Matre quod in vulturibus possibile non negatur? Avis sine masculo parit, & nullus refellit, & quia desponsata Virgo Maria peperit, pudoris eius faciunt quæstionem.

4. *Phænix.*] Vide Annotationem superiorem.

5. *Vermis.*] Et quoniam Christus sine carnali commixtione natus est de Virgine, ideo ex mente Augustini, vocat se per psalmographum vermẽ. Ego autem sum vermĩs & non homo. Cæterum si animantes istæ virginitatem colunt, cur eam non possint homines colere quibus tot ad eam stimuli atque cohortatores? Christi nempe atque sanctissimæ eius Matris exemplum, quorum vestigijs infinita vtriusque sexus multitudo tam fæliciter quàm gene-

generosè infistens , nescijt labem niuei pudoris: Tum integritatis & in ista & in futura vita perquam maxima præmia , quæ faciliè concionatori occurrerent, cùm nullum sit argumentũ quod à pluribus tractatum sit, quàm istud de laudibus virginitatis.

V I T A.

§ I.

VITAE breuitatis memoriã ingerunt animalia ephemera , ita dicta quod vnum tantum diem viuunt: ea ex face vini originem trahunt , apertoque dolio statim vt in lucem suscepta sunt, è vita excedunt.

Meminit Aristoteles : certæ bestiolæ apud Hypanim fluuium, quæ vnum diem viuit , 2 sub lucem enim matutinam nascitur , atque ad solis occasum extinguitur.

ANNOTATIONES.

1. *Certæ bestiola.*] De qua ita Plinius: Lib. 32.
Hypanis fluuius in pôto circa solstitiũ, cap. 36.

R R 2

defert

desert acinorum effigie tenues membranas è quibus erumpit volucris quadrupes, maioris muscæ magnitudinis, nec ultra diem viuit, vnde hemerobios vocatur.

2. *Sub lucem &c.*] Est itaque ei sol oriens infantia: meridianus, ætas consistens & virilis; occidens senilis & decrepita, & inde statim mors. Et quamquam mortalium vita nonnullis longior videatur, vt qui dies multos, quin & annos viuunt, attamen multo est quàm istorum animalculorum breuior, si dies quidẽ ex Dei sensu atque Arithmetica metiamur, apud quem dies vna sicut mille anni; nemo autem adhuc vixit annos mille, neque igitur diẽ vnã, prout ea à Deo numeratur. Ad-
do & alio sensu esse breuiorem, nisi mendaces sunt scripturæ, quæ vitam
nostram modò fumo, modò vmbra, modò vaporì comparant, quæ omnia
eodem penè momento, quo se profertur, euanciscunt. Est denique mortalium vita non breuissima modò & fugatissima, sed & quasi non esset, cuius

Pf. 101.

4. & 12.

Iacobi

4. 25.

Iob 8. 9.

ius rei gratia vocatur à sanctissimo Io-^{Cap. 7.}
 bo ipsum nihil: parce mihi, inquit, ni-^{16.}
 hil enim sunt dies mei. Nostrium est
 igitur hoc vitæ puncto, & quasi nihilo
 non abuti ad libidines, ad delideria
 multa nociua & inutilia, quæ mergunt
 homines in interitum & perditionem,
 ad sequendos honores, ad coaceruan-
 das opes: at dum durat punctum istud,
 & donec hodie (vt Paulinis vtar ver-^{Hebreo.}
 bis) cognominatur, vitam degere in^{3. 13.}
 iustitia & sanctitate, atque in timore
 (vt loquitur Petrus) incolatus nostri
 tempore conuersari. Denique quia tē-
 pus ita breue est, reliquum est vt & qui
 habent vxores tanquam non habentes
 sint, & qui flent tanquam non flentes,
 & qui gaudent tanquam non gauden-^{1. Cor. 7}
 tes, & qui emunt tanquam non possi-^{29. 30.}
 dentes, & qui vtuntur hoc mundo^{31.}
 tanquam non vtantur, præterit enim
 figura huius mundi.

VOLVPTAS, *Vide* MORTIFICA-
TIO, GVLA, MVNDVS, MVSICA.

§ 1.

VOLVPTATIS malum esse exitum ideoque eam fugiendam, docebunt pastinacæ marinæ, quas ita irretiunt piscatores, saltant in naui & canunt quàm possunt suauissimè. Illæ verò tum i. musicæ concentu oblectatæ, tum saltatione, sese ad summam aquam efferunt, atque adnant propius: tum sensim recedentibus piscatoribus in parata retia incidunt. Itaque præter omnem expectationem dum voluptate totæ mulcentur, nihilque reformidant, inopinatò capiuntur. Vide aliud v. Musica § 2. Panthera miram ex sese odoris suauitatem emittit, quâ & ceteræ animantes mirè recreantur. Ipsa igitur cùm cibi est egens sese in loca fruticibus densis confita, vel folijs vestita ita occultat, vt inuentu difficilis, tantùm respiret. Tum hinnuli, dorcades, capræ syluestres, atque alia huiusmodi
ani-

animas, quadam ⁊ suavis odoris illecebra attrahuntur, & proximè accedūt. Illa tum mox de latebra exiliens, prædam comprehendit, & quicquid sibi vsui futurum est, mactat.

ANNOTATIONES.

1. *Musica concentu &c.*] Tum musica ista, tum saltatio, tum qui postea sequitur pantheræ odor lōgè suauissimus, optimè referunt voluptatem quæcumque sit illa (quæ quidem citra animæ mortem gustari nequit) qua dæmon miserum hominem deceptum in nassam suam pertrahit, atque instar pantheræ summa crudelitate deuorat. Bruta quidem illa facile est excusare, eorumque imprudentiæ veniam dare, quando sibi structas insidias ignorant, neque norunt ita tristem fore luctuosumque voluptatis istius exitum; sed num id excusationis loco proferre possit qui peccat, quem toties tantaque efficacitate commonefaciunt scripturæ, in amaritudinem luctumque conuersum iri voluptates omnes? Quoties enim illa audiuit Sapientis? Ritus dolo-

re miscebitur, & extrema gaudij luctus
Pro. 14. occupat. Ne intuearis vinum (quod
23. idē de omni voluptate intellige) quan-
Pro. 23. do flauescit, cum splenduerit in vitro
31. 32. color eius; ingreditur blandē, sed in nouissimo mordebit vt coluber, & sicut regulus venena diffundet. Quoties illud Amos: conuertam festiuitates vestras in luctum, & omnia cātica vestra in planctum, & inducam super omne dorsum vestrum saccum, & super omne caput caluitium, & ponam eam quasi luctum vnigeniti, & nouissima eius quasi diem amarum. Quoties illud Iob
Cap. 20. auribus eius insonuit, panis eius (voluptatis quæ instar panis videtur reficere) in vtero illius vertetur in fel aspidum intrinsecus. Cū satiatus fuerit (voluptate, quæcumque sit illa) arctabitur, æstuabit, & omnis dolor irruet super eum.

Peccantium mihi crede omnium tandem erit ista vox, quæ eadem & fuit
1. Mac. impij regis Antiochi: In quantam tribulationem deueni, & in quos fluctus
6. 11. tristitiæ in qua nunc sum, qui iucundus
 eram,

eram, & dilectus in potestate mea? Tri- *Rom. 1.*

bulatio enim & angustia (quantumuis
fera sit) in omnem animam hominis o-
perantis malum : quæ adeò vera sunt
omnia, vt ijs penè quotidiana euenta
peccantiumque supplicia, dolores, ge-
mitus, anxietates, amaritudines, soli-
citudines, quæ in oculos incurrunt no-
stros, fidem concilient: quare pruden-
ter monebat Aristoteles, vt voluptates
contemplaremur non venientes, sed
abeuntes: Venientes enim fucatâ spe-
cie blandiuntur: abeuntes verò pœni-
tentiam ac dolorem relinquunt; &
quemadmodum (inquiēbat Seneca) fe-
ras cum labore periculoque venamur,
& captarum quoque sollicita possessio
est, sæpe enim laniant dominos. Ita
magnæ voluptates in magnum haben-
tis malum euasere, captæque cepere.
Quæ quo plures maiōresque, eò ille
minor, ac plurium seruus est, quem
fælicem vulgus appellat. Longè est
igitur brutis ipsis deterior homo, qui
tot licet ab infano voluptatum amore
tantorumque virorum clamoribus re-

*De vita
brut. c.*

14.

uoca-

uocatus, edoctusque nunquam illas la-
to fine claudi, non tamen ab ijs sese
abstinet.

2. *Suavis odoris &c.*] Vnde patet
contra quosdam, non solum à brutis
odores eos percipi, qui ad alimenta nō
pertineant (quod tum isto exemplo,
tum canum venaticorum, qui florum
odore, quo nimirum eorum tenentur
sensus, impediuntur à ferarum inquisi-
tione, planum fit) at etiam ijs dele-
ctari; Neque enim dici potest animalia
ista, quæ pantheræ odorem etiam cum
vitæ periculo sequuntur, id facre causæ
alimenti (nec enim panthera cedit ijs
in pabulum) igitur id ab ijs fit quod
eius odore delectantur. Et sanè cum
bruta ex alijs rebus accipiant oblecta-
tionem, cur eam quæ ex istis odori-
bus provenit, ijs denegemus? Nam
ideo concedimus hominem odoribus
delectari, quia odores offeruntur eius
appetitui tanquam utiles convenientesque naturæ: atqui simili ratione præ-
dicti odores repræsentantur brutorum
appetitui sub aliqua specie convenientiæ,

tia , quæ pariat delectationem, quod patet isto exemplo ferarum pantherarum insequentium : licet id dandum sit, bruta odoribus non tam insigniter capi, quàm homines, quod observatum à Scaligero est.

*Exerci-
tat. 33.
in Car-
danum.*

Z E L V S.

§ I.

ZELVM honoris Dei, bonique Ecclesiæ status doceant canes , qui pro dominis suis eorumque testis tuendis & ignotos atque hostes allatrant.

ANNOTATIONES.

1. *Ignotos allatrant.*] Disce & tu (inquit Ambrosius , qui cum nobis *lib. 6.* sese toto istius tractationis decursu fi- *cap. 4.* dum atque utilem præstiterit viæ comitem , dignus est qui in ea extremum loquatur) vocem tuam exercere pro Christo , quando ouile Ecclesiæ occursant lupi graues . Disce in ore tuo verbum tenere , ne quasi mutus canis


canis commissam tibi fidei custodiam
quodam prauaricationis silentio de-
seruisse videaris.

• **A**Tque hæc de morum disciplina à
brutis petenda, pro exemplorum
quidem quæ occurrebant multitudine,
pauca: at pro instituti mei ratione mul-
ta satis. Nempe id mihi ferè labore
isto propositum fuit; vt flagrantis
caniculæ æstus, afflictamque ab eo
valetudinem iucundiore aliquo stu-
dio, quodque minorem animi con-
tentionem, attentionemque postula-
ret, nonnihil leuare conarer. Quod
si & id insuper affecutus ero, vt
labor iste quamquam leuior, bo-
no publico vsui futurus sit; erit sanè
quod mihi gratuler, cum priuatum
bonum meum, à communis boni ra-
tione (quam & Christi Domini dis-
ciplina, peculiarique Societatis IESV
institutione in omnibus spectare de-
bemus) deprehendam non alienum
exstitisse. Quod & animos addet,
vt

vt (si id quidem è re publica at-
que animorum futurum sit) ad opus-
culum istud locupletandum, animum
appellam.

*Ad maiorem Dei Opt. Max. Vir-
ginisque Matris gloriam.*

FINIS.



Errata.

P Ag. 6. in titulo lege virtutum. p. 9. l. accommodes
 Ibidem l. 4. in fine dele eum. p. 23. l. assequatur. p. 24.
 l. dic quomodo. p. 89. l. pura vi. p. 93. l. At quibus inquires?
 Tunc &c. p. 94. linea vlt. ante Neque verò pone §. 3. p. 97.
 l. extremam. p. 100. numquid l. num quid. p. 104. l. equum,
 mulum. p. 112. l. coniugum. p. 118. l. cui nomen. p. 139.
 pone punctum post præstat. & lege: Deprehendet item.
 p. 142. l. innitatur. p. 144. l. ceruas. p. 159. l. in Accipitre.
 p. 172. l. confertis. p. 184. l. ipse. p. 187. l. Verum & à Dei
 cultu. p. 196. l. conuersionibus. p. 205. l. mutuata p. 219.
 l. distinctione. p. 225. l. cerui. p. 236. l. insigniuit. p. 240. l.
 zùm ijs. p. 292. l. indicem. p. 315. l. næ. p. 325. Honor &c.
 lege tanquam nouum titulum. p. 331. l. peculam. p. 334.
 lin. vlt. post reformidant, pone punctum. p. 348. lin. 3.
 l. nam quemadmodum. p. 355. l. indicem. p. 356. l. ceruus.
 p. 363. l. vltroque. p. 366. qua quidem re vsque ad probri,
 include parenthesi. p. 372. tota l. tot à. p. 381. l. pen. l.
 iubilus. p. 390. id neque, dele id. p. 396. in margine. l. in
 cap. 6. 2. p. 401. in margine l. Plutarchus. p. 407. l. altori. p.
 415. l. efferunt. p. 445. lin. 10. dele enim. p. 519. l. pura.
 p. 527 l. librat. p. 545. l. defecerant. p. 547. l. de se. p. 549.
 V. Respublica, lege ista consequenter Labor §. 2. Religio
 &c. neque enim Religio est nouus titulus. p. 573. lin. 6.
 ipsa. p. 586. l. vlt. Ita tibi. p. 588. lin. 20. de qua. p. 603. l.
 Manucodiata.





